



UTL AT DOWNSVIEW




D RANGE BAY SHLF POS ITEM C
39 10 11 05 06 003 3

DR
440
A33
v.1
pt.11-14

Ahmet Mithat
Kā'ināt

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY



Ahmet Mithat, 1844-1912
Kā'ināt

کائنات

کتبخانه تاریخ

DR

440

A33

برنجی قسم

V, 1

اوروپا

pt. 11-14

برنجی قسمک اون برنجی جلدی

نورتل

محرری

ملاحظت

ترجمان حقیقتہ « تفرقه اولہرق درج و نشر
اولندقدن صکرہ آیہ بیجہ کتاب اولہرق طبع اولنشدن

استانبول

۱۲۹۸

پورتغال

1015450

اليوم هولاندا ايله بلچيكا دولتلىرى بشقه بشقه برر
دولت مستقله اولدقلى حالده بونلر يكديكرندن شو
افتراق واستقلاللارى هنوز يك يكي برشي اولمقدن ناشى
مورخلر بوايكي مملكتى « په يى با » نامى التنده برلشديره.
رك ايكيسنه برتار يخ يازدقلى كې بعض مورخلر
اسپانيا شبه جزيره سنى دخى يكپاره بر اولكا اتحادايدرك
يالكر برتار يخ يازوب پورتغال دولتنى نوعا بر اسپانيا
ولايتى حكمنده كوستر لر ايسه ده پورتغالك اسپانياه
محكوميت ومنسوبى بالنسبه يك آزر زمانه مخصوص
اولوب اندن ماعدا عصر لر جه مدت ايچون پورتغال
كنديسنى تار يخ عمومى يه باشلى باشنه طائديرمش
اولديغندن بز بوراده اولكاي مذكورك شو تفردينه
رعاية احوال تار يخيه سنى مستقل بر جلرده اجمال
ايده جكر .

برده مقدمه جگمزده شونی دخی اخطار ایدلم که
 جغرافیا کتابلریمزك همان كافه سنده بو مملكتك اسمی
 «پورتگیر» دیو قید و تحریر اولنمقده ایسه ده بو صورت
 یا کیش بر تسمیه در . «فرانسه» و «فرانسز»
 دینلیدیکی و یا خود «انکلتره» و «انکلیر» تعبیر
 اولندیغی زمان بویکی لفظلرک اره سنده حکماً نه فرق
 و ارایسه «پورتغال» و «پورتگیر» لفظلری اره سنده
 دخی او فرق وارد ر . یعنی «پورتغال» او قطعه نك
 اسمی اولوب «پورتگیر» ایسه قطعه مذکوره یه
 منسوب اولان بر آدم و یا خود بر شیئی افاده ایدر .
 نصل که «انکلتره» بر قطعه نك اسمی اولوب
 «انکلیر» دخی او قطعه یه منسوبیت بیان ایلر .
 بعضی اسکی مؤلفلرک دخی «پورتغال» یرینه «پور-
 تقال» یازمش اولدقلری و بوکا دخی عادتاً او مشهور
 میوه معناسنی ویردکلری دخی کورلمشدر . ظن
 اولنورکه بونلر پورتقال دینلان میوه نك عن اصل
 او مملکتدن انتشار ایلش اولسی اعتقادیه بویله
 یازارلر . حالبوکه «پورتغال» لفظنك مشتق اولدیغی
 شی بویله بر میوه معناسنه اولان بر لفظ دخی دکلدر .

بوکله « پورت » و « غال » لفظ لرندن مرکب اولوب
 برنجیسی « لیان » معناسنه کادیکی و ایکنجیسی دخی بر
 ملت قدیمه نك اسمی اولدیغی جهتله « غال لیانی »
 معناسنه اوله رقی اورایه « پور تغال » تسمیه اولمشدر .

(پور تغالک اچال احوال جغرافیه سی)

پور تغال اولکاسی جغرافیون زنده اوروپا
 حکومت جنوبیه سنک غربدن شرقه طوغری تعداد
 ایتک صره سیله برنجیسی عد اولنور . اوروپا
 قطعه سنک جنوب غربی گوشه سنی تشکیل ایلان
 اسپانیا شبه جزیره سنک تبری طرفنده واقع بر کوچک
 اولکا درکه شمال و شرق طرفلرندن اسپانیا اولکاسی
 و جنوب و غرب جهت لرندن دخی اطلاس دکزی ایله
 محدود و محاطدر . بو اولکا ۳۷ دن قرق ایکی درجه
 عرض شمالی اره سنده واقع اولغله اناتولی و استانبول
 کی غایت معتدل و لطیف اولوب لیون و زیتون
 و سائر بومقوله ممالک معتدله یه مخصوص نازک میوه لر
 یتشدر مکه دخی قابایت عظیمه سی وارددر . قطعه
 شمالدن جنوبه طوغری طولانی برشکده اولوب طولی
 ۵۷۶ کیلومتر و اولدیغی حالدده عرضی انجق ۱۶۸

کیلو متر و در . نفوس موجوده سی دخی درت ملیونی
تجاوز ایدر . شو قدر که پورتغال دولتک تکمیل
ممالک و نفوسی یالکز بوندن ده عبارت دکلر . اطلاس
دکزنده واقع آثور و مادر اطلس لری و افریقاده واقع
یشیل برون و قونغو و سن توماس اطلسی و موزامبیق
قیودانلخی و آسیاده واقع دیو و دامن و غوا و ماقانو کی
اورو یا خارجنده دخی بر چوق مستملکاتی واردر که
یونلر ده مجموع نفوسی اوچ ملیونی تجاوز ایلدیکندن
پورتغال دولتک عموم نفوسی یدی ملیوندن متجاوزدر .
سطح اراضی پورتغالده غایت طاغلق اولوب
اووهلق محللر بالنسبه پک آزدر . منبعلی اسپانیاده
اولان مینو و دورو و تاژ و غوادیا نا نه رلی پور .
تغال ممالکنه کیره رک بحر اطلسه منصب اولورلر .
یونلردن ماعدا داخل مملکتده پیدا اوله رق کرک بو
درت یسوک نه رله و کرک دکزه منصب اولان ده ا بر
طاقم دره لر واردر . اشبو نه ر و دره لر اروا و اسقا
ایلدک لری محللر هوانک دخی زراعتجه لزومی اولدیغی
وجهله حرارتدن طولایی غایت منبت و محص و لدار
ایسه لرده پورتکیرلر زراعتده ترقی ایده مامش اولد .

قلرندن طبیعت موقعیہ لرندن لایق وجهله استفاده
ایده مزلر • مع هذا پورتو و ستوبال و قارقاولوس
دیه اوروپانک و بلکه دنیانک هر طرفده نامدار اولان
پورتغال شرابی پورتکیرلرک باشلیجه سرمایه تجارتلری
اولش و زیتون و اجیر و پورتقال و لیون و بال
محصوللری تا انکله ریه قدر کوتوریلوب کمال رواج
ایله صاتمفذه بولمشد •

پورتغال طاغلرنده التون و کوموش و تیمور و
قورشون و قلائی و آنطیمون و طوز و کورو و سائر
معادن پک چوق ایسه ده بونلر پک فنا ایشلتیکده
اولدقلرندن پورتکیرلر معادن مذ کوره محصولاتیاه
تجارت ملیه لرینی پک ده توسیع ایده مزلر • یالکز
قیاطوزلرینی بعض ممالک متجاوریه کثرتلیجه اوله رق
اخراج ایدرلر • بومملکتک چوبانلری قره صخر حیوا
ناتسه اوقدر اعتبار ایتیوب اکثریا « مرینوس »
دیلان نوعدن کیتلی قویون بیلرلر • اوراده غایت
اعلا قاطرلر دخی یتیشوب اسپانیا و فرانسه و فاس
طرفلرینه نقل رفروخت اولنور • صنایع عادیه اول
قدر ترقی ایده مامشدر • صنعت نسجیه و زجاجیه ایله

تیمور جیلاک بالنسبه براز تر قیده اولوب انلردخی انجوق
احتیاجات داخلیه یی تسویه ایده بیله جک درجه ده در .
یالکز چوقولاتو اعمالی براز شهرت المشر .

ایمدی زراعت و چوبانلق و صنعتجه پورت کیر لک
فقدان تر قیلری کندیلرینی اکثریتله کمچیلکه و با .
لقجیلغه سوق ایتش ایسه ده بو یوزدن حاصل اولان
تجارتک ده الک بیوک تمتعاتندن همان منحصرأ کبی بر
صورتله انکلیر لر مستفید اولور لر . زیرا احوال
تاریخیه یی ایضاح ایلدیکمز زمان کوریلوب اکلشیله .
جغی وجهله بوقطعه ایچه بر زمان انکثره محکومیتی
التنه قالوب انکلیر لر اوراسنی عادتاً کندی مستملکات
خارجیه لرندن بریسی ایش کبی اداره انیشلردر .

بو دولت بر قانون اساسییه تبعیتله حکومت
مشروطه صورتنده اداره اولنور ایسه ده برأ اولسون
بحراً اولسون شوکت عسکریه سی کندی وسعت
اراضی و مقدار نفوسنه متناسب دکلدر . نمالک مذ .
کوره ده اغلیت اوزره حکم سورن مذهب قاتولیک
مذهبی اولوب نصرانیتک مذاهب سائر هبی اوراده
هیچ یوق دینله جک درجه ده در . بر مقدار دخی یهودی

وارایسه ده یالکز کلیاً محو ایدلد کیری بونلر حقتده بر
نعمت اولق اوزره جغرافیا کتابلرنده دائماً باشلرینه
قاقیلور .

(پورتغالک تقسیمات تاریخیه سی)

وقوعاتک انقطاع ایلدیکی باشلیجه زمانلردن پور
تغال تاریخک بابلری و فصللری ایچون تقسیمات اساسیه
یایمق لازم کلدیکی زمان بو اولکانک تاریخنی درت بابیه
تقسیم ایتک اقتضا ایدر که برنجی باب پورتغالک تاریخ
نظرنده طایفه باشلادیغی زماندن بدأ ایله ۱۱۳۹ سنه .
سنه ایلك استقلالنی قازاندیغی زمانه قدر اولان وقو-
عائی جامع اولور . ایکنجی باب مذکور ۱۱۳۹ سنه .
سندن بدأ ایله ۱۵۸۰ سنه میلادیه سنه قدر ممالک مذ-
کوره ک کشفیات بحریه جه صورت ترقیاتی حکایه
ایدر . اوچنجی باب دخی ۱۵۸۰ سنه میلادیه سندن
۱۸۲۰ سنه سنه قدر پورتغالک اسپانیا و فرانسه
وانکارته مثللو برطاقم دولتره محکوم اولدیغی زمانلرک
وقوعاتنی متضمن اولور . دردنجی باب ایسه مذکور
اولکانک احوال اخیره تاریخیه سنی مبین اولور .
ذکر اولنان ابواب اربعه یی فصللره تقسیم ایتک

لازم کنبه : برنجی بابی اوچ فصله تقسیم ایلک اقتضا
ایلرکه برنجی فصلده پورتغالک تاریخ نظرند طائمه
باشلادیغی زماندن بدأ ایله میلادک ۱۴۰ سنه مقدمده
رومالور طرفندن فتح اولندیغی زمانه قدر احوال
تاریخیه سی ذکر اولنور . اینکنجی فصلده ذکر اولنان
۱۴۰ سنه مقدمندن باشلایه رق عربلرک تاریخ استیلاسی
اولان ۷۱۱ سنه میلادیه سنه قدر کذران ایلین احوال
حکایه ایدیلور . اوچنجی فصلده ایسه مذکور ۷۱۱
سنه سندن بدأ ایله ۱۱۳۹ سنه میلادیه سنه پورتغالک
ایلک استقلالانی استحصا ال ایلدیکی زمانه قدر اولان
وقوعاتی اجمال اولنور .

اینکنجی باب درت فصله تقسیم ایدیلرکه برنجی
فصلنده ۱۱۳۹ سنه سندن ۱۲۵۳ سنه سنه قدر پورتغال
لک اوروپا قطعه سنبه اطراف وجو وارندن توسیع
حدود ایلدیکی ذکر اولنوب اینکنجی فصلنده ۱۲۵۳
سنه سندن ۱۳۸۳ سنه سنه قدر ایلک خاندان اصلینک
بقیه مدتده کوریلان ترقیات خبروریلور . پورتغالک
اصلک پارلاق دور کشفیات بحریه سی مدتی حاوی
اولان اوچنجی فصل ۱۳۸۳ دن ۱۵۳۱ سنه سنه قدر

دوام ایلوب دردنجی فصلده دخی ۱۵۳۱ دن ۱۵۸۰
سنه سنه قدر پورتغالک محکومیت سریره سی مقدماتی
حکایه قلنور .

اوچنجی باب اوچ فصله تقسیم اولنه رق برنجی
فصلده ۱۵۸۰ سنه سندن ۱۶۴۰ سنه سنه قدر پورتغالک
اسپانیا دولته مدت محکومیتی وایکنجی فصلده ممالک
مذکور دنک ۱۶۴۰ دن ۱۷۰۳ : سنه سنه قدر اعاده
استقلال ایله برابر فرانسیه محکومیتی و اوچنجی
فصلده ۱۷۰۳ دن ۱۸۲۰ سنه سنه قدر انکلیتریه مدت
محکومیتی حوادثی اجمال قلنور .

دردنجی باب دخی اوچ فصله تقسیم اولنه رق
برنجی فصلده پورتغالک کندی استقلال قدیمی استرداد
ایچون قیام و اختلالی ذکر اولنور که ۸۲۰ دن ۱۸۲۶
سنه سنه قدر در . وایکنجی فصلده قانون اساسی مناد
زعائی حکایه ایدیلور که بودخی ۸۲۶ دن ۱۸۵۲
سنه سنه قدر دوام ایلر . اوچنجی فصل دخی ذکر
اولنان ۱۸۵۲ سنه سندن بو زمانلره قدر پورتغالک
احوال اخیره تاریخیه سنی مبین و متضمن اولور .

* برنجی باب *

مبدأن ایلک استقلاله قدر

عن ۰۰۰ الی ۱۱۳۹

(برنجی فصل)

رومالورلار فتحنه قدر

عن ۰۰۰ الی ۱۴۰۰ مقدم میلاد

تفصیل - پورتغالده الیوم مشاهده و تدقیق
اولنان آثار قدیمه خرابه لرندن اکلاشلدیغنه کوره بو
مملکتده ایلک پیدا اولان اهالینک « سلت » قوم
قدیمندن اولدقلری حکم اولنور . سلت دینلان قو -
مک براسمی دخی « زال » اولوب خالرق قدیم فرانسه
اهالیسنی تشکیل ایلیان اوچ نوع باشلیجه قوملرک
بریس اولمغله بونلرک موردلریله باربارلق زمانلرنده یی
احوال و صورت معیشتلری فرانسه تاریخنک برنجی
بابنک برنجی فصلنده ایضاح ایدلمش اولمغله اورایه
مراجعت بیورلمسی لازم کلور .

رومالورلر دور فتوحات جهانکیرانه لرینه کیر -
دکلری زمان الک اول تاژ و دورو نهرلری اره سنده کی
سلتره تصادف ایتشلردرکه بونلر « لوزیتانی » اسمیله

یاد اولنورلر ایدی . تاریخک اهای مذکورہی طا .
نیمی دخی رومالیرلر انلرہ یلاق ایلدکاری زمان یعنی
میلاددن ۱۹۵ سنہ مقدم واقع اولشدر . سنہ مذکو-
رہدہ رومالور بولر اوزرینہ هجوم ایدرک الیوم
« آقوله ئا » تسمیہ اولندیغی حاندہ اوزمانلر « ایلپا »
تسمیہ اولنان محلدہ لوزیتانیلری مغلوب اولشدر .
انجق باربارلق حالندہ بولنان ملئر اویلہ ایلک مغلو-
بیتلری اوزرینہ دشمن غالبک اسارت ورعیتنی قبول
ایده مدکارندن رومالورلر اشبو ایلک غلبہ سی اوزرینہ
لوزیتانیلر جوارده بولنان « واقسہ ئن » وسائر اقوام
ایلہ عظیم برهیئت اتحاد وجودہ کتورہرلر رومالورہ
قارشو محاربہ ومدافعہ ومقاومتہ تشمیر ساق اہتمام
ایلدیلر . بومحاربہلر ۱۹۰ سنہ میلادیہ سندن ۱۷۸
سنہ میلادیہ سنہ دکین اون ایکی اون اوچ سنہ قدر
دوام ایلوب سلت وحشیلر بعض بعض رومار دو-
لری اوزرینہ اول قدر شدتلی هجوملر کوسترمشدر کہ
رومالورلر دوچار اولدقلری مغلوبیتلر اوزرینہ عادتا بو-
نلر دن ال چکہرلر رجعت ایلش اولسہلر ایدی بوزما-
نہ کورہ معیوب عد اولنہ منلر ایدی . فقط رومالورلر

نزدنده بر محاک فتح واستیلا سنده نه قدر مغلوبیت کو -
 ریلور ایسه عیب صایلیوب نهایت محل مذکور فتح
 ایدلدیکی زمان واقع اولان مغلوبیت لک کافه سی بر
 غالبیت ای مشجده سنه یاد ایدلدیکی حالدیه بالعکس محل
 مطلوبک فتح واستیلا سندن مایوس اولوب ده عودت
 ایدلدیکی صورتده اوزمانه قدر نائل اولدقلری غلبات
 دخی مغلوبیت عد اولندیغندن ارباب قیام ومقاومت
 نه قدر عناد واصرار ایلمش لایسه رومالولر دخی هجوم
 ومحاصره وتضییقه اول قدر ثبات ودوام کوستره رک
 نهایت روماعسا کری ممالک مذکور نک الک مهم مواقع
 عسکریه سنی ضبط ولوزیتانیلری طرف طرف عسکری
 قوردونی التیه ادخال ایتمکله اوراسی روما ملکینه
 ضم ایدلمش اولدی .

مع هذا اهالی و حشیه ینه روما اسارتیه کندیلرینی
 الشدیره مدیلر . اون اوچ سنه دوام ایلیان محاربه لرک
 یورغونلغنی چیقارمق ایچون یکر می سنه قدر سکونت
 واستراحتدن صکره میلادک ۱۵۳ سنه مقدمنده تکرار
 سلاحه صارلدیلر . اکر بودفعه کی قیاملرنده رومالولر
 اللرنه یکن وحشیلرک کافه سنی قلیچدن یگیرمک کی

بر تدبیر شدید مر اجعت ایتیموب ده وحشیلر ایله اتلا -
فجویانه بر حرکت ایتیمش اولسه ایدیلر « ویریات » کبی
بر جنکاورک صولک درجه یه قدر شدتی تحریک ایلیه رک
بو عصیانک رومالور ایچون نیجه قانلی مغلوبیتره سبب
اوله میه جنی مؤخرأ ایدیلان تجارب ایله اکلا شلمشدر .
زیرا ملل وحشیه شدتن زیاده طاتلیلغه مغلوب اوله رق
اصل طاتلیلقه اسارت بیوندیریغنه الشدقلرینی صکره -
لری رومالور یک اعلا او کر نمشلر ایدی .

اشبو ویریات رومالورک مشهور قارتاجلی آنبال
واناطوایی میتیرندان صکره الک دهشتلی بردشمنی عد
اولنورکه مر قوم عن اصل بر چوبان ایکن آوجیلغه
سلوک ایش اولدیغی حالده همشهریلرینک رومالور
علیهنه قیاملرینی کور نیجه سباع وحشیه علیهنده استعمال
ایتمکده بولندیغی اسلحه سنی رومالور اوزرینه چویر -
مشیدی . اوزمان روماقوماندانی بولنان سولپلیسیوس
غالبانک عموماً قلیچدن پکیرلسنی امر ایلدیکی
لوزیتانلر میانده اشبو ویریات دخی داخل ایکن مر قوم
نصلسه بر قولانی بوله رق جلاد الندن قورتیش
وطاغه فرار ایش ایدی . اندن صکره آوجیلغی

حیدودلغه تحویل ایدرک نروده بررومالی کوردی ایسه
 امان ویرمیوب اولدورمکه باشلادیغندن وشو عزم
 انتقامجویانه سی همشهریلری نزدنده معلوم وفوق الحد
 جسارت ودرایتی دخی مشهود اولجه هرطرفدن بر
 چوق آدملمر قومک باشنه طویلانه رق ارتق فرقه سی
 بیود کجه بیومش واونسبتده اوله رق جرأتی ورومالیلر
 اوزرینه تسلطی دخی آرتمشدر . ویتلیوس نام روما
 سرداری ۱۴۹ سنه مقدمنده قوه کافیه ایله مرقوم
 ویریات اوزرینه هجوم ایلدیکی زمان ویریاتک باشنده
 بولنان فرقه سردار مرقومی فنا حالده پریشان ایلدیکی
 کبی برسنه صکره یعنی ۱۴۸ سنه مقدمنده دها زیاده
 قوتله مأمور اولان پلوتیوس نام سردار دخی مغلوب
 وپریشان اولمش و اوچنجی دفعه اوله رق ۱۴۷ سنه
 مقدمنده دها زیاده قوتله هجوم ایلپان قلدودیوس
 اونیمانوس دخی بوزولدیغی کبی ۱۴۶ تاریخنده کمال
 شدتله هجوم ایلپان نریدیوس فیکیلوس دخی مغلوب
 وپریشان اولمقدن بشقه بر نتیجه کوره مامشدر .
 ایمدی ویریات بویله درت سنه ظرفنده رومانک
 درت سردارینی یکدیگری آردی صره مغلوب و پر -

یشان ایدنبجه ارتق روما جمهوریتی بو حریف ایله باشه
 حقیقه میه جغنی ا کلایه رق کندیسینی بر اوستالقه اله
 پکیرمک ایچون مصالحه و اتفاق تکلیف ایش ایشه ده
 ویریات اولیه مصالحه و اتفاق فلان طانیوب بود دفعه
 تعرضی مهاجراته باشلامغه ۱۴۴ سنه مقدمده غایوس
 آمیلیانوس اممنده دیکر بر سردار اشقیانک مقدارینه
 کوره ایکی اوچ قات قونله مهاجده باشلامشدر .
 بود دفعه ویریات هر نه قدر مغلوب و منهزم اولمش ایدیشه ده
 ینه رومالورلک الله یقایی و برمیوب طاغله فرار ایلد
 کدن و شمیدیکی اسپانیا ایچرولرینه طوغری تیر و سلمت
 اقوامنی دخی رومالور علیه نه تحریک ایتد کدن
 صکره تکرار روما سردارلری اوزرینه مهاجراته
 باشلامش و حتی ۱۴۱ سنه سنده روما عساکری هر
 طرفجه مغلوب اولمغه فایوس ماقسیموس سرویلیانوس
 نام روما قونسولنی بر معاهده مغلوبانه ده وضع امضایه
 قدر مجبور ایلشدز .

رومالیلر شو عار مغلوبیتی بدرلو هضم ایدمده -
 کلرندن و فقط ناموسکارانه بر انتقامه دخی مقتدر اوله -
 مدقلرندن بر سنه صکره نقض عهد ایدرک بلاخبر و هله

ویریاتک اوزرینه هجوم ایتلریله اکرچه ویریات در حال
جمع ایده بیلدیکی افراد ایله رومالولره بتکرار مقاومت
ابتدار ایش ایدیه ده رومالولره اولجه اقیچه قوتیله
ویریاتک رفقا سندن ایکی آدمی اله المش بولندیغندن
ویریات چادرنده اوتورر ایکن بو ایکی آدم دوست
ورفیق صفیله یانه کلوب همان اوزرینه هجوم ایتلر
ویچاره نك بوغازینی قویون کبی بوغازلا مشردر .
بو حالده دخی لوزیتانیلر رومالیلره تسلیم اولموب برقاج
سنه دهها دشمنه مقاومتده قصور ایتدیلر ایسه دهه رئیسری
ویریات یرینه قویه جق آدم بوله مدقلرندن میلادک
۱۳۷ سنه مقدمنده کاملاً رومارعیتی التنه کیردیلر .
(ایکنجی فصل)

عربلرک استیلا سنه قدر

عن ۱۳۷ مقدم الی ۷۱۱

تفصیل - مورخر میلادک ۱۴۰ سنه مقدمنده
ویریاتک قتلنی لوزیتانیلر ایچون رومارعیتنک مبدئی
عدایدلر ایسه ده اندن صکره اوچ سنه قدر دهها اهالی
مرقومه رومایه مقاومت شدیدله مقاومت ایش
اولدقلری کبی دهها صکره لری ده انقیاد واطاعت کامله

یوزی کو ستر مامش زدر . هله روما جنرال رندن اولوب
 اصل تفصیل و ایضاحاتی ایلروده مبحث مخصوصنده
 ایراد اولنه جغی اوزره بر طاقم انقلابات سیاسیة نتیجه .
 سنده منفی کبی بر صورتله لوزیتانیا ولایتنه کوندرلش
 اولان سرتوریوس میلادك ۸۰ سنه مقدنده اشبو
 لوزیتانیلر زردینه التجا ایلدیکی و کندیسنگ نصل بر
 جنك قهرمانی آدم اولدیغی واکر روما تحکمندن
 قورتیلورلر ایسه او مملکتلری نه درجه احرارانه بر
 صورتده اداره ایلیمه جکئی اهالیء مر قومه یه تفهیم
 و تأمین ایلدیکی زمان سلت اقوامی کافه و کاملاً دومی
 الیه سرتوریوسك اطرافنی المشر و انك قومانداسیله
 بتکرار روما علیه رفعلوای عصیان ایلشلر ایدی .
 بودفعه دخی اوزرلرینه کلان روما سردارلرینی طرف
 طرف مغلوب ایدرک سرتوریوس بونلره روما جهو .
 ریتی طرزنده حقیقه پک منتظم و احرارانه بر حکومت
 تشکیل ایلش ایسه ده رومالور غلبه ایده مدکاری دشمن
 علیه صول چاره لری اولان سوء قصد تدبیرینه بودفعه
 دخی مراجعت ایلیمه رک بیچاره سرتوریوس یینه
 کندی ضابطلرندن اوله رق اقچه قوتیله اله الدقلری

برالحق و غدار حریف واسطه سیله اعدام ایتدیرمشلر
واهای باغیه بی تکرار تأدیه اندن صکره قدرتیاب
اولمشلردر .

ایشته شو مغلو بیتدن صکره ارتق لوزیتانیرک
بالی باشلی بر مظفریت حربیه لری کوریه میهرک رومالیر
بونلرک مملکتلرینی « لوزیتانیا ولایتی » نامیله طوغریدن
طوغرییه ادارهیه باشلادیلر که شوا اداره عصرلرجه
مدت دوام ایدرک تارومای غربی حکومتنک شمال
باربارلری یندنه عاجز قالدیغی زمان پورتغال الکاسی
دخی روما حکمندن چیقمش ایسه ده اندن صکره دها
بشنقه برطاقم مستولیرک حکمی التنه کیرمشدر .
شویله که :

اک اول بر صورت جدیه ده اوله رق پورتغال ممال
لکنه منتشر اولان باربارلر واندال و آلن و سونه ولر
اولوب فرانسه تاریخنده ۳۰ نومرولی صحیفه دن بدأ ایله
صحایف آتیة متابعه بی اشغال ایلیان « فرانقلر »
سرلوجه لی بند مخصوص صده فرانسه یه اولان جهت تعلقی
ایضاح قلندیغی و ممالک سائر هیه اولان جهات تعلقی
دخی سائر جلدلرک برنجی بابلرنده واقتضا ایلیان

فصلارنده کوسترلیدی اوزره اقوام ثلثه مذ کوره
 بالاتفاق فرانسه یی چکنه یوب بشنجی عصر میانه
 ابتدارنده اسپانیاه کیرد کیری زمان ذاتاً فرانسه وایتا
 لیا جهتلرجه دخی کرک بونلرک و کرک فرانق و سسار
 عنوانر ایله بنام اولان بار بارلرک تهرضاتنه مقاومدن
 عاجز قالان روما حکومتی پورتغال کبی براوزاق مملکتی
 بونلردن اسلا مدافعه یه مقتدر اوله مامشدر.

اقوام ثلثه مذ کوره میاننده ال زیاده نفوس و قوتی
 اولان و اندال قومی اولوب بونلر مستقلا برولایت برده
 حکومت قوره رق کنندی ناملرینه منسوباً « واندالوسیا »
 تسمیه ایتشلر در که مؤخرأ واولک خذفیه اورایه « آنداله
 لوسیا » و عربلر طرفندن دخی « اندلس » تسمیه اولنمشدر.
 انجق بریکرمی سنه قدر اقامتدن اصکره اقوام مذ کوره
 میاننده نفاق ظهور ایدرک سوئه ولر بونلرله محاربه یه
 قیام ایلد کلرندن و ویزیغوت طائفه سی دخی بریاندن
 تضییقه باشلادیغندن و اندالر اورالده یالکز برناملری
 براقوب چکلمشدر کیتشلر و سوئه ولر ده ا بر زمان پور
 تغال ممالکنک قسم اغلبنده حاکم قالمشدر.

واندالرک اسپانیا و پورتغالدن اخراجی امر

سوءولرہ یاردم ایلدکری بالاده کی فقرہ ده بیان اولنان
 ویزغوتلر عن اصل روسیه نك جنوب طرفلرندہ تورہ۔
 دکری حالده المانیا واستانبول وایتالیا وفرانسه جهتلر۔
 حتی صورت جولانی شمدی یه قدر برقاج جلدده صره سی
 کلد کجه اخبار وایضاح ایدلمش اولان طائفه عظیمه
 اولوب بونلر فرانسه نك جنوب طرفلرله اسپانیانك
 شمال جهتلرندہ صوڪ حکومت مستقره لرینی قوردقلری
 زمان (فرانسه ۰ ص ۳۵ مر) اسپانیایه طوغری یواش
 یواش ایلروله مکہ باشلادیلر و ۴۸۴ سنه سنه قدر بتون
 اسپانیایی وبومیانده پورتغالی دخی فتح ایدرک شمدیکی
 اسپانیا وپورتغال اولکلرینك تمامیله فرانسه نك جنوب
 جهتلرندن بر قسمی اوزرنده عظیم بر دولت تأسیس
 ایلدیلر ۰ اسپانیاده واقع تولد شهری بونلرک پای تختی
 اولمشیدی ۰ ایشته جنوب جهتلندن اهل اسلام اول
 طارق بن زیاد ومتعاقباً موسی بن نصیرک قومانداسیله
 اتلمی فتح واستیلا ایدنجیه یعنی ۷۱۱ سنه میلادیه۔
 سته قدر اسپانیا وپورتغال اوزرنده اشبو ویزغوتلرک
 تسلط وحکومتی دوام ایلشدر ۰

مذکورہ یہ تحصن ایدن افراد دخی ارتق صوت قوت
 ما یوسانہ لریلہ عربلہ مقاومتدن کیرو طور مدقلمی
 ایچون رایت غالبیت اهل اسلامک کیرمدیکی وعربلرک
 تحت اشغال واستیلایہ المدقلمی یر یالکز اوراسی
 اولهرق مؤخرأ پور تغالک تخم استقلالی ده اورایه
 اکیلش واورادن نشو ونما بولان شجره جدیده
 ملیت وحکومت یالکز شمیدی اولکایه دکل آفریقا
 وآسیا وآمریقا قطعہ لرنده واقع ممالک بعیدہ یہ قدر
 قول آتوب اوزانمش ایدی . پور تغال تار یخنک
 بوقسمندہ مقدمہ اتخاذ اولنه ییلہ جک اولان ایلک
 استقلالک صورت حصولی بروجه آتی ایضاح
 اولنور :

اوافاجق برایا التجکدن عبارت اولمق اوزره عرب
 استیلاسنه مقاومت کوسترمش اولان اشبو پور تغال
 سنکستانی عربلرک اورادن دستکش هجوم اولملری
 اوزرینه برمدت راحت قالهرق عقلرینی باشلرینه الد
 قدن و اطراف و جواردن کندیلرینه کوندریلان
 مهمات ایلہ کندیلک لرندن کلان برچوق کوکالمیلر بونلرک
 قوتلرینی وجرأتلرینی آرتدیرد قدن صکره پور تکیزلر

تکرار اندلس حکومت اسلامی سی اوزرینه صالدر-
 مغه باشلامش ایدی . بریاندن اسپانیا قرالاری اهل
 اسلامه مقاومتدن واکر بر فرصتی بولورلایسه
 اسلامی تکرار افریقایه سورمک غیرتدن خالی قالدقلمی
 کبی دیگر جهتدن دخی حکومت اسلامی علیهنده بر
 مشغولیت دائمه اولق اوزره پورتکیرلره معاونت
 ایلمکده بولنملریله بونلر فرصت بولدقجه حکومت اسلام-
 میه یه تعرض و مغلوب اولدقجه ینه جبال منیعه لرینه
 تحصن ایتمک اوزره مدت مدیده اوغراشوب کتمکده
 ایدیلر . شو حالده پورتکیرلر بر زمان اوسستریایه
 مقاومت ایدن اسویچره لیلر و یاخود زمانزده دولت
 علیه یه مقاومت ایدن قره طاغیلر صورتنی المشر ایکن
 اون برنجی عصر میلادک او اخرینه طوغری هازی ده
 بورغونیا اسمنده بر تورودی بونلرک ریاستنه کچمه رک
 عرب حکومتی اوزرینه کال شدتله مهاجاته باشلامش
 ایدی .

بوهازی بورغونیا دوقه سی برنجی روبرتک
 حفیدی و بناء علیه فرانسه قرالی دیگر روبرتک دخی
 حفید زاده سی اولوب انجق مملکتکندن وفاملیانی اوجا-

غندن آریله رق هانکی فرصتن بر طریق استفاده
 بوله یلورم دیه سر سربچه سنه بر خیلی دونوب طوللا-
 شد قدن صکره پورتغاله کلش واوراده عربلره هجوم
 ایچون دائماً فرصت کوزله مکده بولنان بر فرقه پورتکیر
 لرک باشنه چکوب بونلری یکی بر هجومه سوق ایلمشیدی .
 بو هجومده عربلرک اوزمانه قدر هنوز اول درجه سی
 کورلماش اولان بر رجعت مغلوبانه یه مجبور ایدیه
 ییلسی قاسیتیل قرالی بولنان فردیناندک نظر دقت
 وتحسیننه مظهر اولغله قرال مومی ایسه هانری یه معا-
 ونة اقچه و آدم ومهمات وپایه کوندروب نصاری
 رعیت اسلامیه دن قورتارمق خصوصنده نیجه تشو-
 یقاتله مر قومی آشویق ایلمشیدی . بونک اوزرینه
 هانری پورتکیر لرک دخی شوق وغیرت لرینی تزیید ایدرک
 مهاجاتی تکرار ایتمکه عربلرک اللرنده بولنان بعض
 نقاط مهمه یی استرداد واخذ وضبط دخی ایلمسیه ارتق
 صیت وشهرتی جواری طوتمش وهرکس عربلری
 سبته بوغازندن اوته طرفه آفریقا ساحلنه تکرار سو-
 ره جک بر قهرمان وار ایسه اوده هانریدن عسارت
 اولدیغنی حکم ایتمکه باشلامشدر .

عربلردن نزع اولنسان محملر پورتغالک حدودینی
 براز توسیع ایلدیکی زمان و قیله اوراردن چیقوب
 ایچرو طرفله چکلمش اولان اهالی تکرار کلوب
 یرلشه رک بناء علیه هازینک قوتی اییجه آرتمش بولاند -
 یغی کبی فردیناندن صکره قاستیل قرالی التجی الفونس
 دخی هازری به مظاهرت ایدرک حتی عربله برکوزل
 غلبه چاله بیلورایسه کندیسینک ولد زناسی بولنسان
 برقزی عقد و تزویج ایده جکنی دخی وعد ایتش اولمسیله
 بو غیرت اوزرینه یا اولمک و یا خود کندیسینه شانلی
 بر موقع تعیین ایلک عزمی هازری ایچون پک قطعی بر
 عزم اولمشیدی • ایمدی میلادک ۱۰۹۵ سنه سنه
 قدر هازری کیجه کوندوز عربله قارشو هجوم و محاربه
 ربه دن قالی قالیوب واقعا پک چوق مغلوبیتله دوچار
 اولمش ایسه ده بریاندن قاستیل و سائر طرفلرک یتشدیر -
 دیکی امداد و معاونت مرقومک قوتنی تجدید ایلدیکی
 کبی دیگر طرفدن مواقعک متانتی و عربلر میاننده حاصل
 اولغه باشلایان پولتیقه مخالفتی دخی هب مرقومه مسا -
 عد اوله رق حقیقه برخیلی اراضی و مواقعی استرداد
 واستیلا ایده بیلشدیر •

هانریک بوخدمترینه مکافاة قاسیتیل قرالی التبحی
 الفونس ذکراولنان ۱۰۹۵ سنه میلادیه سنده ولد
 زناسی اولان قزی مرقومه ویردیکی کبی «قونت
 صووهرن» عنوانی دخی ویرمشدر. بواثرک بعض
 جزؤلرنده ویریلان ایضاحاتدن «قونت» دینلان شیئک
 برقرال طرفندن بر ولایتده حکومت سورن سنیور
 دیمک اولدیغی اکلاشیش اولوب انجق بومقوله سئیو-
 رلر هر حالده منسوب اولدقلى قرال نامنه اجرای
 حکومت ایدرلر ایکن الفونس اشبو هانرییه برده
 «صووهرن» عنوانی ضم ایتمشدرکه بولفظ «حکمدار»
 معناسنه اولمسيله هانریک پورتکیر قونتلغنده اویله
 سائر قونتره قیاس اولنه جق صورتده دکل بلکه
 بالفعل بر حکمدار کبی حکومتده نصب اولدیغی اکلا-
 شیلور.

شوقدرکه جمهور مورخین بوصورتله حصوله
 کلان استقلال پورتغال ایچون ایلک استقلال عدا یتزلر
 بو استقلال ۱۱۳۹ سنه میلادیه سندن ودها طوغریسی
 ۱۱۴۳ سنه سندن بدأ ایدرلر ایسه ده بز بوراده اولکی
 تاریخی ترجیح ایلدک. هانری ده بورغونیانک قونتلغی

تاریخی اولان ۱۰۹۵ : سنه سی ایله تاریخ استقلال اولان
۱۱۳۹ : سنه سی اره سنده کی یاریم عصر ابق قدر وقوعاته
کلنجہ :

هانری ده بورغونیا قاستیل قرالنه صهریت پیدا
ایلد کدن وقونت صووهرن عنوانه نائل اولد کدن
صکره برقاتدها تزید قوت ایلیه رک حکومت اسلامیہ
علینده کی مہاجہ و محاربه لرینہ اولمکدن زیاده قوت
و شدت ویرمشیدی . بویله یکیدن تشکله باشلایان بر
کوچک حکومت قارشوسنده ارتق اسکیمش انتظامی
غیب ایش بریوک حکومت سنه دن سنه یه ضعیف ده
آرتمقده اولورسه حکومت صغیره جدیدہ نک بر سرعت
فوقی العاده ایله ترقی ایلیه جکی صحایف توارینخده نیجه
امثالیه معلومدر . ایشته بو حال بعینه پورتغالده دخی
کورلمش و باخصوص هانری قونت صووهرن اولد -
قدن صکره یکی قونلق ایچون کرچکدن پک عاقلانه
ووطن پرورانه قانونلر قویہ رق بناء علیه آخر عمری
اولان ۱۱۱۲ سنه سنه قدر دها برچوق یرلری استرداد
ایده بیلشدر . حتی مر قومک وفاتی دخی عربلره قارشو
محاربه ده و آستورغا قصبه سنی محاصره ده ایکن مقتولا
وقوعه کلشدر .

هانرینک مقتولیتندن صکره یرینه کلان اوغلی
برنجی الفونس هنوز اوچ یاشنده بر صبی ایدیه ده
پدرینک رفقاسی اولان اسکی سردار لر اندلس حکومتنه
قارشو مهاجده دوامدن کیرو طور مدقلمی کبی الفو-
نس دخی سوزا کلامغه باشلادیغی زمان بونلر سوق
ونصایندن آیرلماغه پورتغالی پدری زمانندن زیاده
بیولتوب حتی « فاتح » عنوانی دخی المشر .

واقعا تاریخ بوزمانلر پورتغال سردار لرینک کو-
ستر دکلمی یارارلقلمی پک زیاده ثنا ایدر ایسه ده ایلرو-
ده تفصیلات مؤلمه سی اسپانیا تاریخنده کو-بله جکی
اوزره بوزمانلر اندلس اوزرنده کی حکومت اسلامی
برچوق اجزای صغیره یه منقسم اوله رق اجزای مذکو-
ره دن برطاقی دیگر برطاقنک علیهنه قیام وشو محاربات
فاجعه ده قاس-تیل و لیون و پورتغال کبی حکومت
نصرانیه دن دخی استمداد ایتکه باشلامش اولمیرله
ایشته دشمنی اصل مستفید ایلان شی اهل اسلامک
بو تفرقه واختلافندن عبارت اولدیغنی اوروپا مورخلمی
دخی انکار ایدمه مامکده درلر .

ایمدی پورتغالک قونت صووه رنی اولان برنجی

الفونس اول امرده يالکز قونت عنوانيله اجرای حکومت ايدر ايکن ميلادک ۱۱۳۹ سنه سنده اوريق نام محله حکومت صغيره اسلاميه دن نصلسه اتفاق ايده بيلش اولان بش حکومتک بشنک دخی عسا کر مجتمه سنه غلبه ايتکله شوغالبيت پورتکيرلرک شوق وشطارتني آرديروب پورتغال اردوسی حکمدارلری اولان الفونسی «قرال و فاتح الفونس» ديه القشلايه رقی ايشته بوتاريندن بدأ ايله پورتغال حکومتی برحکو- مت قراليه اولشدر . الفونسک يکی قرالغی نه صو- رته تنظيم وتوسيع ايلديکی بروجه آتی کشاد ايتکده اولديغمز ايکنجی بابده کوريله جکدر .

(ايکنجی باب)

پورتغالک دور ترقی و کشفیاتی

عن ۱۱۳۹ الی ۱۵۸۰

(برنجی فصل)

قرالغک تنظيم وتوسيع حدودی

عن ۱۱۳۹ الی ۱۲۵۳

تفصیل - یوقاروکی بابده پورتغالک تاریخ استقلال-

لنی خبر و یردیکمز صرهدده جمهور مورخین بو تاریخ

استقلالى ۱۱۳۹ سنه ميلاديه سندن اعتبار ايتمه
 برابر بعضرينك دخى ۱۱۴۳ سنه سندن اعتبار ايلد.
 كلرينى اخطار ايدرك فقط بزم روايت اولايى ترجيح
 ايلديكمزى بيلديرمشيدك ذكر اولنان ۱۱۳۹ سنه سنى
 برنجى الفونسك اوريى نام محمله قازانديغى غالبيت
 اوزرينه اردوسى طرفندن قراللى عنوانيله القشلاشمش
 اولديغى تاريخ اولوب ۱۱۴۳ سنه سنده لاهه غو نام
 محمله عقد ايلديكى « قورتس » تعبير اولنور ملت
 مجلسك بو قراللى عنواننى وپورتغالك استقلال تامنى
 تصديق ايلسنه كوره بعض مورخلر اصل استقلال
 بو استقلال عداولنه جغى اصرارنده بولنمشلر ايسه ده
 الفونس مجلس مذكورى كندى قراللىك تصديق
 مقصديله دكل بلكه يكي قراللىك قوانين اساسيه
 وانتظامات لازمه سنى تعيين وتنسيق ايچون دعوت
 ايلش اولديغندن واصل استقلال ايسه اردونك كند.
 يسنه ويرديكى قرال عنوانيله حصوله كلديكندن بز
 هر حالده مبدأ استقلال اولمق ايچون ۱۱۳۹ سنه سنى
 ۱۱۴۳ سنه سنى مرجع كورورز *
 اشبو قورتس مجلسى اول پاپاس طاقنك سرآمدا.

نندن و ثانیاً کبار زادگان و ثالثاً کرک زادگان و کرک
 پس پایکان میانده بولنان ارباب علم و فضیلتدن و رابعاً
 رؤسای عسکریه دن و خامساً اهالینک ائک معتبراندن
 مرکب اوله رق کشاد ایدلش و الفونسک استقلال
 کامل ایله حکومت ایتسی و فقط قوانیندن آیرلماسی
 شرائطینه کرک کندیسینی و کرک اولاد و اخفادینی
 پورتغالک حکمدار مشروعی طانیوب بعده نظامات
 و قوانین لازمه بی دخی بالندا کره قرارلش دیرمش و وضع
 ایشدر . ائمدی الفونس اوچ درت سنه مدت یکی
 قرالغک قوانین و نظامات جدیده سی تطبیقاتی وارد و
 و دو نماسنک تنظیماتی ایله اشتغال ایلدکدن صکره
 حکومت اسلامیه نک کوندن کونه ارمقده بولنان
 تشتت و اختلافدن و بو اختلافک موجب اولدیغی
 ضعف و فتوردن استفاده ایچون الحاله هذه دولت
 مذکوره نک پای تختی بولنان لیر بون شهری اوزرینه
 یورو مش و برخیلی مصاولات و مهاجرات شدیددن
 صکره ۱۱۴۷ سنه میلادی سنده شهر مذکور ی عربلردن
 نزع و ضبط ایشدر .

لیر بون قحی اراضی کلبه نک پورتغاله انضمامی

استوجب اولوب مرقوم الفونس بورالرده بولنان
بقیه اهل اسلامی محو و نابود ایتک وانلرک یرینه اهای
نصرانیه کتوروب قویق ایچون اول قدر فناقلره
یول و یرمشدرکه بوفناقلر متعصب اولان مورخین
نصارا عندلرنده عبادت آسا بر فعل مأجور صورتنده
ذکر و حکایه ایدیلور ایسه ده اهل انصافدن اولان
مورخلر نزدنده کمال نفرتله یاد اولنورلر . یالکز کنج
قزلر ایله صبی چو جقلرک خرسیتیان مذهبنی جداً قبول
ایلدلرینه اینانیلوب بیوکلر مجبوراً تنصر ایده جک
اولسه لر دخی بر درلو امنیت ایدیلر من و ذره قدر بر
حرکت نادمانه لر کوریلر جک اولسه در حال اعدام
اولنورلر ایدی . هله دیانت اسلامیه سنی محافظه ایلد .
کاری محالده اورالرده قالمق استیانلر کو پکلردن ده
ذلیلانه معاملات تحقیریه ایله ماللرندن جانلرندن بیر ار
ایدیلرک مطلقاً ایچزو ممالک اسلامیه یه طوغری عودت
و مهاجرته مجبور ایدیلورلر ایدی .

فتح اولسان ممالکده اهل اسلامک بوصورتله
مخوینه چالشمق برخیلی زمان ایچون الفونسه بیوک
بر مشغولیت تدارک ایلرک بناء علیه اویله مهم حرکات

حربیه ده موفق اوله ماشیدی . تا ۱۱۶۶ سنه میلادی
 دیه سنه ده اوورا قصبه سی اوزرینه یوروپوب فتح
 واستیلاسنه . مقتدر اولدی ایسه ده بودخی کندیسنه
 اوغورلی کلدی . زیرا لیرنون واغورانک فتحندن
 صکره پورتغال حدودینه بروسعت منتظمه ویرمک
 ایچون حکومات متجاوره نصرانیه دن لئون واسترا
 مادور حکومتلی حدودی اوزرندن دخی بعض ممالکی
 ضبط ایتک لازم کلوب بوامل ایله حرکات عسکریه
 اجراسنه قیام ایدنجه « قدرتک واریسه کیدوب
 عربلر لندن ممالک فتح ایتلی ایدک! » دیه بتون حکو-
 مات نصرانیه مرقومی تعیب ایلیرک واقعا الفونس
 بوتعیبلره اهمیت ویرمکسزین الواس نام محلی ضبط
 ایلش ایسه ده تمام باداژوز قلعه سنی تحت محاصره ده
 لدیغی زمان لئون قرالی فردیناندک بعض متفقرله برابر
 سوق ایلدیکی عسکر مومی الیه الفونسی اخذو گرفت
 یدرک خصمنک . حضورینه کتورمشلردر .

فردیناند خرسیتیان اولدیغی حالده برخرسیتیان
 حکومتی اوزرینه اعلان حرب ایدن بوالفونس را -
 ضیسنک اعدامی ایچون بتون پاپاسلرک رأینی استحصال

ایتمش ایکن اوزمانه قدر عربزدن الدیغی ممالک کند.
یسنه ولئون حکومته ربط اولنقی شرائطیله الفونسک
قتلندن واز یکمشدز .

اندن صکره الفونس ۱۶۸۵ سند سنه قدر بقیه
عمرینی اهل اسلام ایله محاربه متمادیه ده پجیردیکی کبی
کندیسندن صکره قرال اولان برنجی صانش وایکنجی
الفونس وایکنجی صانش و اوچنجی الفونس دخی
هیب بریاندن تنظیمات مملکتی اکال و دیگر طرفدن عربلر
اوزرینه هجوم ایله امرار وقت ایلدکلرندن لئون
حکومتک برنجی الفونسدن الدیغی یرلر اغلیت اوزره
استرداد اولندقدن فضله تولوزا و القصر دوسال
ونهایت اندلس بقیه حکومات اسلامیهدن الفونس
حکومتی کاملاً فتح اولندی که حکومت مذکوره غواد
یا ناهرینک ایکی ساحلی اوزرنده اراضی و ممالک
وسیعیه شامل اولوب غرب و جنوب جهتلرندن تا
اطلاس دکزینه قدر منتهی اولورایدی .

ایشته بوفتوحات پورتغال اولکاسنک وسعت
حدودینی همان اکال ایلش اولدیغی و بوسعتدن
متحصل قوت ایله پورتگیز لک اندلس ممالک اسلام

میه سندن دها بر چوق یرلده ضبطند مقتدر اوله -
 جقلری درکار بولندیغی کی شوا یلک قرالردن هربری
 قوانین ونظامات مملکتی اتمام واکالده دخی دقیقه
 فوت ایتمیه رک پورتغال بو یوزدن ده بر خیلی ترقی
 ایتشدن . از جمله ایکنجی الفونس ارباب جرم و جنا-
 یت حقلرنده اوزمانه قدر روا کورلمکده بولسان معا-
 ملات دخر اشته بر نتیجه ویرمکه پک چوق غیرت ایلیه رک
 قوانین موجوده بی بر خیلی تعدیل ایلمش اولدیغی کی
 اعدامنه حکم اولنان مجرم رک اجرای حکم اعدای
 تاریخ اعلامدن یکر می کون صکره یه قدر تأخیر ایدلسنی
 دخی احکام قانونیه صرء سنه قویمشدر که بومدت
 ظرفنده شاید مجرم رک عفوی اسبابی بوله بیلک امکانی
 مجرم لر محقنده بر بیوک امید یولی آچمشدر .

(ایکنجی فصل)

آویس خاندانک ظهورینه قدر

عن ۱۲۵۲ الی ۱۳۸۳

تفصیل - اوچنجی الفونسک فتوحاتی آخر
 عمرینه یعنی ۱۲۷۹ سنه سنه قدر دوام ایدرک یوقاروکی
 فصلاک نهایتنده دخی بیان اولندیغی اوزره بوفتوحات

پورتغال اولکاسنه اکرچه وسعت لازمه یی ویرمش
 و بوزمانه قدر قوانین مملکت دخی بیاغی اتمام واکمال
 اولمش ایسه ده اوزمانه قدر پورتگیز هر نه قدر
 اولسه ینه اسکی وحشتلری بقیه سیله وحشیسی
 قوققده لر ایکن بونلرک دائره مدنیته ادخالرینه ایلک
 خدمتی ایدن قرال انجق مومی الیه اوچنجی الفونسک
 اوغلی دهنیس اولمشدر .

بو قرال دهنیس فرانسلر ایچون شارلمان نه ایسه
 پورتگیز لر ایچون دخی همان اومقامی طوتمشدر .
 کندیسنه « وطن بابابی » و « حریت قرالی »
 و « چفتجی قرال » کبی کوزل صفتلر و عنوانلر ویرلمش .
 فی الواقع مومی الیه بو عنوانلری لایق و شایان کوستره -
 جک نیجه خدماتی دخی کورلمشدر . از جمله قوانین
 مملکته برطاقم احرارانه قانونلر دها علاوه ایدرک بو
 قانونلر موجبجه زراع اهالی یی ملک صاحبی اولان
 سنیورلرک یوللمردن محافظه ایدرک پس پایکان اهالی یه
 دخی او یله برطاقم حقوق و یرمشدر که اوزمانه قدر
 پورتگیز لر روس سرفلری کبی زادکان طابقک بر نوع
 اسیرلری عد اولنور ایکن اندن صکره او بیچاره لر دخی

کندی حقوق و حریتلرینی طایه رق استفاده ایشلر در .
 قرال ده نیس زمانه کلنجه یه قدر اسپانیا شبه
 جزیره سی اوزرنده بولسان حکومتات نصرانیه نك
 یكدیگری علیه نه محاربه ایتملی غیرت نصرانیه نك
 منفوری ایکن قاستیل و آراغون حکومتلری لارا خاندان
 نندن برطاقم سنیورلرک حقوق ارشیه لرینی فضولی بر
 صورتده غصبه قیام ایلدکلرندن اگرچه بومنازعه نك
 پورتغاله طوقنور برجهتی یوق ایدیسه ده ده نیس مجرد
 مظلومی جایه غیرت عادلانه سیله قاستیل و آراغون
 حکومتلری علیه نه محاربه یه قیام ایتمش و بومحاربه لرده
 پك چوق ترقیات عسکریه ثمراتی کندی مزیات عسکر-
 یه سنه علاوه عالمه بکندیرمشدر .

۱۳۱۰ سنه میلادیه سنده تامپلیه دینلان شوالیه لر
 جمعیتنك فسخی ایچون حکومتات متجاوره جمعیت
 مذکورہ یی برطاقم مفتر یاتله اتهام ایلدکلری صرہ ده
 قرال ده نیس تامپلیه لرک معصومیتنی دعوا ایدرک شوا-
 لیه لر ی جایه ایش و جمعیت مذکورہ هر حالده فسخ
 ایلدکلر صکره دخی بونلرک بقیه سنی کندی نزدینه
 جلب ایدرک « طریقت مسیحیه » نامیله مجدداً تشکیل

ایلدیکی دیگر بر جمعیتده بونلری جمع ایتشدرد . اندلسده
 عربلرک بقیه سی طرفدن پورتغالک حدود شرقیه سنه
 وقوعبولان تعرضاتک دفعنه بوجعیتی مأمور ایتمکله
 شوالیهلر عربلر ایله برچوق محاربه لوده فداکارانه
 غیرتله کوشتر . شلر دزد .

هله قرال مومی الیهک معارفه اولان خدمتی پور-
 تکیر نلری کرچکدن احیا ایتشدرد . ۱۲۹۱ سنه میلاد-
 دیه سنده ایلاک دفعه اولمق اوزره قوامبر نام محمله بر
 دارالمعارف تشکیل ایدرک هر طرفدن جلب ایلدیکی
 ارباب علوم و معارفی اشبو دارالمعارفده جلب ایتمش
 وبونلر مملکتک ترقیات معارفجویانه سنه اساسلی خدمتلر
 ایتشدرد . اوزمانه قدر پورتکیر کمپیلری ساحلی
 کوزدن غیب ایدنجه ییلدیزلر دلائیل یول بوله بیله جک
 قدر ماهر دکالر ایکن شو ترقیات علیهلری سایه سنده
 بونلرک فنون بحریه ده کی بهره لری آرتمش وهله ده نیتک
 یاپدیردیغی یکی و بیوک کیلر پورتغال قوه بحریه سی
 برنجی دوتنمالر درجه سنه واردیرمشدر .

اکر اوغلی دردنجی الفونسک صیق صیق عصیا-
 نلری واهالی بی دخی پدیری علیهنه تحریک و افسادی

مانع اولسه ایدی ده نيسك پورتغال ایچون ده‌ها زیاده
حسن خدماتی کوریه جکی درکار ایدی . انجق اوغلنك
ویردیکی آلام واندوه نهایت بیچاره‌نك سبب موتی دخی
اولمشد . مرقوم دردنجی الفونس غایت خرچین
وخشین برآدم اولوب ۱۳۲۵ سنه‌سندن ۱۳۵۶ سنه-
سنه قدر مدت حکومتك الك بیوک برقمی کندی
دامادی بولنان قاستیل قرالی طقوزنجی الفونس اوزر-
ینه محاربه‌لرایله امرار ائلمشد . روایت کوره قزینی
دامادنن قصقاندیغی ایچون بو محاربه‌لری تمید ایلر
ایمش . محاربه‌لره ختام ویرمی دخی مجرد آفریقا
جهننده اهل اسلام اوزرینه ترتیب اولنان هجومه
اشتراک مجبور ایدلمسندن نشأت ایلمه‌رك ۱۳۴۰
سنه‌سندنه تاریخا نام محله خرسیتیانلرك قزاندقلری
خالبیت امرنده مرقومك پک بیوک یارارلغی کورلمش
ایمش .

قرال مرقوم یالکز پدرینه عاصی بر فنا اوغل-
اولمقله قالمیوب برادرینه و اوغلنه دخی ظلم ایله هم بر
فنا قرنداش و هم ده بر فنا پدر اولمقله دخی تاریخك نفر-
تی قازانمشد . زیرا بر غضب اثریله قرنداشی انقان

الفونس صانثی اعدام ایلدیکی کبی کندی جگر پاره سی
 اوغلی دون پدرونک مشهور اینس ده قاستروایله رابطه
 عاشقانه سی و حتی کیر لیجه مناکحه سی ده اولدیغنی
 خبر النجه بیچاره قز جغزی اعدام ایدرک کنج پدرونک
 پریشانه سبب اولمشدر .

بو وقعه غریبه یی شو صورتله ایضاح و حکایه
 ایدر لکه :

اینس ده قاسترو قاستیل کبار فامیلارندن بر قز
 اولوب وفرت حسن و آئی بتون اسپانیاده مثل سائر
 اولمشیدی . پورتغال قرالی سالف الذکر دردنجی
 الفونسک اوغلی دون پدروس قونستانس نام قاستیل
 پرتغسیله ازدواج ایلدیکی زمان اینس ده قاسترو « دام
 دونور » صفتیله قونستانسک معیتنه تعیین اولندقد
 پرنس پدرو مزبور ننگ جاذبه حسن و آئی ایله مجذوب
 اوله رق آرام و اختیارینی غیب ایلدیکی کبی قز دخی
 کندیسنه بر پیوک محبت پیدا ایلدیکندن بونلر کیر لیجه
 مواصله عاشقانه یه باشلامشدر . حتی چو جققری
 دخی دنیا یه گلش . ۱۳۵۴ سنه میلادیه سننده دون
 پدرو سک زوجه سی قونستانس حلول اجلیه وفات

ایلدیکی زمان پدروس معشوقه سی اینس ایله خفیاً
 عقد نکاح ایش ايسه ده پدری خبردار اولنجه اوغلنی
 مطلقاً تفریق مجبور ایتکه قیام ایش . زوجه سنک
 وفاتندن صکره ایکنجی نکاح اوله رقینه اعظم کبار
 دن بویله بر قزی تزوج ایتسی قرالک او درجه لرده
 موجب غضبی اولماق لازم کلور ایکن اوغلی پدروس
 زوجه سی اینسی ترک ایتما مکده صوک درجه یه قدر
 عناد و اصرار ایلنجه قرال مر قومک اوغلنه برشی
 یامیوب ده قزی اعدام ایتک کی بر حرکت مجنونانه یه
 قیام ایتسنه بعض مترجین احوال قرالک دخی قزه
 علاقه سی اوله رق اوغلنه ترک ایتدیرد کدن صکره
 کندیسنه مترس اتخا ایتک مطالعه و آرزو سنده
 بولندیغی معناسنی ویرمشلدر . هر نه ايسه قزک اول
 صورت فاجعه ایله اعدای دون پدروسک ذهننی
 پریشان ایدرک بیچاره پرنس بر چوق زمانلر مجنون کی
 بر حالده امرار اوقات ایلوب بعده پدری علیه قیام
 ایش و اینسک قتل ماده سی پک چوق کسه لک غیرته
 طوقندیغی جهته در حال بر چوق طرفدار لر دخی
 بولش ايسه ده اره یه بر طاق متوسطر کیره لک بابا ایله

اوغلی باز شدیر مشلرایدی • بونک اوزرینه پدروس
 معشوقه سنک قاتلرینی عفو ایده چکنه دأر برده وعد
 ویره رک پدریله اوزلا شمش ايسه ده پدري وفات ایدوب ده
 کندیسى قرال اولدیغی زمان حرارت انتقامجویانه سنی
 بردرلو تسکین ایدمه یه رک ۱۳۶۰ سنه میلادیه سنده
 زوجه معشوقه سنی اعدام ایدن قاتلاری اله چکروب
 کندى حضورنده وکوزلری اوکنده کوکسلرینی
 یاردیره رق یورکلرینی قویاروب چیقارمق صورتیله
 انتقامی المشر • برروایتہ کوره زوجه معشوقه -
 سنک کیکلرینی مزاردن چیقارتوب « صاغلغکده
 محروم براقلدیغک قرالیمچه لق تاجنه آل باری شمدی
 توج ایت » دیه باشنه تاج دخی کیدیرمش ايسه ده
 بعض مورخلر بونک اصلی اولدیغنه قانعدرلر • شو
 وقعہ غریبه ارباب فکر و قلمدن برچوقلرینه غایت کوزل
 رومانلرایچون زمین و سرمایه اولمشر •

انتقامی بو صورتله الدقدن صکره پدروس پورتغال
 ایچون پک اعلا و مقدم بر حکمدار اولمق اوزره شهرت
 الهرق قوانینی اصلاح و ترقیات مملکتی تسریع
 ایتمشر • هله احقاق حق خصوصنده غایت عادل

بر حکم‌دار اولوب زادکندن اولسون پس پایکاندن
اولسون کیمسه نك حقنی کیمسه ده بر اقدیغی و احکام قانونی
دائماً تمامی تمامه اجرا ایلدیکی جهته « عدالتکار »
عنوانی ایله معنون اولمشد .

پدروسك وقوع وفاتندن صکره یرینه چکن اوغلی
فردیناند برارهلوق دون لوران دلا سکر داکونهانك زو-
جه سی الئونور تلزده مندوزی قاپیروب تزوج ایتش
اولمندن طولای تبعه سنك پك بیوك بر نفرتنه دوچار
اولمش ایدیه ده امور حکومتنده ده او قدر عادلانه حر-
کت ایتمشد که بونفرت یواش یواش زائل اوله رق
۱۳۸۳ تاریخنده وفاتی وقوع بولدیغی زمان بتون تبعه
ستی دلخون اولمشد .

(اوچنجی فصل)

آویس خاندانی و کشفیات بحریه

عن ۱۳۸۳ الی ۱۵۳۱

تفصیل - قرال فردیناند وفات ایلدیکی زمان
وارثی اوله رق یالکز قزی بشاتریقس قالب مزبوره
ایسه قاستیل قرالی برنجی ژانك زوجیه سی اولمغله اکر
حق وراثتی طانده حق اولسه پورتغال دولتنك قاستیل

دولتنه ارتباط ایلمسی لازم کله جک ایدی . حالبوکه متوفی فردیناندک برارکک قرنداشی یعنی پدروساک اینسدن متولد بر اوغلی اولوب ژان اسمیله « آویس » نام طریقت رهبانیه نکه بیوک پاپاسلرندن بولمغله پورتیکیرلردن بریوک طائفه موچی الیهی ترک رهبانیت ایله مقام قرالی یه جملوس ایتمکله دعوت ایلمش ایدی واقعا قاستیل قرالی زوجه سنک حقوق موروثه سنی مدافعه ایچون سلاحه صارلدی ایسه ده ایکی سنه قدر مجادله دن صکره نهایت الجروته نام محله مغلوب اولدیغندن پاپاس ژان پورتهغال دولتنه قرال انتخاب واجلاس ایدمشدرکه بوجملوس ۱۳۸۵ سنه سنده وقو-عه کدیکنندن پورتهغال دولتی ایکی سنه قدر فترت ایچنده قالمش دیمکدر .

اشبو ژان زمانده پورتهغال دولتنک برأ و بحرأ اسفار و کشفیات دوری آچلمش دیمکدر . واقعا او زمانلره قدر آفریقایه کچن و بحر محیطه کیدن بعض ارباب غیرت کورلمش ایدیسه ده ژان آفریقایه عظیم براردو سوق ایدرک سوتانا نام محلی عربلر النندن اخذ وضبط ایدنجه پورتهغالک آفریقایه ایلاک خطوه سی آتلمش

دیمک اولدیغی کبی هانری اسمنده برپرس دخی کشفیات
بحریه بی مراق ایدرل تشویق ایلدیکی جسور قیودانلر
ایله مادر اطهری ویشیل برون و قناریه و آثور آطه .
لری و افریقا ساحلنده و اطلاس دکزی اوزرنده واقع
کینه ممالکی کشف ایدلشیدی . اوزمانه قدر اورو .
پالی کمچیلر سبته بوغازندن جنوب طرفه طوغری
کیدمزلر و بناء علیه افریقانک اطلاس دکزی اوزرنده
واقع ممالک غربیه سنک وجودندن بینه خبردار اوله .
میهرق خط استوا دیه خیال میال توهم ایده بیلدکاری
دائرهنک اوتہ طرفی عادتاجهنم اولدیغنی اعتقاد ایدرلر
ایکن بو کشفیات جدیدہ عالمہ منتشر اولنجه هرکس
حیرتده قالبوشویکی کشف اولنان ممالک عجبا بوزم
دنیا لره بکزر می دیه بتون مشهور قیودانلر اورالری
زیارته قوشمشلردو .

قرال ژان ۱۴۳۳ سنه میلادیه سننده وفات
ایلدیکی زمان یرینه کچن اوغلی ادوارد دخی پک عاقل
و حکیم بر حکمدار چیقہرق پدري زمانده اجرا
اولنان افریقا سفر لریله کشفیات بحریه مصارفندن طو .
لای بر بحران ایچنده قالان مالیه نی ممکن مرتبه اصلاح

وبراً و بجرأً قوهٔ عسکریه سنی تجدیداً تنظیم ایستادن
 صکره ۱۴۳۶ سنه سنده افریقایه برار دو و دو تنما سوق
 ایدرك فاسك باشلیجه اسكاه سی بولنان طنجه یی محاصره
 الته الی ایسه ده فنا بر مغلوبیته دوچار اولدی .
 حتی قرنداشی فردیناند فاسلی عربلر الله اسیردوشه رك
 حال اسارتده ایکن وفات ایتشد . ۱۴۳۸ سنه سنده
 لیر بون شهرنده مدھش بر طاعون ظهور ایدرك يك
 چوق آدمیر هلاك اولدیغی کبی قرال مومی الیه دخی
 بوعلندن وفات ایتشد . مومی الیهك وفاتنده وارثی
 بولنان بشنجی الفونس هنوز الی یاشنده بر چوچوق
 بولنغله عیسی دون پدروس وصیلک ایدرایدی . سن
 رشده واصل اولنجه یه قدر عیمسندن کوردیکی معامله
 بشنجی الفونسی يك زیاده بیر ار ایتمکده بولندیغندن
 واصل رشد اولدیغی زمان بر کون عیمسنه تصادف
 ایدنجه بیچاره آدمی بر ضربه ده یره دوشوروب قتل
 ایتشد . بو حال اھالی یئنده بیوک بر هیجانی موجب
 اوله بیلور ایدیسده مقتول دون پدروس وصیلکی
 مدتده ذاتاً اھالی یی دخی ممنون ایدم مامش بولندیغندن
 تخمین اولنان هیجان ظهوره کلدی .

بشنجی الفونس ۱۴۷۱ سنه سنده فاس اوزرینه
 یکیدن براردو سوق ایدرک آرسیل و طنجه یی عربلردن
 اخذ و ضبط ایلش و بومناستینه «آفریقالی» عنوانی
 المشر . قاستیل قرال و قرالیچه سی بولنلار فردیناند
 وایزابل ایله اوزون اوزادی یه منازعه لری واردر که
 ایکی طرف ایچون دخی ضرر و زیانلردن بشقه برشیئی
 متج اولمامشر . قرال مومی الیهک زمان حکومتنده
 آفریقا ممالک غریبه سنه طوغری کشفیات بحریه اجرا .
 سنه یک زیاده رواج ویریلوب کینه ممالکینه برچوق
 پورتغال مهاجرلری کیدرک یرلشمشر و بیاغی امید
 برونه طوغری کشفیات بحریه نک ایلاک مقدماتی
 تهیه باشلامشردر .

۱۴۸۱ سنه سنده بشنجی الفونس وفات ایدوبده
 یرینه اوغلی ایکنجی ژان قرال اولنجه زوجه سنک
 انشته سی بولنلار دوقده براغانس کندی علیهنده
 اهالی بی عصیانیه سوق ایتکه چالشدیغندن یردیوان
 حرب حضورنده انی اعدامه حکم ایدرک جزاسنی
 ویردیکی کبی زوجه سنک اوزقنداشی اولان ویزه ئوبی
 دخی کندی الیه اولدرمشر . انجی بونلرک ایکینسی

دخی فی الواقع قتلی واجب مفسد کردن اولدییی ایچون
 بواعدا ملوک خلق بینده سوء تأثیری دکل بالعکس
 حسن تأثیری اولمشدر . بوضورتله قرال ژان سائر
 مفسد ملوک کوزلرینی بیلدیردقدن صکره کندی انظار
 دقت و اشمیتنی یانکز کشف نیات بحریه یه حصر ایدرک
 دیه غوقام نامنده غایت متفنن و جسور برقیودانی دکره
 چیقارمش و افریقا سواحل غریبه سنده بنین و قونغو
 حکومتلرینی کشف ایتدیرمشدر .

اوزمانه قدر اوروپا قطعهمینه هندستان اره سنده
 مراسله تجاریه طریقنی اق دکردن حذب و بغداد
 و مصر طریقنه محصر اولوب بویولک بعد مسافه
 سندن قطع نظر مراسلات بریده سائر مشکلات
 دخی مراسلات بحریه یه قیاساً نهایتسز اولمغله پورتغال
 کمپیلری افریقای غربی ساحلجحد جنوبه طوغری
 ایند کجه بعض ارباب فن بویله جنوبه طوغری کیده کیده
 نهایت افریقا قطع سنک طولاشیله بیله چکنی و او حالده
 دخی هندستانه قدر کیلرایله کیدیه بیلوب بودخی اوروپا
 ایله هند اره سنده کی تجارتی عقلره حیرت ویره چک
 درجه لوده توسیع ایده چکنی حسابه باشیلادیلر . بو

و حساب واقعا يك طوغرى ايسه ده بحر يونك هنوز
 هیچ كيدنامش اولان محله واره بيلمى خصم و صنده كى
 صعبوت و تهلكه دخی در كار ایدی . اوز مانر سیاحت
 بحریه ده پوصله استعمالی و خریظه مراجعتی شیو .
 حیو غه باشلا دیغندن ایشته بحریونی یالکاز فنك ویر .
 سیکى جسارت و موجب اولدیغى شو یولده كى سهولت
 برترجه یه قدر تشویق و تشجیع ایده بیلگنده ایدی .
 گمرقایی کشف ایله اسكى دنیا یه كى بر دنیا ده علاوه
 اولان مشهور قریستوف قولومب دخی ایشته
 یوسندرك رجال بحریه سندن اولوب مومی ایله ارضك
 كریوتنى تمامیه قبول ایلدیكندن و احوالده اوروپانك
 شرق جهته بولنان هندستانه وارمق ایچون افریقا
 ساحلی طولاشمغه حاجت اولیسوب بلكه اطلال
 كری ایچنده دائما غربه طوغرى سیاحت ایدیلور
 ايسه بحر مذکورك اوتة كى ساحلی همه حال هندستانه
 عتیمی اوله جغندن ایشته بویله برسیاحتی كندیسی اجرا
 ایقت و فقط سفینه تدارك ایده جك درجه ده ثروتی
 و دیغندن طولایى كندیسنه لزومی قدر كى ویرلك
 مون نور تغال قرالی ایكنجی زانه مراجعت ایلدیسه ده

کرك ديه غوقام و كرك دياز كې قيسودانلر ايله ايتديكى
مذا كره لرده انجق افريقا يولى ايله هندستانه وصول
ميسر اوله جفنه قاتمش و غربه طوغرى اطلاس دكر-
ندن كيديلهرك كرويت ارض حسييله هندستانه واصل
اولنه جفنى بر درلو ذهنه صيفديره ميه رت قرستوف
قولومباك عادتاً جنتنى حكيم ايلش ايدى .

واقعا قيودان دياز ۱۴۸۶ سنه ميلاديه سنده
افريقاى جنوبى يه طوغرى يلكن قالديره رت تمام
قطعه مذكور هك منتهاي جنوبه وارلديغى زمان
اوراده عظيم بر برون كشف ايلش وايكى بحر محيط
اقتيلري اوراده برلشهر ك اويله عظيم طالغله وجوده
كتوردى كنى كور مشدر كه بو برونه « فورطنه لر
برونى » نامى و بر مشيدى . انجق پورتغالنه عودت
ايدوب اورايه قدر ياپديغى خريطه لرى قرال ايكنجى
ژانه تقديم ايلديكى زمان بو خريطه اوزمان موجود
اولان خريطه عموميه عالم ايله لى التطبيق ارتق شو
منتهاي جنوب افريقا برونندن صكره دائماً شرقه
طوغرى كيدلديكى حالده واصل اولنه جق مملكت
هندستاندن بشقه برشى اوله ميه جفنه قوياً اميد حاصل

اولدیغندن مذکور برونه دیازک و یردیکی « فورطنه لر
 برونی » نامی منع اولمش و « قابده بون اسپرانس »
 نامی و یرلمشدرکه « ابی امید برونی » معناسنده در .

موحی الیهک وفاتنده وارث ذکوری اولما مغلله
 یکنی امانوئل ۱۴۹۵ سنه سنده مقام قرالی یه انتخاب
 اولندی . بو قرالک زوجه سی ایزابله محبتی و زوجه -
 سنک ایسه تعصبی پک زیاده اولدیغندن مز بوره
 طرفندن وقوعبولان رجا اوزرینه پورتغالده عربلرک
 بقیه سیله یهودیلری کاملاً ترک دارو دیاره مجبور ایشلر
 و بلم نام محمله عظیم برده مناستر انشا ایتشددرکه بعدما
 وفات ایدن پورتغال قرالارینک کافه سی مذکور منا -
 سترده دفن ایدلمک معتاد اولدیغندن بومناستر قرال
 مر قومک اشهر آثارندن عدا اولمشدر .

قرال مر قومک اهل اسلام ایله یهودیلر علیهنده
 اولان مظالمی او وقتلر حکمنجه نوعاً غزا و جهاد کبی
 بر صورتله تلقی اولمش ایسه ده افکار عمومی ارباب
 مدنیته وسعت کله رک حکمت تاریخ دخی ترقی ایلدکدن
 صکره مورخلردن برچو غی عموم ابنای بشرک اخوت
 مدنی و حریت انسانی سی نقطه نظرندن باقهرق بونلرک

موجب اولدیغی فکر عدالت و انسانیّت و غیره
جنسیت و مدنیت و رعایت ایتیان بومثلو حکمدار تری
صورت شنیعه ایله مؤاخذه کیر شمشلردر .

مع هذا امانوئلک شمدیکی کوریلان قصوری
یالکز مخالفت مذهبیهدن طولایی و باخصوص
زوجه محبوسه نك خاطری ایچون یهودی و مسلمان
حقنده کی اذا وجفاسندن عبارت اولوب یوقسه و یق
ومملکتی اغورنده ایتدیکی خدمت و غیرت کندیست
« بیوک امانوئل » و « بختیار امانوئل » عنوانی
قازانمیر مشدر .

بحریونک اشهر مشاهیرندن بولنان واسقوده
بوقرالک زماننده کی رجال بحریه دن اولوب ۱۴۹۷
سنده سنده قیودان مومی الیه ایلاک دفعه اولق اوزره
امید بروننی طولاشوب بحر اوقیانوس کشفیاتنه موته
اولدیغی کبی کیفیت اسپانیا تاریخنده دخی بیان اولتمه
جغی اوزره دیگر جهتدن قرستوف قولومب دخی
آمریقایه وارمش بولمق حسیله امانوئل اوججهست
کشفیاتندن ده یورتغالک محروم قالمسنی تجویز ایتیه
آلوارسده قارال نام قیودانی لزومی قدر کیلر ایله

آفاق غربیه سیاحت و کشفیاتنه کوند رمش و مومی
 الیه اطلاس دکزینی آیقیریلایوب و خط استوانک
 التندن کچوب آمریقای جنوبیه دوشهرک شمدی
 برهزیلیا نامیله باشلی باشنه بر ایمپراطورلق اولان قطعه
 عظیمه یی پورتغال نامنه کشف و فتح المشد برهزیلیانک
 بوصورتله کشف و فتحی میلادک تام ۱۵۰۰ سنه سنه
 مصادف اوایوب مع هذا پورتکیرلر کشفیات بحریه
 ارقه سنی بوشلامیه رقی امریقا سواحلندن برچوق
 یرلره ده ا کیتد کورتی کبی ۱۵۱۰ سنه سنده ژاق فیکه برا
 اسمنده بر قیودان دخی صوماترا اطه لرینی کشف
 و ضبط المشر و بر سنه صکره البوکر مه نام قیودان
 غوئا و مالا قایی پورتغال مستملکات خارجه سی عدادینه
 ادخال ایتشد .

بودور کشفیات بحریه دوری اوایوب یالکیزپور -
 تکیرلر دکل اسپانیولر و انکیرلر فرانسرلر هولاندزلر
 و سائر دخی بحار بعیده یه سیر و سفر ایدرک پک چوق
 کشفیاتده بولمشر ایسه ده ملتوک و مملکتلرک وسعت
 و اهمیتلرینه کوره خدمت و شان و مفخرت بحریه تقسیم
 ایدیه جک اولور سه بجه دن ایلرویه وارمش اولانی

یورتکیرنر اولوق اوزره حکم ایدلک ضروری اولور
 اشبو اسفار بحریه ایچون مفصل و مشروح تاریخلر
 و سیاحتنامه لر قلمه النمش اولوب بونلرده رجال بحریه
 نك هربری بر قهرمان عصر اولوق اوزره کوسترلمشدر
 که استحقاقنری دخی واردر . زیرا اوزمانلره قدر فکر
 بشر یالکیز اوروپا قطعده سیله برده افریقسانک قسم
 شمالیسندن و آسیانک دخی قسم غربیسندن عبارت بولنان
 بر دنیا ایچنده صیقشمش قالمش ایکن فکر بشره کره
 ارضی کاملاً احاطه ایتدیرنلر ایشته بوقهرمانلردر .
 شو اثر ناچیردن مقصد اصلی قارئلر مزك افکارینی
 بزجه جغرافیا فننک ترقیات حاضره سنه نسبتله بتون
 دنیانک احوال تاریخیه سی عالمنه مختصراً برسیاحت
 ایتدیرمک اولوب او حالده وقوعات تاریخیه یی غایت
 مجمل بر صورتده کوسترملکه مجبور اولدیغمزدن بوراده
 رجال بحریه حقنده تفصیلات و ایضاحات مطلوبه یه
 کیریشه مدیکمزدن طولانی متأسفز . مع هذا کشفیات
 بحریه حقنده بر فکر عمومی اولوق اوزره شو قدر جق
 برشی دیه لم که :

اوزمانه قدر اوروپا کیمچیلری ساحلی کوز -

نرمن غیب ایندکری زمان ییلدیزلر دلائلیله انجق پک
 یقین رنر، قدر یول بوله بیلرک اوله اسفار بعیده
 موفق و مقتدر اوله مدقلمی حالده اسفار مذکوریه
 کندیلرینه تسهیل ایدن شی خریطه و یوصله فنلر ینک
 ترقیاتی اولدیغی کبی اگر اسلحه جه ترقیات دخی
 حصصه کلامش اولسه ایدی اورویالورک
 بویه فتوحات بعیده ینه موفق اوله میده جقلمی
 درکار ایدی . زیرا ذکر اولنان بحریونک کشف ایلد
 کلمی محفل هر نه قدر اوزمانه قدر ممالک مجبونه دن
 ایدینه لرده بوجبولیت اورویالورک اورالری و اورا
 لرک دخی اورویایی طائاملرندن وارده یرده طریق موآرده
 دیمک اولان دکرلرک یکیله مامسندن نشأت ایدوب
 یوقیه ممالک مذکوره اوتهدنبری موجود و درونلرنده
 دخی برحق اتمالی متمکن و متعیش ایدیلر . حتی
 بواهای بزم بو طرفلرک مدنیتنه نسبة وحشی عدا اولنور
 ایدده معافیه انلر میانده دخی برطاق رئیس و بکلمی
 برر نوع حکومتملی و عادات قدیمه دن عبارت قانونلری
 وارایدی . اوق و غارغی و طوپوز و بچاق و سائر بو
 مقوله اسلحه قاطعه لری دخی بولنوب ارملرنده محارب لری

مجادله لر دخی ا کسک اولزایدی . بعضلری جسم
 اغاج کوتو کلرندن اویمه و بعضلری عادتاً بزده اولدیغی کبی
 چاتمه و قالاقلی اوله رق ایری اوافق صندالری و قایقلری
 ایله کندیلرینه متجاور اولان محالره سیر و سیاحت ایلد .
 کلری کبی بعض کره یکدیگری علیه بحراً هجوم
 و محاربه دخی ایدرلر ایدی . بناء علیه ذکر اولنان
 ممالک بجهوله نك اهالی و حشیه سی قوه بریه و بحریه یه
 مالک و بررنوع حکومتله اداره اولنور یرلر اولدیغندن
 اوروپالولرک و رودی اوزرینه بونلر مقاومت و ممانعت
 ایده یلورلر و اوحالده اوروپالیردخی دها زیاده ایرو .
 لیه میهرک کشفیات بحریه نك مقدمه سنده قالمغه مجبوریت
 کوررلر ایکن مجرد اوزمانلر باروت استعمالسک دخی
 شیوعی اوزرینه اوروپالیرک طوی و تفنک کی اسلحه
 ناریه لر ی بومشکللاتی ده تسهیل ایلشدر .

اسفار بحریه تازیخلرنده تفصیل اولندیغی اوزره
 بعض ممالک و حشیه ده بیاض رنگلی آدملر کورملک
 وکیلرده ده یدکن مشاهده اولنق اهالی محلیه نك
 فوق الحد استغرابلرینی موجب اولوب بویضا آدملر
 اللهم اوغللری اولدقلری و قصادلی کیلرک دخی کولک

یوزندن او چارق کلیش بولند قری ذهایلله و حشیلر
 بولره حرمت و رعایت ایلدکاری کی کینلردن پاتلایان
 طویلردخی کول کورلدیسنه بکره مکله بوصدالرك دخی
 صیحه الله اولدیغنه شهیدلری قالمیان و حشیلر یرله
 سریلوب سجده ایدرلر و ایچلرندن قورشون ایله اوریلانلر
 اولدقجه عادتاً یلدرم ایله اورلمش و اللهك غضبنه
 دوچار اولمش اعتقادیه دیکرلری بولردن عبرت الورلر
 ایدی . ایشته اسلحه ناریه کشفیات بحریه یی بوصو-
 رتله تسهیل ایلدیکی ایچون بر محله قدر واروب قومانی-
 سنی تو کتمش اولان کیلر او محللار اهاالیسنندن ارزاق
 و مهمات لازمه یی بالاکال دها ایلرویه کیده کیده توسیع
 دائرة کشفیاتیه موفق اولمشلردر . اوزمانلر واپور
 بولنمیوب هر برسفر یلکن کیلریله سنه لرحه امتداد
 ایلدیکندن اکر موفقیات واقعه باروت قوتیله بویله
 تسهیل ایدلماش اولسه ایدی اویله سنه لرحه مدتری
 دکر اوزرنده کچیرمکه قومانیاحتیاجاتجه دخی امکان
 بولنه میهرق بناء علیه خریظه و یوصله قنلری دخی
 عاجز قالورلر ایدی .

کشفیات بحریه جهانک هر طرفندن خام اشیا

و معدن جلبنه و بناء عليه صنايعك و او يوزدن دخی
تجارتك ترقیات و رواجنه يارديم ايلديكي کي فنون
شجاعه دخی بر چ سوق ترقیاته يارديم ايتش اولديغي
ده بوراجه شایان قید و اشعاردر . اوزمانه قدر علم
هیت اربابی يالکز نصف کره شمالیدن کوريله بیلن
يیلدیزلری کوروب قطب جنوبی يیلدیزلرینی کوره مزلر
ایلدی . اوزمانه قدر مته ئورلوژی فنی یوق حکمنده
اولوب نصف کره شمالیده مشاهده اولنان تحولات
نسمیه یه نصف کره جنوبینک نه یولده مقابله ایلدیکی
يیلمز ایلدی هله علم حیوانات و نباتات و معدنیاتک احوال
عمومیه سندن بحث ایدن تاریخ طبیعی اوزمانه قدریک
فقیر ایکن کشفیات بحریه بو علم عظیمک بش اونقات
ترقیاتنه خدمت ایتشدر . جغرافیا و اتنوگرافیا یعنی
علم احوال امک نه قدر توسع ایتش اوله جغنی اخطاره
بيله حاجت اولیوب الحاصل ترقیات علیه ترقیات
حکمییه دخی یول آچهرق بزم ظرفر مدنیتندن اصلا
خبرلری اولیان اهالی و حشیه نزدنده دخی فکر الو
هیت و حس و الدیت و مولودیت کي احوالک مو -
جود اولديغي کورلمکله بومثلاو مشاهداتدن افکار
حکمییه دخی کلی وسعت کلدی .

شورایه قدر ویردیکمز ایضاحات «کشفیات بحریه»
تعبیر ایلدیکمز شیئک درجه اتمیتی حقنده قارئلر مز جد
بر فکر مخصوص حاصل اید بیله جکندن ایشته امانو.
له بیوک و بختیار عنوانلرینی قازاندرمش اولان بو
کشفیات بحریه قرال مومی الیهک ۱۵۲۱ سنده منده
وقوع و فایله نهایته ایرمش اولیوب بعد و فاته یرینه
قرال اولان اوغلی اوچنجی ژان دخی هر نه قدر کشفیات
بحریه بی جهایه و ترقیات علمیه خدمت ایدرک انک
زماننده دخی پور تکیر لر ژاپونیا به قدر کیشتر و بختار
محیطه ده نیجه یرلر کشف ایشلر ايسده قرال مرقو.
مک بر غیرت مفرطه دینه ايله انکیر یسیون - نینلان
جمعیت منحوسه بی پورتغاله دخی ادخال ایلدی شو
پارلاق دور ترقیات مهمه به نهایت و یروب بعد ما پور.
تغالك اضمحلال درجه سنده تدنی و تنزلنک و نهایت
بر طاقم حکومت اجنبیه به محکومیتنک مقدمه سنی تهیه
ایشلر . پورتغال تاریخنک بو قسمی ایکنجی بابمزلک
دردنجی فصلنه متعلق اولمغله فصل مذکور بروجه
آتی کشاد اولنور .

(در دنجی فصل)

پورتغالک مقدمات محکومیتی

عن ۱۵۳۱ الی ۱۵۸۰

تفصیل - جهانده غیرت دینیہ نک اقتحام و غلبہ
ایده میہ جکی شیخ بر کونہ مشکلات اولہ من . انسانی
جناب حقہ الیاف متحسہ قلبیہ ایلہ ربط ایدن شی
یالکز غیرت و حسیات دینیہ اولوب بو حس و غیرتده
بولنان آدم کندیسینی جناب حقہ مربوط کورنجہ
هر بر تشبثده عین و ظہیری حضرت اللہ اولوق حسبیله
تشبثات واقعہ سنده مطلقاً موفق باخیر اولہ جغنه
قطعاً و قاطبہ شہہ یوقادر . بو حقیقی علم تاریخ او قدر
بدیہی بر صورتلہ اثبات ایلرکہ معترضین ایچون مکابره
و معاند طریقندن بشقہ بو حقیقته اعتراض یولی اولنہ من
و حالبوکہ مکابره و معاندہ نک دخی ارباب فکر و عقل
زندانہ شیخ بر حکمی و تأثیری کوریلہ من . بنی امرای
ئیلدن کلان بونجه پنجمیران عظامک نیجه مشکلاتہ
و مهالک عظمایہ قارشو طور ملری هب حسیات و غیرت
دینیہ یعنی جناب حقہ مظاهرت قضیہ می اولدیغی
درکار بولمغله برابر حضرت مسیح علیہ السلام

افندمرك وضع بيوردقلىرى دين حق نصرانينك
ايلك ترقياتى دخى ینه بو غيرت ثمره سی اولديغنه کيم
اشتباه ايدر؟ هله خاتم الانبيا عليه السلام افندمرك
بونجه مشکلات ومهالکى اقتحام بيورمريه اهل اسلام
مك يوز سنه طرفنده شرقاً وغرباً مظهر اولدقلىرى
موفقيات عظيمه كه كرچكدن محير عقولدر محضاً بو
حسن وغيرت جليله نك مكافات صمدانيه سی اولق
اوزره ميسر اولديغنه كتب سیر وتواريخمرك كافه .
سى قناعت كامله ايله قناعت ايدرلر .

انجق بو غيرت دينيه نك جدا وحقيقه بر غيرت
دينيه اوله بيلسى ايچون صافيت وخالصيت شرط
اعظم اولوب بو شرط بولمديغى صورتده ايسه غيرت
دينيه بر « غيرت جعليه » دینلور كه بونك براردها
رقى ايتمش اولان صورتى دخى « ریا » نامى الور .
ریا هر دينده مستنفر و حرامدر زیرا ريانك ضمننده
تعصب دیدكلىرى حکم کر یه دخى موجود اولوب
بوصفتلر كرك برزاتده و كرك بر قومده موجود اولنجه
اوزات و باخود قومده حسیات دينيه دن حقيقت حالده
اثر بيله يوق ايكن كويا كندیسنی جوهر غيرت دينيه

ایله متحلی کوسترمک کبی ریا کارتسه دخی قانیه رق
 بلکه خلق اوزرینه تحکم و تبکمی ایچون بونی بروا -
 سطر و مدار اتخاذ ایدر وارتنق کندی افکار و ظنون
 غیر محقه سنی تصدیق ایتیانلری محو و قسر وارمق
 تعصبیه دخی میدان آچار . بو حالد ایسه مظاهرت
 الهیه بی امید ایتکه امکان قالورمی ؟ انک ریا و تعصبیه
 هیچ جنساب حق دخی الدانورمی ؟ بو یله بر حالدن
 کوریه جک نتیجه بتون عالمی دخی بر ریا و تعصب
 مجبوری یه سوق ایتکدن عبارت قالوب او حالد کړک
 ترقیات جهانگیرانه و کړک ترقیات علیه و مدنیه فی الحال
 برتنی یه تحول ایدر . زیر اترقیات جهانگیرانه و مدنیه
 و علیه دینلان شیلر انسانلرک شوق درونلریله برابر
 کیدوب عصرک افکار ریاکارانه و متعصبانه منه
 رعایت ایتیانلرک محو و قهری مثللو شاید ایسه کیمده
 ده شوق درون بر اترکه ترقیاته دوام میسر اولسون
 حقایق حکمیه نك بوجهتی دخی صحایف توارینخده
 موضحاً کورلمکده در . بو حقیقتک اهل اسلام اوزر
 نده نه صورتله حکمنی کوسترمش اولدیغی بوندن
 صکره بی اسپانیا تارینخده کوریه جک بر قضید اولوب

نصارا اوزرنده كوريلان حكمتي دخی بر درجه یه
 قدر شو پورتغال تاریخ مختصری ارائه ایدیه جکدره
 بزه شو یولده بر مقدمه افکاری سرد ایندیرن شی
 اوچنجی ژانک پورتغاله اسخال ایلدیکی انکیر یسیون
 جمعیتیدر . واقعا انکیر یسیونک حکمی یالکیز پور
 تغالده کورلمش اولیوب بونک دها زیادہ شدتی اسپانیا
 وممالک سائرده کورلمش اولدیغندن تفصیلات لازمه یی
 اورالده ویرمک لازم کلور ایسه ده اثر عاجزانه مزک
 جغرافیا تقسیماتنه تبعیتله تقسیم و ترتیب اولنان جلدلر
 نجه انکیر یسیونک ایلک حکمی اشبو پورتغال تاریخنده
 تصادف ایلدیکنندن ایضاحات لازمه یی بوراده اعطا
 ایدرک بوندن صکره کی جلدلرده لزوم کورلدیکجه
 کیفیت یورایه عطف و ارجاع ایلک لازم کلشدر .
 بناء علیه انکیر یسیون ایچون بروجہ آتی بر بند
 مخصوص کشاد ایلورز .

بند مخصوص

« انکیر یسیون »

بولفظ تفتیش و تحقیق و تدقیق و معاینه کی معنا .
 لره کلور . انکیر یسیونک ایلک تشکیلی دخی خبر .

ستیانلرک مقتضای دیانتہ درجہ رعایتلرینی تفتیش
و تحقیق ایدرک کرک سهواً و کرک عمدأً کلیسا قوانینی
خلافندہ بولنانلر کورلدکجه اصلاحی مقصدی اوزرینه
وقوعبولشیدی .

بوجمیتک ایلاک کشادینی بعض مورخلر ۱۲۰۴
سنه میلادیہ سنه قدر واردیروب تاریخ مذکورده
اوچنجی اینوسان اسمندہ کی پایانک برطساق مأمورلری
فرانسہ نك جنوب طرفلرینسه اعزام ایدرک البیرثوا
دینلان مسلاک جدید اربابنی اصلاح ایتدیرمکه قیامنی
انکیر یسیونک مبدئی عدایدرلر . فقط جمیتک برمحکمہ
جزائیہ صورتنی المسی مؤخرأً یعنی ۱۲۲۹ سنه سنندہ
وقوعبولوب اوزمان پایا بولنان دردنجی غره غوار
بوجمیتک ایلاک نظاماتنی تأسیس ایش ايسه ده ۱۲۵۵
سنه سنندہ پایا بولنان اوچنجی علمکساندر بومحکمہ
دینیہ یی فرانسہ نك هر طرفه تعمیم ایتمکه تشبث ایلد .
یکی و اوزمان قرال بولنان سن لویی دخی موافقت
کوستردیکی حالده بوجمیتدن نه قدر ملغتلر صدورینی
سن لویی تخمین ایدنجه کندیس یك عابد و زاهد
برخرستیان اولقله برابر مشهور اولان فکر عدالتنه

یعنی (فرانسه • ص ۱۵۸ مر) جمعیت مذکور
 می بجوین ایدہ مدیکندن انکیر یسیون فرانسه ده
 بقا یوله مامشدر •

بوجعیت ظالمه نك الك بیوك قوت و حکمی اسپا -
 یا شبه جزیره سندن، یعنی اصل اسپانیا عد اولنان
 ولایت ایله پورتگیزده کورلمشدر • انجق الك بیوك
 حمرتی دخی ینه بورالرده مشاهده اولمشدر • زیرا
 و آخراً تجدید و اکمال اولنان نظاماتی اقتضاسنجیه بو
 جمعیت یالکز تفتیشات دینه ایله قالیوب عادتاً پولتیقه
 تکی دخی الدیغندن و هر طرفه جاسوسلر بولندیروب
 ک عادی بروسيله ایله الك بیوك جزایره قدر واردیغندن
 هالی ترقیات علیه و فنیه خدمت ایدہ بیلک شوایه
 نورسون حتی کندی مال و ملکریک و جان واولا -
 نك دخی محافظه سندن مأیوس اوله رق طرف طرف
 صیانلر و اختلاللر وقوعه سببیت ویرمشدر • اهل
 سلام ایله یهودیلرک محولینه قدر یورویان قوت
 شته بوجعیتک قوت ظالمه سی اولوب یالکز عربلر
 کل یهودیلر دخی بونلرک اجباریله اسپانیا و پورتگیز
 قتلندن چیمشملر و ممالک اسلامیه جان آتوب
 بجا ایشلر در •

۱۴۸۱ هـ تاریخ‌نسخه اسپانیا حکمدار لری فر-
 دیناند و ایزابل بومحکمہ ظالمہ یہ یکیدن وسعت ونظام
 ویردکاری زمان ارتق جهان بواش ظلم ایند بنوب
 قاورمشدرد . اوزمان بوکا « محکمہ مقدسه » نامی ویریلہ
 وک قاردینال تورکہ مارا نام لعین باش انکیریتورنصیب
 ایدلمش و « مجلس عالی » نامیلہ معیتسہ بردہ مجلس
 ویریلوب قرق بش نفر انکیریسیمون رؤسای
 دخی ہربری برر حجاج ظالم اولوق اوزرد ولایات
 ہرطرفہ ارسال اولمشدرد . پدی با طرفری وقتیلہ
 اسپانیانک ولایتیری ایکن اہالیسی مجرد بوانکیریسیمون
 بلاسانہ تحمل ایدہ مدکاری ایچون ہرچہ بادابادی
 کوزہ الدیرہرق کندیلرینی اسپانیادن قور تارمشلردرد
 کہ ایشہ الیوم ایکی دولت تشکیل ایدن ممالک مذ-
 کورہک ابدیاً اسپانیا الذدن چیمسی انکیریسیمونک
 نافع دکل مضر اولدیغنی عالمہ اثبات ایتشدرد (پدی باہ
 ص ۳۰ مر)

تاریخلرک انکیریسیمون جمعیتی حقندہ ویردکاری
 معلومات انسانک توکارینی اورپرتر . بوجعیتک
 تشکیلدن اصل مقصد خلق ہر نوع ترقیات فکریہ دن

محروم و کوزلرینی باغلی بر حالده بولندیره رق بجهل سنی اسیر
 کبی استخدام ایله ماللرینی جانلرینی عرضلرینی ناموسلرینی
 ظالمک کیغرینه فدا ایتک و کویا بوسورتله رافضیلره
 و دیندزلره و باخصوص پروتستانلره غلبه چالقی ایدی .
 بناء علیه جهانک خزینهلری بونلرک المرنده بولنه رق
 اطماع ایلدکلری جاسوسلری هر طرفه صالديرلر و هر
 نرده نه اولسه خبر آلورلر ایدی . بابا ایله اوغلی
 یکدیگری علیهنه جاسوسلق ایتدیرمکه واردیردقلری
 مشهوردر . برکسه نک ذره قدر فکر اویانقلغنی کور .
 سهر مطلقا انی محو ایچون بیک قباحت افترایدولک
 جلادلر انه تسلیم ایدرلر ایدی . هله جمعیت ملعونه
 مذکورنک اشکنجهلری شیطانلرک بیله دوشونه میه .
 جکلری قدر ملعونانه اولوب مظلومک کوزلرینه میل
 چکمک دیشلرینی سوکمک دریسینی یوزمک و بوغازینه
 یاش بزلر طیقایوب کوزلری پاتلارجه سنه اضطرابله
 بوغغق بجاقلرندن آصوب ساطورک ترسی ایله قول
 و بجاق کیکلرینی قرق و دیری دیری یره دفن ایتک
 و آتشد آهسته آهسته کباب ایتک کبی نیجه ملعونانه
 جزاری اجرا ایچون قوللاندقلری غریب غریب آتله

حالا اروپا موزه خانه نرنده موقع تماشایه وضع
اولنور وانلری کورنلر ظلمه مر قومه یه اغتلا اوقور
نور معارف خلقک کوزلرینی تنور ایدرک ترقیات
مدینه خلقه « بنی آدم اعضای یکدیگرند ! » حکمت
کوزلجه اکلانقدن صکره طرف طرف عصیان ایلین
اهالی انکیر یسیونک مظلوم واقعه سینی تخفیفه
اولدیغی کبی بعضی مرحمتلی قرالار و سنیورلر دخی
محکمه ملعونه مذکورنک تعدیل معاملات جزایه
لرزم کوسترمشلر ایسه ده جمعیتی بالکلیه محو ایدم
کلرندن انکیر یسیون تا بیوک ناپولسیون زمانه قدر
دوام ایشدر . فرانسلر اسپانیایه کیردکاری زمانه
اوراسنی بو محکمه نک لوٹ وجود ظالمانه سندن تطهیر
ایدرک جهانک آفرینه مظهر اولمشدر .

واقعا فرانسلردن صکره بوجعیت برار دلیق یت
باش کوسترمش ایدیسه ده اسپانیا ملت مجلسی اگر
مظلوم مذکوره ینه تجدد ایدم جک ایسه عموم اسپانیایه
بره قدر اولومی کوزه الدیر ورق میدانده نه حکومت
نه پاپاسدن اثر بیله براقیه جقلرینی قطعاً در میان ایتلر
ایشته بوجرات اوزرینه انکیر یسیون دخی ابدیاً محو
ایدمشدر .
انتهای بند مخصوص

ایمدی پورتغال قرالی اوچنجی ژان ایشته بو
 جمعیت ظالمه یی ۱۵۲۶ سنه سنده پورتغاله ادخال
 ایش اولدیغندن جمعیت مذکورہ نك اول امرده یہودی لر
 ایله اهل اسلامك بقیہ سنی یازور ایله خرستیان ایتك
 ویاخود محو ایتك ایچون درلو درلو اذا واشکبجہ لرہ
 دوچار ایتسی برارہلق بعض جہلای نصارایی ممنون
 ایش ای دیسہ دہ انکیر یسیون یالاکز اسلام ویہودی لری
 مظلوم ایتکله قالمہ رق نصارانك دخی مالندہ وعرضنہ
 کوز آندیغنی وذرہ قدر شکایت ایدنلری یوقاروکی بند
 مخصوصدہ خلاصہ خبر ویریلان جزالہ اوغراتدیغنی
 اہالی کورنجہ عظیم حیرت وتلاشہ دوچار اولمشدر
 برمملکتدہ حکومتک تربیہ سی نہ یولده ایسہ یواش
 یواش اوتربیہ نك اہالی یہ دخی سمرایتی طبیعی کبی بر
 شی اولمغلہ انکیر یسیونك کوستردیکی نمونہ لر حکو
 مت ملاکیہ وعسکریہ اربابنی وحقی کشفیات بحریہ
 ایله اوغراشان آدملری دخی ظالم وغدار ایدرک بوتلرک
 ظلمی تاآمریقا وجزایر بحر اوقیانوس کبی مستملکات
 بعیدہ یی دہ قاصوب قاوورمغہ باشلاش واورالرک
 اہالی وحشیہ سی اول امردہ انباء اللہ اعتقاد ایلدکلری

آدملرک شمدیکی ظلملرینی کورنجه دوچار حیرت اولمش
ایدیلر . واقعا بیچاره لر کندیلرینی بیاض ادملر دینلان
مخلوقک ملعنتمدن قورتارمغه دفعه الله قیام ایلدیلر
ایسه ده بونلرک ایلرنده بولنان اسلحه تاریه یه مقاومت
ممکن اوله مدیغندن هر محاربه ده قریله قریله بالکلیه محوک
دخی بولنی طوتمشلر ایدی . خرستیانلق ایچون صحایف
تواریخدن اصلا سیلیمه جک برچوق لیکه لر اولوب
بونلردن بریسی دخی شو مستملکات خارجه وحشیلر .
ینک تربیه نصرانیه ایله تربیه ایدییه میهرک بالعکس
محو ایدلمش بولملری قضیه سیدرکه المانیا حکما سندن
عکسکساندر اسکر نامنده بر حکیمک بولملعتی صورت
مؤاخذه می البته الک غیرتلی خرستیانلرک دخی محجوبیت
ونفرتلرینی موجب اولور .

ایمدی بودور مظالم بتون پورتکیرلرک استکراه
ونفرتلرینی موجب اوله رق بونک اوزرینه ۱۵۳۱ سنه
میلادیه سنده عظیم بر حرکت ارض وقوعیله یالکز
لیر بون شهرنده اوتوز بیک آدم هلاک اولنجه هر کس
شوفلاکتی غضب الهی اثری اولق اوزره تلقی ایدرک
نفرتلری بالکلیه آرتمش وارثق بویه بر حکومت ظالمه

یه خدمت شوقی کیسه ده قانیوب هر کس یالکز
 کندی چولغنگ چوجغنگ سلامتی و حتی چولغندن
 چوجغندن ده واز کچه رک یالکز کندی باشک سلا-
 متی چاره سنی دوشونمکه باشلامشیدی . واقعا او چنجی
 ژان بو حاله چاره اصلاح اولوق اوزره معارف و صنایع
 و تجارت و کشفیات بحریه اربابی طوغریدن طوغری-
 به کندی حایه سی التمه المق کبی تداییده قصور
 ایتمامکه چالشدی ایسه د اصل منبع ظلم اولان و تعصب
 آثارینی احکام قوانین کبی ترویجده بولنان انکیر یسیون
 محکمه لری موجود ایکن افکار ناسه بومثالو حایه لرک
 هیچ بر تأثیری اوله میه رق مثلا تاز نهرینک طغیان ایله
 بر چوق محارری میاهک تخریب ایتسی مثالو احوال
 نفرت اهالی بی آر تدر د قجه آر تدر مقدمه ایدی .

خلقه بر کره یأس و نفرت کلد کدن صکره ارتق
 انک قولای قولای مبدل شوق و انشراح اوله ییلسی
 قابل اولور می ؟ او چنجی ژانک ۱۸۵۷ سنه میلادی-
 سنده وقوع و قاتله یرینه حفیدی سباستیدن هنوز صبی
 اولدیغی حالده قرال اولنجه بعض غیرتکاران رؤسا
 افکار خلقی اصلاح و قلبلرده کی شوقی تزید ایتمکه یلک

چوق چالشمشرايسه ده انکیر یسیون جمعیتی بر طرفدن
 مظالم واقعه سنده دوام ایدرک شونی بونی بنیر حق
 مظلوم ایلد کجه اومظالم مرک خصم واقرباسی ودو-
 ستلری نفرتلرینی تجدید ایدرک هب اسکی حال دوام
 الشدر . سیاستیهن سن رشده وصول ایله مملکتی
 مستقلاء ادارهیه باشلادیغی زمان اودخی پورتکیرلرک
 شوق جهسانکیرانه لرینی تزیده پک چوق چالشمش
 وحقی بتون آفریقا قطعہ سنی ایادی اسلامدن نزع ایتمک
 کبی عظیم بر فکر واملی اورتیه قویه رق غیرت
 نصرانیه اربابی بونقطه اوزرنده جمع ایش ايسه ده
 ذاتاً کندی حکومت نصرانیه سنه تابع اولان اهالی
 خرستیانیه مظلوم ایکن یکی فتح اولنسه جق مملکتلر
 اهالیسنی مسعود ایده بملک نصیل ممکن اوله جغنی
 دوشونلر قرالک شو تشبثنه خنده استمزا ایله کولمکده
 بولنمشلر ایدی .

هر نه حال ايسه سیاستیهن شو املنی پک چوق
 طرفدارلریله تصدیق وتحسین ایتدیره رک ۱۵۷۴ سنه
 میلادیه سنده عظیم بر اردو ایله افریقا طرفنه کچدی
 وواقعا اوزمانلر اهل اسلامک دخی عظیم بر شورش

واختلال ایچنده بولنسی کندیسنه بیاغی تأمین موقیت
ایده جک احوال دن عد اولندی ایسه ده وقوعبولان
برقاج محاربه ده اوله کوکلسر عسکر وشوقسز رؤسا
ایله مغلوبیتدن بشقه برتیجه حاصل اوله مینجه قرال
جنابلی رجعتیه مجبوریت کوردی .

برعاجز انسانی برارسلان ایدوب اورتیه صا .
لیورن شی محضا شوق دروندن عبارت اولوب او
ایسه انسانلری ریایومداهنه کبی یالانجیلقلر وجبروشد
ته رضا کبی مسکینلکلر ایله تربیه ایدرک حاصل
اوله مز . بلکه انسانلری حریت بشریه لری داخلنده
صافیانه وخالصانه برتربیه ایله یتشدره رک حصوله
کلور . بناء علیه حالا تربیه اسلامییه تربیه نصرانییه
طالب اولدیغی ایچون پورتکیرلرک قوتی قوه اسلام
میه نک اوچ مثلنه بالغ اولور والده مکمل برده دونماد
لری بولنور ایکن شو محاربه ده هیچ برشینه موفق
اوله یامشردر .

اره دن برقاج سنه مرورندن صکره فاس و مررا
کش پادشاهی مولی محمد المنتصر کندی عیسی بولنان
مولی عبد الملك طرفندن خلع ایدلمسندن طولانی پور .

تغال دولته مراجعت ایدرک اگر عیسنندن انتقامنی
 الور ایسه کنیدیسی پورتغالک پروالیسی اولمق اوزره
 فاس و مراکشی پورتغاله ربط ایده جکنی وعدا یتکله
 سباستیهن ارتق بودفعه منتصرک طرفدارانی یاردمیله
 دخی موفق اوله جغنه اصلا شبهه ایتکسزین ۱۵۷۸
 سنه میلادیه سنده دهها قوتلی بر اردو ایله فاسه پکدی
 و طنجه ده ترتیبانی اکیال ایلدکن صکره القصر الکبیر
 نام محله اغستوسک دردنجی کونی عبدالمملک
 عسکری ایله محاربه یه طوتشدی . بو محاربه پک شدتلی
 بر محاربه ایدی . انجق اولانجه شدتی پورتکیرلرک
 مغلوبیتی اوزرینه نتیجه پذیر اولوب بو محاربه ده
 پورتکیرلر اوقدر قردیلر که کیدن عسکرک اونده
 ایکسی بیله عودت ایده مدی . حتی بالذات قرال
 سباستیهن دخی بو محاربه ده غائب اولوب اوشاقلرندن
 بعضری لاشه سنی مقتولر میانده کوردیلر .

ایشته بوبوز غونلق ارتق پورتکیرلر ده هیچ بر
 جرأت مردانه براقیه رق اندن صکره بوجنکاور
 و کیمچی ملت ملل سائر یه رعیه اولمق اوزره
 یاراتلش بر مسکین مخلوق صورتنی المش وعصر لرجه

مدت کنديسنى محکوميتدن قورتاره مامشدر که کيفيتک
بوجهتی بوجه آتی کشاد ایتکده اولديغمز اوچنجی
بابده ايضاح اولنه جقدر .

(اوچنجی باب)

پورتغالک دور محکومیتی

عن ۱۵۸۰ الی ۱۸۲۰

(برنجی فصل)

پورتغالک اسپانیاه محکومیتی

عن ۱۵۸۰ الی ۱۶۴۰

تفصیل - واقعا سیاستیه نك افريقا محاربه سنده
غیوبتی اوزرینه عیسی اولوب اوزمانه قدر عمرینی
پاپاسلق عالمنده کچیرمش وشو صرهده برغا دسپوطی
بولمش اولان هازری قراللق مقامنه دعوت اولنه رق
ایکی سنه قدر پورتغالک قراللق صورتيله استقلالنی
محافظه ایتمش ايسه ده بو استقلال یالکز برقوری عنوان
ندن عبارت اولوب یوقسه شومدت طرفنده پورتغال
ممالیکی برشورش دائمی ایچنده قالمشیدی . بوشورشه
سبب مقتول قرال سیاستیه نك فی الحقیقه آفریقاده وفات
ایلدیکی خبرینه اعتراض اندرك برطاقم تورودیلرك

قرال سباستیهن کندیلی اولق اوزره میدانه چیقملرندن
وکویا هازینک تاج قرالی بی غصب ایتش بولندیغی
بیانیله استرداد دی دعواسنه چیقملرندن عبارت ایدی .
ایم دی شویله بر زمان فترتن عبارت اولان ایکی سنه
قدر زمانی دخی پورتغالک کندی قتنه و فترتنه محکومیتی
زمانیدر دیه حکم ایلک بجا کورینور . زیرا هازی
بیله « قرال هازی » عنواندن زیاده « دسیوط هازی »
دیه صحایف توار یخده شهرت بولمشد .

دسیوط هازینک ۱۵۸۰ سنه سنده وقوع وفاتی
اوزرینه حالا مقتول سباستیهن کندیلی اولوب مقتول
بولمقد قری دعواسیله قیام ایدن تورودیلر دعوالرنده
ثابت اولقله برابر اسپانیا قرالی ایکنجی فلیپ پور-
تغالک طبعاً اسپانیول ولایتی اولدیغی دعواسیله عظیم بر
اردو کوندروب هر طرفنی ضبط ایشیدی . بورتکیرلو
بوتعرض فضولی اوزرینه فرانسه دن استمداد ایلدیلر .
زیرا مشهور شارل کنک فرانسه ایله آپچش اولدیغی
محاربه لرده اوغلی اشبو ایکنجی فلیپ حالا دوام
ایتمکده ایدی . بناء علیه فرانسه دخی پر تکیرلری
الترام ایدرک معاونت کلیمده بولندی ویره نه طاغری

جهتندن اسپانیایی صقش دیردی ایسه ده ایکنجی فلیه
 اوزمان آمریقادن کی طولولری التون کلوب مومی الیه
 ایسه بوخزائن بی نهیاه الیه بتون اوروپایی یکپاره بر
 قراللق حالنه قویه رق زمام اداره سنی دخی کندی اننه
 المق داعیه سنه قیام انلش بولندیغندن بوخزینه لرله
 ندارک ایلدیکی اردولر پورتکیر لیلری تنکیل ایلکه
 مقتدر اوله بیلشدر.

ایشته پورتغال دولتی بوصورتله اسپانیانک بر
 ولایتی اولق اوزره محکومی اولنجه فلیب ثانی اول
 باون پورتغالک دونماسنی محواتک صورتیله پورتکیر.
 نری دائرة اطاعتده ضبط ایتک بولنی بولدی . زیرا
 عظیم بردونتا دکزلرده کزد کجه هر نه زمان اولسه
 کرک طوغریدن طوغری به اسپانیا سواحلنی و کرک
 خارجا اسپانیول مستملکاتی اوره بیلورایدی . حالبوکه
 پورتغال دونماسنک اورتهدن وجودی قالقنجه اوزمانه
 قدر پورتکیر قیودانترینک بحار بعیده ده کشف ایدرک
 دولت متبوعه لرینه مالکانه اولق اوزره ربط و الحاق
 ایلدکلری مستملکات دخی محافظه سز قالمش اولدی .
 دیگر جهتندن ایسه یه بی با ولایتلری دخی اسپانیا علیه نه

قیام ایدرک کندیلرینی اسپانیول رعیتندن قورتاروب
باشلی باشه برملت اوله رق تشکل ایتمکده بولندقلرندن
برچوق هولاندز قورصانلری پورتغال مستملکاتی
اوزینه صالديرمغه وارالردن پورتکیرلرک بقیه سنی
طرد ایلپه رک مستملکاتی ضبطه قویولدیلر.

ایمدی تراپونیا ده بولان پورتکیر مستملکاتی ایشته
بوصورتله هولاندزلرک المینه کچدیکی کبی براز صکره
ملوک اطه لری و آسیا قطعه سنده واقع سائر پورتغال
مستعمراتی دخی هب هولاندانک یکی سنجاغی التنه کیر-
دیلر . یالکز امریقاده واقع بره زیلیا قطعه سنده
پورتکیرلر برازدها غلبه لک بولندقلرندن قطعه مذکو-
ره نک برخیلی یرلری دخی الدن کیتدی ایسه ده براز
یرنده پورتکیرلر ثبات ومدافعه ایده ییشلرایدی .

پورتغالک بوصورتله اسپانیایه محکوم قالمی
۱۶۴۰ سنه سنه قدر یعنی التمش سنه مدت دوام
اتلشدرکه بومدت ظرفنده اسپانیا حکومتک برقاندھا
قوتنی آرتدیرمش اولدیغی کبی انکیر نیسیون دخی پورتغا-
لک داخلنی قاصوب قاورمشیدی . ۱۶۴۰ سنه سنده
واقعا پورتکیرلر اعاده استقلال ایلدیلر ایسه ده بو

استقلال دخی حقیقی برشی اولیوب نوعما اسپانیا محکوم-
 میتندن چیقہ رق فرانسه محکومیتنه کیرمک کبی برشی
 اولدی که کیفیت بروجہ آتی ایکنجی فصلده کو-
 ریلور .

(ایکنجی فصل)

اعادہ استقلالله فرانسه یه محکومیتی

عن ۱۶۴۰ الی ۱۷۰۳

تفصیل - پورتغال ممالکی بر اسپانیا ولایتی حکمنده
 محکوم اولدیغی اثناده براغانس نام محله دوقه لق
 صورتیله اسپانیا نامنه حکومت ایدن ژان اسمنده بر
 دوقه وارایدی که عن اصل پورتغال قرالی اولان برنجی
 ژانک الفونس نامنده برولد زناسی سلاله سندن کلمش
 اولدیغی جهتله نوعما پورتغالک خاندان قدیمه منسوب
 صایلور ایدی . بوژانک زوجہ سی ایسه لویزده
 کوزمان نامنده برقادین اولوب اول قدر عقل وکیاست
 صاحبی ایدی که نسواندن کلان حکمدارلر ایچنده
 بو قدر فطین برقادین کورلماش اولدیغی دعوا ایدیلہ
 یلور . دوق و دوشسده براغانسک پنتواسمنده برده
 سرکاتبری بولنوب مر قومک دخی قوه قلمی وطلاقت

لسانی جرأتی جسارتی یوز بیکده برآدمده بولنور
شیلردن دکل ایدی . ایشته پورتغالی اسپانیا محکوم
میتندن قورتاروب استقلال قدیمی اعاده یه مقدر
اولنر شو اوچ ذواتدن عبارتدرلر .

بولر تشبثات مهمملرینی کوزه الیردقلری زمان
دوق ده براغانس اوتوزدرت یاشنده اولوب زوجه سی
دوشس ده براغانس هنوز اوتوزینه وارماش اولدقلر
ندن نه قدر فطین و ذکی اولورلر سه اولسونلر بویاشده
آدملرک اویله انقلابات جسمیه یه مقدر اوله بیللری استبعاد
اولنور ایسه ده بنتو کرچکدن عقل کامل صاحبی بر
آدم اولمغله عصیان و انقلابک مقدماتنی اویله بر صورتله
ترتیب ایلمشدرکه اسپانیا حکومتک دکل شیطانلرک
دخی یورکنده کی شیلری کشفه مقدر اولان انکیر
یسون جاسوسلرینک بیله هیچ برشیدن خبری اولمقسنرین
عصیان بایراغی پورتغالک هر طرفنده بردن اعلا
ایلمش و حریق عصیانه هر طرفجه برآنده آتش ویرلمشدر
ذاتاً بو عصیانک اول قدر مکمل اوله رق ترتیب اید
لمشک ال بیولسببی خلقک انکیر یسینون بلیه سندن ارتق
یتمش اوصانمش اوللری قضیه سی اولوب انکیر یسینون

کبی بر حکومت ماعونه یه قارشو انقلاب ترتیبی خصو-
صنده ذره قدر احتیاط سزلق بجهلنک محوینی موجب
اوله جغی جهتیه ایشته سرکاتب پنتو اکا کوره تدابیر
قورمش و حقیقه هیچ بر کیسه یه سر سزدر مکسزین
ایشنی کورمشدر.

۱۶۲۰ سنه سنده پورتغالک هر طرفنده بردن
عصیان ظهور ایدوب ده اسپانیول والیرک و سائر
حکومت مآدورزینک فلانلرک براق کون ظرفنده قتل
ویانی ایدلسنی متعاقب دوق د، براغانس دخی دردنجی
شارل عنوانیه قرال اعلان اولنجه درحال مملکتک
اصیلزادکانندن عبارت بیوک بر مجلس قورمش و بو
مجلسک ریاستی سرکاتب پنتویه توجیه ایدیلرک عسکر
ودونما تنظیماتنه مسارعت قلمشدر . واقعا بویه بر
زمانده پورتغالک احتیاج عاجلی یالکز عسکر ایل
دونمایه منحصر ایدی . زبر اسپانیا دولتی پورتغال
عصیاننی منع ایدرک اوراسنی بتکرار تحت محکومیتنه
المق ایچون تدارکات عظیمه یه ابتدار ایش اولدیغی
کبی مستملکات بعیده ده و بالخاصه بره زیلیاده بولنان
پورتگیزلر دخی کندی دولترینک اعاده استقلال

ایلدیکی خبرینی النجه طرف طرف هولاندزلر علیهنه
 قیام ایدرک بناء علیه هولاندا حکومتی دخی مستملکات
 مذکوره اوزرینه یکیدن دوتما سوقنه قیام ایلشیدی .
 دردنجی ژان اسپانیانک سوق ایلدیکی قوه کلبه یه
 بار اوزر قصبه سنه قریب مونثیر و نام محله ۱۶۴۴
 سنه سنده غلبه ایدرک اسپانیایی ارتق پورتغالدن قطع
 ید ایتکه مجبور ایلدیکی و داخلا ظهور ایدن سائر بر
 چوق شور شلری دخی منعه مقتدر اولدیغی کبی بره .
 زیلیانک استردادینه شدیداً ممانعت ایلان هولاندزلر
 ایله دخی برأ و بحرأ اوزون اوزادی یه غوغا ایدرک
 نهایت ۱۶۵۴ سنه سنده هولاندزلری ده بره زیلیان
 قطع ید ایتکه مجبور ایلشدر .

مترجمین احوالک تنقید اتندن اکلاشلدیغنه کوره
 دردنجی ژانک قابلیتی بو قدر موفقیات عظیمه یه غیر کافی
 ایکن اک بیوک معاونتی زوجه سندن کورمشدر .
 سرکاتب پنتو ۱۶۴۹ سنه سنده وفات ایلدیکی زمان
 انک عقل و تدبیری درجه سنده کی قابلیتی بشقه برآمده
 بولنه میوب قرالیمچه او یزایسه ذاتاً فطانت خارق العاده
 صاحبی برقادین اولدیغی کبی سیاسیات خصوص سنده

یتودن الدیغی در ساری پک کوزل ضبط ایلش اولد -
 یغندن امثالی نادر برقرالیه اولدیغی هرکسه تسلیم
 ایتدیرمشدر * برهز یلیا استردادندن اینکی سنه صکره
 یعنی ۱۶۵۶ سنه سنده قوجه سی دردنجی ژان وفات
 ایلدیکی زمان اوغلی التجی آلفونس هنوز صغیر السن
 بولمق حسبله زمام دولت کلیاً قرالیه لویزه انده قالدیغی
 حالده دخی موعی الیها کیرودار امور حکومتده اظهار
 عجز ایتک شو بله طور سون بالعکس ارکک حکمدار -
 ئردن پک چوغنه میسر اوله میه جق برحسن اداره یه
 موفق اولمش وضعف نسوانیسندن برطاقم امیدلره
 دوشه رک طرف طرف عصیانلر ایتساع ایدن برچوق
 سنیورلری امانه دوشوروب هر زرده برانتریغه باش
 کوسترمش ایسه یاپانلرک باشی ازمشدر *

ایشته بوصورتله دخی التی سنه قدر بالاستقلال
 حکومت سورهرک اوغلی التجی الفونس اثبات رشد
 ایلدکن صکره زمام حکومتی انک انه تسلیم ایلدکن
 ماعدا اوزمانه قدر ذوق عالمدن کام الشنی ده کافی
 کوره رک بعد ماسکونت واستراحت اوزره زمان کچیرمک
 ایچون بر مناستره چکیلوب ۱۶۶۶ تاریخنده وفاتی

وقوعه کیشدر . سرکاتب پنتو پورتغال انقلابه
 دائر ایتالیا بجه اوله رقی قلمه الدیغی تار یخده قرالیمجه نك
 اوصافنی پك ایلرویه کوتورمش اولدیغنی اووقت
 مبالغه به حل ایدنلر قرالیمجه لویزك باشلی باشنه اداره
 امور ایلدیگی زمانلرده کوریلان علوم قدر و منزلتی
 اوزرینه پنتونك مبالغه سنه دکل بلکه نقصانده حکم
 ویرمشلردر . زیرا التجی الفونس عیش وعشرته
 واسراف و سفاهته زیاده سیله میال برسفیه چیقوب
 حتی دماغنده دخی جنته قریب برشدتی وار ایکن
 والده می مناسترده عزلت نشین اولدیغی حالده دخی
 اوغلی اوزرنده اجرای نفوذ ایلر و مرقومی بالکلیه
 اظهار علایم جنوندن منعه موفق اولور ایدی .
 قرالیمجه وفات ایلدکن صکره ایسه ارتق الفونسك
 سفاهتنی تعدیل ایده جك هیچ بر قوت قالدیغندن پور-
 تکیرلر ایاقلانهرق مرقومی برزندانه اتمشله و دیگر
 قرنداشی بولنان دون پدرویی ۱۶۶۷ سنه سنده قرال
 وکالتنه تعیین اتمشلردر . الفونس ۱۶۸۳ سنه سنه قدر
 یشایوب ینه محبوسا وفات ایلشدر .
 ایمدی دهها دردیجی ژان پورتغالی اسپانیانك محکو-

میتندن قورتارمغه قیام ایلدیکی زمان فرانسه نك حایت
 ماده و معنویه سنه مراجعت ایدرك فرانسه طرفندن
 كرك اوروپا پولتیقه سنجه و كرك مستملكات خارجیه
 منازعاتنجه کلی معاونت و منافع کورمسی جهتیله
 پورتغال عادتاً فرانسه نك منتهاری اولدیغی کی
 صکره لری بو منت آرته آرته فرانسه دولتی پورتغال
 اوزرینه بر نوع تحکم دخی پیدا ایشیدی که ارکان
 مملکت واعیان ملت عادتاً کندی حکومتلرینك امر
 و اراده سندن زیاده فرانسه نك امر و اراده سنه تبعیت
 ایدرلر ایدی - هله سفیه و مجنون الفونسك خلعی
 ایله یرینه دون پدرونك اجلاسی لازم کلدیکی زمان
 فرانسه پولتیقه سی بو تبدله او قدر نفوذ کوستر -
 مشدر که پدرو بالاستقلال قرال طانیموب وکیل صفتیه
 اداره امور ایشدر . فرانسه نك بوندن مقصدی
 پدرونك انکلتزیه میلانی حس ایتسیله پورتغالی
 انکلیز نفوذینه قایدیرماقدن عبارت ایدی . پدرو
 تا قرن داشنك وفاته یعنی ۱۶۸۳ سنه سنه قدر هب
 وکیل عنوانیه اجرای حکومت ایدوب تاریخ مذ -
 کورده قرن داشنك وفاتی اوزرینه ارتق نه فرانسه نك

و نه ده فرانسه يه تابع اولان ارکان مملکتک النده بر
وسيله قالمينجه ايکنجی لک عنوانيله طوغریدن طوغری يه
قرال عنوانی دخی المشر .

فرانسه نك پورتهال اوزرنده كي تحکمنه بر مثال
اولق اوزره مورخلر يازارلر که ۱۶۶۸ سنه سنده
اسپانيا دولتي پورتهالک استقلال جديديني طانيغه
تنزل ايدرلر اولبايده بر معاهده امضاسيله بعدما ايکي
دولت متجاوره نك صلح اوزره مناسبت پيدا ايلر يني
تکليف ايلديکي زمان بو تکليفك قبولنه فرانسه مانع
اولغه قيام ايتشیدی .

ايکنجی پدرو مانعيت مذکور يني طانيه رق معا .
هده يني امضا ايلديکي حالده مجرد فرانسه نك امر و
اجباريله ۱۷۰۱ سنه سنده « اسپانيا توارثي محارباتي »
ديه مشهور اولان محاربه (فرانسه ص ۲۲۲ مر)
ظهوره کليديکي زمان پدرو اسپانيا يه ويرديکي امضاسي
حکمني نقض ايدرک فرانسه ايله بالاتفاق اسپانيا عليه نه
اعلان حرب ايتکه مجبور ايدلمشر .

شو مجبوريت ايکنجی پدرو يني پک زياده دلکير
ايلش و تک شو فرانسه محکوميتندن قورتلسون ده نه

اولورسه اولسون ديه بر فرصت بکله مکده بولنش
ايکن برده اورو پادن بر قاچ دولت معظمه فرانسه
عليهنه اتفاق ايدنجه وانکلتره دولتي بو اتفاقه پورتغالی
دخی دعوت ایلينجه قرال پدرو همان انکلتره نك تکلیفنی
قبوله جان اتمش ايسه ده نه چاره که بوتدیل مسلك ايله
دخی پورتغالی محکومیتدن قورتاره مامشدر . زیرا
فرانسه محکومیتی یرینه انکلتره محکومیتی هم ده دهها
فنا بر صورتله قائم اولمشدر .

(اوچنجی فصل)

(پورتغالک انکلتره به محکومیتی)

عن ۱۷۰۳ الی ۱۸۲۰

تفصیل - دول متفقہ نك فرانسه عليهنده کی
اتفاقلرندن هیچ بر شی حاصل اوله میهرق جله سی
فرانسه اردولری اوکنده طرف طرف مغلوب اولدقلری
فرانسه تاریخنده ایضاح ایدلمشدر . بو اخذ و اعطاده
الک زیاده ضررلی چیقان ايسه پورتغال قرالی ایکنجی
پدرو اولدی . زیرا انکلتره نك تکلیف ایلدیکی اتفاقی
قبولدن صکره ۱۷۰۳ سنه سنده انکلتره طرفندن برده
تجارت معاهده سی تکلیف اولندی که پورتغال اولکا -

سینک کافه منافع تجارتیه سنی یالکز انکیرلرک ید
 انحصارینه و یرمکدن عبارت ایدی . اگر قرال پدرو
 بو معاهده بی امضا ایتیه جک اولسه انکاتره طرفندن
 ترک اولندهرق بو ایسه پورتغال استقلالنک بتکرار
 الدن کیتمسی دیمک اوله جغی جهته چار ناچار تجارت
 معاهده سنی امضایه مجبور اولدی .

۱۷۰۶ سنه سنده دون پدرونک وقوع وفاتیه
 یرینه اوغلی بشجی ژان قرال اولدیغی زمان حالا
 اسپانیا توارثی محاربه سی دوام ایتمکده اولوب او
 زمانلر فرانسه بی صقشدیرمقده اولان اوستریا عسکریه
 برلکده فرانسه قرالی اون دردنجی لویئیک اوزرینه
 هجوم ایلش ایسه ده فرانسه عسکرینک النده مغلو .
 بیت کامله یه دوچار اولمشدر . هر نه حال ایسه
 ۱۷۱۳ سنه سنده اوترش معاهده سی شو توارث
 محاربه سنه نهایت ویرمکه ژان دخی ۱۷۵۰ سنه
 میلادی سنه قدر دوام ایلان مدت حکومتنده راحت
 یوزی کورمش و مملکتی اولدقجه عاقلانه بر صورتده
 اداره ایلش ایسه ده انکاتره ایله موجنود اولان
 تجارت معاهده سی حسبیه پورتغال اولکاسنک کافه

ثروت و سامانی هپ انکلیز لر النده بولندیغندن
پورتکیر لر عظیم بر فقر ایچنده قالمشدر . واقعا
ژان بو معاهده بی محو ایتکی بر قاج دفعه لر امل
ایدنمشیدی . انجق انکلیز لرک طاغ کبی کیلری وهر
بری آتش قوصان کی طوپلری معاهده مذکورہ بی
جبراً و قهراً محافظه ایدر لر ایدی .

بشجی ژانک وفاتندن صکره یرینه کچن اوغلی
ژوزف بعض مورخلرک « ژوزف امانوئل » ديه قيد
ایلدکاری حکمدار اولوب ۱۷۵۰ سنه سنده پدری
وفات ایدوب ده مقام حکومتہ کلیدیکی زمان اوتوزبش
یاشنده بر انسان کامل بولمغله واوزمانه قدر پدرینک
انکلیتره محکومیتنی اصلا چکمه مامسیله برابر انکلیز لره
درجه مداراسی حکمتنی دخی کوزجله ا کلامش اولمغله
ملکنی حقیقه یك عاقلانه بر یولده اداره یه باشلامش
وقرال مومی الیهک مدت حکومتنده پورتکیر لر انکلیز
محکومیتنک تأثیراتی یك آز حس ایده بیلمشدر .

ژوزفک مدت حکومتی وقوعاتنک دهشتلیسی
۱۷۵۵ سنه سنده لیر بون شهرنده ظهور ایدن حرکت
ارضدر . بوعجیبه ژئولوژیقیه همان هیچ بر طرفده

کورلیان بر درجهٔ شدتی لیر بون شهرنده کوستروب
مملکت عادتاً کلیاً خراب اولدقدن ماعدا بر بولک قسمی
دخی یره باتوب صوالتنده قالمشدر .

قرالک انکلیر لره ایتدیکی مدارانک سبب و حکمتنی
اکلامیان اهالی « بزم قرال عادتاً بر انکلیر والیسی
اولمشدر » دیه عظیم برفساده باشلایه رق باخصوص
بوفساد ایچنه جزویتلر دخی قارشمقله اهل فساد کویا
ژوزف اعدام اولنور ایسه یرینه کله جک اولان آدم
همان کندیلرینی انکلیر محکومیتندن قورتاروب
فی الحال زنکین ایده بیله جگمش کبی بیچاره ژوزفک
جاننه قصد ایتکه قدر وارمش اولدقلمندن قرال بو
فسادی خبر الور المزمفسدیندن بر طاقلمی قتل و حبس
ونفی ایلدیکی کبی جزویت پاپاسلرینی دخی کاملاً پور-
تغالدن خارجه طرد ایتدی . برده اوزمانه قدر پور-
تغالده اوته دنبری دیانت نصرانیده بولنانلر اصل
خرستیان و صکره جبراً عربلردن خرستیان ایدیلانلر
ایسه یکی خرستیان عد ایدیلرک بونلرک نصرانیتلرینه
اول قدر اعتبار اولمز ایکن ژوزف بوفرقی دخی قالد-
یره رق نصرانیت امتیازلرینی اهلینک عمومته تعمیم

ایلمش و انکیر نیسیون جمعیت منحوسه سنک شدت
مظالمنه براز خفت ویرمکه ده موفق اولمشیدی .

مارکی ده پومبال اسمنده غایت ذبی و فطین برآدم
اوزون اوزادییه ژوزفه باش وکالت ایتمش اولوب
مومی الیهک نصایح عاقلانه سنه تبعیت ایدن قرال مومی
الیه پورتکیر ده صنایع و تجارتک ترقیاته برچوق
خدمتله دخی شهرت بولمشر . واقعا تجارت امتیاز -
لرینک کافه سی انکیر لرالنده بولمغله ترقیات تجاریه نک
ال بیوک منافعی دخی انکیر لره عائد ايسه ده مارکی
ده پومبال وطنی شو انکیر محکومیتندن قورتارموق
ایچون بعض تشبثاته قیام ایدرک باشه چیقارهمیه جغنی ده
ا کلاینجه انکیر لره امتیازاته تعلق ایتمکسزین پورتکیر
تاجرلرینی زنکین ایده جک یوللری ده بولمشر که شو
حال اهالی بی کرچکدن مستفید ایلدیکی جهتله ابتدای
حکومتنده قرالی بکنیان مفسد لردن بيله برچوغی اواخر
حکومتنده کندیسنه پک چوق محبت ایتمشر در .

۱۷۶۷ سنه میلادیه سنده ژوزف وفات ایلدیکی

زمان تاج قرالی قزی بولنان مارینک باشنه تنویج اید -
یلوب حالبوکه ۱۷۶۰ سنه سنده مزبورده کندی عمو -

جهه سی بولنان پدرویه تزویج ایدلمش بولمغله ژوزفدن
صکره ماری ایله پدرو ایکسی بردن حکمدار اولمق
اوزره اعلان اولندی و پدرویه اوچنجیلک عنوانی
ویرلدی . بوتزویج دخی قرال ژوزفک بر فکر حکمتنه
حل اولنور . زیرا کندی وفاتندن صکره قزی مارینک
اجرای حکومت ایلسنه پدرونک مخالفت ایدرک پور .
تعالی ینه بر بلیه یه دوچار ایده جکی درکار ایکن بو
تزویج ایله مملکتی اوبلیه دن قورتارمش صاییلور .
۱۷۸۶ سنه سنه قدر قوجه سیله برابر اجرای حکو -
مت ایلدکن صکره سنه مذکورده اوچنجی پدرونک
وقوع وفاتیه ماری صندالی حکومتده باشلی باشنه
حکمدار قالدی .

بوقادین پدرونک مسلك اداره سندن ایرلمیه رق
پورتعالی حقیقه بر حسن اداره ایله اداره ایتشد .
ذاتاً انکلتزیه محکومیت قضیه سی مرور زمان ایله
خلقک دخی صنایش اولدیغی بر بلیه حکمنی المغله
وخارجدن بردوات پورتعاله تعرض ایده جک اولسه
طوغریدن طوغریه بر انکلیز ولایتنه تعرض ایلش
کبی درحال انکلتزیه طرفندن مدافعه یه مسارعت او -

لنه جغی دول سائرہ جہ دخی معلوم اولغلہ پورتغال
اولکاسی داخلاً اسایش وخارجاً صلح اوزرہ قالمشدر
شوقدرکہ ۱۷۹۰ سنہ سندنہ مارینک شعورینہ خلل
کلہرک اجرای حکومتدن عاجز قالمش وانندن صکرہ
اوغلی ژان النجیلق عنوانیلہ والدہ سنہ وکالتہ اجرای
حکومتہ باشلامشدر .

النجی ژانک مدت حکومتی تمام فرانسدہ بیوک
انقلابک ہرطرفی صارصدیغی زمانہ تصادف ایدرک
باخصوص کہ بوصدماتک الشدتلی عد اولنہ بیلہ جک
برقسمی دہ پورتغال حقندہ کورلمش و بناء علیہ شمدیہ
قدر انکاترہ نک پورتغال ایلہ مناسبتی برحاکیت عد
اولنور ایکن بودفعہ برحامیت ونحمیت صورتی
المشدر . شویلہ کہ :

ناپولیون پوناپارت انکاترہ علیہندہ کی شدت
خصوصتی سبیلہ انکیرلرہ معاونت ایدہ بیلہ جک بر
اناج بیلہ کورسہ کوکندن قلع ایتک پولتیقہ سنی
اتخاذ ایلدیکی زمان فرانسدہ نک ایاقلری التندہ قوجہ
بر پورتغال ممالکی بولنہرق انک زراعتی تجارتی امور
مالیہ سی حتی پولتیقہ سی بیلہ طوغریدن طوغریہ

انکیرلر النده بولنديغنی کورنجه اول باول بوراسنی
 انکلتره تسلطندن قورتارمغنی امل ایدینه رک لیمانلرک
 انکیرلر کیلرینه مسدود طوتلسنی پورتغال قرالی التجی
 ژانه عادتاً امر ایدر کی بر صورتده یازمش ایدی .
 بو حالدده بیچاره پورتغال اورس ایلہ چکیچ اره سنده
 قالمش اولدیغندن کیفیتی انکلتره یه عرض واشعار
 ایتمکله واورادن دخی فرانسه یه مقاومت امرینی المغله
 ناپولیون بوایشک چاره تسویه سی پورتغال ممالکینی
 فرانسه ایلہ اسپانیا اره سنده تقسیم ایتمکدن عبارت
 اولدیغنی حکم ایلیرک ۱۸۰۷ سنه سنده فونتن بلوده
 اسپانیا ایلہ براتفاقنامه امضا ایدرک امر تقسیمه قرار
 ویرمش وادی برنفرلکدن مشیرلکه قدر چیقاردیغنی
 ژونوت نام بر معتبر قوماندانه تودیعاً عظیم بر اردویی
 پورتغال اوزرینه سوق ایتمش ایدی .

پورتغالدہ ذاتاً اسباب مقاومت موجود اولدیغنی
 جهتله ژونوت حدودی تجاوز ایلدیکی زمان قارشو-
 سنده همان دشمندن اثر بیلہ کوره میهرک یورویوب
 کیمش وکال سهولتله ممالکک هر طرفنی فتح ایلمش
 ایدی بواسطه ناپولیونک پک ز یاده خوشنه کیدرک

ولایت مذکوره والیلکنی «دوق دابرانتس» عنوانیله
برابر ژونوته ویرمش ایسه ده اوت طرفدن انکلیتره
دولتی عظیم بر قوه بریه و بحریه ایله پورتغالک مددا -
فعه سنه مسارعت ایدرک اوراسی عادتاً ضو غریدن
طوغرییه بر انکلیتره ولایتی اولمق ادعاسیله فرانسیزله
قارشو جنکه آغاز ایلشدر .

انکلیز لر ایله فرانسیز لر ارسنده وقوعه کلان
مهاجرات آیلرجه دوام ایلشدر . انکلیز عساکری
ولسله ی نام بر جنرالک قومانداسی التنده بولسوب
ویمرو نام محله دوق دابرانتسی پک فنا صورتله
مغلوب ایلدیکندن وپورتغال ممالکنی در حال تخلیه
ایتمکدن بشقه شرائط مصالحه قبول ایتمدیکلی کبی بو
صورتی ناپولیوندن استیدان ایدرک اکا کوره حرکت
ایتمی ایچون دخی فرانسیز قوماندانه میدان براقده -
یغندن اسکی جنرال ژونوتویکی دوق دابرانتس ۱۸۰۸
سنه سی اغستوسنک یکریمی ایکنجی کونی سنترام نام
قصبه ده تخلیه کایه مقاوله سنی امضایه مجبور اولمشیدی
بونک اوزرینه انکلیتره دولتی جنرال ولسله یه «لورد
ولینگتون» عنوانی ویرمشدر . شو مغلوبیت ناپو -

لیونک پک زیاده کوجنه کیدرک حتی دوق دابرانتسه
 برمدت دلکیر دخی قالمش ای دیسه ده انکیر لر پور تغال
 قرالی التجی ژان ایله والده سی بولنان مجنونه ماری بی
 بره زیلیا مستملکاتنه آشیره رق پور تغالی طوغریدن طو -
 غری به کنندی اداره لرینه المش وهر طرفنده استحکاملر
 انشاسی و قوه کله تعبیه سیله اوراسنی ممتنع
 الاستیلا بر حاله قویمش اولدقلرندن ناپولیون در حال
 عسکر سوقیله اخذ ثاره موفق اوله مامشدر .

۱۸۱۵ سنه میلادیه سننده ناپولیونک سقوطیله
 اورویا مصالحه عمومیه سی عتمد اولندیغی زمان پور تغال
 دولتنک استقلالی تأیید اولمش ایسه ده قرال حالا بره
 زیلیاده بولنوب پور تغال ایسه انکیره طرفندن کویا
 ایلچی صفتیله کلمش اولان بره سفورد طرفندن اداره
 اولنور ایلی . شو حال پور تکیر لره آغر کلمکله و فرا -
 نسه طرفندن دخی لایق قطع تشویق ایلمکله ۱۸۲۰
 سنه سننده ظهور ایندن عظیم بر اختلال ایله انکیر
 محکومیتنه دخی نهایت ویرمک لازم کلمشدر که پور تغال
 تاریخنک بوندن صکره کی قسمی تقسیمات اساسیه تار -
 یخیه مزجه دردنجی بایمزه تعلق ایتمکله بوجه آتی
 باب مذکور کشاد اولنور .

* در دنجی باب *

پورتغالک احوال اخیرہ سی

عن ۱۸۲۰ الی ۰۰۰۰

(برنجی فصل)

استقلال محارباتی

عن ۱۸۲۰ الی ۱۸۲۶

تفصیل - ۱۸۲۰ سندہ سندہ پورتغالہ ظہور
 ایدن بیوک اختلال پورتگیزی لڑک الہ معتبر اولان زاد -
 کافی طرفندن ترتیب ایدلشد کہ مؤخرأ بوزادکان
 دولت مذکورہ نیک قورٹس دینلان مجلس مبعوثان
 واعیاننی تشکیل ایشدر . بواختلالدن ایکی مقصد
 وار ایدی کہ بریسی انکلیز لری درون مملکتدن طرد
 ایتک وایکنجیسی دخی پورتغالہ قانون اساسی ایلہ
 اداره اولنور بر حکومت مشروطہ وضع ایتک ایدی
 نیجہ سندہ لردنبری انکلیز محکومتندن یعنی الارینہ
 زراعت و صناعت و تجارتدن ہر نہ پکرایسہ انکلیز لہ
 ویروب کندیلوی فقیر و عاجز قالمقدن ارتق اوصامش
 بیقش اولان پورتگیزی لڑک عاداتا علی العموم سلاحہ
 صدار لغلہ مقصدک برنجی قسمی بالنسبہ یک قولای

حصوله کندی . زیرا انکیلر نر اهاالینک قیامنی کو-
 رنجه بویاه عموم اهاالسی کندیلرینه عاصی بولنان بر
 یرده تمیل طوته میه جقتلرینی ا کلایه رقی همان تخلیه یه
 باشلا دیلر و حالاً بره زیلیاده بولنان قرال التنجی ژانه
 دخی سریعاً و عاجلاً پای تخته کلسی لزومنی یاز دیلر .
 قرال التنجی ژان بره زیلیادن کلنجه یه قدر زاد کان
 مملکت کندی کندیلرینه بر قور تس مجلسی تشکیل
 ایدرک همان بر قانون اساسی مسوده سی قبله المشر
 ایدی . بناء علیه قرالری لیر بونه کلور کلز اعضای
 مجلس قدومنی بعد التبریک قانون اساسی لایحه سنی
 تقدیم ایله اکر کندیلری اوزرینه قراللق
 ایده جکلر ایسه بوقانونی امضا ایتسی لزومنی عرض
 ایل دیلر . قرال قانونه وضع امضا خصم و صنده بادی
 امرده هیچ بر کوجلک کوسترمدی . فقط ایکی سنه
 صکره قانون مذکورک کایاً فسخ و الغا سنی
 اعلانن دخی کیرو طورمدی . ژان بو طرفده شوقانون
 اساسی مسئله سنی حل ایتکلله اوغراشدیغی صرده ده
 اوته طرفده بره زیلیالیر مقدا ژانک کندی کندیسنه
 المش اولدیغی بره زیلیا ایمراطوری عنواننی قوب

قوری بر عنواندن عبارت اولق. اوزره ینه کندیسنه
 ترك ایدرك فقط کندیلرینه بالفعل ایمراطورلق ایتمک
 اوزره ژانک اوغلی پدرویی انتخاب ایدوب جـلهـسی
 اکا تابع اولمشلر ایدی .

ایمدی بیچاره ژان بر طرفدن قانون اساسی بی الغا
 ایتمش اولمسندن طولانی پورتکیرلری کوجندیروب
 مملکتی طرف طرف عصیانلر ایچنده کوردیکی ودیکر
 طرفدن دخی بره زیلیانک پورتغالدن آیرلمسـنه تأسـفر
 ایلدیکـی حالده ۱۸۲۶ سنه سـنده وفاتی وقوعیله شو
 محنت خانه عالمـدن قورتیلوب کیتیشیدی . لیکن ژانک
 وفاتیله پورتغال ایچون دور آسایش وسکونت کلمش
 اولمـدی . زیرا ژانک پدرو ومیکل اسمـنده ایکی اوغلی
 قالبوب بونلرک پورتغال ایچون ایقاع ایلدکـری منازعات
 شدیدیه برده پورتکیرلرک قانون اساسی مسائـلـندن
 طولانی وقوعبولان منازعات داخلیه لری منضم اولهـ
 رقی پورتکیرلر همان هیج برزمانده امثالنی کورمدـ
 کلری شورش وفتنه لری التنجی ژاندن صکره کورمشلر
 درکه کیفیت بر وجه آتی ایکنجی فصلـده ایراد
 اولنده بقدر .

(ایکنجی فصل)

قانون اساسی منازعاتی

عن ۱۸۲۶ الی ۱۸۵۲

تفصیل - قرال التجی ژانک وفاتندن صکره
 اوغلی اولوب اولجه بره زیلیاده ایمپراطورلغی اعلان
 ایدلمش اولان دون پدرو ارتق پورتغال اولکاسی دخی
 ارثاً کندیسنه انتقال ایتش اولدیغی دعواسیله همان
 اورایه کلش رعنوانه برده دردنجیلک علاوه سیله ایکی آی
 قدر پورتغالی بالذات اداره ایشیدی . انجق برقرالک
 هم بره زیلیاده هم پورتغالده حکومت ایتسی نی ایکی
 طرف دخی ایستیمه رک ایکی حکومتدن بریسی نی ترک
 ایتسی لازم کله جکنی قرال وایمپراطوره عرض ایتلیله
 پدرو براره لق بره زیلیایی بتکرار بر پورتغال مستملکاتی
 حالنه قومغه یلتمش ایسه ده بره زیلیالیر بونک هیچ
 ممکن اولمدیغنی کندیسنه ا کلاتدقلندن شو حالده
 هنوزیدی یاشنده بولنان قزی دوناماریایی پورتغاله
 قرا لچه نصب ایتات جهتی دوشونمشدر .

حالبوکه اوتیه طرفده متوفی التجی ژانک میکی
 اسمنده براوغلی یعنی پدرونک قرداشی بولنوب بر

چوق زادگان « قرالز متوفی النجی شارلک ملکنی
ایکی اوغلنه تقسیم ایتک و دون پدرو ذاتاً برهزیلیا
ایمپراطوری اولمش بولندیغی جهتهله شو پورتغال
قرالغنی دخی دون میکه ویرمک الک طوغری و محق
برشی اوله جحق ایکن دونا ماریایی قراایچه نصب
ایلکده نه معنا واردر ؟ » دعواسنه قیام ایلدکارندن
اولجه قرال ژوزف زمانده کورلمش اولدیغی وجهله
بودفعه دخی شو منازعه بی بر طرف ایتک ایچون
قراایچه بی عمجه سی بولنان دون میکه تزویج تدبیرینه
مراجعت ایشلر ایدی .

۱۸۲۷ سنه سنده دونا ماریانک دون میکه نشان
رسمی اجرا اولسه رق قز هنوز برهزیلیاده بولمق
حسیله کلنجه یه قدر نشانلیسی قائم مقام صورتیله
موقع حکومت کتورلمش ایسه ده دون میکل زمام
حکومتی اله الور المز دونا ماریانک حقوق حکمرا .
نیسنی طایماش وقز پورتغاله کلدیکی زمان یوزینه بیله
باقامشدر .

ایشته بونک اوزرینه برهزیلیا ایمپراطوری پدرو
ایله پورتغال قرالی میکل اره سنده محاربات متتادیه

میدان آچیلهر قزینک بهمه حال اثبات حقوق ایچون
 پدر و اولانجه قوتنی صرف ایتکی کوزه الدیردیغدن
 شو محاربه لر بش سنه قدر دوام ایلشدر . نهایت
 ۱۸۳۴ سنه میلادی سنه دون میکل بالکلیه مغلوب
 اولهرق پورتغالدن طرد و دفع ایدملکه هنوز واصل
 حد بلوغ اولان کنج قرالیه بالاستقلال جالس
 صندالی حکمرانی اولمشیدی .

لکن دون میکل مغلوبیتنی متعاقب برده قانون
 اساسی طرفدارلری باش قالدیردیلر . دهها التجبی
 شارل زمانده تنظیم و کندیسنه امضا ایتدیرلش اولان
 قانون اساسی ایکنجیملک عنوانی الان قرالیه ماری
 یه عرض ایلدیلر که مملکتک هر طرفنده طرف
 قیام ایلش بولان اهالی یی منع و تسکین ایچون الدهر
 قوت اولدیغدن وقوه عسکریه دخی قانون طرفلیرله
 برابر بولندیغدن قرالیه ایچون بوقانونه وضع امضا
 دن بشقه چاره قالدی . زیرا پدر و ایله قزینک دون
 میکل غلبه سی محضاً مرقومک دخی قانون اساسی یی
 قبول ایتماستندن طولانی قانون اساسی طرفدارلرینک
 کاملاً کندیسندین آریله برق خصمبسی ایله برلشمش

اولمزدن نشأت ایشیدی . بو حالدہ اگر ورا ایچہ قانون اساسی بی قبول وامضا ایتیه جک اولسه اوتہ طرفده حالا دون میکل طرفدارلرینک الدہ حاضر بولنان اتقاقلرینه مراجعتله ارباب قیامک پک بیوک فناقلر یایه بیله جکلری درکار ایدی . ایشته بوفناقلره محل قالماق ایچون قانونی قبول وامضادن غیرى چاره کوريله مامشدر .

قرالچہ نك بو حرکتی حقیقه بیوک براسایش پرور-
لک عد اولمش ایسه ده نه چاره که بو فداکارلغی پرور-
تغال داخلنده ینه آسایشک تقریرینی تأمین ایده مامشدر
زیرا قانون اساسینک وضعندن صکره پورتغالده اوچ
بیوک فرقه تشکل ایشیدی . بونلردن برنجیسی مطرود
دون میکل طرفدارلری اولوب بونلر مرقومک حکو-
متی کبی بر حکومت مستقله آرزوسنده بولنان افکار
عتیقه اربابندن ایدیلر . ایکنجیسی واقعا قانون اسا-
سی طرفدارانندن عبارت ایدیسه ده پورتغال قانونی
زادکانه هیچ بر امتیاز ویرمیه رک حریت عمومیه و متسا-
ویه اوزرینه مؤسس اولدیغندن ایشته بونی ایستیوب
قانون اساسینک زادکانه بر امتیاز مخصوص ویرمسی

یعنی قورئس مجلس سیرینک بونلردن مرکب اولمسی
ایسترن ایدی . اوچنجیسی ایسه حریت عمومیه و متسا-
ویه طرفدارانی اولوب بونلر عموم اهلیدن مرتب
اولمغله دیگر ایکی فرقه نك ایکیسنه ده مقاومت ایلر ایدی .
ایشته کنج قرالچیه شو اوچ فرقه نك یکدیگری
علیهنده کی قانلی مجادلهری ارسنده قاهره بیرار
اولمقده ایکن برده ۱۸۵۱ سنه سنده مارشال سالدانها
ریاستی التنده بر عسکری فرقه سی وجوده کله رنک بونلر
دیگر اوچ فرقه نك اوچنجه بردن غلبه چالمغله اسکی
قانون اساسی بی براز زادگانک امتیازی منافعه موافق
اوله رق بالتعذیل قرالچیه عرض و تقدیم و بجه حال
بونک امضاسنی اجبار ایلدکلرندن واقعا قرالچیه
قانون جدیدی امضا ایلدیسده ده عسکر ایله اهالی وبا
خصوص استبداد طرفداری اولان افکار عتیقه
اربابی ارسنده وقوعبولان محاربه لر پورتغالی آل قانلر
ایچنده براقدی . نهایت بو محاربه لر دخی آیلرجه دوام
ایلیه رنک هیئت عسکریه نك هر طرفده غالبیتی ثمره سیله
پورتغالده آسایش قطعیا تقر ایده بیلشدر .

(اوچنجی فصل)

پورتغالک احوال اخیرہ سی

عن ۱۸۵۲ الی ۰۰۰۰

تفصیل - قرالچہ دوناماریا ایلک نشانلیسی
بولنان دون میکک اندفاعندن صکرہ برارہلق لوشتا -
نبرغ دوقہسی اوکوستہ وارمش ایدیسمده بوپرنس
همان تاهل ایلدیکی سنہ ظرفندہ وفات ایتدیکندن
ایکنجی دفعہ اولق اوزره ۱۸۳۶ سنہ سنده ساقس
غوبورغ غوتا دوقہسی فردیناند ایلہ تزوج ایشیدی .
۱۸۵۳ سنہ میلادیہ سنده قرالچہ نک وقوع وفاتی
اوزرینہ هنوز اون بش یاشنده بولنان ومومی الیه فر -
دیناندن تولد ایلیمان یدی چوجغک ارشدی اولان
پدرو بشنجیلک عنوانیله مقام حکومتہ کلدرک شو قدر کہ
اثبات رشد ایدنجہ یه قدر پدیری فردیناند مومی الیه
وصی اولمشیدی .

۱۸۵۵ سنہ سنده فردیناند اثبات رشد ایدرک
۱۸۶۱ سنہ قدر معمر اولمشدر . بوزمانلر انکلترة
وفرانسه ودولت علیہ وساردنیانک روسیہ یه قارشو
قریم محاربه سیلہ اشتغاللری زمانی اولوب او محاربه

عظیمہ دن صکرہ دخی فرانسه ایمپراطوری اوچنجی
 ناپولیون اورویانک سائر طرفلرندہ مشاغل حربیہ ایلہ
 برحق دولتری مشغول ایلدیکنندن پورتغال دولتی
 کندیسنی برصلح و مسالمت ایچندہ بولہرق نیچہ زمانلر-
 دنبری بحار محیطہ جہ دوچار اولدیغی ضایعاتی استر-
 داد ایچون وار قوتی سیاحت بحریہ یه ویرمش و کرک
 افریقا سواحلندہ و کرک بحر اوقیانوس ایچندہ کوچک
 بیوک برحق اسفار بحریہ ایلہ تأیید نفوذ و تزیید شو-
 کتہ چالشمش و برخیلی موقیاتہ دخی مظهر اولمشدر .

واقعا بشنجی پدر و پک کنج قرال اولمش و پک
 کنجده وفات ایتیش بر ذات ایدیسہ ده پدری پک عاقل
 و کامل بر آلمان اولوب اولہ صحایف توارینخده امشالی
 کورلدیکی اوزره اوغلنک حقوق حکمرانیسنہ مداخلہ
 شویله طورسون بالعکس نصایح حکیمانہ سیلہ اوغلنہ
 پک چوق حکمیات سیاسیہ درسی ویردیکنندن بشنجی
 پدر و پورتغالده تعمیم معارف و تأیید اسباب زراعت
 کبی خدمات کلیہ یه مظهر اولمشدر . هله ترقیات
 بحریہ یه بالطبع دها زیادہ اهمیت ویردیکنندن انکلیز-
 لره محکومیت زمانندہ بالکلیہ محو اولمش بولسان پور-

تکیر: دو نهماسی یکیدن کی بر صورتله وجوده کتو -
ولمشر .

واقعا پورتگیزلک اسپانیا وفاس ايله بعض منازعات
جزویه سی و مجادلات سیاسیه سی اولمش ایسه ده . بونلر
اقدام مورخینی یورمغه دکری اوله جق شیلردن
دکلدر .

۱۸۶۱ سنه سنده بشنجی پدرو وفات ایلدیکی
زمان یرینه قرنداشی لوی جانشین اولمشرکه الیوم
دخی پورتغال صندالی قرالیسنده فرمان فرما اولان
حکمدار بودر . ۱۸۳۷ سنه میلادیه سی ایلونلک
اون التنجی کونی لیر بونده تولد ایلدیکی زمان ینه یوآیک
یکرمی یدنجی کونی یعنی تولدنن اون بر کون صکره
متوفی ایتالیا قرالی ویقتور امانوئلک قزی ماری پی ايله
تورینده بالوکاله نکاحی قیلش و قرال اولدقدن بر سنه
صکره یعنی ۱۸۶۲ سنه سی تشرین اولنلک التنجی
کونی لیر بونده رسم زفافی اجرا ایدلمشر . بو ذات
دخی صلح پرور و ترقیات علیه و صنایعه یی سور بر
ذات اولوب بتون تبعه سنک محبوب قلوبیدر .

« افادهٔ عمومیه »

پورتغال تاریخی نظر محاکمه ده اجمال ایدیلنجه
 کور یلور که بو کوچک ملتک کوچکلکی شمدیکی
 حدودینک طارلغندن عبارت اولوب یوقسه عن اصل
 نشأت ایش اولدیغی ملتر اوروپا اوزرنده الکی زیاده
 اهمیت ایش بولسان ملل معظمهٔ قدیمه درلر . پور-
 تکیرلرک رومالیره کوستر دکلری مقاومت بو ملتک
 مزیت قدیمه سنه حسن شهادت ایدر . واقعاً عربلر
 اسپانیا ثبه جزیره سنک جنو بدن هجوم کوستر مکه
 باشلادقلری زمان بونلرک سیل استیلارینه اسپانیول
 ملل قدیمه سنک مزیت مسلمهٔ جنکاور یلری دخی سد
 ممانعت چکه مامش ایسه ده بو دخی اهالی مذکوره
 ایچون برشین عد اولنسه مز . زیرا او زمانلر دولت
 معظمهٔ اسلامیه نک انتظامات مخصوصه سی محیر عقل
 بشر اولوب شامدن چیقان اردولر نه قدر مهارت
 عسکریه و تسهیلات معجز کارانه ایله تا حدود چینه
 تقرب ایتیشلر ایسه ینه اوصورتله اقصای غربه
 قدر واره رق از جله موسی بن نصیرک فاس ساحلنده
 آتی دکزه سورهرک و مزرراغنی سیکهرک « یارب !

اگر بحر محیطک اوتہ طرفی اولسہ ایدی اسم جلالہی
اورالہ دخی کوتورر ایدم « دیمسی اهل اسلامک عزم
جهانگیرانہ سی حقیقہ مقاومت و ممانعتی غیر قابل اولدیغنی
اثبات ایلرز .

مات معظمہ مسلمہ نیک اسپانیا قطعہ سنہ مرورلری
اسپانیا و حتی فرانسه و ایتالیا ترقیات علمیه و ادبیه -
سنہ یک چوق خدمت ایدرک حتی او زمانلره قدر
تشریفات و مراسم ملوکدن بیله خبرلری اولمیان
اوروپا قراللری اسپانیایه مأمورلر اعزام ایدرک نزاکت
ملوکانه و اصول اداره سرای و سائر بو مثالو
مقتضیات تربیه و آدابی اوکرنده لری و بر چوق طلبہ
علومک دخی مدارس مسلمہ ده تعلم و تدرس ایلدک لری
کبی اشبو فیوضات منیه دن پورتگیز لرک دخی حصده -
یاب تفیض اولمش بولندقلرینه شہد یوق ایسه ده شو
دور ترقیده قطعہ نیک شمال طرفلرنده متحصصین قاله رق
استیلای اسلامه مقاومتده ثبات ایلیمان پورتگیز لرشمده
یککی قره طاغیلر کبی طاغی آدملر اولدقلرندن انلرک ترقیات
اسلامیه دن تفیضلری یک آز ایدی . مؤخرأ بونلر
پورتگیز نی ایادی اسلامدن استرداد ایلدک لری زمان ایسه

انکیرنسیون جمعیت ملعونه سنک ده انضمام معاونتیه
 ترقیات اسلامیہ یی محودن بشقہ برشیئہ اهمیت ویر -
 مدکارندن کندیلرینی سائر هم جو ارلرندن زیاده بر
 ظلمت جهل ایچنده بر اقفہ ینہ کندیلری سبب اولدیلر .
 یوقسه عربلرده کی علم تمامیلہ پورتکیرنرہ انتقال ایتیش
 اولسه ایدی مؤخرأ حلول ایلیان دور کشفیات بحر -
 یهده پورتکیرنرک دها سریع و سهولتلی موفقیات بحر -
 یه لری کوریلور ایدی . زیرا عربلر هر نه قدر علمده
 زیاده رسوخ پیدا ایلشلر ايسهده طیش دکزلرجه پور -
 تکیرنر قدر مهارتلی کمیحی اوله مامشلدرد . بوايسه
 اق دکزک هر طرفنه عرب کیلری اوشونتی ایتیش
 بولندقلری حالده فاسک براز جنوب طرفلرینه قدر
 کیده مامش اولمسیله مستدلدر .

مع هذا پورتکیرنرک کشفیات بحریه لری ینہ ترقی
 جویان اولاد بشری متدار ایدہ جک بر خدمت عظیمه
 عد اولنور . بو خدمتک اهمیتنه دائر درون تاریخده
 سولیش اولدیغمز برقاج سوز بوراده تکرار ایضا حاته
 حاجت براقر شو قدر جق دیه لم که پورتکیرنر ایچنده
 اولیه پک نامدار بر عسکر ویک بیوک بر عالم ظهور ایتمه

مش اولسند سبب دخی بونلرک کشفیات بحریه لری
 اولشدیر . زیرا کشفیات بحریه دینلان شی هم عسکر
 وهم علم و همده مهارت بحریه به متوقف برشی اولد-
 یغندن پورتکیر نرایشته اوچ جهندن نه قدر قابلیتلی
 وار ایسه بو کشفیات مسئله سنه صرف ایتشدر .
 بو کونکی کونده دخی پورتغال اهالیسی پک ماهر
 کمپچی عد اولنور کندیلری جسور و وقور آدمیر
 اولوب حسیات عاشقانه لری اسپانیول و عربلر متلو
 غایت منبسطدر که بودخی ساکن اولدق لری اقلیمک آب
 و هوای مقتضاسندندر . فقط بعض اوروپا ملت لرنده
 کورلمکده اولدیغی اوزره حسیات عاشقانه لری پور-
 تکیر لری اخلاق سزلق و ادیلرینه قدر سوق ایتیز .
 بالعکس بونلر غایت قصقناج آدمیر اولوب شو حال لری
 حشقرنده صدق و وفایی بر نوع مجبوریت تحتنه ادخال
 ایدر . (انتها)

❀ فهرست ❀

تعداد

- | | |
|----|---|
| ۲ | مقدمه |
| ۳ | پورتغالک اجمال احوال جغرافیہ سی |
| ۸ | تقسیمات تاریخیہ سی |
| ۱۰ | (برنجی باب) ہمدان ایٹک استقلالہ قدر |
| ۱۱ | ۱۱ برنجی فصل ۱۱ رومالیہ ترک فتحہ قدر |
| ۱۷ | ۱۷ ایکنجی فصل ۱۷ عربیہ استقلالہ قدر |
| ۲۲ | ۲۲ اوچنجی فصل ۲۲ ایٹک استقلالہ قدر |
| ۳۱ | (ایکنجی باب) پورتغالک دور ترقی و کشفیات |
| ۳۱ | ۳۱ برنجی فصل ۳۱ قرالمغاک تنظیم و توسیع |
| | حدودی |
| ۳۷ | ۳۷ ایکنجی فصل ۳۷ آویس خاندانک ظہورینہ |
| | قدر |
| ۴۵ | ۴۵ اوچنجی فصل ۴۵ آویس خاندانی و کشفیات |
| | بحریہ |
| ۶۲ | ۶۲ درونجی فصل ۶۲ پورتغالک مقدمات |
| | محکومینی |
| ۶۵ | (بند مخصوص) انکیر نیسیور |

(اوچنچی باب) پورنگالت دور محکومیتی

۷۷ « برنجی فصل » پورنگالت اسبابیہ محکومیتی

۸۱ « ایکنجی فصل » اعادہ استقلال ایادہ الساہیہ

محکومیتی

۸۹ « اوچنچی فصل » پورنگالت الکستریہ

محکومیتی

(درونجی باب) پورنگالت احوال اخیرہ

۹۹ « برنجی فصل » استقلال تجارتی

۱۰۳ « ایکنجی فصل » قانون اساسی شارحانہ

۱۰۷ « اوچنچی فصل » پورنگالت احوال

اخیرہ سی

۱۱۰ (اعادہ عمومیہ)

کائنات

کتبخانه تاریخ

برنجی قسم

اورو

» برنجی قسمک اون ایکنجی حلدی «

اسپانیا *

محرری

احمد مدحت

» ترجمان حقیقتہ « تفرقہ اولہرق درج ونشر
اولندقدن صکرہ آریچہ کتاب اولہرق طبع اولنمشدر

استانبول

۱۲۹۸

اسپانيا



جغرافیون عندندہ اسپانیا اولکاسی اوروپا جنوبی
حکومتانک ایکنجیسی عد اولندرق احوال جغرافیہ
سی بروجہ آتی اجمال اولنور .

(اسپانیانک اجمال احوال جغرافیہ سی)

پندسول اسپانیق دینلان واوروپانک جنوب غربیسی
کوشہ سنی تشکیل ایدن عظیم ولطیف شبہ جزیرہ نک
اک بیوک قسمی اسپانیا دولتنک زیر اداره سنده اولوب
برجزؤ اصغری بوندن مقدم خلاصہ تاریخنی اون
برنجی جلد مزده یازمش اولدیغمز پورتغال دولتی
اشغال ایلر .

اسپانیا اولکاسی شمال طرفدن فرانسه ایله هم
حدود اولوب پیرہ نہ دینلان عظیم سلسلہ جبال ایکی
اولکاره سنده حد فاصل اولور . بوندن ماعد اسپانیا

حدود شمالیه سندن بر پارچه سنی دخی اطلاس دکزینک
 غاسقونیا کور فزی احاطه ایلر . غرب طرفندن بویلی
 بوینه اسپانیا حدودی پورتیکر اولکاسیله محدود
 اولوب جنوب جهتندن دخی سبته بوغازی بو اولکائی
 افریقا قطعه سنده واقع فاس اقلیمندن تفریق ایدر .
 جنوب شرقی و شرق طرفندن دخی بحر سفیدایله محاط
 و محدوددر .

حدود مذکوره داخلنده واقع اسپانیا اولکاسی
 شمالدن جنوبه طوغری ۱۱۰۰ و شرقدن غربه طوغری
 ۶۰۰ کیلومتر و مسافه در که عند المساحه وسعت ارا
 ضیحه اولکای مذکورک اوروپا اولکلری میانده بر -
 نجیلردن اولدیغی کوریلور . موقعی ایسه اوتوزالتی
 درجه دن قرق درت درجه عرض شمالی اره سنده
 و لنگله اعتدال هواجه تمام بزم ممالک عثمانیه مزک
 نظیری عد اولنور .

بو قطعه غایت طاغلق بر محل اولوب شمال طر -
 قندن فرانسه حدود دینی تفریق ایلین پیره نه سلسله جبا -
 لندن بشقه بش دانه عظیم سلسله جبال دها سطح
 اراضی بی متموج ایلر . بو سلسله لک برنجیسی ابیریق

دخنی اکلاشیہ بہ طور کہ اسپانیا قطعاً سنک شمال طر .
 خونی فرانسہ ان خیم جنوبیہ حصہ و ص اولان
 محصولات از قبیلہ بی پشانی دیکھی کہ اس حصہ جنوب طریقی
 تارہ تصدیق پشانی اغلب محصولات کی دخنی حصہ وہ
 کنور . شاہ اولاد مولتیوں و پور قتل و خور مولو ذکر
 قابیلی و یاموق اسپانیہ ان اغلب پشانی محصولات
 ایسہ زدہ کہ چارہ کہ اسپانیہ اولاد از غنہ عمان شمع
 بر اہمیت ویرمہ کریدن اور زدہ طبیعت نہ قدر باریم
 اہل اسہ بالکر اولیہ اسہ محصولات کہ اکثرا
 اولیہ . اسپانیا طائر زدہ پت کبیتی معاصر و اولیہ حصہ
 شیعہ بوق ایسہ دا پوری پشانی محصولات
 اسپانیہ پت کبرودہ دراز . شاہ حال مذکورہ وہ
 بولان اغلب مرمر و عقیق طائر اور وہات عمان
 شیعہ بر طرفہ محصولات اولیہ عربیہ عن
 معمار بدکی مہارت طوق اہل ہری و اغلب طائر وہ
 بر کشدیکي بچون اہل ہریہ دلاو کور دخنی حرابہ ہری
 کور بلان اول قدر اہلہ البیہ نصف اولیہ کہ
 لطافتی عنقرہ حیرت ویر . مرمران ماسدا
 اسپانیہ رتوہ معدنی دخنی کثرت اوزرہ اولیہ

دینلان طاغلر اولوب آتی دکره اقان نهرلر ایله اطلالاس
 دکرینه اقان نهرلری یکدیگرلرندن تفریق ایلر . ایکنجیسی
 قاریه قانو اتونیق دینلان طاغلر اولوب دورو و تاز
 نهرلری ارسنده در . اوچنجیسی لوزیتانیق جبال
 اولوب تاز نهریه غوادیانا نهرلری ارسنده واقعدر .
 دردنجیسی سیه در را موره نا جبال اولوب غوادیانا
 ایله غواد الکبیر ارسنده در . بشنجیسی ایسه بئق
 سلسله جبال اولوب غواد الکبیر ایله دکر ارسنده
 ممتدر .

جبال مذکورده دن نبعان ایلیان برچوق نهرلر یکدر .
 یکرینه منصب اوله رق باشلیجه بش بیوک نهر وجوده
 کتوررلر . بونلر ایسه ابرودور و تاز و غوادیانا
 و غواد الکبیر نهرلری اولوب بونلره نسبتله ایکنجی
 درجه ده قالان دیگر درت نهر دخی مینو و قس و قار
 و غواد الیار و سکورا نهرلیدر . اراضی اکثریت
 اوزره منبت و محصورلدار اولدیغی کبی هر نه قس
 صقی قنالر پک از ایسه ده انهار جاریه بالطبع اراضی
 اسقاواروا ایلدیکندن بو دخی اسپانیانک قوم انباتیه
 سنه یاردم ایلر . اعتدال هوانک اقلیمه تطبیقنه نظراً

دخی اکلشیله بیلور که اسپانیا قطعاً سنک شمال طرف -
 قنری فرانسه نك قسم جنوبیسنه مخصوص اولان
 محصولات ارضیه یی یتشدیردیکی حالده جنوب طرفی
 عادتاً مصرده یتیشان اغلب محصولات دخی حصوله
 کتورر . هله اوزوم و لیون و پورتقال و خورما و شکر
 قیشی و پاموق اسپانیاده اگلا یتشان محصولاتدن
 ایسه لوده نه چاره که اسپانیولر زراعتده همان هیچ
 بیر اهمیت ویرمدکلرندن اورالرده طبیعت نه قدر یاردیم
 ایدر ایسه یالکز اونیمبته محصول آلمغله اکتفا
 اولنور . اسپانیا طاعلرنده یک کلیلی معدنلر بولندیغنه
 شیه یوق ایسه ده بونلری ایشلمک خصوصنده
 اسپانیولر یک کیروده درلر . هله جبال مذکوره ده
 بولنان اگلا مرمر و صماقی طاشلر اورو پانک همان
 هیچ بر طرفنه مخصوص اولمیوب عربلرک فن
 مهاریده کی مهارت فوق العاده لری بواغلا طاشلراینه
 یتشدیکی ایچون اسپانیاده حالابو کون دخی خرابه لری
 کوریلان اول قدر ابنیه عالییه تصادف اولنور که
 لطافتلری عقلره حیرت ویرر . مرمردن ماعدا
 اسپانیاده زیوه معدنلری دخی کثرت اوزره اولوب

یالکز « المادن » ودها طوغریسی عربجه « المعدن »
 دینلان ژبوه معدنی منتظمجه ایشلدیلکده و بوانتظامک
 دخی عربلر زماندن قالمه برشی اولدیغی ایشتمه حالا
 اسمندن استدلال اولنمدهدر . قلاي وقورشون و تیمور
 و کوش معدنلری اسپانیاده هم پک چوق هم ده پک فنا
 ایشلدیلکده بولنان معادنن اولوب اسپانیا طاهرلنده
 الماس مثالی ذیقیت طاشلر معدنی دخی بولنمدهدر .
 ازمنه قدیمده اسپانیانک التون معدنلری دخی پک زیاده
 زنکینلک ایله مشهور ایدیمده بونلر ایشلدیلکده ایشلدیلک
 جوهرلری توکدلمش اولدیغندن شمعی معلوم اوله رق
 التون معدنی یوقدر .

ممالک مذ کورهده چو بانلق پک ایلروده اولوب
 کلی حیوانات یتیشدیرر . باخصوص پورتغالده
 دخی کترتله یتیشدیریلان و مرینوس دینلان قویونلره
 اسپانیولرلرلده مراقی پک زیادهدر . قره صغیر حیوانا-
 تنه اول قدر رغبت ایدلمیوب اک کوزل بوغارینی
 عمومی تیاترو کی محال مخصوصده دو کوشدیره رک
 تماشا ایتک ایچون یتشدیره رک اک زیاده استخدام ایلد.
 کاری حیوانات قاطر اولغله انلری یتشدیرمک خصو-

صنده اسپانیولر پورتیکیرلره دخی غلبه ایتشلردر .
 اسپانیا قطعه سی اون ایکی دوائر عسکریه ایله
 قرق سکز قطعه ایالات ملکیه یه منقسم اولوب ایالاتدن
 بعضری اعصار سالفده باشلی باشلرینه قراللق
 اولدقلری ایچون حالا بوکون دخی « قراللق » دیه
 یاد اولنورکه اسپانیا قرالیری دخی بونلرک قرالی
 و سنیوری اولق کبی عنوانلری کندی القاب بی نه یاه .
 سنه ضم ایدرلر . عموم اهلینک مقداری یکر می ایکی
 میلیونه تقرب ایدر . بواهای میانده معارف اول قدر
 ترقیده اولیوب صنایع ایسه یالاکز منسوجات حریره
 و قطنیه ایله برده دباغلق و آینه جلیق و سلاح جلیق
 جهتلرنده ترقی اوزره در . سائر صنایع پک کیروده در .
 اوراده یالاکز قاتولیک آیینده رخصت ویرلدیکندن
 اندن بشقه « بیج بر مذهب یو قدر . حتی اسپانیا قرالیرینه
 « حکمدار قاتولیک » عنوانی ویررلر . بوایه اسپا .
 نیانک انکیریسیمون جمعیتنه عصرلرجه مدت جولای .
 نگاه اولمسندن نشأت ایلیموب جمعیت مذکوره
 اوراده اسلام و یهودی کبی بشقه دینلر اربابی دکل
 حتی خرسیتیانلغک مذاهب سائرهمی اربابی ده محوه

یورودیکی ایچون اورادہ بشقہ مذہب ار بابندن هیچ
برکسہ بولمز .

اوروپا قطعہ سندنہ بولنان ممالکندن ماعدا افریقا
وامریقا و اوقیانوس طرفلرنده دخی اسپانیانک برچوق
مستملکاتی وارد رکہ بولنردہ بولنان تبعہ سنک مقداری
دخی اوچ بیچق میلیونی تجاوز ایدر . بو مستملکات
قطعات سائرہ احوال تاریخیہ سنی بازار ایکن بشقہ جہ
بحثہ چکیاہہ جکدر .

حکومت محلیہ قانون اساسی ایلہ اداره اولنور بر
حکومت مشروطہ اولوب فقط اسپانیادہ مشروطیت
دفعاتلہ اعلان اولندیغی حالده استبداد دخی دفعاتلہ
عودت ایلشدر کہ بورالری درون تاریخدہ کوریلہ .
جکدر . پای تخت دولت مادرید شهری اولوب بوندن
ماعدا اسپانیانک الک مشهور ممالکی لئون و سویل
وقادیس زقوردو و غرناطہ و والانس شهرلیدر .

(اسپانیا تاریخنک تقسیمات اساسیہ سی)

اسپانیا اولکاسی یونان و رومادن صکرہ مدنیتک

الك اسكى اوله رق كيرمش ويرلشمش اولدينغى يرلردن
 اولوب تاريخنك . مبدئي عصر ميلاد عيسادن برخيلي
 اولدر . بناء عليه اسپانيا ايچون يازيله جق برخصوصى
 تاريخى باشليجه التى بابہ تقسيم ايلك لازم كلور كه
 برنجى باب تاريخك اطلاعى يتديكى بر زماندن بدأ ايله
 ميلادك ۷۱۰ سنه سنده اسپانيانك تحت استيلاي
 اسلامه كيرديكى زمانه قدر اولان وقوعاتى حاوى
 اولور . ايكنجى باب اندلسده شوكت اسلاميه دو -
 ريدركه ۷۱۰ سنه ميلاديه سندن ۱۰۳۱ سنه سنده
 قدر امتداد ايدوب اوچنجى باب حكومات اسلام -
 ميه نك انقراضيله بالكليه زوالرينه قدر امتداد ايليان
 زمانك وقوعات فاجعه سنى متضمن اوله رق ۱۰۳۱
 سنه ميلاديه سندن ۱۴۹۲ سنه سنده قدر كلور .
 درديجى بابده ۱۴۹۲ سنه سندن ۱۵۸۰ سنه سنده قدر
 اسپانيانك دور جهانكيرانه سى وقوعاتى خلاصه ايديلوب
 بشنجى بابده دولت مذكوره نك دور انحطاطى وقو -
 عاتنه كيريشيلور كه بودخى ۱۵۸۰ سنه سندن ۱۸۱۴
 سنه سنده قدر كلور . التجى باب دخى اسپانيانك
 احوال اخيره سى وقوعاتنى شامل اولوب ذكر اولنان
 ۱۸۱۴ سنه سندن زمانزه قدر دوام ايلر .

بو اثرده معتادمن اولدیغی اوزره اشبو الی بادن
 هر برینی وقوعاتک انقطاعات جزویه سنه تبعیتله
 لزومی قدر فصللره تقسیم ایلشزدر . بناء علیه برنجی
 باب درت فصله تقسیم اولنه رقی فصل اولده اسپانیانک
 تاریخ نظرنده طایفه باشلادیغی زماندن بدأ ایله روما
 لولرک هجومه یعنی میلادک ۴۴۷ سنه مقدمه قدر
 معلوم اولان وقوعات خلاصه ایدیلور . ایکنجی
 فصلده رومالیر ایله قارجالور ارسنده یونیق محارباتی
 دیه مشهور اولان محاربات مدیده دن اسپانیا حصه سنه
 اصابت ایدن وقوعات شتتا اجمال اولنور که بو دخی
 ۴۴۷ سنه مقدمندن ۱۳۳ سنه مقدمه قدر دوام ایلر .
 اوچنجی فصلده بر طاقم اقوام وحشیده نک اسپانیا شبه
 جزیره سنه هجوملری زمانک وقوعاتی اجمال اولنور که
 بو زمان دخی ۱۳۳ سنه مقدمندن باشلایه رقی میلادک
 ۴۴۸ سنه مؤخرینه قدر دوام ایلر . دردیجی فصل
 دخی اسپانیاده ویز بغوت دولتنک تشکیلیله تا ظهور
 اسلامه یعنی ۷۱۰ سنه میلادی سنه قدر صورت دوام
 ایدرو بعده حکومت اسلامییه وجه تحولنی مبین اولور .
 ایکنجی بابی اوچ فصله تقسیم ایتک اقتضا

ایلرکه بونک دخی برنجی فصلنده ۷۱۰ دن ۷۱۹ سنه
 میلادیه سنه قدر اسلامک ابتدای دور استیلاسی
 وایکنجی فصلنده ۷۱۹ دن ۷۵۶ سنه سنه قدر
 اندلسک دولت امویہ دمشقیه بر ولایت اولسی
 و اوچنجی فصلنده ۷۵۶ سنه سندن ۱۰۳۱ سنه سنه
 قدر اندلسده دولت امویہ نك تشکی و دوام انلی
 و قوعاتنی جمع ایدر .

اوچنجی باب بش فصله تقسیم اولنورکه فصل
 اول اندلس دولت امویہ سنک اتقسامیه مرابطینک
 ظهورینه قدر اولان و قوراتی اجمال ایلرکه ۱۰۳۱
 سنه سندن ۱۰۸۶ سنه سنه قدر اولان و قورات دیمکدر .
 ایکنجی فصل دولت امویہ نك اشبو اتقسامیه بوندن
 حاصل اولان اقسام یواش یواش اسپانیا دولت
 نصرانیه سی الیه پکدیکه دولت مذکور نك حاصل
 اولان ترقیاتنی موازنه ایلرکه بودخی یالکز شو اوچنجی
 بابک مبدأندن باشلامیوب بلککه دهها اوللرندن بدأ ایلیه .
 وک ۱۰۸۶ سنه سنه قدر اولان ترقیات نصرانیه یی
 کوسترر . اوچنجی فصل مرابطین و سائر عرب
 مستولیری و قوعاتنی جامع اولورکه ۱۰۸۶ دن ۱۳۴۴

سنه سنه قدر کلور . دردنجی فصل حکومت نصراء
 نیه نیک ترقیات دائمه سنی مبین اولوب بوترقیاتی یوقا-
 روی اوچنجی فصلک حاوی اولدیغی مدته تطبیقدن
 صکره ۱۳۴۴ سنه سندن ۱۴۷۹ سنه سنه قدر دخی صو
 رت دوامنی کوستر .. بشنجی فصل ایسه غرناطه
 حکومت اسلامیه سنک دخی انقراضیه اسپانیا اوزر -
 نده استقلال اسلامک ارتق وجودی قالدیغی زمانه
 مخصوص اولوب بودخی فصول متقدمه یه برنظر
 اجمالی عطفیه ۱۴۹۲ سنه سنه قدر کلور .

دردنجی باب اوچ فصله تقسیم اولنهرق برنجی
 فصلنده شارل کنک ظهورینه قدر اسپانیانک وقوعات
 تاریخیه سی اجمال اولنور که مدتی ۱۴۹۲ دن ۱۵۱۶
 سنه سنه قدر در . ایکنجی فصلنده شارل کنک دور
 جهانگیرسی حکایه اولنور که ۱۵۱۶ دن ۱۵۵۶ یه
 قدر کلور . اوچنجی فصلنده دخی اسپانیانک کمال
 شوکتی دوری حکایه قلوب بوایسه ۱۵۵۶ دن ۱۵۸۰
 سنه سنه قدر اولان زماندر .

بشنجی باب بش فصله منقسم اولوب فصل اول
 انکیر یسیونک یهودیلرله اهل اسلام حقنده کی مظالمی

حاوی اوله رقی ۱۸۰۰ سنه سندن ۱۶۰۹ سنه سنه قدر
 دوام ایلر . ایکنجی فصلنده مستملکات خارجیہ نیک
 الدن چیقیشی حکایہ اولنور که ۱۶۰۹ دن ۱۶۷۹ سنه .
 سنه قدر کلور . فصل ثلاث اسپانیا توارثی محاربات
 مشهوره سنه دائر اولوب ۱۶۷۹ دن ۱۷۱۴ سنه سنه قدر
 امتداد ایلر . دردنجی فصلنده فرانسه بیوک انقلابیک
 اسپانیایه جهات، تعلقی حکایہ اولنور که ۱۷۱۴ سنه .
 سندن ۱۸۰۸ سنه سنه قدر در . بشنجی فصلی ایسه
 فرانسرلک اسپانیایه بالکلیه تحکمنی مبین اولوب بو
 ایسه ۱۸۰۸ دن ۱۸۱۴ سنه سنه قدر ممتد اولور .

اسپانیانک احوال اخیرہ سی وقوعاتنی حاوی
 اولان التنجی باب درت فصله منقسم اولوب فصل
 اولده اسپانیانک فرانسه تحکمندن رهاسیله یدنجی فر-
 دیناندک وفاتنه قدر احوال تاریخیه سی خلاصه اید-
 یلور که ۱۸۱۴ سنه سندن ۱۸۳۳ سنه سنه قدر گذران
 ایلیان سنه لر دیمکدر . ایکنجی فصلده اسپانیا محار-
 بات داخلیه سنک ختامنه قدر صورت احوالی تصویر
 ایدر که ۱۸۳۳ سنه سندن ۱۸۴۶ سنه سنه قدر اولان
 زمانلر در . اوچنجی فصلده قرالچہ ایزابلانک خلعیله

ایتالیا پر نسلرندن آمدنک قرال انتخاب اولنه رق انک ده حکومتدن فراغت ایلدیکی زمانه قدر اولان وقو-
مات حکایه اولنور که ۱۸۴۶ دن ۱۸۷۳ سنه سنه قدر کلور . در دنجی فصلده دخی اسپانیاده حکومت جمهوریه نك اعلانیله مؤخرأ قرال الفونسك مقام حکومتده دعوت اولندیغی زمان یعنی حال حاضرده قدر اولان وقوعات خلاصه اولنور .

✽ باب اول ✽

ابتدای احوال

عن ۰۰۰ الی ۷۱۰

(برنجی فصل)

رومالورک ورودینه قدر

عن ۰۰۰ الی ۲۲۷ مقدم

تفصیل - رومالور اسپانیا حقیقده ایلک معلو-
مات جغرافیه و تاریخیه یی الدقلری زمان اوراده اسپا-
نیانک الک قدیم اهالیسی اولق اوزره باشلیجه ایکی نوع خلق
طانیشلردر . بونلردن برنجیسی سلت یاخود غال
دینلان اهالیدر که قطعه نك شمال و غرب طرفلرینه
یا بلشلردر . اهایء مرقومه پورتغال قطعه سنک دخی

ایلات اھالیسی اولدقلری بوندن اولسکی جلدده خبر
 ویرلمش اولدیغی کبی فرانسه ملتنی تشکیل ایلیان اھالی
 قدیمه نك ده بر قسمی اولدیغی فرانسه تاریخنده عرض
 اولنش و بونلرک باربارلق زمانلرنده کی احوال و صو-
 رت معیشتلرینه دأر دخی فرانسه تاریخنده بعض
 تفصیلات ویرلمش ایدی . اھالی قدیمه نك ایکنجیسی
 ایر دینلان ملت اولوب اسپانیانک شرق و جنوب
 طرفلرنده یرلشمش اولدقلری کورلمشدر . بواھالینک
 افریقا طرفلرندن کلش اولدقلرینه دأر بعض جغرافیای
 قدیم محررلری بر روایت یازمشلر ایسه ده تدقیقات
 اخیره بوروایتی اصلمز چیقارمش و اھالی مرقو-
 مه نك مورد و منشأ لرجه مجهولیتہ قناعت حاصل
 اولمشدر .

سلتلایلہ ایرلرک اطلاع تاریخن مقدم بر زمانده
 یکدیگرلریلہ یک چوق محاربہ لر ایتش اولدقلری ظن
 اولنور . زیرا اسپانیانک وسطلرنده و تمام بوایکی
 ملت قدیمه نك موقع تلاقیلری عد اولنه بیله جک یرلرده
 دیگر بر قوم مختلط دھا کورلمشدر که اسان و اخلا-
 قلرندن بونلرک سلتلر ایله ایرلردن مترج اولدقلری

اکلاشیله رقی اسملری دخی « سلتیر » تسمیه قلمشدر .
 حالبوکه ازمنه قدیمه ده اویله مناسبات تجارتیه فلان
 ایله ایکی قومک اتحاد و امتزاجی متصور اولمیسوب
 یالکز محاربات متمادیه بی متعاقب یا بر مصالحه عقدی
 و یا خود بر قومک دیکری اوزرینه غلبه و تسلطی صو-
 رتیه امتزاجلر حاصل اولدیغندن ایشته سلتیرلرک
 دخی بو صورتله ترکیب ایلدیکرینه یقین حاصل
 اولمشدر .

یک قدیم زمانلرده اسپانیا شبه جزیره سنه بعض
 ملل متمدنه نک هیئت مهاجرلر سوق ایدرک برطاقم
 تجارت بندرلری وجوده کتورمش اولدقلمی دخی
 محققدر . ازجمله فنیکه دینلان و قدس شریف جوا-
 لیسنده بو لنان ملت قدیمه متمدنه آفریقا سواحلنه
 مهاجرلر کوندروب قارتاژ دینلان حکومت قدیمه بی
 وجوده کتوردکن صکره قارتاژدن دخی برفرقه نک
 اق دکر طریقله کیدرک اسپانیا ساحانده کوزل
 بر بندر تجارت وجوده کتوردکلمی الیوم بندر
 مذکورک اسمنه « قارتاجه نا » تسمیه ایلدیکده بو-
 لشمیله ثابتدر .

قارتاجه نایه چیقان قارتاژلیلر اسپانیا ممالکنی
ایچرولره طوغری کشت و فتح ایتیکه باشلاقدیری زمان
بعض آثار باقیه سندن کندیلرندن اول اورالره فنیکه -
لیلرک سائر مهاجرلری دخی کیش اولدقیری کورد -
کاری کبی دها اسکی برزمانده یونان قدیم مهاجرلرندن
دخی برخیلی فرقه لک اورالره طوغری منتشر اولدقیر -
ینه دائر علامت کورمشلردر • انجق یونلر قارتاژلیلر
قدر ترقی ایده میوب قارتاژلیلر ایشه کاه حر با کاه صلحاً
اسپانیانک همان کافه سنی کنندی اطاعتلری اتنه المشر
ایدی •

بریاندن قارتاژلیلر شو صورتله ترقی ایده طور -
سونلر دیگر جهتدن رومالیلر دخی فرانسه نک قسم
جنوبی سندن و پیره نه طاغلری اوزرندن بولدقیری یوللر
ایله اسپانیانک شمال طرفلرینی کشفه باشلا دیلر • روملر
لیلر کنندی اوکلرینه چیقان سسلتوی دفع ایده ایده
اسپانیانک قسم شمالی سنی بیاغی اله پکیدکن صکره
جنوبه طوغری صارقدقیری زمان قارتاژ مستعمراتی
دخی کورنجه براز توقفه مجبور اولدیلر • زیرا اوزمانلر
قارتاژ کرک برأ و کرک بحرأ غایت زنکین وقوتلی بر

دولت اولوب رومالیر ایسه واقعا استیلای عالم
دورینه کیرمش ایسه لوده اصل شدتلی برطاقم نظا -
مسن و انتظامسن اهالی و حشیه حقلنده کوریلوب
اولیه قارتالیر مثلومتدن و مترقی بر خلق قولای قولای
کوزلرینه کسیره مز لایدی .

براره لق رومالیر ایله قارتالیر اره سنده بعض
محاربات رقابتکارانه باش کوستردی ایسه ده غالبیت
و مغلوبیت هر ایکی طرف ایچون همان مساوی کبی بر
صورته قالمش و اندن صکره نه رومالیر جنوبه ونه ده
قارتالیر شماله طوغری ایارولیه میوب ایبر نه ری بوئلر
اره سنده برحد فاصل اولشیدی . نهر مذکورک ایکی
ملت جهانبگیری یکدیگر یاه بالتلاق چارپشه رق
بریسنک دیکرینی از مسنه ممانعتی میلاد حضرت
عیسایان ۲۴۷ سنه مقدمه قدر دوام ایدرک اندن
صکره روما ایله قارتا اره سنده یونیق دینلان محاربات
عظیمه باش کوسترمکله ارتق مهاجمات طرفین ایچون
نهر مذکور برحد مانع اولمقدن عاجز قالدی .

(ایکنجی فصل)

یونیق محارباتیله رومانک اسپانیایی استیلاسی

عن ۲۲۷ الی ۱۳۳ مقدم

تفصیل - « یونیق محارباتی » دینلان محاربه لر
روما ایله قارتاز اره سنده برچوق سنده دوام ایدرک
نهایت قارتازک بالکلیه محویله رومانک جهانگیرلیکنی
اتمام ایش بر وقعه اولسیله ازمنه قدیمه تاریخنک الک
مهم وقوعاتندن عد اولنور .

اسپانیانک دارالحرب اولدیغی یونیق محاربه سی
ایسه محاربات مذکوره نک ایکنجیسی عد اولنور .
بو محاربه یه الک اول قارتازلیلر سببیت کوسترمشلردر .
زیرا ایبر نهرینی اوتله طرفه چکمی جکری حقنده اسپانیا
ایله منعقد اولان معاهده لرینی قارتازلیلر بوزمشلردر .
آندبال اسمیله ازمنه قدیمه تاریخنده شهرت شعار اولان
قارتاز سرداری اون بیکی سواری اولقی اوزره یوز
یاش کشیدن مرکب تشکیل ایلدیکی براردو ایله یالکز
بتون اسپانیایی استیلایه دکل بلکه امکانک مساعده سنه
کوره بتون روما ممالکنی فتحه قالقشهرق ایبر نهرینی
مرور ایلدی . تا پیره نه طاغرینه قدر اسپانیولاردن

برکونه مقاومت شدید کورمدی ایسه ده ذکر اولنان
 جبال صعب المروره کلدیکی زمان رومایه تابع بولنان
 اقوام وحشیه ایله چرخه شمع مجبور اولدی .
 پیره نه طاعلری شمدی بیله بیونک براردونک اویله قولای
 قولای مرور ایده میسه جکی جبال عظیمه دن اوتغنه
 بالخاصه ازمنه قدیمه ده هنوز وحشیلر مسکنی بولنده
 یعنی یعنی پکه جک یوللری حیوانات وحشیه نك بیله
 کوجدکاه طرمانه بیله جکلری قدر ممنوع المرور اولد .
 یعنی مناسبته کرک شو مشکلات و کرک اقوام وحشیه
 طرفندن کوستریلان هجمات آنبیالک اردوسنی زیاده
 سیله قرمغه و برطاقم نفرا تی دخی فراره مجبور ایلمکه
 باشلامشیدی . شو حالده اردونک موجودی نصفندن
 دها آز بر مقداره اینمش ایسه ده آنبیال جبالی اوته
 طرفه آشدقدن یعنی شمدیکی فرانسه نك ممالک جنوب
 بیه سنه ایندکدن صکره رومالور طرفندن ینه جدی بر
 مقاومت کورمینجه بقیه عسکرینه یکیدن نظام ویره رک
 رومایه طوغری یورومکه باشلادی .

بوحالده رومالیر قونسول بولنان سپیونی عظیم
 براردو ایله آنبیاله قارشو کوندردیلر ایسه ده بو اردو

کاملاً منہزم و پریشان اولدیغی کبی پیدر پی کوندریلان
دیگر درت بیوک اردو دخی محو و پریشان اولدیغندن
ارتق نفس رومانک دخی قارتاژ لیلر الیه فتح اولمسنه
هیچ شبهه قالماشیدی .

انجق بو حالده آنبالک عسکری اوتوز درت بیک
نقره قدر تنزل ایدرک رومالیر ایسه مارسلوس نام
مردار لرینک قومانداسنه تبعیله صوک غیرت لرینی طو-
پلایه رق آنباله صوک مقاومت مایوسانه یی کوسترمکه
باشلامقه برابر دیگر بریول اردوی دخی بحرأ قارتاژ
اوزرینه صالدیرملریله و حالبوکه قارتاژ حکومتی ذاتاً
اولانجه قوتنی آنباله تودیعاً اوروپایه کوندرمش
بونمسیله آفریقایه کلان روما اردوسنه مقاومت ایده
جاک قوت بولنه میسه رق بتون قارتاژ رومالیره تسلیم
اولمشیدی .

بو خبر آنباله واصل اولنجه معیتنده موجود قاله
یلن عسا کر ایله سریعأ آفریقایه عودت ایلدی ایسه ده
ارتق ایش ایشدن کچمشیدی . ایشته بومغلوبیت
عظیمه اوزرینه اسپانیا قطعده سی کاملاً رومالیرک انه
کچدیکی کبی قارتاژک دونماسی خزینه سی و سائرہ سی

ده ضبط اولنوب شو قدر که بود فعه یه مخصوص اولمق
اوزره اصل قارتاز ممالکی طوغریدن طوغری یه
رومایه الحق قلمیه رقینه کندی حالنه ترک اولمشیدی
ایشته بو محسار به مدده ۲۰۹ سنه میلادیه
سندن بدأ ایله اونیدی سنه دوام ایلیه رک نتیجه سنده
اسپانیا کلیاً قارتاز لیلردن نزع ایدلمش ایه ده کلیاً دخی
روما اطاعت قطعیه سی التنه انه مامشدر . بلکه بوندن
مقدم قله النان پورتغال تاریخنک برنجی بابنک برنجی
فصلنی تشکیل ایلان وقوعات همان عینیه اسپانیا
تاریخندن عد اولنه بیلجک بر صورتده بوراجه دخی
تکرار مطالعه سنه لزوم کورلمک اوزره رومالیلری
نیجه سنه لر اسپانیا اقوام قدیمه وحشیه سیله اوغرا -
شمغه مجبور ایلشدر . نهایت اسپانیا قطعده سنک الک
مهم مواقع عسکریه سی رومالیلر یدینه دوشمکه واو -
زمانه قدر یر لیلردن دخی برطاقم رؤسا رومالیلر جانتندن
جلب واطماع ایدلمش بولمغله اصل بونلر انضمام
معاونتلیله اسپانیا طوغریدن طوغری یه روما ولایتی
خالنه افراغ اوانه بیلشدر .

(اوچچکی فصل)

باربارلرک استیلاسی

عن ۱۳۳ الی ۴۲۸

تفصیل - اسپانیا ایله پورتغال ایچون برچوق
 مورخلره یالکز بر تاریخ خصوصی یازدیره رق پورتغالی
 بر اسپانیا ولایتی کی تصور ایتدیرن شی اشبو از منه
 قدیمه یه تعلق ایدن وقوعاته ایکی اولکانک شمان کاملا
 کی بر صورتله اشتراکری قضیه سی اولدیفسندن
 بورلرک روما استیلاسی التمه کیردیکی زمانه قدر
 یرلیرک رومالیره کوستردکاری مقاومتره دأر پورتغال
 تاریخنک برنجی باینده حکایه ایدیلان وقوعاتک اسپانیا
 تاریخندن اشبو برنجی بابه دخی تطبیقی لازم کلدیکه
 رومالیرقارتالیرلی مغلوب ایدرک واسپانیا قطعه سنک
 نقاط مهمه عسکریه سنی اله الهرق اقوام قدیمه نک
 هیئت عمومیئمزوجه سی دیمک اولان سلتیرلری قلدا
 نه میه حق برحاله قویدقدن صکره ازجمله روما سردار
 لردن برتوریوسک رومایه عصیانی اشناسنده اسپانیایه
 بالاتجما اسپانیولاردن تشکیل وتأسیس ایلدیکی فرقه
 ایله پورتغال ایله برابر اسپانیایی ده همان مستقلجه بر

حکومت خانه نویمش اولسی کبی احوالی ده هب
وقوعات مشترکه دن عد ایلک لازم کلور .

اسپانیانک روما طرفندن طوغریدن طوغریه
وآسایش و امنیت ایله اداره اولمغه باشلامسی انجق
میلادعیسناک ایلاک عصرنده میسر اولوب اوزمانه
قدر برطاق اقوام وحشیه ناک روما علیه وقت وقت
ایقاع ایلدکلی عصیانلری تمامیه قید وایضاح ایتک
لازم کلور ایسه کائناتک بوجلدی الترامکرده مزاولان
اختصار داخلنده کی ترتیبندن یک فضله اوله رق مفصل
اولسی لازم کلوب حالبوکه قطعه مذکوره ناک اوزون
اوزادی یه اهل اسلامه وطن اولسی اوجهتک ایضا -
حنی ایجاب ایتکله رومالیرک اسپانیاده صورت
تأسس حکومتلرینی پورتیکر قسمنده کی ایضاحزدن
فضله اوله رق تطویل ایده مامکه مجبور اولدق .

ایمدی اسپانیانک رومایه التحاق قوت بولدقن
صکره وباخصوص رومانک بر حکومت ایمراطوریه
اداره سی التنه کیردیکی زمان بو قطعه ثروت ومعمو -
ریجه او قدر ترقی ایلشیدی که روما دولت ایمراطور -
یه سنک برنجی ولایتلرندن عد اولنور ایدی . رومالیر

بوراسنی اولاً اوج بیوک ولایتہ تقسیم التلش اولدقلى
 حالده کیتد کجه آرتان اهمیتی اوزرینه مؤخرأ بش
 ولایتہ آیرمشر ودها صکرهلى ایکی ولایت دهاعلا-
 وهسیله عموم اسپانیا اقلیمی یدی ولایت اعتبار التلش-
 در . رومالیرک بوولایتہ ویردکلى اهمیتک ال بیوک
 وجهی اورالرده کی معادنک ثروتی اولوب حتی التون
 معدنلى باخاصه رومایی زنکین ایدن معادن اولد .
 یغی مشهوردر . اهائی محلیه ایسه روما تربیه سنی
 اوقدر المشر ایدی که روما لسان وادیاتده وعلوم
 وحکمیاتده اسپانیولر رومالیرده دخی فائق عد اولنورلر
 ایدی . حتی رومانک مشاهیر حکما واریاب قلندن
 « سہ نق » و « اوکن » و « مارسیمال » عن اصل
 اسپانیول اولدقلى حالده ترقیات علمیه وحکمیہ لریله
 رومانک اعلاى شانده خدمت ایده جاک درجه یی
 بولمشردر . بونلردن ماعدا روما ایمراطورلرندن
 تراژان دخی عن اصل اسپانیولدر . بویله روما اعظم مشا-
 هیرندن درت ذاتک عن اصل اسپانیول اولملى نظر
 تاریخده بونلر کی ابواب وفصول ویاخود صحایف
 مهمه پیدا ایده مامش اولان سائر یوزلرجه وبلکه

بیکارجه بیولک آدملرک دخی رومالیردن زیاده رومالی
عد اولنه بیه جک قدر اولمت قدیمه نک ترقیاتنه اشتراک
ایلدک لرینی اثبات ایدر .

اصل رومانک یعنی ایتالیا طرفلرینک اخلاق سیاسیہ -
سنه خلل طاری اولوب ده جرمانیا طرفلرینک اقوام
وحشیہ سی جنوب جهتلرینه طوغری تخطی یه باشلا -
دقلری زمانلر رومالیرده مقاومت ایچسون کوریلان
کسالت اسپانیولرده کورلیوب بونلر بالنسبه روما -
لیردن زیاده حمیت وغیرت کوستر دکلرندن شو حاله
نظر ایدن مورخلر رومای غربینک انقراض کلیسندن
صکره اسپانیانک یکی بر روما ایمراطورلغی اولمق
اوزره باشلی باشنه بر هیئت عظیمه اوله رق تشکل ایده -
بیه جک اقتدارده اولدیغنی تسلیم ایدرلر . انجق
کیفیت پورتهال تاریخنده دخی بیان اولندیغنی اوزره
اقوام وحشیہ دن سوئه و والن ووندال ویزیغوت
طائفه لری یکدیگرینی تعقیباً اسپانیایه هجوم ایدرک
بونلر سائر طرفلرده کوردکلری مقاومتدن زیاده اسپا -
نیولردن مقاومت کوردکلری ایچون الک بیولک تخریباتی
دخی اسپانیاده اجرا ایتلریله او معمور وشو وکتلی
مملکتک قوتی ضعفه مبدل اولمشدر .

بونیکله برابر میلادک ۲۰۸ سنده سندن ۴۱۱
 سنده سنده قدر اسپانیولرک باربارله کوستر دکری مقا-
 ومت عادتاً محیر عقول ایدی . چه فائده که اک صکره
 اسپانیایه هجوم ایدن ویزیغوتلر اویله سیل استیلارینه
 قارشو پیرده نه طاغیرینک دکلی حی کوه قافک ییله
 بلکه ده مقاومت ایده میسه جکی بر بلیه عظمیا اولمغله
 ایشته بونلر اسپانیایه کیر دکری زمان کندیلرندن اولجه
 کلمش اولان باربارلری بر طرف ایدرک ویرلی اسپانیولری
 دخی محو درجه سنده زبون ایلیرک « ویزیغوت
 دولتی » نامیله قوردقلری عظیم بردولنک جزؤ اعظمی
 اسپانیا اراضی سندن تشکیل ائلشیر ایدی .

(دردنجی فصل)

ویزیغوتلر

عن ۴۲۸ الی ۴۱۰

تفصیل - « ویزیغوت » دیمک « غرب غوتلری »
 دیمک اولدیغنه کوره بو خلقک اصل منسوب اولدیغی
 ملت « غوت » طائفه می اولدیغی اکلاشیلور .
 غوتلر اوروپادن برچوق ملتک توارخ خصوصیه -
 سنده مهم مهم بابلری وفصللاری کندیلرینه حصر

ایش اولدقلرندن بز دخی فرانسه و پهینی با وروسیه
 و المانیا کی جلدلرمزده بونلرک ملل مرقومهیه تعلق
 ایلین مناسبت تاریخیه لرینی لزومی درجه سنده خبر
 ویرمشیدک . حالبوکه شو غوت ملتک الک بیوک بر
 قسمی ویزیغوتلر اولدیغی کی بونلرک فرانسه و اسپانیا
 طرفرنده تشکیل ایلدکلی دولت دخی دور استیلای
 اسلامه قدر اوچ عصر مقصداری دوام ایش واکر
 اهل اسلامک کرچکدن جهان براندازانه اولان قوه
 قاهره می بونلری زبون ایتسه ایدی رومالیر مقامنه
 قائم اوله رق دها پک چوق عصرلر دوام ایلیمه جکلی
 دخی درکار بولنمش اولدیغندن اشبو اسپانیا جلدلرمزده
 غوت طائفه سنک دوران عمومی جهانگیراندلرینه
 دائر قارئلرمزه بر اجمال عرضندن صکره ویزیغوتلرک
 اسپانیاده قوردقلری حکومته نقل کلام ایله ایضاحات
 لازمه یی اعطا ایلک صورتی مناسب کوردک .

غوت دینلان طائفه تاریخک الک اسکی اولق
 اوزره خبر ویردیکی طوائفدندر . بونلرک ابتدای
 نشأتلری از جله سیت دینلان و شمیدی روسیه نک جنوب
 طرفلریله قفقاس و اورال جهتلرنده کوریلان قوم قدیم

کبی بر غلات مجبورت ایچنده غائب اولوب کیدر .
بر طاق مورخلرک اعتقادلرینه کوره بونلر دخی سیت
ملت قدیمه سنک بر قسمی ایملر .

هر نه ایسه بونلرک اول شمدیکی بو عیمسا طرفلر نه
کورلش ایدی که بو ملل قدیمه نک کندیلرینی تاریخ
ارباب مدنیته کوستره بیلسی وقوعات تاریخیه لویه
ممکن اولوب غوتلری تاریخه طاتمیش اولان شی ایسه
میلاددن اوچ عصر قدر مقدم بونلرک شمدیکی دانیمار .
قه بی استیلا ایش اولملری قضیه سی ایدی . بعده
بونلر شمدیکی روسیه و پروسیا دولترلرینه تابع اولان بر
طاق اقوام وحشیه بی اوروب تحت اطاعتلرینه الدقدن
صکره باشلیجه اوچ بیوک قوله منقسم اولدیلر که بوقو-
للرک هربری اگرچه کندی باشلرینه جهانگیرلک
ایتملر ایسه ده کندی اره لر نه جله سی « غوت » عنوانی
التنه اجتماع ایدرلر و اوچ قولک اوچنی ده بردولتدن
عبارت عد ایلرلر ایدی .

ذکر اولنان اوچ قولدن بریسی ژه پید وایکنجیسی
ویز یغوت و اوچنجیسی « اوسترو غوت » یعنی شرق
غوتلری اولوب بونلر بر قاج دفعه طونه نهرینی و حتی

بحر سیاهی دخی چکدرک شمیدی رومانیایه تابع اولان
 برلرک بر چوغنی خراجہ کسد کدن و فلبہ شہرینی استیلا
 ایلد کدن صکرہ استانبول اوزرینہ دخی یورو مشلر
 ایلد سده ۴۶۹ سنہ سنده روما ایمپراطوری بولنان
 ایکنجی قلود بر ارہلق بونلرک حرکتی جزویچہ
 تعطیل ایلد تیلش و بو مظفریت اوزرینہ « غوتیق »
 عنوانی المشرکہ بویله بر مقاومتک همان غوتلرہ منسو-
 بیت ایما ایدر برلقی المغہ لزوم و مناسبت کوستر مسنہ
 باقیلور ایسہ اوزمانلر بو مقاومتہ نہ درجہ لہ قدر
 اہمیت ویرلدیکی اکلا شیلور .

اندن صکرہ غوتلر شمیدی بلغارستان و رومانیایہ
 و مجارستانک بر چوق برلرندہ جولان ایلیرک ۴۷۴
 سنہ سندن صکرہ تکرار استانبول اوزرینہ هجوم
 و بوسفور بوغازینی چکدرک اناتولی ایچنہ دخول ایلہ
 ہر طرفی ہرج و مرج و یغما و تالان ایلشلردر . بونلرک
 اصل شوکت جہانگیرانہ لری دردنجی عصر میلاد-
 دیدہ ہرماناریس نام قرالرینک سوقی سایہ سندنہ وقو-
 عہ ملکشدہر . ذاتاً غوت طائفہ سی اقوام و حشیہ نک
 الک منتظمی اولوب بونلرک عادات و اخلاق قدیمہ دن

عبارت بولسان قانون قدیمتری کندیلرینی عادتاً منتظم
براردوی سیار حالنده بولندیرر ایکن قرال موخی الیه
هرماناریس دخی رومالیرده کوریلان انتظامات عسکر-
یه دن الدیغی عبرت اوزرینه بونلرک نظام و اصولنی
برقاندھا تصحیح و اصلاح ایتش و اندن صکره ارتق
اوکلرینه رومانلک المنتظم عساکری دخی چیقہ میہ -
جق بر درجہ بی بولش ایدی . بناء علیہ روسیہ ده
واقع دون نہرندن مجارستانده کائن تہیس نہرینه و بحر
سیاہدن بحر بالطیقہ و ارنجہ یہ قدر ممالک کافہ
و بالسہولہ بونلرک زیر ضبطنہ کیرمش ایدی .

غوتلرہ مقاومت ایدہ بیلن طائفہ شمڈیکی مجارلرک
اصلی اولان ہون طائفہ سی اولوب غوتلرک قرالی
هرماناریس ۳۷۶ سنہ میلادیہ سندنہ ہونلر ایلہ
جنک ایدرک مقتول دوشد کدن صکرہ بونلردن
او سترو غوتلر ہونلرک رعیتنی قبول ایتشلر ایسہ ده
و یز یغوتلر طونہ نہرینی کچہ رک تکرار روما دولتی
اوزرینہ ہجوم ایلہ ۳۷۸ سنہ میلادیہ سندن
صکرہ ادرنہ بی ضبط و استانبول جوارینی یغما ایدوب
نہایت امپراطور برنجی تئودوس بونلرک رؤساسنی

کندی خدمت عسکریه سنده قولنامق اوزره مصاحبه
ایده بیلشدر . لیکن ایمپراطور مومی الیهک وقتندن
صکره ویز یغوتلرک قرالی اولان الار یسینه سلاحده
صارلندی وادرنه وما کدونیا ظرفلرینی چالقه دندن -
صکره ایکی دفعه ایتالیا یه کیره رک هرج و مرج
ایلدی . میلادک ۴۱۰ سنه سنده روما دولتنک
پای تختی فتح و استیلا ایدن ویز یغوت قرالی ایشه
بولار یسدر .

الاریسک قرن داشی و خلیف اولان آتولف ۴۱۴
سنه میلادی سنده غول ولایتی نامیله اوزمانه قدر روما یه
تابع بروایت حکمنده اولان فرانسه یه کیره رک جنوب
جهتنده ویز یغوت دولتنک اساسنی وضع ایلشدر .
اوزمانلر فرانسه نک تولوس شهری اشبو ویز یغو
تلرک پای تختی ایدی . آتولفدن صکره قرال اولان
واللیا عظیم براردو ایله پیره نه طاغلرینی کچه رک
اسپانیا ایچنه هجوم ایتکه باشلادقده بونلر دن اول
اسپانیا یه کیرمش اولان آلن وواندالر وروما عساکر
ینک بقیه سیله جنکه طوآشه رق ایچه مهم مواقعی
اله کچیرمش ایهده عمری وفا ایتماشدر . کندیسندن

صكره قرال اونون برنجى تئو دوريس ايسه هونفر
 قرالى اولوب فرانسه يه قدر اورو پايى شرح و مرچ
 ايدن مشهور آيتللايه مقاومت مجبور يتنه دوشه رك
 شالسون صحراسنده هونفر ايله جاك اوزرنده مقتول
 اولمشدر . مرقومك مدت حكومتى ۴۲۰ سنه سندن
 ۴۵۱ سنه سنه قدر ممتد اوله رق اسپانيانك اغلب
 جهاتى بومدت ظرفنده اله كيرمش بولنديغى كې
 ۴۵۱ دن ۴۵۳ سنه سنه قدر حكومت ايدن توريسموند
 و ۴۵۳ دن ۴۶۵ سنه سنه قدر قراللق ايليان و ايكنجى
 تئودوريس و ۴۶۵ دن ۴۸۶ سنه سنه قدر حكومت
 سورن اوريس بتون اسپانيايى فتح و استيلا ايشنى
 اتمام ايتمكه اندن صكره اسپانياده واقع تولد شهرى
 اشبو و يز يغوت دولت عظيمه سنك پاي تختى
 اولمشدر .

و يز يغوتلر بو صورته بنيان شوكتلرينى تاسيس
 ايلدكلرى صرده بونلرك شمال طرفلرنده دىنى شمدىكى
 فرانسه دولتك اساسنى وضع و تحكيم ايلدكلردن
 ۵۰۷ سنه ميلاديه سنده فرانسز قرالى قلودى فرانسه .
 نك حدودىنى پيره نه طاغلرينه قدر توسيع ايتك يعنى

فرانسه ایچنده بولنان و یزیغوت ولایانی المق ایچون
 جنکه باشلامغله اوزمان و یزیغوت قرالی بولنان ایکنجی
 الاریس ووییه نام محله مقتول دوشمش و سیتی مانی
 دینلان و مارسیلیا ایله پیره نه اره منده بولنان برولایتدن
 ماعدا پیره نه نک شمالنده کی ایالتلرک کافه سی فرانسه یه
 انتقال ایشلدر .

ایشته بومغلو بیتدن صکره و یزیغوت دولتی
 دیمک شمدیکی اسپانیادولتی دیمک اوله رق تا عربلرک
 ظهورینه قدر همان منحصراً کندی اموردا خلیه سنه
 حصص اشتغال ایله وقت پکیر مشدر بودولتک مقام حکومتنه
 کلان قراا لرندن عن ۵۱۱ الی ۵۴۱ حکومت سورن
 آمالار یس ایله عن ۵۷۲ الی ۵۸۶ حکومت
 سورن لئوویزیلک وعن ۵۸۶ الی ۶۰۱ قراللق ایدن
 رقارد وعن ۶۰۱ الی ۶۳۱ قراللق ایلیان سسوینتیلا
 هب مقتدر و کارگذار حکمدارلر اولوب هربری دو -
 لتلرینک ترقیات عظیمه سنه خدمت ایشلدر . هله
 لئوویزیلک اسپانیاده اوزمانه قدر کندی وارلقلرینی
 و بردر جمده قدر استقلالرینی محافظه ایدن سوئه ولرک
 بردهش قیامنی اوزون اوزادییه اوغراشه رق منع

وسوئە وارک وجودینی ده مخو ایلمش اولدیغندن اصل
مؤید بنیان حکومت عداولتمق صلاحیتینی قازانمشدر .
بوقرالر حقیقە اداره امور حکومتده بئل وجود
ایله هیچ بریسی یتاغنده اولمیه رک مقتول الچوغی
دوشمشدر . بوقتلار ایسه اوزمانلر اسپانیا ایچنده
تامیله تأسس ایدن قتولیک پاپاسلرینک حکومت
سمایه یی حکومت ارضیه یه تحویل الچون
چویر دکاری انتریکلر ایدیه ده ویزیغوت حکمدار -
لری هر حالده کاه مدارا کاه شدت کوستره رک عربلرک
غهورینه قدر کندیلرینی محافظه ایده بیلشلردر .

۶۷۲ دن ۷۱۰ سنه سنه قدر صوک حکمدارلری ایسه
ولعبا و اثرزا و ویتر ا اولوب بونلر دخی ویزیغوت
دولتک بقاسنه پک چوق سخی و غیرت ایلدیلر ایسه ده
صوک حکمدار اولان رودیرق ۷۱۱ سنه سنه عربلره
فنا حالده مغلوب اولدیغندن تاریخ مذکور دن صکره
اسپانیا قطعە سی ممالک اسلامیه دن عد اولندی .

مع هذا ویزیغوتلرک بقیه سی شماله طوغری رجعت
ایدرک « اوستوری » نامیله برکوک دولت اولمق
اوزره کندیلرینی محافظه ایتمش و انجام کارینه بونلر
اسپانیای ایدی اسلامدن استرداد ایلشلردر . بناء علیه

اشاغیده صره سی کلدیکی زمان بو اوستوری اسمنی
 تکرار بولق اوزره دهها بوراده نظر دقت و اهمیت
 اوکنده طوتمق لازم کور و اسپانیاده دور اسلامی
 کورمک ایچون بوجه آتی ایکنجی باب کشاداولنور
 ❀ ایکنجی باب ❀

اندلسده دور شوکت اسلام

عن ۷۱۰ الی ۱۰۳۱

(برنجی فصل)

ابتدای استیلای اسلام

عن ۷۱۰ الی ۷۱۹

تفصیل - اسلامیت صورت ظهور و انوارینک
 جهانی کیفیت استیلای آسیا قطعه سنه مخصوص
 اولان وقوعات مهمه تاریخیه دن اولغاله بو کیفیت
 قطعه مذکوره اولکالینک تواریخ خصوصیه سی
 یازلدیغی صره ده ایضاح و تفصیل اولنه جق برشیدر .
 بوراده اندلس دور شوکت اسلامی سنک صورت
 حلوانی حکایه ایچون سوزه شو مبدادن باشلارز که :
 بنی امیه شام شریفی مرکز حکومت اتخاذا ایلیرک
 دولت اسلامی حدودینی هر طرفه طوغری توسیعه

غيرت ايلدكاري ائشاده مصر واليسى بولنان موسى
 بن نصر مير مغرب حدودينك دخی توسيعي ايچون او
 زمان بنی امیه دن جالس صندالىء حكومت اولان عبد
 الملكدن استيزان ائش و كنديسنك كوله سى اولوب
 مزيت و مهارت عسكريه سنه اعتماد تامي بولنان طارق ابن
 زيادى برفرقه عسكرايله غربه طوغرى كوندر مشيدى .
 عهد فاروقده كمچيلك فنون و صنايعنجه اهل
 اسلامك شيخ بر كونه بهره سى اولمديغى معاويه نك بر
 سفر بحرى ايچون ايتديكى استيزانه مساعدده يورلماش
 اولمسيلاه مستدل ايكن بعده ينه معاويه نك قبريس جزيره -
 سنه بر سفر بحرى اجرا ايتسى و ديكر جهتن دخی
 عرب كمچيلرينك مايورقه و مينورقه اطهرينه هجوم
 وضبط ايتسى اهل اسلامك فتوحات بحريه يه دخی قو -
 يولمسي تشويق ايله جك مواددن عداو لنور . بناء عليه
 طارق ابن زياد فاس و مرا كشه قدر ممالكك فتكى
 اوزرينه سبته بوغازيني كچهر ك اسپانيا قطعه سنه ده
 كيرمك ايچون دكرك ممانعتنى هيچ صايمش و ۹۲ سنه
 هجريه سنه يعنى ميلادك ۷۱۰ سنه سنه ايشه مباشرت
 دخی ائشدر .

موفقیت قطعہ سنی قصبہ رس محاربہ سی تأمین ایلشدر
 زیرا جبل الطارق اطراف وجوارندہ اجرا ایلدیکی
 چرخدر عسا کر اسلامیہ نک اور الرده تحصنکاھلرینی
 تأمین ایلدکن صکرہ و یزیغوت دولتک پای تختی
 بولنان طوند یعنی طلیطلہ شہرینک باش راھبی اوپیا
 نام پایاس دخی بر حکومت نصرانیہ نک نصارا اوزر -
 ندہ کی ظلمدن ایسہ بر حکومت اسلامیہ نک جملہ اوزر -
 ندہ کی عدل و لطفنہ تابع اولمغی ترجیح ایلہرک طارق
 نفس طلیطلہ شہرینک فتحنہ دخی تشویق ایلشیدی •
 انجیق قادیقس شہرینک الی کیلو مترو قدر شمال
 شرقیسنده بولنان قصبہ رس قصبہ سنک درکار اولان
 اھمیت عسکریدہ سنہ مبنی طارق ابن زیاد اول امرده
 اوراسنک استیلاسنی امل ایلندیکی کی ویزیغوتلر
 دخی اولانجہ قوتلرینی اورایہ جمع ایلدیکندن وحتی قرال
 رودریق دخی بالذات اورایہ کلدیکندن ۷۱۱ سنہ
 میلادیہ سنده طارق اولانجہ قوتیلہ قصبہ مذکورہ
 اوزرینہ یورومش وحقیقہ عقلارہ حیرت ویرہجک
 قدر فدا کارقلر ایلہ ویزیغوتلری بوزوب حتی قرال
 رودریق دخی بالذات الہ کچورمشدر •

قسمه زس بر کره بو صورتله اله چکد کدن صکره
 ارتق طلیطله شهری دخی بالسهوله ضبط اولمشیدی .
 طارق قرال رودریغک سر مقطوعنی هنوز فاس
 طرفلرنده بولنان موسی بن نصیره ارسال ایدنجه
 شویله شانلی برغالیقی موسی بن نصیر قوجه طارقدن
 قصقانه رق بولندیغی نقطه دن بر قدم ایلویه کیتامسی
 ایچون امر قطعی کوندرمش و اوغلی عبدالعزیز ایله
 برابر سربعاً اندلسه چکدیکی زمان طارق زندانه آتوب
 اوغلنی طلیطله و الی نصب ایشیدی . بو خورشامده
 هنوز مقام حکومته کلش اولان ولیده عکس ایدنجه
 موسی بن نصیری تکدیر ایدرک طارق بتکرار بر
 قول اردویه قوماندان نصب ایش و او دخی یکیدن
 حرکات عمکریه مسارعت ایدرک بر خیلی یرلری
 دهها ویز یغوتلردن اخذ و ممالک اسلامیه ربط
 ایتکه موفق اولمش ایسه ده موسی ایله طارق اره سنده
 ارتق رقابت و عداوت میدان المغله بونلرک ایکیسینی
 دخی عزل ایتکه مجبوریت الویرمشدر .

بیچاره طارق بن زیادک عزلیله بقیه عمرینی بر
 مجهولیت فاجعه ایچنده چکیدیکی زمانلر بنی امیه نلک

سائر بر چوق سردار و جنگاور لری طلیطله نك
تسخیرندن صکره طرف طرف فرقه لر تشکیل ایدن
ویزیغوت سنیور لری یله محاربه یه طوتشه رق بونلری
لایق قطع شماله طوغری سورمکده دوام ایتشلردر •
ویزیغوتلر رجعت ایده ایده آستوری و قانتابری
و ناروا ناحیه لرینه یعنی اسپانیانك منتهای شمالنه
کدکاری زمان چونکه اورالری غایت طاغلق و طاشلق
محال و عادتاً ممنوع المرور یرلر اولمغله عربلرک سوارسی
بو جمال مانعه یه طرماًتقدن عاجز قاله رق یوللری
پیره نه کچیدلرینه چورمشلر و نواحی مذکورده
تحصن ایلیان ویزیغوتلری مؤخرأ لئون دولتی نامیه
تشکل ایدن بر حکومت صغیره حدودی داخلنده
حبس ایلیه رک پیره نه طاغلرینی آشمشلردر • عسا کر
مسلینك اوروپایه تسلطی یالکز اسپانیا طریقیه برأ
وقوعبولیوب بوندن صکره ایتالیا تاریخنده دخی ذکر
اولنه جغی اوزره بحرأ دخی 'ورو پا ایله محارباته
قویولمقدلرندن و کاه حرکت بریه حرکت بحریه یی
و کاه بوآنی تأیید ایلدیکندن پیره نه طاغلرینی آشان
اسلام عسا کرینك جنوبی فرانسه یی کاملاً استیلا

درجه سنده جولانر ایلدکری و حتی براره لق اسلام
پیشدار لرندن بر طاقی پارس نواحی سنده قدر یورودکری
توار یخده مسطوردر .

ایمدی من جهة ۷۱۰ سنده سندن ۷۱۴ سنده سنده
و من جهة ۷۱۹ سنده قدر دوام ایلیان حرکات
جسمه عموم اسپانیا قطعده سی اوزرنده یالیکز لئون
دولتنی تشکیل ایلیان نواحیدن ماعدا کافه ممالکی ید
اداره اسلامیانه ترک ایدرک اسپانیا قطعده سی امویه
شام دولت جسمه سنک بر ولایت عظیمه سی حکمنی
المشدرکه اندلس تاریخنک بو جهتی بر وجه آتی
ایکنجی فصلیزی تشکیل ایدر .

(ایکنجی فصل)

اندلس ولایت امویه سی

عن ۷۱۹ الی ۷۵۶

تفصیل - اهل اسلام اندلس قطعده سی اوزرنده
حکومتلرینی تأسیس ایلدکری زمان طایطله شهرینی
مرکز حکومت ایتیموب قوردو یعنی قرطبه شهری
مرکز حکومت اتخاذا اولمش و حتی شمع بن مالک
الخولانی والی اولدیغی زمان مشهور قرطبه کوپریسنی

مشار الیه بنا ایتدیر مشدر . شمع اندلس ولایتک بر
 قطعہ خریطہ سنی ممکن مرتبه تنظیم و هانکی طرفلرندہ
 نہ قدر و نہ جنس اہالی بولندیغنی ترقیم ایدرک بوندن
 مقصد آفریقا و آسیا طرفلرندن اندلسہ ہجرت ایدہ جک
 اولان اہالیء عربانی زمرہ یراشدیر مک لازم کلمہ جکنی
 اکلامق ایدی . فی الواقع کرک بلاد بربریہ و
 مصردن و کرک شام و یمن قبائلندن بر چوق عشایر
 عربان پیادربی اندلسہ ہجرت ایدرک اورالودہ
 یرلشدیلر و ہر قبیلہ عن اصل ساکن اولدقلری محللرک
 اسمنی اندلسدہ تمکن ایلدقلری یرلرہ دخی تخصیص
 ایلدیلر . از جملہ نفس دمشق شامدن کلان مہاجرلر
 بیرہ نام محلدہ ساکن اولہرق اورایہ « دمشق » تسمیہ
 ایتشلر و حص و فلسطین و مصر و سائرہ دن کلان
 اہالینک یرلشدقلری یرلرہ دخی بو ناملری تسمیہ
 ایتشلردر .

شامدہ امویہ دولتنک انتظام و شوکتی دوام
 ایلدیکی مدت اندلس والیلری کرک اہالی طرفندن
 انتخاب و مرکز حکومتہ انہا صورتیلہ و کرک طوغرہ
 یدن طوغریہ شامدن کوندرملک اوزرہ طرف حکمدار

امویدن نصب اولنورلر ایدی . مؤخرأ امویلرک
 اخلاق سیاسیه لری بوزیلهرق هر بری کندی کیفرینه
 تابع اولغه باشلادقلری زمان عموم افریقیه والیسی
 بولنان ذاتلر اندلسی دخی افریقیه ولایت عظیمه سنک
 بر سنجاغی منزله سنه ایندیره رک والیلری کندی طرفلر .
 ندن نصبه قیام ایلرله بو حال اندلس اهالی اسلامیه
 میه سی میاننده بر چوق منازعاتی موجب اولدی .
 اندلسلیلر کندی والیرینی کندیلری انتخاب ایدرک
 افریقیه والیسنه تصدیق ایتدیرمکه قدر راضی اولدیلر
 ایسه ده والی بوکاراضی اولدی . انلر دخی والینک
 کوندردیکی آدملره اطاعت ایتک ایستمدیلر . حتی
 عقبه بن الحجاج السلوسی والی بولندیغی زمان افریقیه
 ولایتی نامنه اولهرق اطاعت ایچون اهالی اندلسی
 براز زیاده جه تضییق ایلدیکندن اهالی ایاقلانهرق
 موحمی الیهی عزل و یرینه سابقا والی بولنان عبدالملک
 بن قطنی بی نصب ایلدیلر . بو خبر افریقیه یه عکس
 ایدنجه والیاک بلج بن شیرالقشیری اسمنده بر آدم
 اوزرینه حواله و عبدالملک تربیه سی دخی اکسپارش
 ایدلمکه بلج قرطبه یه کلش ایسه ده عبدالملک فرار

ایشیدی • بلج عبدالملکی اختفا ایلدیکی یردن
 چیقاروب قتل ایدنجه یوز بیک قدر اهالی مقتول
 مرقومک ایکی اوغلارینه تابع اوله رق اندلسده عظیم
 بر عصیان چیقار دیلر • بلج کندی محبتنده بولنان شام
 عسکری ایله ارباب قیسای طاغتمنه موفق اولدیغی
 حالده بو محاربه ده مجروح دوشمنیه بر از صکره وفات
 ایشدر •

ایشته بر کره بو صورتله باش کوسترمش اولان
 شورش داخلی بی بردها قطعاً بر طرف ایتکه امکان
 بولنه مامش ایدی • زیرا فتنه نك اصل باشی شامده
 اولوب شام کندینه نظام ویرمدن صکره دولایانده انتظام
 مک محافظه سی بالطبع ممکن اوله مز ایدی هله ذی الجوش
 وقعه سی دینلان بر فساد اندلسده دهها لایقیله
 تأسیس ایده مامش اولان حکومت اسلامی بی بیانی
 صارعده حق و قووات عظیمه دن عداولنه بیلور •
 شویله که :

ذی الجوش دینلان ذاتک اصل اسمی صمیل اولوب
 مقدم شام طرفندن کیش اولان بر فرقه عسکرک سرداری
 بولندیغی حالده والی بولنان ابو الخطار ایله اره لری

بوزیله رق والی برکون صمیلی سو که صایه حضور ندن
 طرد ایتدکله مرقوم بوعار و محجوبیتک دفعنی کندی
 تعلقی اولان مضر و فلسطین قبیله لرینه حواله ایلدیلدی .
 بوقبیله لر دها بر طاقم متفقولریله قیام و عصیان ایدرک
 ثوابه ائتمده برآدخی کندیلرینه رئیس انتخاب ایلدیلر .
 والی ابوالخطار دخی اولانجه عسکرینی جمع ایدرک
 شدیداً مقاتله یه باشلاندی . انجام کار ارباق قیام
 غلبه ایدرک والی نی تحت اسارت ایدخال و ثوابه یی
 والیک مقامنه اقعاد ایلدیلر . لکن بو غلبه لر یله
 اندلسده صلح و مسالمتی تأمین ایتش اوله مدیلر . شام
 فرقه سنه معارض اولنر کندیلرینه یمانی نامنی ویردرک
 زمام حکومت بر سنه مدت شاملیلرده ویرسنه مدت یمانی
 نیه ده بولتمق قرارلشدیغی حانده بو شرطه ایکی طرف
 رعایت ایده مدکاری ایچون مقاتله کتدر کجه شدتنی
 آرتد بر مقدمه ایدی . انجام کار فصل آتیده کور یله جکی
 وجهله بنی امیه نك شامده انقراضندن صکره قرطبه یه
 کله رک اوراده بر دولت مستقره تشکیل ایتش اولملری
 بو مقاتله داخلیه یه فیصل ویره بیلمشدر .
 اندلس قطعده می امویه دولتمک برودیتی حکمنده

بولدیغی مدت اورالده صکره دن کوریلان ترقیات
 عظیمه نك مقدمه سی بیلک کوریله مامشیدیی . زیرا
 اصل حکومت هنوز قوه عسکریه نك انده اولوب
 قلیجلر قینلرده راحت ایتدکاری و یاخود محاربات
 خارجیه ایله بالاشتغال ترقیات داخلیه یی محافظه یه
 خدمت ایتدکاری یرلرده وزمانلرده ترقی اره مق ذاتاً
 قابل دکادر . اهالی قديمه نصرانیه نك بو مدت ظر-
 فنده کی احوالنه کلنجه : بونلردن برچوغی ویزیغوت
 حکومتك چکلمسده تبعیتله چکیلوب کیدرك قالانلری
 ایسه شریعت احمدیه نك عدالت عمومیة سیاسیه سی
 سایه سنده بر امنیت عظیمه یه نائل اولشلر و فقط اهالی
 مسلمه ایله امتراج ایدمه مامشلردر . زیرا اهالی مسلمه نك
 منحصرأ یکدیگریله منازعه لرده بولنلری امتراج عنا-
 صر محلیه کی امور نازکهی دوشونمکه میدان
 یراقامشدر .

(اوچنجی فصل)

اندلس خلافت امویه سی

عن ۷۵۶ الی ۱۰۳۱

تفصیل - شامده بنی امیه کندی ذوق و صفا .

لرندن بشقه هیچ بر شیئه اهمیت ویر میسرک بناء علیه
هر طرفجه والیبرک ظلمی آرتمغله عباسیه فرقه سی
عراق طرفلرنده رفع لوای استقلال ایلدکری وامویلر
اوزرینه صالدریلان مأمورلر نرده بونلردن بریسنی
کورر ایسه همان اعدام ایلدکری صرهدده عبدالرحمن
بن معاویه نصلسه جانی قورتاره بیلهرک فلسطین
طرفلرینه قاپچش و بر مدت اوراده اختفا ایادکن
صکره بلاد افریقیه یه پکوب اندلس طرفلرنده اهل
اسلامک منازعه سنی خبر النجه اگر کندیسنه بیعت
ایدیلور ایسه شورش و فسادی منع و اندلسده کوزل
بر دولت مستقله تشکیل ایده بیله جکنی بعض اعظم
کباره اشعار انلشیدی . مومی الیه هم حلیم هم شجیع
بر شهزاده اولمق اوزره مشهور اولوب اندلسده وطن
جدیدلرینه محبت صحیحهلری اولان بر طاقم کبار
ازجان و دل بیعت ایده جکرینی وحتی یوسف و صمیل .
کبی جبارلری تر بیه ایچون نه قدر عسکر ایستر ایسه
تدارکی ممکن اوله بیه جکنی جواباً عرض ایلدکری کی
عبدالرحمن اسپانیاه کتورمک ایچون کیلردخی ارسال
ایتملر یله عبدالرحمن بوکیلره راکباً اندلسه وارمش

وفي الواقع كبار مملکت طرف طرف کنديسنة بيعت
ايشدر .

ايشته عبدالرحمنك بوضورتله بيعت عامه يه مظهر-
يتي تاريخ هجرتك ۱۳۸ سنده سنه مصادف اولوب
يوسف و صميل اوزر زينه سوق ايلديكي عسکر لر دخی
مرقوملری بوزد قلرندن بتون اندلس اولكاسی فی الحال
نعمت اسایشدن متعم اولمشیدی . حتی يوسف ايله
صميل دخی اله کچیرلديکی زمان عبدالرحمن بونلرک جرمني
عفو ایدرک بالاخره کنديلرینی مهم مهم ایشلرده استخدام
ايشدر . قرطبه ده حالا بقيه آثاری کوریلان
مشهور قصر الاماره یی و جامع کبری بنا ایدن اشبو
اول ملوک امویہ اولان عبدالرحمندر . قرطبه
شهرینک اطرافنه بره دسور بنا ایشیدی .

واقعا بغداد دولت عباسیه سی اندلسده بویله
بردوات امویہ ظهورینی اصلا چکه میده رک برزدلق
تونس طرفلری اهاالیسندن غلابن مغیث اسمنده برآدمی
کندی طرفلرینه جلب ايله مرقوم دخی یکریمی یک-
قدر طرفدارلرینه ریاست ایدرک عباسیلرک سیاه بیراغنی
اعلا ایش وائلر نامه خطبه او قومش ايسه ده عبد-

الرجن فی الحال عظیم براردو سوق ایدرک ابن مغیشک
 یدی بیک عسکر یله برابر باشلرینی کسیدی و بو فتنه یی
 قول منوال اوزره باصدیردی . اکر خوارج طائفه سی
 عباسی لری اوته طرفده ازعاج ایتماش اولسه لر ایدی
 احتمالکه عباسی لر بتکرار اندلسی بیر ایدر لر ایدی .
 انجق خوارجک و یردیک مشغولیت و اندلسک بعد
 مسافه سی واره یرده دریانک حیلولتی ارتق عباسی لرک
 امید لرینی قرمقله ده ها صکره لری عباسی لر دخی ذوق
 وصفایه طالب او یله اتحاد عمومی مسلمینی محافظه یه
 همت ایده جک حال لری قالماشیدی . لکن عباسی لرک
 اندلسدن ال چکملری عبدالرحمنک بقیه مدت حکو -
 متنی یئنده حضور و راحتله کچیرمسی تأمین ایده ما -
 مشدر . یوزیتش برسنه هجریه سنه قدر دوام ایلیان
 مدت حکومتک همان هر سنه سنده ولایاتک بر یسنده
 بر صاحب خروج باش قالدیرر ایدی . بونلر میانده
 شقنا دینلان بر خبیث غایت خدعه کار بر شی اولمغله
 عیدالرحمنی آخر عمرینه قدر ازعاج ایلشیدی . لکن دیگر
 ارباب خروجک کافه سی عبدالرحمنک قلیچندن باشلرینی
 قور تاره میسه رتی جزای منزالرینی کورمش و شقنا

دخی عاقبت کندی آدم لرندن ایکیمی یدنده مقتسول
اولمشد .

عبدالرحمنك وفاتندن صكره حق حكومت بيوك
اوغلنه انتقال ايتك لازم كلور ايكن كوچك اوغلي
هشامى ولى عهد ايتميه هر كس اكا بيعت ايلش ايدي .
واقعا بيوك قرنداشى سليمان كوچكك بو اقبالنه حسد
ايدرك دها كوچك قرنداشى عبدالله ايله برابر خروج
و عصيان ايلدكلى كې حكومتك ايلك سنه لرنده بر
طاقم سائر عاصير دخی وادی عصيانده پويان اولمق
ايشتمش ايسه ده هشام كرچكدن عقل و كياست و
شجاعت و جلالت صاحبي آدم اولديغندن ار باب
خروجك كافه سنه برر برر غلبه ايدرك بعضيلرى قتل
و بعضيلرنى و ياخود عفو صور تلياه تربيه اولنديلر .
اندن صكره هشام قيلجنى فرانسه اوزرينه چكك .
رك او قدر كوزل حرکات عسكريه يه موفق اولدى كه
اندلسده حكومت اسلاميه بناسنك قوياً تحكيم و تائيد
سنه چله دن زياده هشامك خدمت ايلديكنه شبه
اينيله مز . هله عبد الملك بن مغيثي معيتنده اوله رق
كوندر ديكى عسكرك مظفرياتنى اندلس مورخلى واز

بچله ابن خلدون جهاد اکبر اولوق اوزره حکایه
 ایدرلر . هانکی قریه ویا قصبه عرض تسلیمیت ایلر
 ایسه قیلنه بیله خطا کتورلیوب فقط مقاومت ایدنلر
 ایله مقاتله اولنور و او حالده زمانک اصول عسکریه سندن
 اولدیغی اوزره قادیلر چوجقلا اسیر ایدیلور ایدی .
 هشام دشمن النده اولان اسرای اسلامیه یی مبادله
 صورتیه قورتارمغه پک زیاده اهمیت ویره رک مبادله
 اسرا فرنگلرک دخی جاننه منت اولدیغندن و فقط اسرا
 نک چوقلغی اسلام النده بولندیغندن لزومنه کوره بر
 مسلمان اسیرینه مقابل برقاچ خرسیان اسیری ویرمک
 صورتیه هیچ بر مسلمانی ایادی نصاراده اسیر براقا .
 شدر . حتی برآدم حین وفاتنده مالنک ثلثی ایادی
 نصاراده بولنان اسرای اسلامک مبايعه سیله تخلیه
 عییلنه صرف اولنوق اوزره وصیت ایلدیکنندن
 کیفیت هر طرفه اعلان اولنش ایسه ده هیچ بریده
 مسلمان اسیر بولنه مامش اولدیغی توارینخده مسطوردر
 اندلسه علومک مبدأ ترقیسی دخی هشام زمانی اولوق
 اوزره اعتبار ایدلسه بچادر . زیرا هم کندیسی عالم
 همده علمایه محب برآدم ایدی . پدرینک اتمامنه موفق

اوله مدیغی جامع کبیری کندیسی اتمام ایدرک آنه
 ماعدا نیجه جوامع شریفه و مدارس علیه نك دخی بناسنه
 موفق اولمشر . چه فائده که عمری دهها زیاده اجرای
 حکومت و فائده رك ۱۸۰ سنه هجریه سنده و فاتی
 وقوعه کیش و بناء علیه انجق یدی بچق سنه قمر
 حکومت سوره بیلشدر .

بعد وفاته یرینه پادشاه اولان اوغلی حکم دخی
 پك مقتدر بر پادشاه او اوب فرنگار ایله عظیم محاربه
 ایتدیکی کبی دهها زیاده سنه دخی مقتدر اوله بیله جنگ
 ایدیسده کندیسی شراب ایچمکی پك سور و قادیتره
 دخی محبتی زیاده بر آدم اولدیغندن شو حال علما و اهال
 لینک دوچار نفرتی اولمغله حکمک اک بیوک قوتی
 داخلا طرف طرف ظهور ایدن عصیانلره مقابل اسرافه
 ایدلشدر . کوکل اندلس کبی حقیقه منبع فیوضات
 مدینه اولان بر مملکتک بو مثالو محاربات داخلیه سنی
 یازمقدن دکل حتی او قومقدن بیله اصلا خوشلاتمز
 ایدسده چاره سز و قومات مذکور هی بروجه آتی خلا
 صه اولسون یازه جغز که بو قومات اولسه ایدی
 اسلامک اوروپایه طوغری ترقیاتی نه قدر آرتیجی

بشقہ جہ و کمال تأسفہ نظر اہمیتدن اوزاق طوطیہ .
 جق برشیدر .

حکم علیہنہ اک اول عصیان ایدن عمیجہ لری
 سلیمان و عبد اللہ اولش لردر کہ بونلر بابالری علیہنہ دخی
 و قتیله عصیان ایملش لری ایدی . حکم سلیمان علیہنہ
 ظفر بولدقده انی قتل ایدوب عبد اللہ ایسہ مصالحہ یه
 رغبت ایتمکاسہ حکم کندی قز قرنداشنی عبد اللہک
 اوغلنہ تزویج ایدرک بوقتنہ یی اول صورتہ باصدیردی
 بونلردن صکرہ بھلول بن مرزوق و عبیدہ بن حیر نام
 صاحب خروج لردخی عصیان ایدرک حکم بونلری ده
 محو ایلدیسہ ده اندلس خلقی حکمک شو عصیانلری
 منع خصوصندہ کوستردیکی شدتدن دھا زیادہ نفرت
 ایدرک شراب ایچدیکنندن طولایی تکفیر و تنفیر ایلد .
 کاری بر آدم علیہنہ دشمن دین اولان فرنکار ایله اتفاقی
 قبول ایلدیلر . حکم بونلری دخی متفق لری اولان فر .
 نکارلہ برابر قهر و تدمیر ایدرک اصل فساد اوجاغی
 اولان نفس قرطبہ شہرینی اصلاحہ باشلادی . زیرا
 قرطبہ لیلر کندی متبوعلرینی علناً تحقیر ایتمک و سرابنی
 طاشلامق کبی نمایشلردن ماعدا محمد بن قاسم القرشی

استانده انصار افغان بر ذاتی مقام حکومتد کنور و مک ایچون
 کندیسند نکلیف دخی انشدر ایلی . محمد بو کیفیت
 حکمده خیر و بر نجد حکم ارباب فسادک بجایه سنی طو .
 تدربوب صلیب بدر مینی و هاله طلیطله ده بر ضیافت
 عومیده دعوت ایلمدی اهلیدن بشیک قدرینی
 حیلله ایله فلیعدن کچور مینی خلعده بالکاید دهشت
 و بر مشدر . مادر بدو قرطیده نالو بولنشدر اده اهلینک
 بولاله الک مدهش نمایشدر نه مقابل حکمک دخی شدتی
 عقلمده حیرت و بر جک در جده ایلی . زور ارباب
 فسادتی طو تدبغی کبی باش انشافی به آصدرق صوبیا
 التامه اولدر دیک دخی پک چوق اولور ایلی بانامعه
 ۱۹۸۸ سنده هجره سنده کندیسینی یوزینه قارشو سب
 و شتم ایلی قرطیده اهالیسی حکمک عسکرینی یوزمرق
 بشیه السیوفینی قصر الامارمه قدر سور دکترین حالده
 حکم اتند بنوب و عسکرینک او کنده دوشوب ارباب
 عصیان یوزمغله عسکره بنون محلاتی یغما ایچون امر
 و بر مشدر که بو یغما اوج کون دوام ایدرک یالکر نهب
 اموال دکل قتل نفوس و هتک عرضده قدر فنانقلر
 کورلشدر .

ايسته حڪم بن هشام بوودها بونلر كې نيجه
 فساد داخلي ايله اشتغال ايلديكي صروده فرنكلر بو
 حاللري فرصت اتخاذا ايليه رك كلوب بارسلون شهريني
 استيلا ايلدكلري كې اوراده عسكري دويولريني تهيه
 ولوازم حريه لريني اكمل ايلدكدن صكره دهه بريله
 طوغري ده تجاوزه حاضر لنمشلر ايدى . حڪم برياندن
 عبدالكريم اسمنده برسداری بفرقه اقبجي عسكري
 ايله فرانسه ايچنه صالديروب راست كلدكلري قرا
 وقصباتي ياقوب بيقمغه مأمور ايلديكي كې ديكر طر -
 فدن دخي عبدالسلام اسمنده ديكر برسداری ذكر
 اولنان عبدالكريم فرقه سنى اورمق ايچون پوصو
 ترتيب ايتمش اولان فرنكلر اوزرينه صالديروب ايكي
 فرقه نك ايكي سي دخي موفقيت كامله يه مظهر اولديلر
 ايسته بونك اوزرينه فرنكلر حكمدن ممنون اولميان
 مسلمانلر ايله اتفاق ايدرك طليطله اوزرينه دخي يورو -
 ديلر وواليسي بولنان يوسفى حبس ايلديلر ايسه ده اول
 طرفلرك سر عسكري اولان عمروس سريعا بفرقه
 ارسال ايدرك دشمني پريشان ايلشدر . بوندن صكره
 ويزيغوتلر مقدا استيلاي اسلام اتناسنده تحصن الملش

اولد قلی جبالدن چیقهرق لادریق نام قرالریک
دلالتیه ممالک اندلسه هجوم ایشیدی . حکم ابن
هشام بونلرک اوزرینه دخی اوغلی عبدالرحمنی صالد
یروب جله سنی تکرار جبال منیعهرینه فراره اجبار
ایتمشدر .

الحاصل حکم داخلده ظهور ایدن قشنه وفسادلرک
کافه سنه تدبیر یتشدردیکی کبی خارجدن وقوعه
کلان هجوملرده اسباب مقاومت ترتیبندن عاجز
قالیه رق ۲۰۶ سنه هجریه سنده وقوع وفاتنه قدر کمال
شوکت و قدرته حکومت سورمشدر . بتون مدت
حکومتی محارباتله کچدیکی جهته دأما سلاح التنده
بولندیرمق ایچون عساکر موظفه ترتیب ایش و بشیک
قدر کوله لرینی دخی ینه عساکر دأمه صورتنه تحویل
ایتمش اولدیغندن الاول علوفه لی عساکر موظفه
استخدام ایدن بو حکمدار عد اولنه یلور . بوندن ماعدا
فساد داخلی هر طرفی استیلا ایلدیکندن طولایی کو -
ریلان لزوم صحیح اوزرینه پولیس هیئتینی دخی تنظیم
ایش و غایت ماهر جاسوسوسلر استخدامیه هر زرده
نه اواسه خبر المقده بولنمش ایدی . انجق کندیسی

حقیقة عادل بر پادشاه اولدیغندن ارباب فساد علیهنده
نه قدر شدت کوسترایسه صلاح حال اربابی حقنده
دخی او قدر لطف واحسان ایدر ایدی .

حکمدن صکره یرینه پچوب (عن ۲۰۶ الی ۲۳۸
هجرت) حکومت سورن اوغلی عبدالرحمن اوروپاده
نام وشانی هر تاریخه کمال اهمیتله قید ایتدیرمش بر
حکمدار عالی تباردر . بونک زماننده دخی داخلا بر
طاقم ارباب شورش و فساد ایقاع مفسدتن خالی قالما .
مشترایسه ده عبدالرحمن ذاتاً پدری زماننده سرعسکر .
لکله برچوق قتنه لری باصدیرمش اهل تجربه بر آدم
اولغله داخلی شورش لری کاملاً منعه موفق اولدیغی
کبی خارجا کرک فرنکلرک و کرک لئون دولتی نامیله
تشکل ایدن ویزیغوتلرک هجوملرینه دخی مقاومت ایلد .
کدن ماعدا تمام دفع تعرضات اسبابی اکیالدن صکره
او اخر حکومتنده نوبت تعرض و هجومک کندیسنه
کلدیکنی کوروب فرقه فرقه ترتیب ایلدیکی آقجیلری
فرانسه ایچنه طوغری صالدرمش ولیون طرفلرینی
الت اوست ایلد کدن ماعدا بر قول اردوسی ایتالیا
ودیکری پارسه دخی بر خیلی یورویوب کیشدر .

بوزمانه قدر عرب کمبجیلری مهارت بحریه لرینی
 یکن زیاده آرتدیره رق اقد کزک هر طرفنه هجوملر ایلد -
 کدن ماعدا بحر اضلاسک سواحل افریقیه سنه طوغری
 دخی اوزانمغه باشلامش اولدقلرندن او طرفلرده ساکن
 اولان و هیچ بر دین ایله مقید اولیوب کندیلر کمرنبجه بر
 طاق ارباب مخیله یه طاپان طائفه یه کندی مملکتلری
 یولنی اوکرتمشلرایدی . ایدی ۲۲۹ سنه هجریه سنده
 بونلردن بر طائفه کیلرایله کلوب قادیقس بعده اشبیلیه یه
 تعرضه باشلادیلر . اول طرفلر اهالیسی بونلره مقا -
 ومت ایچون تشمیرساق اهتمام ایتدیلر ایسه ده موفق
 اوله مدیلر . بو وحشیلر غایت جری و جنکاور
 اولدقلرندن اهل اسلام بونلر النده دفعاتله مغلوب
 اولمش و برچوق اموال مسلمین انلرالنه یکمش ایدی .
 الی آی قدر اطرافی هرج و مرج ایلدکدن صکره تمام
 یقیلوب کیده جکلری ائنده عبدالرحمن دخی بر مکمل
 اردوایله کلوب چاندی و وحشیلری فنا حالده بوزوب
 التیوز قدر لاشه لرینی یرلره سردی ایسه ده بونلرک
 ایقاع ایلدکلری خرابی شو غلبه ایله تعمیر اولنه مز ایدی
 عبدالرحمن شو مظفر یتندن صکره الده اولان قوتنی

برقائدها اكمال ايدرك تكرار فرانسه اوزر ينه صالد -
 یردی ولیون اطرافنده عظیم جنکگر ایله لیونی ضبط
 واستیلا ایلدکن صکره چونکه اوراده براردو برا -
 قوب تمل طوتدیره میه جغنی کوردیکندن شهری آتسه
 و یروب دوندی کلدی .

قوجه عبدالرحنک سایه سطوت اسلحه سنده
 اندلس دولت اموییه سی حقیقه بتون اوروپانک
 کوزینی یلیدیرمش ایدی . هجرتک ۲۳۸ سنه سنده
 وفاتی وقوعی اوزر ینه اوغلی محمد مقام حکومت کلدی که
 بونک دخی حکومتی اوتوز بش سنه امتداد ایدرك
 ۲۷۳ سنه هجریه سنده وقوع وفاتیه ختامه ایرمشدر .
 اشبو محمد حقیقه یکیت وعقلی برآدم اولوب سائر
 حکمداران اموییه نسبتله بونک زمان اداره سنده
 داخلا فساد وشورش کورلمدیکندن کرک فرانسه
 و کرک لئون دولتری ایله اییجه محاربه لره موفق
 اولمشدر . از جله تولد یعنی طلیطله اهاالیسندن اولان
 بعض اسپانیولر فرانسزلی کندی معاوتلرینه دعوت
 ایدرك بونرك یاردمیه استرداد استقلاله قیام الملشدر
 ایدی . محمد لزومی قدر عسکر ایله طلیطله یه وارد قده

عسکرندن اک چوغنی پوصولره بالتعبیه کنیدیسی آز
 عسکرله دشمنه کورونه رک تمام جنک قزشدیغی زمان
 پوصولده کیلر دخی فرلامغله ارتق خوزر یزانه برمحار -
 بهیه قویولدیلر • کړک طلیطله اهاالیسندن وکړک
 فرانسزلردن یکریمی بیک قدر تلفات وقوعی توار یخده
 مندر جدر • بوندن ماعدا آفریقا وحشیلرندن بردونمایه
 را کباً پورتغال طرفلرینه هجوم ایلان فرقه نک
 مضرتنی رفع ایچون محمد برخیلی فدا کارلق ایلدیکی -
 کبی اوغلی مندرک معیتنه ویردیکی براردوی پیره نه طاغله -
 ینک ماوراسنه کوندروب لیون اوودلرنده وقوعبو -
 لان برمحار بهده مندر ایکی بیک بشیوز قدر فرانسزی
 یرلره سرمشدر •

محمد قرطبه شهرنده برطاقم بیوک کیلر بنا ایتدیروب
 بونلری نهراً بحره ایندیردکن وایچلرینه عساکر
 لازمه بی وضع وارکاب ایلدکن صکره فرانسه سوا -
 حلنه طوغری بحراً برآقین دخی ترتیب ایلش ایسه د
 مخالفت هوا بودونمای پریشان ایدرک نتیجه مثره سی
 اله الله ماشدر •

۲۷۳ سنه میلادیه سنده محمدک وقوع وفاتیه

یرینه پکن اوغلی مندر پدیرینک صاغلغنده ایشکذار -
 لغنی هرکسه تسلیم ایتدیرمش برآدم ایدیسه ده عمری
 وفا ایتیه رک ایکی سنه صکره وفات ایتمکه بللی باشلی
 برایش کورمکه موفق اوله مامشدر . برادری عبده
 ۲۷۵ سنه مندن تام ۳۰۰ سنه سنه قدر یکر می الی
 سنه حکومت سورمش ایسه ده بومدت ظرفنده اندلس
 دولت امویه سی یالکز فتن داخلیه ایله اوغراشه رق
 خارجا هجوم ایلان فرانسرلایله لئون ویزینغو تیرینه
 اکثریا مغلوب اولمش و بناء علیه پک چوق محاربه لرده
 صلحی عادتا استرحام ایلشدر . بوشورش لک سببی
 عبداللهک یکر می اوتوز نفر برادرلی اولوب بونلردن
 برچو غی حق حکومت کندیلرینک اولمق دعوالرینه
 قیام ایتلیدر . مورخلرک روایتلرینه کوره عبداللهک
 پدری اولان محمدک برچوق قایلردن یوز قدر یالکز
 ارکک اولادی دنیایه کلشدر . ایشه بونلر و پیدا
 ایلدکری طرفدارلر اندلس دولت اسلامیه سی یازانی ده
 اوقویانلری ده بیوده یوره حق اولان نیجه عصیانلر
 فتنه لرحاربه داخلیه لر ایله بیاغی قوتدن دوشورمشلر
 ایکن جرتک ۳۰۰ سنه سنه عبدالرحمن الناصر مقام

خلافتہ کلہرک اندلس دولت امویہ سنی قورتارمغہ
موفق اولمشدر .

بوعبدالرحمن پدری محمدک وفاتندہ ہنوز یکرمی
کونلک برچوجق اولوب بناءعلیہ تام بابا یکیت اولد
یغی حالده مقام حکومتہ کلدیکی کبی کندیسى غایت
عاقل وفوق الحد جسور ومدبر برآدم اولدیغندن
ومدت حکومتی ایسہ الی سنہ قدر دوام الملش بولندیغندن
بومدت ظرفندہ ارباب شورشی طرف طرف پریشان
ایدرك اندلس قطعہ سنی بوآسایش کامل نعمتیلہ متعم
ایلدکدن ماعدا فرانسه ایلہ ایتدیکی محاربہ لرك ده
کافہ سی موفقیت کاملہ ایلہ نتیجہ پذیر اولمش وصنایع
وتجارت و معارف یوللرینی توسیع ایلیہرک اندلسی
ثروت وسامانلہ طولدیرمشدر .

مورخلرک روایتلرینہ کورہ عبدالرحمن الناصر
زمانندہ اندلس دولتنک وارداتی بش بچق میلیون
دینارہ بالغ اولوب بوندن ماعدا محاربات واقعه ده دخی
حسابسز مال اغتنام اولنور ایدی . حتی عبدالرحمن
وفات ایلدیکی زمان اندلس خزینہ سندہ نقد موجودک
برمیلیار التونہ بالغ اولدیغی دخی مقیددر . امویلردن

بو ذاته کلنجه یه قدر اندلسده حکومت ایدنلره
 بالکیز امیر و ابن خلیفه نامی و یریلور ایکن بو
 عصرلرده خلافت عباسیه یه خلل عظیم عارض او-
 لوب برچوق طوائف ملوک طرف طرف اعلان
 استقلال ایلدکلرندن و بونلرک هر بری کند ی ناملرینه
 خطبه لر اوقوتدکلرندن بو کره عبدالرحمن اتفاق علمای غرب
 ایله خلیفه و امیر المؤمنین نامی الهرق طوغریدن طو-
 غری یه کند ی نامنه خطبه دخی اوقوتمشدر . اهل
 تدقیقک روایتلرینه کوره اندلس ملوک امویه سندن
 عبد الرحمن برمدت عباسیلر نامنه خطبه اوقوته رق
 کند یسنی نوعاً اندلس والیسی کبی عد ایدر ایکن
 سرعسکری بولنان عبدالملکک اجباریله طوغریدن
 طوغری یه کند ی نامنه خطبه اوقوتمغه باشلامش
 ایسه ده اندن صکره اندلس امویلری فرق اسلامیه
 میاننده موجب مشکلات اولسون و کیسه تعیب
 ایلسون دیه خطبه بی اولا خلیفه عباسیه نک نامنه
 اوقوتورلر و کند ی ناملرینی دخی بعده ذکر ایتدیرلر
 ایدی بودفعه عبدالرحمن الناصرک امیر المؤمنین و خلیفه
 عنوانی المسندن صکره ایسه ارتق طوغریدن طوغری

۰ به امویار نامنه خطبه او قونمده بر باس کورلمدی .
 الحاصل عبدالرحمن الناصر هجرتک ۳۵۰ سنه .
 سنه قدر اندلس دولت امویه سنک شوکتی اکیال
 ایلوب سنه مذکورده وقوع وفاتیه یرینه خلیفه
 اولان حکم المتصر اسوده حال بر مملکت وزنکین بر
 خزینه بولدیغندن بو حالده کنیدیسی ایچون یاپه جوق
 ایش محضا ترقیات علیه یه خدمت اولدیغنی کوز
 او کنه الهرق اون التی سنه قدر دوام ایلان مدت
 حکومتنده یالکز بوجهته حصر همت ایلدی وعالم
 اسلامیتک هر هانکی طرفنده بر عالمک شهرتنی ایشیدر
 ایسه تلطفاً جلب ایدر وارباب اقتدار واصحاب قلمی
 تألیفات جدیدیه تشویق ایلر ایدی . کنیدیسنک دخی علم
 صاحبی بر آدم اولدیغنی متواتر در . هجرتک ۳۶۶ سنه
 سنه مغلوباً وفاتی وقوع بولدیغنی زمان یرینه اوغلی
 هشام المؤید پادشاه اولدی که هر نه قدر هـنوز اون
 یاشنده بر چو جوق ایدیسه ده منصور ابو عامر اسمنده
 ضایت عاقل وجسور بروزیره مالک اولغله وزیر مومی
 الیهک حسن اداره سی سایه سنده بر چوق پارلاق فتو .
 حاته نائل اولمشدر .

منصور شاید خلق خلیفه نك صباوت حالی کورر لر
و کند یسنه الشور لر ایسه اطاعتده قصور ایدر لر دیه
هیچ بر کسه بی حضور خلیفه یه صوقیه رق بتون اموری
یا لک ز کندی النده جمع ایلدی . انجق فکر استبداده
صایمش بر آدم دکل ایدی . دولت و مملکتی ایچون
حسبه لله خدمت ایدر ک لئون دولتی و فرانسه علیه نه
باللی دفعه دن زیاده محار به آچش و جله سنده موفق
یا خیر اوله رق ذاتاً ثروت و سامان ایله مملو اولان
اندلسی بو محار به لر غنیمتیه بر قاتدها زنکین ایتشدرد .
منصور ک بونجه موفقیاتنی تأمین ایدن اسبابک برنجیسی
خدمت عسکر یه و ملکیه ده قوللان دیغی رؤسای
اکثر یا کندی دست تر بیه سنده یتشدیر می قضیه سی
ایدی . کوله اولسون زاد کاندن بولنسون بر طاقم
کنجلی تحت تربیه و نظر دقته اله رق هر برینی
قابلیتی دائره سنده ترفیع رتبه لر ایله ایش باشنه کتور -
دیکی زمان حقیقه بیوک بیوک خدمت لرینی وفدا کار -
آق لرینی کورر ایدی .

مومی الیه ک تدایر بسالتکارانه سندن اولق
وزره حکایه ایدر لر که بر دفعه کلیتلو برارد و ایله پیره نه

طاغلقینی آشهرق فرانسه یی، هرج و مرج ایلدکدن
صکره غایت کلیتلی مال غنائم ایله عسودت ایدر ایکن
فرانسز لک کندی طریق رجعتنی کسمش اولدقلرینی
وبونلرک یاپدقلری استحکاماتی اقتحام ایله اندلسه کیرمک
عادتا منصور اولدیغنی کورنجه « بز ذاتاً بورالره تمکن
ایتمکه کلمشیدک . دشمن ایسترا یسه قرق ییل یولزی
کسدسون ! » دیه اردوی طوردیرمش وعسکره
اورالده خانه لر انشاسی وترلار وباغلر کشادیله
یرلشمک امرینی ویرمش ایدی .

دشمن بو حالی کورنجه منصورک تمکننی اجرا ایلدیکی
آقلردن دهامضر کوره رک یالکز مال غنائمی ترک
ایتمسی شرطیله مرورینه مساعدده ویرمکه راضی
اولدیسده بودفعه دخی منصور راضی اولدی .
اورالک اهل اسلام اقامتی ایچون پک الویرشلی بو -
لندیغندن بختله چیقماق ایستمدی . نهایت فرانسزلر
الده بولنان مال غنیمتی دخی کندی حیوانلریله طاشیمغه
راضی اوله رق عسکر اسلام بو صورتله معززا عودت
ایلمشدر .

ایشته هر بر تشبثی بو قدر شانلی و شرفلی اولمق

اوزره يکرمی التي سنه وزارتله افنديسی هشام المؤيده
دخی راحت ایتمسندن ناشی ۳۹۲ سنه هجریه سنده
منصور وفات ایلد کدن صکره هشام المؤید مومی الیهک
برادری عبدالرحمنی مقام وزارتله کتورمش ایسه ده
مرقوم عبدالرحمن ذاتاً یرینه وزیر اولق ایچون
قرنداشنی تسمیاً اولدرمش برملعون اولدیغندن خلق
یالکز اکا متفر اولمغله قالمیوب مؤخرأ هشام المؤیدی
قاندیروب کندیسنی ولی عهد دخی ایتدیرمسيله ارتق
عبدالرحمنده خلیفه یه ده هرکس بغض وعداوتله
باشلامشلا ایدی . هله بنی امیه خاندانک پرنسلی
کندی خاندانلرینه مخصوص اولان بر حتمه بویه اغیارک
اشترا کنی قبول ایده میهرک عظیم بر قننه یه تشبث
ایلد کلرندن عبدالرحمن کویا عالمه قارشو قرنداشی
منصور کی برهنر کوسترمک و اوصورتله فساد مرتبی
دخی یاتشدیر مق ایچون فرانسه اوزرینه بر سفر آچدی
ایسه ده نفرت عامه ارتق کالنی بولدیغی ایچون ۳۹۹
سنه سنده هشامک اوغلی محمد اتفاق انام ایله پدیری
علیهنه خروج ایدرک پدیرینی حبس و سفردن عودت
حالنده بولنان عبدالرحمنی دخی قتل ایتدیره رک کندی
خلافتنی اعلان ایتدیرمشدر .

اگر بو محمد غایت یا لانبجی و حسیس و خدعه کار
 بر آدم اولسه ایدی خلقک ایلک حاصل اولان توجهی
 اوزرینه اندلسده حکومتی پک زیاده تقویه ایده بیلور ایدی .
 زیرا اوارهلق پدری هشام المؤیده مشابہت تامه سی
 بولنان بر خرسیان وفات ایلدیکندن محمد انک نعشی
 پدرینک نعشی اولق اوزره عالمه تشهیر ایلوب نمازی
 دخی قلنمش و هر کس ارتق مؤیدک وفاته اینانمش
 اولدیغندن او جهتجه بر کونه رقابتدن دخی اندیشه سی
 یوق ایدی . انجق هر کسه س ویلدیکی شی یالاندن
 وهرایشی حیلہ کارلقدن عبارت اولغله برقاج آی صکره
 خلق ایاقلانوب مرقومی تختندن ایندیر دیلر وینه امو-
 یلردن هشام بن سلیمانی مقام حکومتہ اجلاس ایتدیلر
 بونک اوزرینه محمد کندیسنه صادق اولان بعض
 طوائف عسکریه ایله هشامک اوزرینه واروب
 بالمحاربه واقعا هشامک عسکری دیمک اولان گروه
 اهالی بی بوزدی وحتی بیچاره هشامی قتل دخی ایلدی
 ایسه ده کویا تسکین افکار اهالی ایچون مراجعت
 ایلدیکی بر تدبیر خلقی ده ا زیاده دلگیر ایتکدن بشقه
 بر شینه یاره مدی . شویله که :

هشامك قتلندن طولايي نفرت و يأمي ارتان اھالی
مقتوالك قرنداشی بولنان سلیمانہ تابع اوله رق محمدی
تکرار سراینده محاصره ایدنجه محمد اولجه حبس
ایتمش اولدیغی پدری هشام المؤیدی حبسدن چیقاروب
« ایشته هشام صاغر . اصل حق انکدر » ديه
خلقه کوستردی ايسه ده خلق اولجه هشامك نمازینی
قلمش اولدیغندن بودفعه اعاده حیات ایتسی ممکناتدن
کورلمدیکی و بوده محمدك ینسه کذبسه جل اولندیغی
جهتله ارتق ایاغه دوشن سوزلر وقینلرندن چیقان
قلیچلر ارسنده او قدر قان دو کولدی که مورخلر او توز
قرق بیک آدمک اعدام اولندیغی یازارلر . نهایت
۴۰۰ سنه هجریه سی شوالنده عموماً سلیمانہ بیعت او -
لندی ايسه ده نصلسه برطریقنی بولوب فرار ایدن محمد
طلیطله شهرنده پیدا ایلدیکی طرفدارلریله تکرار کلوب
قرطبه شهرینی محاصره یه الدی و سلیمانك سوق ایلد -
یکی عسکری دخی یاره رق سلیمان شاطبه نام محله قاچغله
قرطبه شهرنده خلقی بتکرار کنریسنه بیعتنه مجبور
ایلدی .

مرقوم محمدك بوصوک حرکتی کندی طرفدارلر -

ندن بيله برطاقی ایچون موجب نفرت اولغله ینه بو
 ۴۰۰ سنه سی آخرنده یکیدن ایاقلنسان اهالی محمدك
 باباسی اولوب اولجه وفات ایتش نمازی قلنش ظن
 اولنان هشام المؤیدی مقام حکومته بالاجلاس محمد
 ایسه بوصره ده وقوعبولان محارباده قیداسره کرفتار
 اولغله حضور مؤیده اوزمانه قدر ایتدیکی ملعتلر
 برر برر یوزینه اوریلهرق و یریلان حکم عمومی اوزر-
 ینه باشی کسیلدی و خلق دخی مرقومك بلاسنه ن
 قورتلدی . تاریخ ولادت اوزرینه ابدیلان حسابدن
 اکلاشدیغنه کوره بوقدر ملعتلره جسارت ایدن محمد
 انجق اوتوز اوج یاشنده برکنج آدم ایش .

محمدك قتليله هشام المؤیدك تکرار اجلاسندن
 صکره برقاج سنه دنبری مملکتی آل قانلره غرق ایدن
 فرقه لردن برچوغی ترک خصوصت ایدرک کلوب
 هشامه عرض انقیاد ایشلر ایسه ده برارهلق خلقك
 مقام حکومته کتورمش اولدیغی سلیمان اطاعت ایتیموب
 وهشام المؤیدك بردوزمه هشام المؤید اولدیغندن بحثله
 اصل حق حکومت کنديسنك اولدیغی دعواسنه
 قوت و یروب برر قومندن بربلوک طرفکیرانی ایله

قيام ايش و قوتنى تزيدايچون فرانسهيہ مراجهتله
اگر كنديسنه معاونت اولنور ايسه مقدا وزير
منصور ابو عامر طرفدن ضبط اولنان فرانسز قلاع
وقصباتنى ينه فرانسهيہ اعاده و ترك ايدجكنى دخی
وعد ايش ايدى . حالبوكه فرانسه دولتى مرقومك
حكومتہ وصولنى شهبهلى كوره رك بوتكليفندن آخر
كونه استفاده ايچون هشام المؤيده كوندرديكى ايلچيلر
ايله اكر قلاع وقصبات مذ كوره كندى طرفدن ترك
اولنور ايسه سليمانہ معاونت ايتيمه جكنى و ترك اولنديغى
صورتده سليمانله اتفاق ايله جكنى بيلدير مكله هشام -
المؤيد بالضروره قلعه لرى تسليم ايدوب فرانسہ ايله
بر اتفاق عقد ايلدى . بونك اوزرينه سليمان كندى
معينده قالمش اولان بر بريلر ايله اطراف وا كنافي
احراق ويغمايه باشلايوب حتى رهرا اسمنده بر قصبه
اهاليسندن صبيان و نسوانى بيله قتله قيام ايلشدر .
بيچاره هشام المؤيد بر ياندن شو سليمان بليه سنى
چكرايكن ديكر طرفدن دخی كيفيت ملعننى و صورت
قتلى يوقاروده حكايه اولنان محمدك اوغلى يعنى هشام -
المؤيدك حفيدى عبيدالله طليطله شهرنده خروج

ایلمش و بر بریلردن و کندیسنه مخالفت ایدنلردن برچوق
 آدمی قلیچدن پکیردکن صکره اشبیلیه شهرینی دخی
 تحت محاصرهیه المش ایدی . هشام المؤید اولابونک
 حقندن کلمک ایچون سوق عسکر ایلدیکی صرهده
 دیگر صاحب خروج اولان سلیمان قرطبه دراخللافه -
 سنی ده محاصره و فتح ایدرک بر چوق آدمی قلیچدن
 پکیرنجه ارتق هشام المؤیدک کوبه اقبالی ینه منخسف
 اولمش صایلدی .

۴۰۶ سنه هجریه سنده دردنجنی برفرقه اولوق
 اوزره خروج ایلیمان علویلر دخی اندلس قطعده سی
 ایچون بشقه جه برداهیه عظمی اولدی . شویله که:
 حیران عامری اسمنده بر سردار اولادعلیدن سلیمان
 ابن جودایله اتفاق ایدرک کویا سلیمانک ملعنتنی ازاله
 وهشام المؤیدی تکرار مقام حکومت اچلاس ایچون
 قلیجی چکمشیدی . بونلرک هشام المؤید حقنده کوستر-
 دکلری غیرت و عبودیت کرک والی وقاضی مثللو
 حکومت مأمورلردن و کرک احاد ناسدن واقوام
 عرباندن برچوق خلقی کندی اتفاقلرینه ادخال ایتکله
 حیران عامری تیر وقتده قوتنی آرتدیروب قرطبه

اوزرینه یورومکه باشلادی . سلیمان دخی موجود
معیتله بونلره مقاومت چیقوب عظیم بر محاربه وقوعه
کلدی که بو محاربه ده سلیمان مغلوب اولغله فامیلیاسیله
برابر خصمسی الیه اسیر دوشدی . غالب و مغلوب
معاً قرطبه یه داخل اولدقلرندن حیران عامری غیرتنی
کوتدیکی هشام مؤیدی دخی آراتدی ایسه ده کندیسنه
بر مزار کوستروب هشامک مزاری اولق اوزره خبر
ویردیله که بو وفات یچاره هشامک ایکنجی وفاتی
دیلمک ایدی . حیران عامری مزاری آچدیروب ایچندن
چیقان نعشک بعض علامتلرندن فی الواقع هشام
اولدیغی اثبات اولندیسه ده حقیقت حالده هشام هنوز
وفات ایتماشیدی . حیران عامری سلیمانی و برادرینی
قتل ایتدیردکن صکره پدیرینی دخی قتل ایچون برای
مؤاخذه حضورینه چاغردقه هشام مؤیدی نه ایچون
اولدور دکلرینی عتاب یوللو سؤال ایدنجه قورقو -
سندن تر تر تتره مکده بولنان اختبار هشامک قتل او -
لنمیب بر حیات بولندیغنی سوبله بی ویردی . حیران
عامری اختباری در حال اولدورتوب بوسوزک هیچ
بر طرفه سرایتنه میدان ویرمکسز بن هشام مؤیدی

آراتدی ایسه ده بردرلو بولدیره مدی • بناء علیه کندی
متفق بوانان سلیمان ابن جوده خلق بیعت انلشیدی •
حیران عامری ابن جودك خلافتی استرقاب ایدرك
ینه امویلردن عبدالرحمن بن محمدی شو قاریشقلق اره •
سنده مختفی اولدیغی یردن چیقاروب پادشاه ایلدی که
هجرتك ۴۰۸ سنه سی ایدی •

اگر حیران عامری ابن جودی استرقاب ایتماش
اولسه ایدی احتمال که اندلس دولت اسلامیه سی
یکیدن تجدید قوتله فقط نامی « دولت جودیه » صو-
رتنه تحول ایتمکله قالور ایدی • زیرا ایلروده مجت
مخصوصنده کوریه جکی اوزره اشبو بنی جود پک
قوتلی بر حکومت قورمغه موفق اولمشدر بامخصوص
که حیرانك کندی الیه اجلاس ایلدیکی عبدالرحمن
بن محمد دخی آز وقت ظرفنده کنديسندن یوز چوپره •
رك نهایت کرک حیران عامری و کرک سلب توجه ایلد •
یکی سائر رؤسا الیه محاربه یه قالمشدر • برطرفدن
ابن جودك بعض ولایاتی کنديسنه تابع قیله رقی یکی
بردولت تأسیسنه چالشمسی و دیگر طرفدن دخی عبد
الرحمن بن محمدك خلاف کیرلر یله جنکده دوام انلسی

اندلسی بتکرار هرج و مرج ایتمش ولئون دولتیله فرا-
نسزله برچوق محلرک استرداد ایچون میدان
اچمشدر .

واقعا ۴۱۵ سنه هجریه سنده عبدالرحمن بن محمد
الاموی اکثریسی غرناطه اهاالیسندن اولان خلافیکیرانی
ایله محاربه ده مقتول دوشهرک قرطبه اهانسیسی دخی
اندلسده اسایش وامینتک اعاده سی ایچون بهمه حال
بنی امیه دن برذاتک مقام خلافته کلمسنه لزوم کوره رک
اغلبیتک اتفاقیله عبدالرحمن بن هشام مقام خلافته
کتورلمش ایسه ده اقلیتده بولنانلر قیام ایدرک برآی
صکره انی ده اعدام الملشدر . انک یرینه مقام خلا-
فته کتوریلان محمد بن عبدالرحمن بن عبدالله ایسه
یالکز بوغازی ایله شهوات نفسانیه سنی بیلوب بشقه
هیچ بر شیئه اهمیت ویرر آدم اولمدیغندن بریچق سنه
قدر حکومتدن صکره اهای انی دخی خلع و تسیم
ایلدیلر . بوندن صکره ۴۱۸ سنه هجریه سنده ینه
امویلردن هشام بن محمد بن عبدالملک مقام خلافته
دعوت اولمشیدی . بوذات برقاج سنه ولایانده طو-
لاشهرق بعض اوافق تفک صاحب خروجلرک حدینی

یلیدردی و بر درجه یه قدر کندی طرفدارلرینی چو-
 خالتدی و حتی دار خلافت اولان قرطبه اهالیسی بو
 دوردن عودتنده یکی خلیفه لرینی پک کوزل استقبال
 ایلدیسده ارتق زمانک اخلاق سیاسییه سنده فساد قار-
 شمش اولدیغندن بودخی ابو العاص اسمنده مردار بر
 حریفی وزیر ایدینه رک خلق اندن نفرت ایتمکله عزلنی
 بردفعه استرحام ایلدیلر ايسه ده اصغایتدیره مدکلرندن
 ۴۲۲ سنه سنده وزیر ی قتل و حکمداری خلع ایشلردر
 ایشه بوصووک و قتلرک فساد وقتنه داخلیه سی
 اندلس دولت امویه سنی تمامیه ضعیف دوشوره رک
 حتی هشامدن صکره بعض کیمسه لر امویلردن امیه بن
 عبدالرحمن اسمنده بر پرزی مقام حکومته دعوت
 ایلدیلر ايسه ده اهالی ارتق بنی امیه دن نفرت تامه ايله
 متنفر اولدقلری جهتله مومی الیهک حکومتنی قبول
 ایتدکن ماعدا قرطبه ایچنده بنی امیه دن کیملر وار
 وار ايسه چیتوب کیتلرینی و چیتمدقلری صورته
 نه ماللرندن نه جانلرندن امین اوله میه جقلرینی اعلان
 ایتلریله بوندن صکره امویلردن بر کیمسه بونجه سنه لک
 حکومتلرینی تجدید و تأییده موفق اوله مدی و ارتق

بعد ما اندلس قطعہ سی اوزرنده حکومت اسلامیہ
متفرق اولہرق برطاقم طوائف ملوک بالاخرہ پیدرپی
حکومات نصرانیہ اندہ مغلوب ومنہزم ومحو و نابود
اولق اوزرہ طرف طرف تورہدی کہ اسپانیا تاریخنک
بوجہتی بروجہ آتی اوچنجی بایمزی تشکیل ایدر .

✽ اوچنجی باب ✽

حکومات اسلامیہ نک انقسامیلہ زوالندہ قدر

عن ۱۰۳۱ الی ۱۴۹۲

(برنجی فصل)

خلافک انقسامیلہ مرابطینک ظہورینہ قدر

عن ۱۰۳۱ الی ۱۰۸۶

تفصیل - امویہ اندلس دولتنک اواخر حکو-
متندہ کوریلان احوال هانکی دولتدہ واقع اولمش
ایسہ نتیجہ سنک برانقسام کلی یه منجر اولدیغی نزد
تاریخده برچوق وقوعاتله ثابت اولوب بوحقیقت
اندلسده دخی کورلمشدر . امویہ پرنسلی کاملا
طرد وتبعید اولندقدن صکره بونلرک پای تختلری اولان
قرطبه شهرنده عامریلردن ابوالحزم جمهور برحکومت
جدیده قورمش اولدیغی کبی اندلسک منقسم اولدیغی

ولایات دخی تابع اولدقلری والیر اداره سی التنده برر
حکومت مستقله اولق اوزره بشقه بشقه تشکل
ایشلردر . بوصورتله انقسام ایلیان حکومتلردن
اندلس قطعہ سنده باشلیجه اون دولت پیدا اولدی که
برنجیسی برمنوال محرر قرطبه وایکنجیسی اشبیلیه
واوچنجیسی بطلیوس ودرنجیسی طلیطله و بشنجیسی
مرقسطه والتنجیسی طرطوشه ویدنجیسی داین
وسکزنجیسی موری یاخود مرسیه وطقوزنجیسی
مریه واونجیسی دخی مالقه وغرناطه دولتریدر .

جمله سی یکپاره بر دولت اولدقلری حالدہ مجرد
مرکز اداره یه ارتباط تاملری قالدیفندن کندیلرینی
قورویه میان ولایات مذکورہ نك شمدي شوحال تفرقه
واختلافلی اوزرینه کندیلرینی محافظه ایدہ بیللری
قابل اولورمی ؟ حالبوکه بونلر برطرفدن اسپانیوللرک
تعرضات دائمه سنه کوکس ویرمکه وبرطرفدن دخی
یکدیگری علیهنده کی مهاجرات متسلسله یه طیانمغه
مجبور ایدیلر . بناء علیه بعضلری اسپانیولر طرفندن
ضبط ایدلک و بعضلری دیگر زینه قلب والحاق اولنق
صورتیله بونلر یاریم عصر ظرفنده نابید اولدیلر .

شو انقلاباتی ایچون بوراده وقوعاتی بر موجب مفردات
حکایه ایدمیه جکز . یالکز ذکر اولنان اون دولت
حقنده برر برر شو قدر جق ایضاحات ویره جکز که:

بنی امیه زمانده دولتک مرکز اداره سی قرطبه
اولدیغی کبی فسادک دخی مرکزی اوراسی اولدیغندن
شوانقسام دوری اثناسنده ال بیوک فناقلر قرطبه ده
کورملک لازم ایکن بنی امیه پرنسری کاملا شهردن طشره
چیقارلدقلى کبی زمام حکومت کندیدی کفایه سنه تسلیم
اولنان ابو الحزم جمهور دخی حقیقه فاروقانه بر اداره یه
مقدر آدم اولدیغندن قرطبه ده هیچ بر فنالق کورلما -
مشدر . ابو الحزم شهرده سلاح استعمالده مقدر
نه قدر آدم وار ایسه جله سنی عسکر یازوب فقط کار
و کسبرى ایله اشتغالده دخی سربست بر اقص و هر
کسک کار و کسبه مسلح اوله رق کیتسنى و هانکی
دقیقه ده و نرده بر فنالق چیقار ایسه اوراده اثبات
وجود الحسنی امر ایتشدر . قرطبه اهالیسی ایسه
بو ذاتک او امرینه حرف بحرف رعایت مجبور یتنده
بولنورلایدی . زیرا کندیسى پادشاهلق داعیه سنه
قیام ایتوب و حتی دارالخلافه ده دخی اوتور یوب

سرایک قپولرینی قپاته رق کندی اسکی خانه سنده او .
 تورمش و بو صورتله نزدنده اقبال و ادبارک مساوی
 اولدیغنی هر کسه تسلیم ایتدیرمش ایدی . بناء علیه
 ایلک ظهور ایدن مفسدینک درحال باشلرینی ازدیکی
 کبی حکومت متجاوزه دخی قرطبه بی محافظه ایچون
 عظیم بر قوتک دائماً مسلح و حاضر بولندیغنی کوره رک
 تعرضه مقتدر اوله ماملریله ابوالحزم عن ۴۲۲ الی ۴۳۵
 اون اوچ اون درت سنه مدت قرطبه بی حسن اداره یه
 موفق اولمشدر .

مومی الیهک وفاتندن صکره اوغلی ابوالولید محمد
 انتخاب عمومی ايله مقام حکومت کتوریلوب او دخی
 پدرینک اثرینه اقتفادن آیرلما مشدر . زیرا قرطبه ده
 بونجه سنه لدنبری خاندانلغه الشمس اولان کباره
 قارشو دبدبه و دارات شاهانه یه قالعشسه جمله سنک
 حسدینی تحریک ایده جکی درکار ایدی . انک دخی
 وفاتندن صکره براره لق قرطبه متجاوزینک هجومه
 هدف اوله جق ایکن طلیطله ده حکومت ایدن مأمون
 دعوت او لنغله بوتله که من دفع اولمش و نهایت
 مرابطون ظهور ایدرک قرطبه دخی دوات مرابطونه
 النحاق ایلشدر .

اشبیلیه به گنجیه: امویلرک طردندن صکره اشبیلیه ده
اعیانندن ابوالقاسم ایله محمد بن بریم و محمد الرسدی نام
کندهلری اهالی حکام نصب ایدرک بالاشترک اداره
اموره مأمور الیشلر ایدی . مؤخرأ ایکی محمدلر
ابوالقاسمه « سن بالاستقلال حکومت ایت » دیه استعفا
و بیعت ایتدیلرله ابوالقاسم مقام حکومتده مشترک قالمدی .
امویلرک مؤید مالقه ده اختفا ایدرک برارهلق شو اون
حکومت مستقله یه کنديسنی تکلیف ایلدکده هیچ
پردی قبول ایتدیکی حالده ابوالقاسم مومی الیه
مؤیدی قبول و بیعت ایدرک عالمی دخی اکا تابع ایتکه
هتشدی و بو یولده برخیلی محاربه یه کیرشدی ایسه ده
یونک پرشیئه موفق اوله مدی . هجرتک ۶۲۵ سنه -
ستدن ۶۳۳ سنه قدر مرقوم ابوالقاسم حکومت
سوره رکه کنديسنندن صکره اوغلی ابو عمرو وانک دخی
اوغلی ابوالقاسم محمد مقام حکومتده کله رکه بونلر بر
عبرت جهانگیرانه ایله هر طرفه صالديروب برچوق
یرتوی کندی دائرة حکومتلری داخلنه ادخال الیشلر
ایندی . حتی نفس قرطبه یه دخی تعرضه باشلا دقلرنده
قرطبه لیلرکوزل مدافعه ایتیشلر ایسه ده اسپیشلرینی

اخلالدن ایسه مرقوم ابوالقاسم محمدک اوغلی اولوب
 طلیطله ده حکومت سورن مأمونه تسلیم امور ایله
 منازعه یه نهایت ویرمکی ترجیح ایشلردر . بو حکومت
 دخی نهایت مرابطون طرفندن منع اولندی .

اندلسده تشکل ایدن اون حکومت مستقله نك
 اوچنجیسی اولان بطایوس حکومتی امویه نك اقرا -
 ضنده یرلی رؤسادن سابورالفتی نام جرأتلی بر ادمک
 انه کچهرک ایلک شورش واختلافلی مومی ایله بر طرف
 ایتکه مقتدر اولمشدر . انک وفاتندن صکره ابو بکر
 اسمنده بر ذات انتخاب عمومی ایله مقام حکومتیه
 کتورلدی که اعلم علمادن اولوب مخلصی « مظفر »
 اولغله « مظفری » دیه الی جلد اوزرینه مشهور بر
 بر کتاب تألیف ایشدر . مملکتی حسن اداره یه موفق
 اولمش بر آدم اولوب بعد وفاته اوغلی عمر مقام حکو -
 مته کتورلمش و بو ذات دخی یک موفق و مقتدر بر
 حکمدار چیقوب سایه همتنده یک چوق محارر بطلیوس
 حکومتیه ارتباط ایشدر . نهایت مرابطون
 بونک زماننده ظهور ایتکه بیچاره انر الندیه مقتول
 اولدی و مملکت مرابطونه انتقال ایلدی .

حکومات عشره نك در دنجیسی اولان طلیطله ده
 امویلرک انقراضی اوزرینه ابن یعش اسمنده برزوربا
 توره یوب زمام حکومتی اله المش ایسه ده دیکیش طو-
 تدیره میوب از وقت ظرفنده خلق انک الندن قور تلمشدر
 اندن صکره بربری الاصل اولوب ظافر بحول الله دیه
 تلمقب ایلیان اسماعیل مقام حکومته کتور یاهرک ادیب
 وعادل بر آدم اولغله مملکتی حسن اداره یه موفق او-
 لمشدر . انک ده وفاتندن صکره اوغلی یحیی مقام حکو-
 مته کلش ایسه ده عیش ونوشه میال برسفیه اولدیغندن
 اسپانیولر طلیطله اوزرینه یورود کجه صلحی استدعا
 واسترحام ایله مقابله ده بولنور ایدی . بناء علیه طلیطله
 یه تابع اولان یرلر بالتدریج اسپانیولرک الیرینه کچمکه
 باشلا دیغی کبی نفس طلیطله ده دخی نیجه اختلالر
 ظهوره کلشدر . نهایت اشیلیه حکومتی بقیه ممالک
 استیلا اتمکله بو طلیطله دولتی ختامه ایرمشدر .

حکومات عشره دن بشنجیسی اولان سر قسطه
 حکومتی امویلرک انقراضندن هجرتک ۵۰۰ سنه قدر
 اولدقجه حسن حال اوزره حکومت دوامله نهایت مرا-
 بطونه التحاق ایلشدر . انقراض بنی امیه ده منذر بن یحیی

مقام حکومت کاهنك اندن صکره یحیی و سلیمان و احمد
و یوسف و دیگر احمد و عبدالملک و اوچنجی احمد
اوغل و حفیدلری صره سیله حکومت سور مشلدر .
سلیمان زمانده اسپانیولر بر شدتلی هجوم ایله بر خلی
یرلری استیلا ایشلر ایدی .

النجیسی بولنان طرطوشه حکومتی والاتس
یاخود بلنسیه شهریه برابر بر حکومت مشترکه تشکیل
ایشلر ایدی که طرطوشه ده عامر یلردن لیب و بلنسیه
ده دخی ینه عامر یلردن منصور حاکم اولمشلر ایدی .
بو منصورك اوغلی محمد پدرینك وفاتنده حاکم اولدقده
اقرباسندن منصور قیام ایدرك حکومتی الندن المشدر
براز صکره سهله اسمنده بر شهر دخی کندی استقلالتی
اعلان ایدرك عبود بن رزین نام رئیس جانشین حکو-
مت اولمشدر . بناء علیه اشو طرطوشه بر «حکومات
متحدہ» نامی ویرملك لازم کلوب نهایت بوده مرابطو-
نه التحاق ایشلدر .

حکومات عشره نكیدننجیسی اولان دانیه حکومتی
امویلرك ابتدای انقراضنده ابو الجیش موفق اسمند
یرمردارك مدافعه سیله بر حکومت موقته الته کیر .

مشیدی . قرطبه دن طرد اولنان برچوق کبار بورایه .
 التجا ایتکله ابوالجیش انلری حسن قبول ایدرک .
 فقیه ابو محمد المعیطی اسمنده کبار علمادن بر ذاتی خلیفه
 نامیله مقام حکومت کتور مشیدی . بوایکی ذاتک تفاق
 سایه سنده دانیه حکومتی قوت بولوب حکومت
 مذکوره ساحل دریاده واقع اولمغله کوچک بیولک یوز
 یکر می قطعه سفینه دن مرکب بردونماید پیاده وسواری
 عسکر ارکابیله ابوالجیش ایتالیا سواحلنه قدر تعرض
 و ساردنیایی فتح واستیلایه ده موفق اولمشیدی
 انجق مؤخرأ ایتالیا نلر قوه کلبه ایل کلوب جزیره یی
 استرداد ائتشلردر . ابو الجیشن صکره یرینه کلان
 کلان اوغلی علی دخی صاحب عزم بریکیت چیغوب
 مملکتی محافظه یه مقتدر اولمش ایسه ده انکده وفاتندن
 صکره اوغلی ابوعامر بر سفیه چاپقین آدم اولدیغندن
 اوزمانه قدر هر طرفدن دانیسه یه کلوب جمع اولمش
 بولنان امرا و کبار اندن روگردان اولدیلر . سرقسطه
 حاکمی برنجی اجددن استمداد ایلیرک ابوعامری
 ازاله واحده اتباع ایلدیلر .

حکومات مذکوره نک سکزنجیسی اولان مورسی

حکومتی « رئیس » نامیده بر قوماندانک اداره سی التمه
 کیروب ابتدا ریاست مذکورہ بنو طاهر فامیلیا سندن
 عبدالرحمن نام ذاتہ تودیع اولمش ایسہ دہ مؤخرأ
 بوریاست برطاقم آدملمر میانندہ منازع فیہ اولہرق تامرا
 بطینک ظہورینہ قدر نزاع واختلال اکسیک اولمدی
 طقوزنجی حکومت اولان مریہ دہ امویلرک
 انقراضی زمانندہ عامری فامیلیا سندن حیران اعلان
 استقلال ایدوب ایچہ حسن ادارہ یہ موفق اولمشدر .
 وقوع وفاتندہ اوغلی زہیر حاکم اولوب حکومات
 متجاورہ نک مجادلات واختلالاتدن بالاستفادہ برخیلی
 توسیع ملکہ موفق اولمشیدی . انجق یوقارودہ دہ ذکر ی
 سبق ایلدیکی اوزرہ اشیلیہ حاکمی حکام متجاورہ یی
 مؤید اموی یہ اطاعتہ دعوت ایلدیکی زمان بودعوت
 علیہنہ قیام ایدنلرک بریسی دخی زہیر اولمغلہ شو مجا .
 دلہ دہ مقتول دوشمشدر . اندن صدکرہ مریہ ولایتندہ
 برطاقم تورودیلر تورہ یہ رکنیچہ قانلی منازعاتہ ولایتی
 تقسیم ایشلردر . نہایت مرابطون ظہور و مریہ یی
 دخی استیلا ایلہ رکن بو منازعاتہ نہایت ویرمشدر .
 حکومات عشرہ نک اونجیسی اولان مالقہ و غرنا .

طہ حکومتلری بنی امیہ نك انقراضندہ ابتدا بنی حمودہ
 دن بنو علی نام حاکمک زیر اداره سنہ کچمش ایسہ دہ
 دیگر جہتدہ غرناطہ حاکمی اولان بادیس ایلہ منازعہ
 وقوعہ کلہ رک غرناطہ ایلہ مالقہ نہ یکدیگری نہ تابع
 ونہ دہ تمامیلہ یکدیگری نندن آیری اولہ مقسزمین تامر ابطونک
 ظهورینہ قدرہب شورش و نفاق اوزرہ دوام ایشلردر
 ایشتہ حکومت پرا کنندہ نك احوالی شوندن
 عبارت اولوب مرابطون دولتی بواحوالہ نہایت
 ویر مشہد رکہ کیفیت آیدہ اوچنجی فصلدہ خلاصہ
 ایدیلور :-

(ایکنجی فصل)

حکومات نصرانیہ نك استرداد ممالک ایدیشلری

عن ۱۰۰۰ الی ۱۰۸۶

تفصیل - شرق توارینخی خلافت امویہ نك
 انقراضندن صکرہ اسپانیادہ ظهور ایدن طوائف ملوک
 اسلامیہ بی اون حکومتہ تقسیم ایلدکلری ویا لکز بونلردن
 برایکیسنی ایکیشر اوچر حکومتدن مرکب کوسیت -
 دکلری حالہ اوروپا تاریخلری طوائف مذکورہ دن
 الک اہمیتسز اولان حکومتلری دخی برر حکومت

مستقله عد ایدرك مقدار لرینی اون طقوزه واردیرلر
 و بونلردن هر برینی اسپانیوللرك استرداد ایدیشلرینه
 ردولت اسلامیه نك زوالی قدر اهمیت ویرلر .

انجق نصارانك ایادی اسلامدن استرداد ملك
 ایتكه باشلاملری قرطبه خلافت امویه سنك انقراضندن
 صكره كورلمش احوالدن دخی دكلدر . دها دولت
 امویه نك ایلک عصر تأسسند بر طاقم صاحب خروجرلرك
 اوتهده بریده ظهور ایدرك قوه اسلامیه بونلر علیهنه
 اسراف ایدلدكجه و بناء علیه كرك شمال طرفنده کی
 طاغله تحصن ایدن اسکی ویزغوتلرك لئون حكومتنه
 و كرك فرانسلره بومنازعات داخلیه فرصت ویرد كجه
 هجوم ایدرك برچوق یرلری استرداده باشلامشلردر .
 ایشته بو صورتله در که سکزنجی عصر میلادی اواخیر-
 نده فرانسه قرالردن په پن عربلرك پارسه طوغری
 اوزاملرینی منع ایلیرك وسطی فرانسه دن فتح ایلش
 اولدقلری ممالکدن بر قسمی استرداد ایلدیکی کی
 مشهور فرانسه امپراطوری شارلمان دخی عربلره غوغایه
 طوتشه رقی اولجه ید اسلامه کیرمش اولان یرلردن بر
 طاقنی المشر .

په پن وشارلمان ایله سائر برطاقم فرانسر سردار .
 لری یواش یواش ید اسلامی کیرویه چکدیرد کجه
 ایملوله ایملوله سستیانی نام فرانسه ایالت جنوبیه سنی
 کاملاً نزع ایلدکن ماعدا پیره نه طاغلرینی دخی کچهرک
 سلسله مذکوره ایله ایبرنهری اره سنده کی ممالیکی ده
 اخذ واسترداد و بورالرینی « اسپانیا سرحد ولایتی »
 نامیله بر فرانسر ولایتی صورتته تحویل ایلش ایدیلر .
 براز صکره ینه فرانسه نک ایالات جنوبیه سندن معدود
 اولان آکتن ولایتنده قرال نامیله حکومت سورن
 آرنار دخی اسپانیا حکومت اسلامیه سی اوزرینه
 یورویه رک ذکر اولنان اسپانیا سرحد ولایتک غرب
 طرفدن حدودینی توسیع ایلش و بصورتته عربلردن
 استرداد ایلدیکی ممالکه برازده اسپانیا سرحد ولایتک
 اسکی اراضیسندن قاهره قسقل بر حکومت قور .
 مشدرکه بو حکومت « ناوار قرالغی » نامی ویرلمشدر .
 ناوار قرالغی تأسیسی میلادک ۸۳۱ سنه سنده
 وقوعه کلدیکنه و قرطبه خلافت امویه سنک انقراضی
 ایسه ۱۰۳۱ سنه سنده وقوعبولدیغنه نظراً اسپانیا
 ممالکنک نه زماندن باشلایه رق نصارا طرفندن

استردادہ بدأ اولندیغی قولایجه ملاحظه اولنه بیلور .
اسپانیا سرحد ولایتک غرب طرفی اول صورتله
ناوار قرالغنی تشکیل ایلد کدن صکره شرق طرفی
دخی بارسلون قونتلیغی نامیله مستقل بر قونتلق حالده
کیرمش ایسه ده فرانسه دن ایرلیوب تا ۱۲۵۸ سنه
میلادیه سنه قدر فرانسه یه مربوط قالمشدر .

ناوار قرالغنی تشکیل ایدن سالف الذکر آزاره
قرال عنوانی ویرلمدیکی حالده اوغلی غارسی قسمنده سه
عنوان مذکور ویریلرک حکومت متجاوره دخی قبول
وتصدیق ایتش اولمسیله وبوناوار قرالغنی اطراف
وجوارنده بولنان ممالکی لاینقطع ضبط ایدرک توسیع
حدودده دوام ایلسیله آز وقت ایچنده پیره نه طاغیر -
ینک ایکی اطراف دخی ناوار دولتی اراضیسندن
معدود اولمش قالمش ایدی . قرطبه خلافت عباسیه -
سنک کیتد کجه آرتان ضعیفی اوزرینه ناوار دولت
جدیده سی دخی کیتد کجه جنوبه طوغری حدو -
دینی توسیع ایلد کدن ماعدا بو حکومتک قرالرن دن
بیوک صانش دیه مشهور اولان اوچنجی صانش سلاح
فتح و تسخیری نیجه زماندیری عربلره قارشو کندیلرینی

محافظه و مدافعه ايتمكده اولان قاستيل سنيورلرى عليهنه
 دخی چویرمیش ایدی . اشبو قاستیل سنيورلرینک
 صانش طرفندن دوچار هجوم ایدلملرینک سببی بونلرک
 هربری شاتو دینلان مستحکم حصارلرد قپانه رق فرانسه
 و اورویانک سائر طرفلرندن کوندریلان اعانه لر ايله
 محضا عربلرک شماله طوغری تعرضلرینی منع ایچون
 مأمور اولدقلری حالدیه بو سنه لرده عربلرک ضعیفی او .
 زرينه ناوار حدودینی جنوبه طوغری برچوق توسیع
 ایتمکه ذکر اولنان سنيورلرک مخالفت کوسترملری
 قضیه سی اولمشدر . میلادک ۱۰۳۴ سنه سنده بیوک
 صانش بوسنيورلری برر برر اوروب قاستیل ولایتی
 فتح ایلدیکی کبی ینه مومی الیهک لئون دولتی علیهنه
 دخی باشلامش اولدیغی محاربه یه اوغلی بولنان برنجی
 فرانسوا دوامله لئون دولتنک صولق قراالی اولان اوچنجی
 برمودی میدان محاربه ده قتل ایتمک صورتیله ختام ویر .
 دیرمشدرکه بومظفریت دخی ۱۰۳۷ سنه میلادیه سنده
 حصوله کلمش ایدی .

ایمدی لئون وقاستیل وناوار ايله برده آراغون
 ولایتلی براره یه کله رک بیوک بردوات تشکیل ایتمش

لولدیغندن اکر بو دولت یکپاره لکنی محافظه ایتمش
اولسه ایدی اسپانیاده اهل اسلامک انقراضنی دها
زیاده تعجیل ایده جکی درکار بولمشییدی . فقط بیوک
صانشک اوچ نفر اوغلاری بو ملک واسعی میانه لرنده
تقسیم منازعه سنه قیام ایتلملیله بونلر بتکرار ناوار
وقاستیل و آراغون نامرلیله اوچ قرالغه آیرلدقدن صکره
شوحال انقراض اهل اسلامی براز دها تأخیره سنب
اولدی .

ایشته بو اوچ دولت جدیده نصرانیه هر نه زمان
بر فرصت بولورلر ایسه اندلس حکومت اسلامییه سی
اوزرینه یورویه رک اکر غالب کلورلر ایسه مقتدر
اوله بیلدکلی قرر برلری اخذ واسترداد ایدرلر و بر
شیئه موفق اوله مدقلری صورتده یغما ایده بیلدکلی
اسرا ایله عودت ایلرلر ایدی . مؤخرأ یعنی ۱۰۹۵
سنه میلادیه سنه پورتغال دخی عربلردن برخیلی
یرلری استرداد وحدودینی توسیع ایدرک حکومت
نصرانیه نک دردنجیسی اولمق اوزره میدانه چیقمش
وبوندن اول کندیسنه مخصوص اولان تاریخده اخبار
ایدلدیکی اوزره آراغون وقاستیل و ناوار دولترنه

علاوة بر در دنجی مسلط اوله رق اوده بریاندن اهل اسلام اوزرنده کی تسلطنی آرتدیرمشدر . عرب تا- ریخلرنده شودرت دولت یکدیگرندن تفریق ایدلکسنز- ین « نصارا » ویاخود « افرنج » دیه قید و تعبیر او- لنورلر ایسه ده بو حال دول اربعه مذکور هك عربلر علیهنده ذاتاً متفق کبی کورونه رك دائماً محارب اولمرندن نشأت الیشدر . یوقسه بونلر اره سنده دخی سائقه حمله نه قدر محاربه لر وقوعه کلمشدر . باخصوص که کیفیت اشاغیده دیگر بر فصلده بیان اولنه جغی اوزره بر طاقم مجادلات ارثیه بودولنلرک خاندان حکومتلرنجه انقلاباتی دخی موجب اولمشدر . اگر بویله اولمیوبده بونلر یکپاره ویاخود متفق و متحد اوله رق داخل دخی هیچ بره مشغولیتلری بولنسه ایدی ضوائف ملوک اسلا میهنك الك بیوکی بیله بونلرک هیئت عمومیه سنه نسبتله يك عاجز قاله جغندن اسپانیا اوزرنده اهل اسلام هیچ بقا بولمز ایدی .

اشبو قاسلیل و آراغون و ناوار و پورتغال حکو- متلری اهل اسلام ایله ابتدای مصادمه لرنده مؤخرأ تاریخ نصرانیت ایچون برشین ایدی اولان مظالمه يك

لولدیغندن اکر بو دولت یکپاره لکنی محافظه ایتمش
اولسه ایدی اسپانیاده اهل اسلامک انقراضنی دها
زیاده تعجیل ایده جمی درکار بولنمشیدی . فقط بیوک
صانشک اوچ نفر اوغلاری بو ملک واسعی میانه لرنده
تقسیم منازعه سنه قیام ایتملریله بونلر بتکرار ناوار
وقاستیل و آراغون نامریله اوچ قرالغه ایرلدقن صکره
شوحال انقراض اهل اسلامی براز دها تأخیره سنب
اولدی .

ایشته بو اوچ دولت جدیدہ نصرانیہ هر نه زمان
بر فرصت بولورلر ایسه اندلس حکومات اسلامیہ سی
اوزرینه یورویه رک اکر غالب کلورلر ایسه مقتدر
اوله بیلدکلری قرر برلری اخذ واسترداد ایدرلر و بر
شیئه موفق اوله مدقلری صورتده یغما ایده بیلدکلری
اسرا ایله عودت ایلرلر ایدی . مؤخرأ یعنی ۱۰۹۵
سنه میلادیہ سنه پورتغال دخی عربلردن برخیلی
یرلری استرداد وحدودینی توسیع ایدرک حکومات
نصرانیہ نک دردنجیسی اولق اوزره میدان چقتمش
وبوندن اول کندیسنه مخصوص اولان تاریخده اخبار
ایدلدیکی اوزره آراغون وقاستیل و ناوار دولترنه

علاوة بر در دنجی مسلط اوله رق اوده بریاندن اهل اسلام اوزرنده کی تسلطنی آرتدیرمشدر . عرب تا - ریخلرنده شودرت دولت یکدیگرندن تفریق ایلمکسنز - ین « نصارا » ویاخود « افرنج » دیه قید و تعبیر او - لنورلر ایسه ده بو حال دول اربعة مذکوره نك عربلر علیهنده ذاتاً متفق کبی کورونه رك دائماً محارب اولمرندن نشأت المشدر . یوقسه بونلر اره سنده دخی سائقه حمله نه قدر محاربه لر وقوعه کلمشدر . باخصوص که کیفیت اشاعیده دیگر بر فصلده بیان اولنه جغی اوزره برطاقم مجادلات ارثیه بودولتلك خاندان حکومتلرنجه انقلاباتی دخی موجب اولمشدر . اگر بویله اولیوب ده بونلر یکپاره ویاخود متفق و متحد اوله رق داخل دخی هیچ بره مشغولیتلری بولمسه ایدی ضوائف ملوک اسلا میه نك ال بیوکی بیله بونلرک هیئت عمومیه سنه نسبتله یك عاجز قاله جغندن اسپانیا اوزرنده اهل اسلام هیچ بقا بولمز ایدی .

اشبو قاسمیل و آراغون و ناوار و پورتغال حکو - متلری اهل اسلام ایله ابتدای مصادمه لرنده مؤخرأ تاریخ نصرانیت ایچون برشین ایدی اولان مظالمه یك

ده او قدر قویولما شلردر . زیرا بر محل حکومت نصا -
 را التنه کیرد کجه اها لیسى اکثریتله هجرت ایدرو بر
 محاربه ده نصارا التنه اسلام اسراسى دوشد کجه
 اسلام التنه بولنان نصارا اسراسیله مبادلله اولنور
 ایدی . اصل مظالم اسلامه دها زیاده ضعف طاری
 اولدقدن وبا خصوص اسپانیا اوزرنده حکومت اسلا -
 میه دن اثر قالمیه رق اهالی مسله هب نصارا رعیتی
 التنه کیرد کدن صکره میدان المشدر .

(اوچنجی فصل)

مرابطین وسائر عرب مستولیری

عن ۱۰۸۶ الی ۱۳۴۴

تفصیل - مرابطین یکدیگرینه ارتباط ایلمش
 برچوق قبائلدن مرکب بر طائفه اولوب بونلر صحرا ده
 صیقاقدن تحافظ ایچون بر نوع یاشماق استعمال ایلد -
 ککری جهنتله « ملثین » لقبیله دخی یاد اولنورلر . عن
 اصل یمن طرفلرندن فاس جهنته هجرت ایلمش اولد -
 قری حالد هجرتک بشنجی عصرنده کلمه شهادتدن
 بشقه لوازم دینییه واعتقادییه بی اونوته رق یانکز لفظاً
 مسلمان قالمشلر ایدی . هجرتک ۴۴۸ سنه مننده بونلر -

دن جوهر اسمندہ بر ذات حجه کیدرک عودتندہ قبائلہ
 یکیدن تعلیم ایمان ایچون عبداللہ ابن یاسین اسمندہ بر
 ققیہی دخی برابر کتور مکله مرابطینک رئیس بولنان
 ابو بکر ایله عمزادہ سی یوسف نماز قیلخی اوروج طوتمغی
 ذکات ویرہکی قبول ایلدیلر ایسہدہ خرسزلرک الیری
 کسلسی وزاینلرک رجم اولنمسی کبی احکام شرعیہ یی
 قبول ایتیرک حاصلی برچوق مباحشدن صکرہ مرا -
 بطیندن بر یوک قسمی تمامیلہ قبول دیانت ایلدیلر
 و بونلر قبول دین ایتیانلر علیهنہ جنکک واروب غزالرله
 موفق باخیر اولدیلر .

بناء علیہ مرابطیندن برنجی پادشاه مومی الیه ابو
 بکر عد اولنور ایسہدہ اصل برنجی عد اولنمغہ و امیر
 المؤمنین نامنی المغہ لایق اولان مومی الیه یوسفدر .
 زیرا اطلاس دکزینہ و سبتہ بوغازینہ قدر فاس و مرا -
 کش و جزایر طرفلرینی کاملا استیلا ایلدکن صکرہ
 اسپانیا طرفلرنده بولنان اهل اسلامک تفرقہ واقعہ سی
 بالاخرہ اسپانیولار اندہ اسارت ورعیتلرینی متبع
 اولہ جغنی اکلایه رق ۴۸۴ سنہ ہجریہ سندہ سبتہ
 بوغازینی دخی مرور ایلشدر . اندلسدہ بولنان حکو -

مات متفرقه بویله آفریقا قوتنی اندلس قوتنه قاته رق
 اوقضه ده اسلامك بقای سلامتی تأمین ایلیدجك
 اولان برذاتی حسن استقباله شتاب ایلیدجك یری
 بالعکس بونلری جاهلیت اربابندن اولقی اوزره نظر
 استخفافله مقاومتریندخی شتاب ایلدکلرندن امیر المؤمنین
 یوسف هانکی حکومتی مغلوب ایلدیسسه حاکمترینک
 واعیانک ققارینی کسه کسه واقعا اسپانیا قطعه سنده
 بولنان ولایتک کافه سنی اداره واحده سی التنده جمع
 ایتدی انجق دره ترکی ده قانلر اقغه سبب اولدی .

بوندن اولکی فصلده اسملرینی خبر ویردیکمز درت
 قطعه حکومت نصرانیه اهل اسلامك شومشغولیتلرندن
 دخی استفاده ایچون تعرضاته باشلامشلر ایسه ده
 یوسف بونلرک طو پنه بردن مرام اکلاتوب حدود
 ممالکی محافظه یه مقتدر اولمش و ۵۰۰ سنه هجریه
 سنه قدر اسپانیوللری و پورتکیکلری پک ده حدوده
 یاقلاشدیر مامشدر . بوتار یخده یوسف وفات ایدرک
 حکومت قدیمه اعیانی مومی الیهک اوغلی اوزرینه
 قیام ایاد کلری زمان حکومت نصرانیه دن دخی
 استمداد ایلش بونلر یله امپایوللر عظیم بر هجوم ده

ترتیب ایلدیلر ایسه ده بودغه دهامدهش برهزیمته
دوچار اوله رق عودت ایتدیلر . بعده اوغلی امیر
المسلین تاشقیل و برادری اسحق دخی صره سیله مقام
حکومه کله رک شو قدر که بواسحق هنوز پک کنج
پر پرنس اولوب اندلس اهالیسی ایسه مرابطینک
کاملرینی بیله هنوز پک یکی زادکاندن عدایله هیچه
صاید قیلندن اسحق کندی امرینی خلقه اسماع ایده .
مامش و اجدادی زماننده کی عسکر دخی طاغیلوب
یرلی عسکری ده مخالفین جهتنی الترام ایلش بولمسیله
موحدین دینلان دیکر طائفه اندلسی تحت تغلبه
المشدر . اکر موحدیه و یاخود موحدین دینلان
دولت ظهور ایتیوب ده مرابطین دولتی برار دهام
تأید ایلش اولسه ایدی اندلسده کی اهل اسلامک
اسپانیولره دهام پک چوق زمانلر مقاومت ایده بیله جکی
درکار ایدی . انجق تمام ظهورلریله برابر نصارانک
کوزلرینی ییلدیرمش اولان مرابطین تحت تغلبه کیر .
وبده یرلرینی موحدین طائفه سی طوتجه یه قدر بر
چوق یرلر دهام اسپانیولر الله کچهرک اسلامک ضعفی
آرتمشدر .

موحدین حکومتی تأسیس ایلیمان ذات علویلردن
 مهدی ابن تومرت اولوب عن اصل مصامده نام قبيله
 مغریه ده دنیایه کلدیکی حالدہ تحصیل علم ایچون
 شرق طرفنه عزیمت ایدرک بعد التحصیل عودتنده
 هر کس انک زهد و تقوا سنده حیران اولغله هانکی
 طرفه وارسه خلق کندی مملکتلرنده اقات ایتمسنى
 رجا ایدرلر ایدی . تونس سواحلنده واقع بجایه نام
 محله کلدکده بنی سلیم قبيله سی رئیسى عبدالمؤمنی
 کورمکله مومی الیهک قوت و شهامتی بکنوب حضرت
 پیغمبرک بنی سلیم قبيله سندن ظهوره کله جکنی خبر
 و یردیکى انجق سمسک دیه تشویق ایتمکله اره لرنده
 براتفاق عقد اولندی . بعده ابن تومرت مرابطینک
 افریقا اقلیمجه اصل پای تختی اولان مراکش شهرینه
 واصل اولدقده ارککری یا شمئلی کزدکری حالدہ
 قاریلری آچیق کزن مرابطونک احوالی ابن تومرته
 غریب کورینه رک ازجله پادشاهک همشیره سنى
 سوقاقده جاریه لريله برابر یوزی آچیق کیدرکن
 کوره رک تسکدیره قالمشغله امیر المؤمنین کندیسنى
 مؤاخذه ایده جک اولدیسده ابن تومرت جلہ یی

الزام ایلدی . نهایت خلقک کنديسنه اولان توجهی
ارتق مرتبه غایه وار مغله برابر هب سالف الذکر
عبد المؤمنی مثل و رؤسای قبائلدن اون نفر آدمی کنديسنه
محکم بند ایلدیرک رفع لوای عصیان ایلدی . مرا -
بطین طرفندن سوق اولنان عسکری هب بوزمش
اطراف و اکنافی کندي تحکمی التمه المشیدی .
هجر تک ۵۲۴ سنه سنده وفاتی و قوعه کلد کده
عبد المؤمن کنديسنه ولی عهد ایدنمش اولدیغی جهتله
صندالی ریاست اکا عرض اولندی و امیر الموحدين
نامیله بتون طرفدارلری مومی الیه بیعت ایلدیلر .
ایشته دولت موحديه بی اصل تأسیس و تأیید ایلان
بو عبد المؤمن اولمشدر . زیرا اطرافده بولنان قبائلدن
بعضیلرینی طوعاً و بعضیلرینی جبراً اطاعتی التمه
الدقندن صکره مراکش اوزرینه یورومش و اون بر
آی محاصره ایله اول پانتختی ده استیلا ایدرک مرابطون
دولتنه نهایت و یرمشدر .

مراکشده مرابطون اول صورته منقرض
اولدقلى زمان اندلسده بولنان اسکی طوائف ملوک
بقیه سی بتکرار استرداد استقلاله قیام ایلشرا یسه ده

عبد المؤمن بریاندن بونلر اوزرینه عسکر سوق
ایلدیکی کبی بریاندن دخی اسپانیوللر هجوم ایدرک
بیچاره اندلس ایکی عسکرک ارسنده قالمش واسپانیوللر
برچوق یرلری اخذ ایلدکلی کبی موحدین سردارلری
دخی بقیه سنی استیلا ایده بیلشدر . هجرتک ۵۸۸
سنه سنده عبد المؤمن وفات ایدرک یرینه اوغلی ابویعقوب
یوسف پادشاه اولدقده یکر می ایکی سنه دوام ایدن
مدت حکومتنده اسپانیوللرک الدقلری ممالکی تکرار
اله کچیرمک ایچون محارباتن خالی اولدی ایسه ده
پک آزینی استرداد ایده یلدی . بعده وفاتله یرینه
اوغلی ابویوسف یعقوب پادشاه اوله رق ۵۹۵ سنه سنه
قدر حکومت سورمش واوده اسپانیوللر ایله محاربات
مدیده دن واز کچمامش ایسه ده محارباتک نتیجه سنده
هیب ممالک اسلامیه دن برجزوی اسپانیوللر انده کچوب
حدود اسلامیه کیتدکجه طارالمقده دوام ایلشدر .
هله محمد بن یعقوب ویوسف وعبد الواحد وعبدالله
ویحیی ومامون و دیگر عبد الواحد والحاصل ۶۶۷
سنه هجریه سنه کلنجیه قدر اگرچه اندلس اسلامی
اسپانیوللره مقاومت ایچون دائماً محاربه دن خالی

قالما مشلرایسه ده اره لرنده اتفاق ونظام وانتظام موجود
اولم دیغی ایچون دائماً مغلوبیتدن بشقه برشی کوره ما -
مشلر در . اسلامک بومغلوبیتلری ایسه حکومت
نصرانیه نك ترقیات استیلا کارانه لرینی تسهیل ایلر
ایدی . حتی بونلرک اره سنده دخی شقاق ونفاق
اکسیک اولم دیغی حالدیه ینه ترقیات استیلا کارانه ده
دوام ایدرلر ایدی . زیرا حکومت نصرانیه هر نه قدر
کندی اره لرنده شقاق ونفاق اوزره بولنسه لر دخی
اهل اسلام اوزرینه هجومده بالطبع متفق بولنورلر
ایدی . مقصد عمومیلری اسپانیایی ایدئی اسلامدن
نزع واسترداد ایتک اولدیغنه کوره بومقصدده اتفاق
طبیعی اولزمی ؟ ایشته بروجہ آتی کشاد ایتمکده
بولند یغمز دردنجی فصلده حکومت نصرانیه نك
شوترقیات استیلا کارانه لری خلاصه ایدیله چکدر .

(دردنجی فصل)

حکومت نصرانیه نك ترقیات استیلا کارانه لری

عن ۱۳۴۴ الی ۱۴۷۶

تفصیل - آراغون ولئون وناوار وقاستیل
دینلان حکومت نصرانیه ایچنده استیلای ممالک

خصوصاً سنده بالنسبه الزیاده ترقی ایش اولانی آراغون
 قرالغی ایدی . واقعاً پورتغال دولتی دهها زیاده
 ترقی ایش ايسه ده انک تاریخ خصوصیسى بشقه جه
 یازلدیغندن بوراده شو و تعداد ایلدی کمز درت دولته
 نسبتله ان بیوک ترقی آراغونده کورلمشدر .

قرال صانشک تقسیم مذکی اثناسنده اراغون
 قطعەسی رامیر نام اوغلنه اصابت ایش اولوب کرا
 مرقوم و کرا' اخلافی عربلر ايله هر فرصت دوشور-
 د کجه جنکه تصدی ایلیدرک وحتی اقتضاسنه کوره
 حکومت خرسه تیانیه دن اولان دول متجاوریه دخی
 تعرض ایلیدرک بوصورتله ۱۰۹۶ سنه میلادیه سنده
 بارسلون ایالتی تمامیه آراغون دولته ربط اولندیغی
 مثللو ۱۱۳۷ سنه سنده پیره نه طاغرینک المهم بر
 شعبه سی اولان مون پلید دخی آراغونه الحاق اولمش
 ايسه ده قریباً کوریله جکی اوزره بوراسنی بالآخره
 فرانسیه ترک ایتیکه مجبور اولمشدر . ۱۲۲۹ سنه
 میلادیه سنده آراغون دولتی بالئار جزایر مجتمعه سنی
 دخی استیلا ایدرک برأ عربلر اوزرینه وقوعبولان بر
 هجومنده دخی والانس یاخود بلنسیه دینلان ولایتک

قسم اعظمی ضبط انلشیدی . حتی محاربات بحریه ده
 حاصل اولان مهارت حسبله ۱۲۸۲ سنه میلادیه سنده
 سجلیا و ۱۲۲۶ سنه میلادیه سنده ساردنیا دخی آراغون
 قرالغنه الحاق اولندی ایسه ده بونلری محافظه ایده .
 میهرک قصریده مجبور اولمشیدی . ایشته بو ائنده
 مون پلیمه ولایتی فرانسه یه ترک ایدرک بعده ۱۴۰۹
 سنه سنده سجلیایی تکرار ضبط ایلدیکی زمان طول مدت
 محافظه یه ده مقتدر اولمشدر . الحاصل آراغون خاندان .
 سنک بخت و طالعی کیتد کجه قوت کوسرتوب براره .
 لتی ناپولی قرالغنی تاجی دخی بو خاندانک باشنه قو .
 نلشیدی . نهایت خاندان مذکورک ولی عهدی بولنان
 فردیناند اشاعیده بیان اولنه جق قاستیل قرالی وارثه سی
 ایزابل ایله عقد ازدواج ایتیمیله بواز دواج ایکی قرال .
 لغنی برلشدیرمش واسپانیا دولت جدیده سنک مایه .
 سنی تدارک ایتمشدر .

ناوار قرالغنه کنبجه: قرال صانشک ملکی تقسیم
 اولندیغی زمان بوراسی دردنجی صانش اسمنده بر
 برپرنسک حصه سنه اصابت انلشیدی . ۱۰۷۶
 سنه سنده، سالف الذکر آراغون قرالی رامیر مرقوم

صانثی خلع وملكنى ضبط ايلديسده ۱۱۳۴ سنه
 ميلاديه سنده بوايكي قطعه نك ايكيسنه بردن حكمدار
 اولان برنجى القونس وفات ايلديكى زمان آراغون
 ايله ناوار بتكرار يكدىكرندن آريله رقى برر مستقل
 دولت اولديلر . ناوار قرالچىسى اولمق حق ارثيسى
 بولنان بر پرنسس فرانسى نك شامپانيا قونتلغى خاندان .
 نندن بر پرنس ايله ازدواج ايلش اولديغندن قرالچى .
 نك وفاتندن صكره بوقونندن تولد ايلش بولنان اوغلى
 تيبوت ناوار ايچون شامپانيا خاندانى ناميله يكي بر
 خاندان تشكيل ايليرك اونامله قراللىق ايلدى . بو
 انقلاب ۱۲۳۴ سنه ميلاديه سنده وقوعه ككشدر .
 ۱۲۸۵ سنه سنده ناوار قرالچىسى بولنان ژانك
 فرانسى قراللىرىدن فليب له بل ايله وقوع ازدواجى
 قطعه مذكورى نك فرانسىيه اتحاقنى موجب
 اولوب حالبوكه ۱۳۲۸ سنه ميلاديه سنده مزبو .
 رهنك حفيدهسى بولنان ديكر ژان فرانسى قراللىق
 طوغرىدن طوغرىيه وارث يكانهسى قانچه چونكه
 سالىق قانونى دىنلان فرانسى قانون قديمده قادينلرك
 مقام حكومت كملرى ممنوع اولمغله ناوار قرالچى لغنى ينه
 ژانه اعاده ايلديلر .

بعده ازدواج و وفات صورتيله وقوعه کلان بر
طابق توارنر ناواری اورو و غوا و آراغون و آلبره
خاندانلرینه ربط و تمليك ايلیه رك نہایت ۱۵۱۲ سنه
سنده قاستیل و آراغون قرالی بولنان فردیناندله قاتوليك
بوقطعه نك یوقارو ناوار دینلان قسم کایسینی ضبط
و کندی ملکینه الحاق ایتش و پیره نه طاغلر نك اوته
طرفنده بولنان اشاغی ناوار ایسه بالاخره خاندانجه
بر ازدواج و وقوعيله فرانسه یه انتقال ایتشد.

۱۰۶۵ سنه میلادی سنه برنجی فردیناندك وقوع
وفاتده لئون دولتی قاستیلدن آریلوب فردیناندك
اوچنجی اوغلی بولنان التجی الفونسه ویرلش ایسه.
ده ۱۰۷۱ سنه سنده قاستیل قرالی و مرقوم فردیناندك
قرنداشی بولنان ایکنجی صانش هجوم ایدرك لئون
بتکرار قاستيله ربط ایتشیدی ۱۰۸۲ تاریخنده التجی
الفونس کنديسنه برچوق طرفدار بوله رق هجوم
ایله یالکز لئون دکل قاستیلی دخی قرنداشی صانشدن
اخذ و نزع ایلدی که ایکی قراللقینه برلشمش اولدیغی
حالده یالکز قرال تبدلی وقوعه کلمش عد اولندی.
۱۱۵۷ سنه میلادی سنه لئون و قاستیلک ایکیسنده

دخی قرال بولنان سکرزنجی الفونس وفات ایلد کده
لئون ایله قاستیل بتکرار یکدیگرندن ایرلمش ایسه ده
۱۲۱۷ سنه سنده والده سندن ارثاً قاستیل قرالی اولان
اوچنجی فردیناند ۱۲۳۰ سنه سنده دخی پدرندن ارثاً
لئون قرالی اولغله ایشته ایکی قطعه نیک ایکسینک ده
حق انتقالی کندیسنده جمع ایلیان مومی الیه اوچنجی
فردیناند بویکی دولتی جداً توحید ایلشدر .

ایشته اندلس اهل اسلامی اوزرینه اشدتلی
هجوملر ایله کلی ممالکی استرداد ایلیان بواوچنجی
فردینانددر . قرال مر قوم اهل اسلام اوزرینه هجوم-
ملرینی بر درجه لره قدر آرتدیردی و او قدر ممالک
استرداد ایلدی که اوزمان اندلس اوزرنده حکومت
اسلامیه اوله رق یالاکز بر غرناطه حکومتی قالمشیدی .
اگر اسپانیول سنیورلرینک قرالرینه قارشو اطا ..
عسزلکاری مانع اولسه ایدی اشبو غرناطه حکومتی
دخی بر حله ده زیر وزیر ایدلک ایشدن بيله دکل ایدی
انجق ۱۳۱۲ سنه سنده سنیورلر حکومت متبوعه لری
علیه نه عصیان ایلیرک محاربات داخلیه درون مملکتی
هرج و مرج ایلشدر . بو حال اوزرینه برده ظالم پدرو

وقعه می وقوعه کلمشدر که ایشته بوزمان اهل اسلام
افریقا طرفندن قوت تازه الهرق اندلسده بولنانلری
دخی عموماً سلاحه صارلمش اولسه لر ایدی اسپانیوللری
تکرار پیره نه طاغلرندن او طه طرفه سوره بیله جکاره
ینه شبهه یوق ایدی .

وقعه نك ایضاحی شویله در که :

ظالم پدرو دینلان حریف عن ۱۳۵۰ الی ۱۳۶۹
اسپانیاده قاستیل صندالی حکم و متنده قراللق ایتش
برآدم اولوب امور حکومتجه او قدر استبدادی وار
ایدی که خرسیتیانلرک حجاج ظالمی عد اولنسه بجاییدی
الثو نوردده کوزما نام برقادین کندی پدیری اون برنجی
الفونسه مستفرشه لک ایتش اولسی ایچون جلوسنی
متعاقب بیچاره یی قتل ایلدیکی کبی بلانش ده بوربون
نام پرنسس ایله عقد ازدواج ایلدیکی زمان زفافنک
فرداسی بیچاره یی طرد و تبعید ایتش و بعده زوالی
قادینجغزی تکرار در دست ایدرک حبسه القایله ۱۳۶۱
سنه سنده اعدام ایشدر . یکنی ژان ایله عمجه سی
فره دریقی بو غازلامق دخی مرقومک بجه مظالمندن
والوب اوکی قرن داشی اولان هانری ده ترانستامار

حقنדה دخی بر اعدام ظالمانه ترتیب ایتک اوزره ایکن هانری
فرانسه یه فرار ایتمش و بر فرانسه اردوسیله کلوب اول
ظالمی خلع ایلیه رک قاستیل تاج قرالیسنی کندیس
تتوج ایلشیدی . بو وقعه ۱۳۶۶ سنه سنده واقع او -
لوب بر سنه صکره پدرو فرانسه لرک رقیبی بولسان
انکلیر لر ایله برلشهرک ناژرا غالبیتی قازانمش ایسه ده
فوقی الحد ظلمی ینه مانع اقبالی اوله رق ۱۳۶۹ سنه -
سنده خصمائی النده مونیتهل نام محله مغلوب اولغله
قرنداشی هانرینک حضورینه کتورلد کده هانری
کندی ایله ظالم مرقومی اولدور مشدر .

ایشته بو فترت لر قاستیل دولتی هرج و مرج ایدرک
واقعا هانرینک « ترانستامار خاندانی » نامیله قوردیغی
یکی خاندان شورش احواله براز نظام ویرر کی
اولمش ایسه ده بو خاندان دن برنجی ژان و اوچنجی هانری
وایکنجی ژان زمانلری هب شورش و نفاق اوزره
یکدیکندن اهل اسلام علیه نه او قدر شدت کوستریله -
ما مشدر . دردنجی هانری ایسه ارتق سرکشه کی
کندیلرینه اکنجه ایدینان سنیور لر طرفندن خلع
اولغله ا ابل اسمنده کی همشیره سی سنیور لر طرفندن

بالانتخاب مقام حکومته کتورلمش ومؤخرأمو می الیها
دخی آراغون قرالی بولنان فردیناند ایله ازدواج ایتیش
بولندیغندن ایشته بوازدواج اسپانیا اوزرنده متشکل
درت حکومت نصرانیه نك دردینی دخی بالتوحید
عموم اسپانیا حکومت قرالیه سنك اساسنی وضع ایلش
اولدی .

(بشنجی فصل)

غرناطه حکومت اسلامیة سنك انقراضنه قدر

عن ۰۰۰ الی ۱۴۹۲

تفصیل - بنی امیه نك اندلس خلافتی منقرض
اولدقدن صکره اسپانیاده ظهوره کلان اون قطعه
حکومات متفرقه اکر اخلاق سیاسیة اسلامیة به کلی
خلل عارض اولماش بولنسه ایدی ینه کندیلمی
طوپلایه رق اسپانیا اوزرنده شوکت اسلامیة بی اعاده
تأید ایلیه بیلورلرایدی . حتی طوائف ملوک میانده
بویله برتجدد ایچون بالوجوه مقتدر بعض حکمدارلر
دخی کلشدرکه برملت بویله جرأتلی ومقتدر حکمدارلرک
سوقه کمال خلوص وصفوتله تابع اولدقدن وعموم
قوت ملیه بی برنقطه اوزرنده جمع ایلدکدن صکره

الك مشكل ومدهش زمانلرده بيله كنديسنى قورتاره
 بيله جكى تاريخچه بر چوق امثال ايله مبتدر . انجق
 اندلسده اخلاق سياسيه اسلاميه حيت صاحبي آدملىرى
 اغلاته جق مرتبه لرده بوزلمش اولديغىدن بر زمان
 علواخلاق وغيرت وحيت صاحبي بر فاج آدم اتفاق
 ايدرك تمام اسلامه صولوق المى امكانى كلكجه انى
 تعقيب ايليان ديكر بر زمانده ارباب شورش وفساد
 ايشى اولكندن زياده تلويث ايده ايده وجود اسلامه
 يكيدين يكي يه رخنه لر آچلمشدر . بناء عليه ميلادك اون
 اوچنجى عصرى نهايتنده يالكز غرناطه ده بر حكومت
 اسلاميه قالوب ماعداسى كاملا خرستيانلر يديته پكمش
 واو غرناطه حكومتى اكرچه ۱۴۹۶ سنه سنه قدر
 دوام ايتمش ايسده ده بودوام غيرت اسلاميه يه توسل
 ايدلد كجه شوكت اسلاميه اويانمق فقط الحقيق
 وحيت سزلك اله الند قجه ذلت ومسكنت تجدد الملك
 كى الوان متخالفه ايچنده بر غريب صورته ده دوام اولوب
 نهايت حكومت مذكوره دخى منقرض اولنجه ارتق
 اندلس بر مملكت اسلاميه اولمقدن قالمشدر .
 عرب تاريخلرنده اشبو صوك غرناطه حكومت

اسلاميه سى « بنواجر » ديه ياد اولنور كه ۶۳۰ سنه
 هجره سنده ظهوره ككرك ۶۰۰ سنه هجره سنه قدر
 اون سكزنقر پادشاه بو حكومتده فرمان فرما اولمشدر .
 بونلك برنجيسى يعنى دولتك مؤسسى بولنان سلطان
 ابى عبد الله محمد قرطبه كبارندن بر ذات اولوب اهاالينك
 انتخاب و بيعتيله مقام حكومتده كلش و تمام قرق ايكي
 سنه دوام ايليان مدت حكومتده حكومات نصرانيه
 قارشو بر آن محاربه دن خالى قالميوب كر چكدن بر صا .
 حبقرانلق شانيله دائما دشمن غلبه چالمشدر . بعد
 وفاته يرينه كلان اوغلى امير محمدك بالنسبه راحت
 و حضور ايله وقت پخيرمى پدريتك شو صاحبقران .
 نلغى سايه سنده ميسر اولوب اندن صكره امير نصير
 مقام حكومتده ايكن يعنى ۷۰۸ سنه هجره سنده
 اسپانيولار عظيم عسكر ايله بر هجوم ايتشلر ايسده
 مغلوباً رجعت ايتشلردر .

امير نصير دن صكره اسماعيل الغالب بالله مقام
 حكومتده ايكن اسپانيول قرال و سنيورلى بالاتفاق
 يوز بيك قدر عسكر ايله غرناطه اوزرينه هجوم ايلد .
 كلرى زمان اسماعيلك يالكنز يك بشيوز سواريسى ايله

لوح بیک خلدی آتومی و اراینده ده برکت ویر.
 سون که سو هجوم حیت اسلامه کت نجده ایش
 لولایی بر امانه امان ایدرک غرانه مسین «لویک
 وار دوتک یون» بیه غده وین ایشیه و قوعیولان
 بحر بده قل لودولی کونورمش و اوکاینتی دشتن قرار
 ایلمیکی زمان میداده تون جهات و لوارم سفره لری
 قلدن ماندا فرق اتی بیک مجروح و مسئول کور.
 لشکرکه از توتک نصی دیمکر.

ایسته بوضر بارلاق برغایسته مظهر اولان بیچاره
 اسمعیل بالآخره عراده سنت بد غلبره مسئول اولور
 ایسه سال تاتک افرمی و اقراریه اوعلی خلد
 پادشاه اولمیده هنوز اون لکی پادشاه بر جوجق
 اولوب اتی منه حاکم یعنی اون سکن باشند بر توجوان
 ایکن اوده زوربار الله شید اولسی . شیدمر قو
 من بر اندری اواحتاج یوسف اگر چه جلادنتی بر
 پادشاه چیتدی ایسه ۷۵۵ منه منده بیرام ناری
 قلا ایکن اوزربه هجوم ایدر بر معنسون بدیه اودخی
 قتل اولدی . بیرنه اوعلی محمد پادشاه اولوب کاتب
 لسان العین کی بر فرید زمانی کندبسته وزیر ایدمش

لیکن مجرد بر زمانه نیری به میدان الان کثیرا میبایند
اودخی قتل طوطی و دیوب ۷۶۵ سنه هجریه سنده
خلع اولندی .

احد صل احمد عیال و یوسف و محمد و ابو عبد الله
و دیگر یوسف و امیر علی و سعد و ابو الحسن علی سره -
سیاه پادشاه اولد فرنده کیمی قتل کیمی خلع اولوب
امیر صکره کی ابو الحسن علی دخی خلع بلده و غرا -
مش ویرنه او علی ابو عبد الله محمد اجلاس قتلش
ایندی . ابو عبد الله بر بخار بدده السیابواری الله اسیر
دوشوب مخلوع بدری تکرار مضام حکومت کنور ملکه
السیابواری اسلامی بر بلده دهها گرفتار یافت ایچون
محمد معینه عسکر ویرنه صالحه بر مشربندی . فقط
اشاق و دفعه دخی بر مقاومت عزمه قوت ویرنه کارکن
محمد ایله کلان السیابواری بوزوب نار و مار ایله کاری
کیمی محمد ناره عسکر تدارکی ایچون السیابواری نرینه
عودت ایله یکی زمان رو طرفه بولان طرفه کیرارک ده
کافه سنی طوطی قتل ایله رک مرقوه بردها قتلدا -
به جق درمال بر افتادند .

ایشته و نجد و غیرت امور اسلامی به بولند و از قو -

اوج بيك قدر دخی آتلوسی وارايدیسه ده برکت ویر-
 سون که شو هجوم حیت اسلامیه نك تجدد ایتش
 اولدیغی بر زمانه تصادف ایدرك غزاة مسلمین «اولك
 واردونك بوق» ديه عهد و پیمان ایتلریله وقوعبولان
 محاربه ده قان کوده یی کوتوروش و اوکیتلی دشمن فرار
 ایلدیکی زمان میدانده بتون مهمات و لوازم سفریه لری
 قالدقن ماعدا قرق الی بيك مجروح و مقتول کور-
 لشدر که اردونك نصی دیمکدر .

ایشته بوقدر پارلاق بر غالبیته مظهر اولان بیچاره
 اسماعیل بالاخره عمزاده سنك ید غدیریله مقتول اولور
 ایسه انسان تأسف ایتزمی؟ واقعا برینه اوغلی محمد
 پادشاه اولدیسه ده هنوز اون ایکی یاشنده برچوجق
 اولوب التي سنه صکره یعنی اون سکز یاشنده برنوجوان
 ایکن اوده زوربالر النده شهید اولدی . شهیدمرقو-
 ملك برادری ابوالحجاج یوسف ا کرچه جلادتلی بر
 پادشاه چیقدی ایسه ۷۵۵ سنه سننده بیرام نمازی
 قلارایکن اوزرینه هجوم ایدن برمجنون یدیله اودخی
 قتل اولندی . برینه اوغلی محمد پادشاه اولوب کاتب
 نسان الدین کی بر فرید زمانی کندیسنه وزیر ایدنمش

ایکن مجرد بر زماندنبری ینه میدان الان اشرا میانده
 اودخی تمل طوتدیره میوب ۷۶۴ سنه هجریه سنده
 خلع اولندی .

الحاصل اسماعیل و یوسف و محمد و ابو عبد الله
 و دیگر یوسف و امیر علی و سعد و ابوالحسن علی صره -
 سیله پادشاه اولدقلرنده کیمی قتل کیمی خلع اولنوب
 الک صکره کی ابوالحسن علی دخی خلع بلیه سنه اوغرا -
 مش ویرینه اوغلی ابو عبد الله محمد اجلاس قلنش
 ایدی . ابو عبده بر محاربه ده اسپانیولر الله اسیر
 دوشوب مخلوع پدیری تکرار مقام حکومت کتورلمکله
 اسپانیولر اسلامی بر بلیه ده کرفتار ایتک ایچون
 محمدک معیتنه عسکر ویره رک صالدر مشلر ایدی . فقط
 اهالی بودفعه دخی بر مقاومت عزمه قوت ویردکلرندن
 محمد ایله کلان اسپانیولری بوزوب تار و مار ایلدکلری
 کبی محمد تازه عسکر تدارکی ایچون اسپانیولر نزدینه
 عودت ایلدیکلی زمان برو طرفده بولنان طرف کیرلرینک ده
 کافه سنی طوتوب قتل ایلیه رک مر قوه بردها قلدا -
 نه جق درمان بر اقامش لر در .

ایشته بوتجدد غیرت امور اسلامی ینه یولنه براز قو -

یهرق ابوالحسن علیبنک وفاتندن صکره برادری محمد
 پادشاه اولدیغی زمان بیاغی راحت و حضور ایله اداره
 حکومته موفق اولمش ایسه ده اسپانیولر صولک مغلو-
 بیترینک انتقامندن و از چکمیوب تکرار قوه کایسه ایله
 هجوم ایدرک غرناطه حکومتندن پک چوق یرار و قلعه لر
 اخذ ایشلر در . اسپانیولرک بودفعه کی هجوملر نده دخی
 معهود ابو عبدالله محمد بزابر ایدی . حتی مرقوم
 بر تقریب ایله غرناطه شهرینه دخی کیرمش ایدی . انک
 ارقه سی صره اسپانیولر دخی کله رک غرناطه لیلر تسلیمدن
 بشقه چاره قالمدیغنی کورنجه درون شهرده چاک چا-
 لنماق شرطیله اسپانیولره عرض تسلیمیت ایلدیلر
 ایسه ده بش اون کون صکره اسپانیولر بالخاصه بر
 جامع شریفی کایمسیاه بالتحویل مناره سنه چاک چیقار-
 مغه تشبث ایدنجه اهل اسلام غیرته کله رک عموماً
 ایاقلندیلر و اسپانیوللری بره قدر قلیچدن کچیردیلر .
 بو حال اسپانیوللری نهایت درجه یه قدر غضبناک
 ایلدی . بناء علیه صولک دفعه اولمق اوزره ده
 یولک بر قوتله کلدکارنده غرناطه اهاالیسی صلحاً تسلیم
 اولدیلر ایسه ده اسپانیولر شرائط صلحه یه رعایت

ایتمیه رکه یکه چوق جورلره قیام ایلد کورندن اهل اسلام
نیجه دفعه لر بو مظالمه قارشو عصیان ایلدیلر ایسمده
کندیلر بنی قورتارمغه دوفق اوله میوب بالعکس
بونلر قیام و عصیانلری تکرر ایلد کجه اسپانیوللرک
مظالمده کی شدتلری دخی آرتار ایدی .

غرناطه دولت اسلامیہ سنک انقراضندن صکره
اسپانیول رعیتنی قبوله مجبور ایدیلان اهل اسلام یوز
سنه قدر بیله بو رعیت التنده قاله مامشلد رکه بوراسی
حقیقه بتون فرنک مورخلرینک دخی تعجب و تأسفی
موجب اولمشدر . زیرا حکومت اسلامیہ الله کچن
یرلرده اهالینک مانده جائنه دیننه عرضنه اصلا تعرض
ایلمیه رکه هر کس اولکنندن زیاده حر و راحت اولورلر
ایکن حکومت نصرانیہ الله مسلمانلرک کوردکاری
محو و پریشانی مورخلری دخی اوتاندر مشدر .
حالبوکه اهالی مسلمانک دوچار اولدیغی مظالم یالکز
اوروپا مورخلر بنی دکل ابلیسلری بیله حجابندن یرلره
کچیره جک صورتده در . مثلاً پاپاسلر و باخصوص
انکیریسیمون . امورلری اهالی پی جبراً نصرانیتیه
ادخال ایچون برچوق ظلملر اشکنجه لر ایدوب اهالیینه

قبول نصرانیت ایتدکاری زمانلر کویا وافتیر صوی
اولق اوزره مسلمانلرک اوزرلرینه صو سرپرلر و بو
صودن بر قطره سی هر کیمک اوزرینه دوشر ایسه
انی خرسیان عد ایدوب خرسیانلغه ذره قدر اطاف
عتسزلک کوسه تردیکی آنده انکیر یسیون اشکنجه
مأمورلرینک یدغدیرینه تسلیم اولنورلر ایدی . مؤخرأ
اهل اسلامک پک چوغی خرسیان اولدیغی زمان دخی
بونلرک خرسیانلقلرینه اینانه میهرق مطلقأ ازاله
وجودلریله اطمینانه لزوم کورمشلردر . بناء علیه
یالکز قزو ارکک چوجقلردن ماعدا اندلسده بولنان
اهل اسلامک یوزده همان طقسسانی محو ایداش
ویالکز یوزده اون نسبتنده بر مقداری کیملر ایله ممالت
سأره اسلامیه هجرت ایتشدر .

بوراده شو صورتله خبر ویردیکمز مظالم عاذتا
رسمی بر شی اولوب حالبوکه مسلمان قزلرینی بریره
طولدیره رق بیکلرجه عسکره عرضلرینی پایمال ایتد .
یرمک کبی خباثتلر غیر رسمی مظالمدن عد اولنور وهله
کنج اسپانیول سنورلرینک ملعنت شهوانیه یی ملعنت
متعصبانه یه قارشیدیره رق ارتکاب ایلدکاری دناتلری
ایضاحدن قلمر دخی اوتانور .

بعض خرسیان محرر لرینک دیانت نصرانیه اساسی
 ملکیت انسانیه اوزرینه مبتنی بولندیغنه دائر یازدقلری
 الک پارلاق شیرلی انسان او قود قجه بر کره دخی کوز -
 لرینی اندلس اهالیء مسلمہ سی حقنדה نصارانک تجویز
 ایلد کیری فاجعه لره عطف ایدرایسه او ملکیت بشریه -
 نک عادتا بر وحشت و خشونت حیوانیه دن عبارت
 اولدیغنه شبهه سی قالمز . اهل اسلام یالکز اندلسدن
 چیقارلمق ایله ده قالمیوب حتی فاس طرفنדה بولنان
 اهالیء مسلمہ نکده اورالردن تبعیدی ایچون اوروپالولر
 مهم مهم حرکات عسکریه اجرا ایلشلردر که بولردن
 پورتغال لیرک بعض محارباتی اکا مخصوص اولان جلدده
 خبر ویرلدیکی کبی اسپانیوللرک حرکاتی دخی بوراده
 برلری کلد کجه ذکر اولنه جقدر .

❖ دردنجی باب ❖

اسپانیانک دور جهانگیرانه سی

عن ۱۴۹۲ الی ۱۵۸۰

تفصیل - بوندن اولیکی ایکنجی بابک دردنجی
 فصلانده اسپانیا اوزرنده تشکل ایلان درت قطعه
 حکومت نصرانیه نک ترقیات خصوصیه لری مجملأ

و منفرداً حکایه ایدلد کدن صکره قاستیل وارثه سی
بولنسان ایزابل ایله آراغون قرالی بولنسان فردیناندک
ازدواجی درت حکومتی بالتوحید عموم اسپانیا حکو-
مات متحده سنک اساسنی وضع ایلش ایدوکی خلاصه
قلنمشیدی

اسپانیا تاریخ خصوصیسینی یازان مورخلرک اغایی
ذکر اولنسان حکومت اربعه یه قدر اسپانیا احوال
متقدمه سینی تاریخ مذکور ایچون بر مقدمه عد ایدرک
اصل یکی اسپانیا دولت متحده سنک مبدأ تاریخی اولمق
اوزره دخی شارل کن زماننی اعتبار ایدرلر ایسدهده بو
مبدئک مومی ایله فردیناند زمانندن اعتبار اولنمسی
مر جحدر . واقعاً فردیناندک ایلاک جلوسی یالکز
آراغون قرالی اولمق اوزره اعلان اولنمش ایسدهده
شارل کنک باشنده جمع ایلدیکی حکومت تاجلرینی
قازانان دخی فردیناند اولدیغندن هر حالده واضع اساس
حکومت اولمق شرفی اکا عاؤدر .

فردیناند مرتبه جه بشجیلک و عنوانجه دخی
« قاتولیک » لقبی ایله مشهور اولوب شهرتی آفاق
طوتان شارل کنک جدیدر . قاستیل وارثه سی ایزابل

ایله ازدواجی هنوز اون یدی یاشنمه ایکن ۱۴۶۹ سنه
 میلادی سنه وقوعه کلوب ۱۴۷۴ سنه میلادی سنه
 قاستیل قرانیچه لغی زوجه سنه انتقال ایلدکده کرک
 قاستیل و کرک اکا منضم اولان ممالک سائر اوزرنده
 زوجه سی نامنه اوله رق بشنجی فردیناند اجرای حکو
 مت ایتش و ۱۴۷۹ سنه سنه کندی پدرینک وقوع
 وفاتیه آراغون و اکا منضم اولان ممالک دخی طو
 غریدن طوغرییه کنندی سی قرال اولمشدر که شو حالده
 پورتغالدن ماعدا اسپانیانک همان کافه سی تحت اداره
 و فرمانده کیرمش دیمکدر .

قاتولیک مذهبنه رعایتی فرط تعصب درجه سنه
 واردیخی ایچون « قاتولیک » دیه تلقب ایدرک حتی
 اندکی رسیون جمعیت ملعونه سنی اسپانیایه بو حریف
 ادخال ایتش اولدیخی کبی غرناطه ده باقی قالان صوک
 حکومت اسلامییه یی محو ایدن دخی بودر . خرسیتیان
 وبا خصوص قاتولیک اولیان کافه اهالی حقنده نفرتی
 بر درجه ده ایدی که بتون یهودیلر ایله مسلمانلری مملکتندن
 طرد و اخراج قیام ایدرک بو یولده حسابسز قانلر
 دوکولش و برچوق خاندانلر محو و پریشان اولمشدر .

اسپانیول حکومت اربعه سنک فر دیناند واسطه -
سیله اتحادندن شارل کنک ظهورینه قدر اولان دورک
بجمله وقوعات همه سندن بریسی دخی مشهور قریستوف
قولومبک امریکا قطعه سنی کشف ایتیمی قضیه سی
اولمشدر . کشفیات بحریه تاریخلرنده مفصلا بیان و حکایه
ایدلدیکی و بر نبذه جک بوندن اول پورتغال تاریخ خصوص
صیسنده دخی در میان اولندیغی اوزره بوزمانلر اورویا
تجارتک هندستانه طوغری بر طریق اچمغه درکار
اولان احتیاجی بر چوق بحریونی دوشوندردیکی صره -
ده اک موافق فکر قریستوف قولومبه کلمش یعنی شار
ایله اطلاس دکزنده دائماً غربه طوغری کیدیلور
ایسه کرویت ارض حسبیه هندستانک شرق طرفه
وصول میسر اوله جغنی بولمش ایسه ده شو دقیقه
مهمه فنیه یی هیچ بر کیمسه ذهننه الدیره مدیغندن هر
هانکی طرفه باش اورمش ایسه خنده استهزاواستخفاف
ایله مقابله کورمش ایدی . قرال بشجی فر دیناند واقعا
مومی الیهک معروضاتی قبول ایش ایسه ده ایشک
اهمیت فنیه سنی تقدیر ایلهرک قبول ایتش اولیوب
بلکه یکی بولتمش اولدیغی بر دولت معظمه نك باب

ماطفته التجا ايليان بويله برآدمي بالکليه رد ايله
 مأيوس ايتماک ايچون معونه دن بيوجک برقاج چورك
 چاريق کي ویرمک صورتيله وقوعبولمش برقبولدن
 عبارت ایدی .

قریستوف قولومب بو چورك چاريق کيلر ايله
 سان سائواردور تسميه ایلدیکی اطهینی و بعده اطراف
 وجواری کشف ایلدیکی زمان اوراسنک برقطعه
 مستقله اولدیغنی بيله میهرک وارضی مذکورہ بی
 حقیقه غربی هندستاندر قیاس ایلیمهرک اولوجهله
 تسمیه ایتیش و بناً علیہ بشجی فردیناند آراغون وقاستیل
 وناوار وسائرہ وسائرہ دیہ صایدیغی قرالقلر میانہ هند
 غربی حاکمکی عنوانی دخی علاوہ ایلینجه آرتق
 اوروپا حکمدارانی میانده جنه سنک مغبوطی اولمش
 قالمشدر .

۱۵۰۴ سنه میلادیہ سنده فرانسه ايله اسپانيا بالاتفاق
 ناپولی اوزرینه یوروپ اوراسنی فتح واستیلایه قیام
 ایشلر ایدی . حالبوکه بشجی فردیناندک برلقی دخی
 « روزه » یعنی خدعه کار اولدیغندن فرانسه بی اشبو
 ناپولی فتحده اتقاقه دعوت ایدیشی جدی براتفاق

اولیوب بلکه بالاخره فرانسزلی قایدیره رق ثمره
 موفقیتی کندیسی ادراک واقططاف اینک ادلنه مبتنی
 ایدی . بناء علیه تمام ناپولیده اسپانیول و فرانسزار -
 دولری هر طرفی استیلا ایلدیکی زمان اسپانیولر سلاح
 مقاومتی فرانسزلی علیه چویره رک مملکتی طوغریدن
 طوغرییه کندی قرالری بولنان بشجی فردیناند
 نامه استیلا ایتشلردر .

قرالچه ایزابل ایله فردیناندک وقوع ازدواجی هر
 نه قدر قاستیل دولتی دخی فردیناندک فرماننه منقاد
 ایش ایدیسه ده ایزابل وفاتی تقرب ایلدیکی زمان
 قاستیلی کندی قزی بولنان و مجنونه دیه مشهور اولان
 ژانه ترک ایتسیله ویرنس ژان اوستریا خانداندن
 آرشیدوق فلیبه تزویج ایدلمسیله کیفیت اوستریا تاریخنده
 دخی ایضاح ایدلمش اولدیغی وجهله اوستریا خاندان
 امپراطورسی اسپانیا حکومتندن ارث دعواسنه قیام
 ایش ایدی . حالبوکه قزک باباسی بولنان بشجی فر -
 دیناند ایزابل طرفندن قزه وصی نصب اولمغله از -
 شیدوق فلیک ادعالینه مقاومت ایلیره رک براز صکره
 مجنونه ژان وفات ایتکله اوغلی دون قارلوسه انتقال

ایلیان حق وراثتی ده محافظه انکس وایشته شو مبدأ
منازعه بالاخره اسپانیا توارثی دیه اوزایوب کیدن
مجادلات و محارباتک مبدئی اولمشدر .

بمخونه ژانک اوستریا ارشیدوقه سی فلیپدن تولید
ایلدیکی دون قارلوس مؤخرأ شارل کن دیه شهرت
کیر افاق اولان پرنسدرکه لام اسپانیول ولاب اوستریا
یالی اوانخله اوستریا واسپانیا خاندانلری ارهسنده بررا -
بطه اتحاد و اشتراک مقافنه قائم اولمشدر .

۱۵۱۲ سنه میلادیه سنده قرال بشنجی فردیناند
اسکی ناواردولتنک اسپانیول قسمنی دخی ممالک متحدهیه
الحاق وربط ایدنجه پورتغالدن ماعدا اسپانیا شبه
جزیره سنک کافه سی دولت واحده اداره سنه یکممش
اولدی . بو ذات حقیقه جلادتلی بر حکمدار اولوب
اداره واحده الته الدیغی مملکتلر بر طاقم سنیورلر
میانده منقسم اولدیغی جهته بونلرک کبر واستبدادلر -
ینی قیرمینجه اداره واحده اصولی تأسیس اولنه میه -
جغنی کوردیکندن سنیورلرک منع استبدادلرینه زیاده -
سیله چالشمش و موفق دخی اولمشدر . اگر فردیناند
سنیورلرک استبدادینه بدل کنندی استبدادینی یورو -

تمکە قیام و تشبث ایتش اولسه ایدی عظیم بر مقاومتہ
 دوچار اوله رق هیچ بر شیئہ موفق اوله میہ جغی در کار
 ایدی . لیکن خدعه کارلق عنوانک حکمنی ہم دہ بر
 صورت مقبولہ دہ اوله رق بو ایشده دخی تطبیقہ کیر-
 یشوب داخل مملکتده فرمان فرما اوله جق شی یا لکز
 قانون ایدو کندن و کندیزی دخی او قانونہ تبعیتہ مجبور
 بولندیغندن بحثله هر کسی اطاعت قانونیہ دعوت
 ایتش و بو دعوتہ اجابت کوستر میانلری قانون علیہنہ
 عاصی اولق اوزره بالاتہام مطیع قانون اولان سائر
 سنیورلری انرا وزرینہ صالدیروب حقارندن کلمشدر .
 قوجه بر اسپانیول دولتی تأسیس خصوصندہ
 بشجی فردیناندہ معین و ظہیر اولانلر ایکی آدمدن
 عبارتدرلرکہ بونلردن بر یسی امور سیاسیہ سندہ باش
 وکیل صفتیلہ استخدام ایلدیکی قاردینال قسیمہ نس
 و دیگری امور عسکریہ دہ سر عسکرلک صورتیلہ قو-
 للاندیغی قرطبہ لی جنرال غونسالودر . اگر انکیئر-
 یسیون جمعیتی اسپانیایہ ادخال ایله جمعیت مذکورہ-
 نک مظالم ملعونہ سنہ میدان آچق و یهودیلر ایله مسلمانلر
 نلری مظلوماً ملکندن طرد ایتک مثللو شائبہ لری او-

لسہ ایدی بشجی فردیناند تاریخک تقدیرات کاملہ -
سنہ بحق مظهر اولہ بحق اعظم حکمداران دن عد
اول نور ایدی .

(اوچنجی فصل)

شارل کنک دور جہانگیرسی

عن ۱۵۱۶ الی ۱۵۵۶

تفصیل - اشبو «شارل کن» نامی اوروپا تاریخ
عمومینی ایچون برچوق فصلارده برر اہمیت مخصوصہ
صہ ایلہ یاد اولنان برنام اولوب بونک فرانسه تاریخنہ
عائد اولان قسمی (فرانسه ص ۱۹۴ مر) فرانسه
تاریخنہ و المانیایہ عائد اولان قسمی دخی (المانیا ص
۱۲۴ مر) المانیا تاریخنہ کوسترلدیکی کبی ایتالیا
ودولت علیہ تاریخنہ عائد اولان برر بیوک قسمی دخی
بمنہ تعالی ایلرودہ ایتالیا و عثمانلی تاریخنہ کوستر -
یلہ جکندن شمعی بواسپانیا جلد مزده فرانسه و المانیا
ودولت علیہ یہ تعلق ایدن مباحث تاریخیہ سی تکرار
اخطار ایلہ اکتفا اولنہ رقی اصل نظر اہمیتز صرف
اسپانیایہ مخصوص اولان احوال تاریخیہ انحصار
ایلہ جکدر .

شارل کن والدہ طرفندن اسپانیا و پدر طرفندن
دخی اوسستریا حاندانلرینه منسوب اولدیغی معلوم
اولوب بناءعلیه ۱۵۱۶ تاریخنده بالارث والاستحقاق
اسپانیا صندالی قرالیسنه اوتوردیغی زمان بیوک پدیری
بشجی فردیناندک توصیه و تأیید ایلش اولدیغی اسپا-
نیایی هر صورتله ترقیه ذاتاً مستعد بولمیشدی . اوج
سنه صکره المانیایه دخی ایمپراطور نصب اولندی .
واقعا شارل کن هنوز اون التی یاشنده ایکن اسپانیا
قرالی اولمش بولندیغنه کوره اون طقوز یاشنده اولدیغی
حالدہ المانیایه دخی ایمپراطور انتخاب اولمسی بادی
نظرده استغراب اولنه جق احوالنددر . زیرا المانیا
تاریخنده کورلدیکی اوزره قطعہ مذکورہ یه ایمپراطور
انتخاب اولنان ذات القتور عنوانی حازر اولان
سنیورلرک انتخابیله نصب اولنوب حالبوکه بونلرک
اختلاف رأی وهوسلری هیچ بر ایمپراطوره راحت
وحضور ویرمالمش اولدیغندن شارل کن کبی برچو-
جفک بونلر اوزرنده ایمپراطورلق ایده یلمسی هیچ ده
امید اولنه مزایدی . انجق اوزمانلر اوسستریا وپایا
ایتالیا طرفلریله المانیادن بر جوق مالکانه لر دخی

پدرندن ارثاً شارل کڼه انتقال ايلد کڼ ماعدا اسپانيا
 مستملکاتى دخى والده سندن انتقال ايډنجه شارل
 بتون اوروپا پر نسلرى ميانده الکڼيش ممالکک والک
 چوق نفوسه مالک بر حکمدار اولوب اوز مانلر ايسه
 دولت عليه عثمانیه المانيایى فنا حالده صقشدير وب
 تهديد ايلديکندن وفرانسه دخى بر طرفدن ايتاليا اوزر -
 نده کى آمالنى تروج ايجون ينه المانيایى صقشدير مقده
 اولديغندن شوايکى قوتلى دشمنه قارشو شارل کن کي
 قوتلى بر حکمداره المانيانک سدت احتياجى وارايدي .
 بونکله برابر شارل کن پک ماقلا نه طور انوب
 عموم سنورلر کنديس نه اطاعت کامله ايله منقاد اوله -
 جقلى نه دائر بر يمين ايتمينجه ايمپراطورلغى قبول
 ايتدي . بوايسه اسپانيا سنورينک دخى کندي
 حقنده کى انقياد و اطاعت وظيفه لر ينى بر فاتها تأيد
 ايتکله شارل شو يوزدن دخى بشقه چه مستفيد
 اولدي .

ايمدى فرانسه قرالى برنجى فرانسوا کرک ايتاليا
 ممالکى و کرک المانيا ايمپراطورلغى اوزرنده بر طاقم
 حقوق ادعاسيله محاربه يه قيام ايلد کڼ واقعا فرا -

نسزرك دخى كوستردكارى فوق الحد يارار اقلر سبيله
 بومحاربه اينجه بر زمان اوزاندى كيتدى ايسه ده ده
 زياده ايضاحاتي فرانسه تاريخنده كوسترلش اولديغي
 اوزره نتيجه غلبه شارل كن طرفنده، قالوب حتى برنجى
 فرانسوا ۱۵۲۵ سنه سنده پاوى محاربه سنده بالذات
 قيد اسره گرفتار اولمش و مادر يده غايت مغلوبانه بر
 معاهده امضاسنه مجبور ايدلمشدر . حالبوكه بومعا-
 هده نك حكمنه فرانسه رعايت ايتماسى اوزرينه بر سنه
 صكره محاربه تكرار باش كوستروب طرفينجه نه قدر
 قانلى غالبيتلر و مغلوبيتلر وقوعه كلكدن صكره مغلو-
 بيت ينه فرانسه طرفنده تحقق ايدرك ۱۵۲۹ سنه سنده
 قامبراي نام محله عقد اولنان معاهده محاربه نك بو
 قسمنه دخى نهايت و ير مشيدى . لكن برنجى
 فرانسوا شو مغلوبيتك ده آجيسى چيقارمق
 و هر حالده ايتاليايى فتح و فرانسه يه ربط و الحاق ايتك
 ايچون ۱۵۳۶ تاريخنده صاووا نام ايتاليا دوقه لغى
 اوزرينه هجوم ائتش و صاووا دوقه سى ايسه شارل
 كنك متفق بولمش اولديغندن بودفعه دخى شارل
 كندى متفقى فرانسوانك پنجه قهرندن قور تارمق

ایچون سلاحه صارمشددر . اسپانیول عسکری
 حاوره یایی تحت محاصره یه الدقلرنده فرانسلرک کو -
 ستره کتری مقاومت اوزرینه رفع محاصره یه مجبور
 اولمشلردر . حالبوکه بونجه سنه لردنبری دوام ایدن
 چنک وجدال طرفیندن هرایکیسی ایچون ارتق موجب
 کلان و ملال اولمغله ۱۵۳۸ تاریخنده نیس شهرنده
 بومتارکه عقد اولنه رقی بومتارکه موجب بجه اون سنه
 مدت طرفینک هیچ بریسی دیکری علیه سلاح چکما .
 حق در عهده ایشدر .

بومتارکه اوزرینه براره لقی شارل کن کنندی املا -
 گندن غانت ایالتنده ظهور ایدن بر عصیان باصدیر -
 حق ایچون فرانسه دن مرورینه مساعده اولنمسی
 بونجی فرانسو ادن استیذان ایتکله اودخی شارله امنیت
 ایدرک حتی پارسده کن دیسی جدا شاهانه اکراملر
 ایه مسافر دخی ایشیدی . لکن شارل بومسافر پرور
 لکن هیچ ده حقوقی طایفه رقی اوج سنه صکره
 فرانسه یه تکرار اعلان حرب ایدرک سربسول محاربه -
 سنه اسپانیول عسکری پک فنا برمغلو و بیه دوچار
 اولمغرق بومغلو بیت اوزرینه ۱۵۴۴ تاریخنده قیسی

معاهده سی دیه مشهور اولان معاهده یکی طرف ایچون
 دخی حربی منع ایتک کبی مسعود بر معاهده اولدی .
 ایشته فرانسه ایله شونجه محارباتده یوز بیکلرجه
 ادم فدا ایتش اولان شارل کن المانیاده ظهور ایدن
 پروتستانلق محارباتنه دخی اشتراک ایدرک مذهب
 جدیدک منع سرایتی ایچون بک چوق چاشمش و برخیلی
 غایاته دخی مظهر اولمش ایسه ده تفصیلی المانیاتاریخنده
 کوسترلدیکی وجهله نتیجه غالبیت پروتستانلر طرفنده
 قالمغله بعد ما پروتستانلرک سر بستجه اجرای آیین ایتلرینی
 و هیچ برکیمسه طرفندن بونلره ازیت و ممانعت اولنماسنی
 مبین عقد اولنان پاسا و معاهده سنه وضع امضایه شارل
 کن دخی مجبور اولمشدر .

حالبوکه شارلک مشغول اولدیغی محاربات یالکز
 اوروپا قطعه سنه مخصوص اولان بو محاربه لردن عبارت
 دکلدرد . اوزمانلر خیرالدین پاشا باز بروس اق دکزی
 هرج و مرج ایتکده و تونس و جزایر طرفلرنده یکی بر
 دولت اسلامیه نک اساسنی وضع ایلکده اولدیغی و بو
 ارهلق اسپانیا سواحلنی و شارل کنه عائد اولان جزا-
 یری دخی لایق قطع طوپه طوتدیغی جهتله شارل کن

کړک مو می الیهک هجـ و ملرینی منع ایتک و کړک ممالک
افریقیه یی ده فتح واستیلا ایتک ایچون بر چوق قوه
بریه و بحریه یی دخی بویولده استخدام ایشدرکه بونلرک
تفصیلاتی ایلروده عثمانلی تاریخنده کوریه جکدر .

ایمدی بوقدر محارباتک نفس اسپانیا ایچون مو -
جب اولدیغی منافعی خلاصه نظر موازنه
چکن مورخلر دیرلرکه شارل کنک الک بیوک موفقیتی
اس - پانیا دولت جدیده سنی تشکیل ایلان حکومات
اربعة سالفه یی بردها باشلی باشلرینه برر حکومت
مسئله اولق اوزره آیرلغه مقتدر اوله میسه جق
صورتده ترصین ایتک اولوب بوندن ماعداسجلیا
وساردنیا و ناپولی و فرانسه قونته و په یی با و بر از صکره
میلانز دوقه لغی دخی عادتا برر اسپانیول مالکانه سی
اولق اوزره دولت مذکوریه ربط و الحاق قلمشدر .

شارل کنک الک بیوک بر خدمتی دخی کشفیات
جديدة بحریه یی حایه و تشویق ایتسی قضیه سی
اولمشدرکه اسپانیول بایراغنی تاجهانک الک اوزاق
قطعاتنده تموج ایتدیرن شی دخی بوهمتی اولمشدر .
شویله که :

فرستوف قولوب اطلاس دکری اوزرندن غریبه
طرفنه طوغری کیده کیده البنه هندستان ساحلنه
واریه جغی حقله کی حسابی بر اثر جنت اولیویه
بلکه بک جدی و صحیح بر حساب فنی اولدیغنی امر -
یقانک کشفیه اثبات ایلدکن صکره شارل کن ال
جسور و ماهر فیوداری بو کشفیاتک توسیع واحدا -
قنه مأمور ایدرک بونر فرستوفک بولدیغی برر هند -
ستان دکل بلکه مستقل و افروز بر قطعه عظیمه اولد -
یغی کینه کجه دائره سی توسیع ایلدکری کشفیات
اکلاملردر .

کشفیات مذکوره بیانده مکسفا قطعه سی و په -
رو اقلیمی و یکی غرناطه نیمه اولنان ولایت و سیکی
طرفری و بوئوس آبرس ولایتی هب اسپانیا دولتی
نامه کشف و با فتح اولمشلردر که اوزمانلر بومملکتلرک
معادنی و باخصوص نوز و قوم حالنده بولنان التونلری
کیلر طولومی اولق اوزره اسپانیاه نقل اولنه رقی
اسپانیانک هر طرفی ثروت و سامان ایله طولمش و اویله
سندرجه دوام البیان محارباتک مصارف بی نهایت سی
هب بو کشفیات محصولیه نسوبه ایلدملدر .

شارل کنک دور جهانگیرانه سنده اسپانیا دولتی
 یالکز شو وسعت ملک و کثرت نفوس و فرت و ثروت
 و سامان ایله مشهور اولقله دخی قالمیوب بلکه فنون
 و معارف جهتجده بر چوق ترقیاته مظهر اولمشدر
 زیرا شارل کن هر نه قدر براز بخل ایله موصوف آدم
 ایدیسده انک بخلنه اونامی و یرمک مجرد طمع ایلدکاری
 قدر احسانلرینه نائل اوله میان بعض آج کوزلی آدملرک
 کاری اولوب یوقسه شارلک بخیلی یالکز کرچکدن
 مستحق اولنلره اسرافدن عد اولنهمیه جقی مرتبه لرده
 احسان ایتکدن عبارت ایدی . بناء علیه یکی تألیفات
 مفیده ایله اشتغال ایدن مؤلفلری پک زیاده تلطیف
 ایلیرک زماننده اسپانیول لسانی صفوتنی اکمال ایلش
 و بر چوق فنون و صنایعه دائر اثرلر کتبخانه لری طو-
 لدرمشدر .

الحاصل کرک جهت مادیه و کرک جهت معنویه .
 سی موققیاتیه مشحون اولان بو دور جهانگیرانه
 اسپانیا دولتنی اوروپانک برنجی دولتی مرتبه سنه
 ایصال ایلدیکی حالد قوجه شارل کن درت کونلک
 اقبال ایچون بونجه متاعبه کوکس و یرمش بولندیغنه

آخر عمر نده نادم اوله رقی بر ازده کوشه انزواده عمر
کچورمک ایچون المانیا جهنده اولان حقوق حکمرا-
نیهی قرنداشی فردینانده واسپانیا و ملحقاتی قرالغنی
دخی اوغلی فلیبه ترک ایدرک ۱۵۵۶ سنه میلادیه -
سنده کنایسی بر مناستره چکمشدر .

بعض مورخلر شارل کنک بوصورتله فراغ ملک
ایتمسده مؤخرأ نادم و متأسف اولدیغنی یازمشلر ایسه ده
منیت نام مورخ شارلک استغفاسیله مناسترده بقیه
حیاتنک صورت کذرانده دائر یازدیغنی تاریخک مطا-
لعه سندن اکلاشلدیغنه کوره شارل اصلا بوندامته
دوچار اولیه رقی بالعکس بقیه عمرینی پک بیوک بر صفای
بال ایله کچیرمش وایکی سنه قدر بو حالده یشادقدن
صکره ۱۵۵۸ سنه سنده وفاتی وقوعه کلمشدر .

(اوچنجی فصل)

اسپانیانک کال شوکتی

عن ۱۵۵۶ الی ۱۵۸۰

تفصیل - اسپانیانک کال شوکتی دوری اولان
شو مدت ظرفنده مقام حکمداریده بولسان ایکنجی
فلیبی پدری شارل کن اول امرده یعنی ۱۵۴۰ سنه

میلادیه سنده کندی طرفدن میلانز ولایتنه حکمدار
 نصب ایدرک امور حکمرانی یه الشدیر مق ایچون دخی
 معیتنه اک عاقل ادملردن تعیین ایلشیدی . بعده صره
 سیله ناپولی قرالی و سچلیا قرالی و ۱۵۵۵ سنه میلادیه
 سنده په یی با حکمداری اوله رق نهایت شارل کن
 بالکلیه زمام حکمداری یی ترک ایلدیکی زمان اسپانیا
 تاج قرالیسنی دخی توج ایلشدر .

بوزات غایت حدید و خوشونتلی و هیچ بر کیمسه یه
 امنیت ایده مز بر آدم اولغله برابر غایت دخی جسور
 و عاقل اولوب اورویا قطعه سنک یاریسی و امریقا
 قطعه سنک دخی اوزمانه قدر کشف ایدلش بولنان
 قسمنک عادتاً کافه سی کندیسنه تابع اولدیغی حالده
 اوروپانک بقیه سنی ده فتح ایدرک عموم دنیایی بر دولت
 واحده صورتنه قویمق ایشدن بیله اولدیغنی کوزی
 اوکنه المش و بر طاقم ادملر دخی قرالک بوفکرینی
 یاری ریا و یاری جدی اوله رق تصویب و تأیید ایلش
 اولدقلرندن ارتق ایکنجی فیلیب ۱۵۹۸ سنه میلادیه سنه
 قدر دوام ایلان مدت حکومتی هب بواملی حصوله
 کتورمک ایچون محاربات شدید و مدیده ایله امرار
 ایلشدر .

بوعزیمت عظیمه سنده فایمپ ابتدا برچوق مو-
 فقیانه مظهر اولمشیدی • از جمله پورتغال اقلیمی دخی
 اسپانیایه برولایت اولمق اوزرد قهرأ و جبرأ ضبط
 ایدرك حتی بوبابده كرك پورتکیرلرك و كرك فرانسه-
 لرك سلاح ایله وقوعه کلان مقاومتلرینی ده برطرف
 ایتمکه موفق اولمشیدی • انجق جهانگیرلک آمانلک
 تشویقیله اک عادی وسیله لراوزرینه كرك فرانسه و كرك
 انکلتزه علیهله او قدر محاربه لر ایتمشدرکه هر نه قدر
 امریقا کشفیات جدیده سی بریاندن کمی طولولری التون
 یاغدر مقده دوام ایلمش ایسه ده بو خزینه لر دخی مصا-
 رف حربیه ده کفایت ایده مامشدر •

برده فلیب کبی جهانگیرلک املنده می بر ذاتی اک
 زیاده و اصل سر منزل مقصد ایده جک اولان شی
 بتون ناسه عدل و شفقت آثاری کو سترمک و بتون
 اقوامک حریت دینی و مذهبیله لرینه رعایت ایتمک کبی
 برچوق قضایادن عبارت اولمق لازم کلدیکی حالده
 بالعکس فلیبک جور و ظلمی تحت رعیتنده بولان اها-
 لی بی دخی تمامیه بیرار ایلر ایدی • از جمله پروتستا-
 نلک محوینی عزم ایدن حکمدارلرك اک شدتلیسی دخی

فلیب اولوب بویولده پی بی با اهایسی حقلرنده او قدر
 جبر و شدت کو ستر مشدر که بالاخره ممالک مذکور هک
 بالکلیه الدن کیتسنی موجب اولان اختلالات عظیمه.
 یه اهالی بی مجبور ایشدر . هله انکیر یسیون جمعیت
 ظالمه سنی پک زیاده جایه وتشویق ایلیه رک بوجعیتک
 مظالمی اصل اسپانیول بولنا نلری دخی تبرید ایتمش
 اولدیغی مورخلرک اتفاق اوزره حکم ایلدکلری بر
 شیدر .

حاصلی مدت حکومتک نصف اولنده ایکنجی
 فلیب اسپانیانک کرک حدودینی توسیع ایتک و کرک
 علمی و سیاسی بر چوق بیولک ادملریتشدیره رک ترقیات معنو.
 یه سنی اکیال ایلک صورتلریله پک کوزل ایشلر کوروب
 دولت و ملتک شان وشوکتنی مرتبه قصواسنه ایصال
 ایش اولدیغی حالده مجرد شدت ظلم وغدرندن وفاتو.
 لیک مذهبنده صولک درجه یه قدر تعصبندن طولانی
 مدت حکومتک قسم ثانیه منده اسپانیانک دور انحطاط
 وتدن یه ایاق اتدیغنی کوروب مقهور اولمشدر . یعنی
 بر ملتک ترقیاتده کالی تدنی وزوالنک دخی مقدمه سی
 اوله جغنه کوره فلیب ایشته بوکال ایله زوال جهتلرینی

فصل ایدن نقطه یی تشکیل ایلشدر . انجق اسپانیانک
 انحطاطی بو اثر مزده بشنجی بابی تشکیل ایلان بر قسم
 مخصوص اولغله ایکنجی فلیک ۱۵۸۰ سنه سنده
 پورتغاک اولکاسنی فتح ایله اکمال ایلدیکی دور شو -
 کتندن صکره سنی یعنی مدت حکومتک تدنی واقرا -
 ضه میل ایلان بقیه سنی بوجه اتی بشنجی باب به تأخیر
 ایتکده یز .

✽ بشنجی باب ✽

اسپانیانک دور انحطاطی

عن ۱۵۸۰ الی ۱۸۱۴

« برنجی فصل »

انکیر یسیونک یهودیلر ایله اسلام حقمنده کی مظالمی

عن ۱۵۸۰ الی ۱۶۰۹

تفصیل - اسپانیانک شوکت و شانی مرتبه
 قصواسنه واصل اولدیغنی کورن ایکنجی فلیک بو
 دولت عظیمه یی درکات انحطاطه سوق ایتسنه سبب
 اولان اک بیوک خطاسی انکیر یسیونی استیحاب
 ایلدی قضیه سی اولشدر .

انکیر یسیون کندی مظالمی یالکز اهل اسلامه

حصص ایتیوب نصاری دخی دیندن دنیا سندن بزیره .
 جک قدر مظلوم و مغدور ایده جک ملختره یول
 اچمش بولندیغندن کرک مستملکات خارجه ده و کرک
 نفس اسپانیاده هر کس بو ادارد ظالمه دن دلگیر قالمش
 ایسه ده بر زمانه قدر قورقورلندن سس چیقاره مامقده
 بولمش ایدی . یه نی بایعنی هولاندا ایله بلجیقا مستملکاتی
 انکیر یسیون مظالمک ال زیاده شدنه دوچار اولغله
 یعنی ایکنجی فلیب بو ممالک اهاالیسنک همان کلیاً
 استیصالی تشبثی تسهیل ایتکله اهالی مذکوره بویه
 مسکینجه سنه محو اولمقدن ایسه قهرمانجه سنه اولمک
 جهتنی بالترجیح سلاحه صارلمش واسپانیا خاندانی
 نامنه عظیم بر عصیان ایقاع ایلش ایدی .

ایکنجی فلیب عظیم اردولر سوقیله ارباب عصیا
 نک محوینه یوریمش و یک چوق قانلی محاربه لر وقوعه
 کلمش ایسه ده المانیا طرفلرندن پروتستان اولان پرنس
 اشبو ارباب قیامه معاونت کلیه ده بولندقلرندن تشکیل
 و تریه لری ممکن اوله میوب نهایت ارایه بعض متوسطلرک
 دخی دخولیه بلجیقا و هولاندا هم انکیر یسیون بلیه .
 سندن و هلمه اسپانیول رعیتندن قورتیوب استقلالنی

قزائمشدر که بو کیفیت په یی با تار یخنده لزومی وجهله
ایضاح قلمشدر .

ایمدی په یی بانگ اسپا نیادن افتراقی اسپانیا دور
تدنيسـنک ایلک در که سی عد اولنوب حالـو که
نفس اسپانیاداخلنده یهودیلر ایله اهل اسلام علیهـنده .
کی مظالم دخی اسپانیا انحطاطنی تعجیله پک بیوک بر
سببیت کوسـترمشدر . زیرا اسپانیولر متکبر و متعظم
آدمـر اولوب صنایع و تجارت جهـتلرینه تنزل ایتد .
کلرندن بر ملتک ترقیات صحیحـه سنی تأمین ایلـیان بو
طریقـلر یالکـز یهودیلرله عربلرک بقیه سی یدلرنده ایدی .
انکیر یسیون ایسه یهودیلر ایله اهل اسلامک اسپانیاده
دیکش طوتدیرمه ررق ترک دار و دیاره مجبور اولملری
ایچون کافه وسائله مراجعت ایلد کلرندن بونلر طاقم
طاقم ممالک اسلامیه هجرت ایلد کجه اسپانیاده
تجارت و صنایع بر سرعت مدهشه ایله انقراض بو .
لمقده ایدی .

اهل اسلام الله یهودیلر علیهـنده کی بو مظالم یارب
عصر مدت قدر کیتد کجه شدتی ارتدیره ررق دوام
ایش و نتیجه سیئه سی اولمق اوزره اسپانیایی بر جهـا .

نت و ضرورت مدهشه ایچنده براقشدرکه امر یقا
 مستملکات جدیده سندن کی طولولری التون کیرمش
 بر مملکتک بالنسبه پک از بر زمان صکره اجلقندن
 هلاک درجه سنده بر فقر و سفالته دوچار اولمش بو .
 لنمی حقیقه استغراب اولنه جق مواددن کوریشدر .
 ایکنجی فلیب هر طرفدن روی میاهنی کوستر .
 مکده بولنان بو انقراضه اهمیت ویرمیه رک کنجلمککنده
 ایکن انکلتزه قرالچیه سی ماری ایله ازدواج ایتمش
 بولنمندن متولد بر معارضه اوزرینه کویا انکلتزه
 دولتی کایماً محو ایچون « انونسیدیل آرمادا » یعنی
 مغلوب اولمز دونما تسمیه ایلدیکی عظیم بر دونما ایله
 هجومه قالقشمش ایسه ده ۱۵۸۸ سنه سنده قیامتدن
 نمان ویرن بر فورتنه بو دونمای محو و پریشان
 ایدنجه اسپانیانک شوکت بحریه سی معدوم عد ایدلک
 لازم گلش ایدی .

برده ایکنجی فلیب فرانسه تختنی کندی قزی
 اولان ایزابل ایچون استحصال ایده بیلک امیدیه فرانسه
 داخلنده بر چوق فسادلر یوروده رک عصیانلر و داخلی
 محاربه لرایقاع ایتشدرکه بونلرک تحملکداز اولان مصا .

رفی دخی انقراضی تسریع ایدن اسبابدن عند اولمشدر .
 باخصوص که نتیجه مسئله ۱۵۹۸ سنه سنده وروین
 معاهده سنک عقدیله اسپانیانک فرانسه دن قطعاً دستکش
 فراغت اولسنه منجر اولنجه بو قدر امکارک مصر فترک
 بالکایه هبا اولدیغی کورلمشدر .

ایشته ایکنجی فلیب بو معاهده نک امضاسی
 سنه سنده وفات ایش ایدی . یرینه اوغلی اوچنجی
 فلیب قرال اولدیغی زمان کرک وجودجه و کرک
 ذهنجه ضعفنه مبنی کیرودار اموری دوق ده لهرم نام
 باش وکیلنه ترک ایلده رک واقعا مومی الیه ۱۶۰۴
 تاریخنده انکلتزه ايله عقد مصالحهیه موفق اولمش
 و ۱۶۰۹ تاریخنده فرانسه محاربه سنه دخی ختام
 و یروب حتی اوچنجی فلیبک قزی آن دوتریش نام
 پرنسی فرانسه قرالی اون اوچنجی لوئییه تزویج
 ایدرک فرانسه ايله برده اتفاق عقد ایش ایلده
 بونلر هب ثمره عجز و مغلوبیت اولمغله اسپانیا شو-
 کتنی تدنیدن قور تاره یله جک تدابیردن عد اولنه ما-
 ما مشدر .

دوق ده لهرم اهل اسلام و یهودیلر علیهنده کی

مظالمه مختام ویرمش ایدی . هم ده نصل برختام ؟
 بونلرک بقیه سی اسپانیاده قالدقجه اسپانیولر دینی آری
 آدملی کورمکدن متأثر اولیورلر مش ده بودخی داخل
 شورشرلی مستلزم اولیورمش بهانه سیله نه قدر یهودی
 و مسلمان و ارایسه چله سنی قهرراً و جبراً خارجه طرد
 ایلمکدن عبارت برختامکه بوکا جهن حیرت متأسفانه
 ایله کولمش اولسدر بجادر . بوختام ۱۶۰۹ تاریخنده
 وقوعه کله رک اندن صکره اسپانیاده اسلامدن شیخ بر
 فرد متمکن قالماشدر .

تاریخلر بوصورتله اسپانیادن چیقان الک چالشقان
 اهالینک مقدارینی برملیوندن متجاوز اولمق اوزره
 تخمین ایله اخبار ایدرلر .

ایکنجی فصل

مستملکات خارجیه نك الدن چیقیمی

عن ۱۶۰۹ الی ۱۶۷۹

تفصیل - عربلرله یهودیلر اسپانیادن طرد او -
 لندقدن صکره صنایع داخلیه بالکلیه منقرض اولدیغی
 کبی تجارت خارجه دخی اجنبیلرلنده قالدیغندن عموم
 منته عارض اولان فقر و ضرورت خزینة دولتی ده

پیشانی ایتش و بناء علیه تغشیش مسکوکاته لزوم
و مجبوریت حاصل اوله رق بوايسه انقراضی منع دکل
برقائدها تسریع و تسهیله سبب اولمشدر .

محاربه سی ساله ديه مشهور اولوب بوندن مقدمی
جلد لر مزده دخی یرلری کلد کجه ایضاح ایدلش اولان
محاربه مشهوره اشبو او چنجی فلیک مدت حکومتنده
مقدمات مده شده سنی کوستر مکه باشلایوب او چنجی
فلیک اوستر یا خاندانک دعواسنی التزاماً سلاح
تعرضی اله المش و ابتدای امر ده برقاچ غلبه یه مظهریتله
شیرینکام اولش ایسه ده ۱۶۲۱ سنه سنده وفاتی
وقوعیله بو محاربه نك سائر صدماتنی کورمکسزین
قورتیلوب کیتمشدر .

بعد وفاته یرینه کلان اوغلی دردنجی فلیک اون
التي یاشنده برچو جق اولمقدن فضله قابلیتجه پدرندن
دخی پک چوق اشاغی اولدیغندن قونت دولی وارس
نام باش وکیلنک اداره کیفیه سنه اتباع مجبوریتنده
بولمش ایدی .

محاربه سی ساله نك مقدماتنده مجرد اسپینوله نام
سردارک ثمره غیرتی اولمقی اوزره هولاندا طرفلرنده

برقاج موقیعت کورلش ایسه ده ۱۶۲۸ سنه سندن
صکره اعدای متفقہ طرف طرف غلبانہ باشلایہ رق
اسپانیولر ایچون کیرویہ چکلمک مجبوریتی حاصل
اولمشدر .

بولندن ماعدا اوستریا خاندانک فرانسه علیہ
آچدیغی محاربه یه دخی اسپانیا دولتی اشتراک ایلیرک
حالبوکه اوزمان مشهور ریشہ لیونک تدابیر مہارتکا -
ویسی اردولرک قوہ قہارانه سنی تأیید ایلکده بولند -
یغسندن بو محاربه ده دخی اسپانیا دولتی برقاج ایالت
غیبتندن بشقہ برشیئہ موفق اوله مامشدر .

۱۶۴۰ سنہ میلادیہ سنده اوزمانہ قدر اسپانیانک
یرو لایتی حکمنده بولنان پورتغال ممالکی دخی عصیان
ایدرک کندی تاریخ خصوصیسندن بیان اولندیغی
اوزره کندیسنی اسپانیا رعیتندن قورتارمشدرکه
انقراضی تسہیل و تعجیل ایلیمان اسبابک ال بیوکلرندن
برسی دخی بو حال عد اولمشدر .

برسنہ صکره قاتالونیا ایالتی ده عصیان ایلیرک
فرانسه یه تابع اولدی . حالبوکه فرانسرلر ایتالیا
جهتندہ بولنان اسپانیول مستملکات خارجیه سنی دخی

تحريك وعصيانہ تشويق اينكده بولندقلرندن ۱۶۴۷
 سنه سنده ناپوليتانلر اويله برشدتلى عصيانہ قيام ايلديلر
 حادثا اوراده اسپانيا حكومتى برلفظ بى معنادن عبارت
 قالدی . نہایت ۱۶۴۸ ده مونستر معاہدہ سی عقد
 اولنہرق بومعاہدہ موجبہ « ولایات متحدہ » نامیہ
 تشکل ایدن پہ بی بانک استقلال تامنی طانیغہ دردنجی
 فلیب مجبور اولدیخی کبی پورتغالدن دخی امیدینی الی
 نہایہ قطع ایلدی . وایتالیا مستملکاتی ده همان کندی
 حکمندن چیقمش اولدی . بوندن ماعدا فرانسه ایلہ
 عقد ایلدیکی « پیرنہ » معاہدہ سی موجبہ
 روسیلیون و آرتووا ولایتلرینی وفلاندر و ہہنو
 ولایتلرندن اون درت شهر وقصبہ بی والزاس ولایتی
 اوزرنده کی حقوقنی فرانسه یہ ترک ایتکہ مجبور
 اولدی کہ ۱۶۵۹ سنه سنده وقوعبولان بوفاجعہ نك
 فجاعتنی تخفیف ایچون انفانت ماریترز نام اسپانیول
 پرنسسنك فرانسه قرالی اون دردنجی لوئی ایلہ
 تزویجی چارہ سندن بشقہ چارہ بولنہمدی .

قرق بش سنہ دوام ایدرک اسپانیایی درکات
 انقراضہ طوغری سوقدن خالی قالمیان شو مدت حکو.

مت ۱۶۶۵ تاریخ‌نمده در دنجی فلیک وقوع وفاتیه
ختمه ایردیده برینه کلان ایکنجی شارل دخی
اسپانیایی کیتدکجه کیتدکده اولدیغی طریق انحطاط
و تدنیدن منع ایده مامشدر .

بو شارل عجایب مخلوقاتدن برشی اولوب بش
یاشنه قدر یوریمکه وسویلمکه مقتدر اوله مامشایدی .
درت یاشنده بر قالب بیروح اولدیغی حالده والده سی
آن دوتریشک وصایتی تحتنده صندالی قرالی یه اجلاس
اولندقدده کرک والده سی و کرک اوی برادری دون
ژووان دوتریش و موخرأ زوجه سی لوئیز دور -
لیان و الحاصل و کلاو امراسی هب بیچاره نی تحت
تسلط و تحکمه الدقلندن مقام قرالیده کندیسنگ
یالکز بر نامی کوریلورایدی .

بر قاج دولت فرانسه قرالی اون در دنجی لوئی
علیهنه اتفاق ایلدکری زمان اسپانیا دولتی اس - سی
تجربه لره اعتبار ایتدیرک بو دفعه دخی فرانسه علیهنه
هجوم ایلدیکندن نتیجه مسئله ده فرانسه قوته ولایتی
ایله سائر بر قاج شهر و قصبه یی فرانسه یه ترک ایتدکه
مجبور اولمشدر .

کندیسی ایکی دفعه تأهل ایلدیکی حالدہ سَطط
 وجودندن طولایی چوجوغی اولدیغندن ملکئک
 بقاسنه اهمیت بیلہ و یرمز ایدی . بوسبدن طولایی
 اورو پا دولتری اوج دفعه بیچارهئک ملکئکی تقسیمه
 قویدقلى حالدہ شارلک رأینی بیلہ صورمغه حاجتہ
 کورمامشردر . بناء علیه ایکنجی شارل ارتق
 بر یأس کلمی یه دوچار اوله رق یازدیغی وصیتنامه سندہ
 بتون ملکئکی اون دردنجی لویئک حفیدی اولویه
 آنزو دوقه سی بولنسان فلیب ده فرانسه ترک ایتمکله
 ایشته بو وصیتنامه اسپانیا توارثی محاربانی دیه توا .
 ریخده مشهور اولان محاربه مدھشہئک سبب اصلیمی
 اولمشدرکه کیفیت بروجه آتی اوچنجی فصلده کور .
 یله جکدر .

(اوچنجی فصل)

اسپانیا توارثی محاربائک نہایتنه قدر

عن ۱۶۷۹ الی ۱۷۱۴

تفصیل - اسپانیائک صوئ قرالی بولنان ایکنجی
 شارلک بلا ولد قالمسی حسیله حقوق حکمرانیستی
 فرانسه قرالی اون دردنجی لویئک حفیدی بولنان

دوق دائئوئیه باوصیتنامه ترك ایلش اولدیغی یوقاروکی
 فصلک نهایتنده بیان اولمشیدی . بر حکمدار وارث
 مشروعدن محروم قالدیغی زمان کندی حقوقنی ایستد.
 یکی ذواته ترك ایده یلمسی کسه نك اعتراض ایلیه جکی
 برشی اولدیغی کبی بوندن مقدم بیان اولندیغی وجهله
 اسپانیول پرنسسلرندن بعضیلرینك فرانسه خاندان
 قرالیسنه عقد وتزویج ایدلش بولمسنندن ناشی دوق
 دائئوئك اسپانیا خاندان قرالیسنه ذاتاً قرابتی دخی
 بولندیغندن واوزمانلر فرانسه دولتی اوروپانك اك
 معظم واك شوکتلی بردواتی اولدیغندن اسپانیا اعیانی
 شارلك وفاتندن صکره دوق دائئوئی بشنجی فلیب
 نامیله ممنوناً مقام قرالییه دعوت ایلشیرایدی .

بشنجی فلیب فرانسه ده معیتنه ویریلان عاقل
 آدملك دخی یاردمیله اسپانیاده هرکسك حسن نظر
 وتوجهنی قازانه جق برمسلك طوتمش ايسه ده ذاتاً
 فرانسه نك قوت وشوکتی بتون اوروپایی قورقوتمقده
 ایکن برده قوجه بر اسپانیانك واکا انضمامله ایتالیا وورو-
 پانك سائر طرفلرنده بولنان، بونجه اسپانیول مستملکاتنك
 بر فرانمز پرنسسه انتقال ایتمسنندن طولایی نوعما طو-

غریبن طوغری به فرانسه به التحاق ایلمش بولمسی
 اوروپاچه بر جوق دولترك نظردهشتنی آچش وهله
 المانیا ایمپراطور لغی ارتق کندی خاندانلرینک حقوق
 دائمه سندن عد یلیان اوسستریا خاندانی جله دن زیاده
 قوشقولندیرمش ایدی .

حالبوکه دیگر جهتدن اوسستریا واسپانیا خانداندا -
 نلری میانده دخی بر قرابت قدیمه اولوب حتی اوستر -
 یالی ارشیدوق شارل انتقال حقوق ارثیه ایچون فلیب
 دانژودن دهها زیاده مستحق دخی بولمسیله اوستریا
 خاندانی اسپانیا قرالی ایکنجی شارلک معهود وصیتنا -
 مه سنی اصلا طانیماق جهتنی الترام ایلدیکی زمان
 انکلتره وهولاندا وپروسیا وپورتغال دولتری ايله
 صاووا خاندانی دخی اوستریانک بر دعواسنی تأییداً
 عظیم براتفاق عقد ایلمشلایدی .

بشجی فلیب اسپانیا قوه عسکریه سنی و اون
 دردنجی لویی دخی فرانسز اردولرینی اشبو اعدای
 متفقه اوزرینه صالدریلرکه محاربه نك شو صورتله
 اعلانی ۱۷۰۱ سنه میلادیه سنده وقوعه کلدی . محاربه
 ربه نك و ایکنجی سنه لرنده غالبیت و مغلوبیت

ایکی طرفه دخی بعض جملوه لر کوستردی ایسه ده
فرانسزلرک فریه و لینغ و هوشستاد نام محارده کی
غلبه لر ی پک مهم غلباتدن معدود اولمغه هر حالده
فرانسزلر اعدای متفقده غالب عد اولنورلر ایدی .
انجق اوستریالی پرنس اوژهنک قومانداسنده بولنان
دشمن ایتالیا طرفلرنده کی فرانسز و اسپانیول اردو -
لرینی طرف طرف مغلوب ایتکه باشلاینجه سائر
جهتلرده بولنان فرانسز عساکری دخی بو صدماتله
مغلوب اولمغه باشلادیلر . از چله مارلبوروغ نام
سردارک قومانداسنده بولنان اعدای متفقده دخی المانیا
جهتلرنده بولنان فرانسزلری پریشان ایش ایدی .
هله تورین محاربه سیله هوشستادده وقوعه کلان
ایکنجی محاربه ده و رامیلی و اوده نارد محاربه لرنده
فرانسز و اسپانیول عساکرینک مغلوبیتلری پک بیوک
انهمردن اولدیغی جهتله ارتق بشنجی فلیک اسپانیا
تختنده دیکیش طوتدیره میه جفی اکلاش و بناء علیه
اوستریالیلر طوغریدن طوغری به اسپانیا اوزرینه دخی
یورودکری زمان فلیب قراری فراره تبدیل ایتکه
مجبور اولمشدر .

فقط شومغلوبیت اون دردنجی لویینک زیاده سینه
 عظمتنه طوقندیغندن بوتوارث محاربه لرنده گاه غالبیت
 و گاه مغلوبیت ایله پک بیوک بر تجربه حاصل ائیش
 بولنان برویق نام سرداره مارشاللق رتبه سی و بر عظیم
 اردو و یروب تکرار اسپانیا اوزرینه صالدر مغاله
 افراده وارنجیه قدر عمومک اوستریالیر علیه نه کی
 حدت و غضبلی مرتبه کماله وارمش اولان فرانسرلر
 المانزا نام محله ارشیدوق شارلک اردوسنی اوپله بر
 هزیمته اوغراندیلر که بو مغلوبیت بشنجی فلیبه اسپانیا
 تختک یولنی تکرار آچمغه کفایت ایلدی . بشنجی
 فلیک بو صورته اسپانیاه عودتی ۱۷۰۷ سنه میلاد
 دیه سنده وقوعبولمشیدی . واقعا اوستریالیر ایله
 متفقری نه یلیه رقی فلیبی تضییقدن خالی قالماقده
 و هر طرفدن فرانسه اوزرینه دخی هجوملر ائیلکده
 ایدیسه لرده و اندوم نام سردار ۱۷۱۰ سنه سنده
 ویلا و پچیوزا محاربه مشهوره سنی ده قازانسی اوزر
 نه ارتق اوستریالیر اسپانیا جهتملرندن ال چکمکه
 مجبور اولدیلر . لکن ارشیدوق شارلینه دعوا
 سندن واز یکمامش و آتش جنک و جدالینه منطقی

اولمادش ایدی . نہایت مومنی الیہ التجبی شارل عنوانیلہ
 المانیا ایمپراطور لغنہ انتخاب اولمسی اوزرینہ بوسرور
 وحبور ذاتاً ہر طرفی بقدرمش اوصاندیرمش اولان
 توارث محاربہ سنہ ختام ویرمکی ایجاب الملش و ۱۷۱۳
 سنہ سندہ اوترش معاہدہ سی بو محاربہ مدیدہ ختام
 ویرہ بیلشدر .

اوترش معاہدہ سی من جہۃ اعدای متفقہ و من
 جہۃ فرانسه ایچون تأمین غالبیت الملش بر معاہدہ
 عد اولنہ بیلور . زیرا بشنجی فلیک اسپانیا تختندہ
 دوامیلہ فرانسنک بوربون خاندانندن بردہ اسپانیول
 شعبہ سی آیرلسنی موجب اولمشدر کہ بو حال ذاتاً
 فرانسنک املی ایدی . فقط دیگر جہتدن فلیک
 فرانسه تختی اوزرنده کی حقوقندن وازچکھ سنی اعدای
 متفقہ مصرأ طلب ایشلر و فرانسنہ بی دہ بوکا رضا
 کوسترمکہ مجبور ایشلردر . زیرا اعدای متفقہ نک
 اصل امل ایدندیکی بر شی وار ایسہ او دخی اسپانیا
 ایلہ فرانسنک حکمدار واحد النہ یکھامسی قضیہ .
 بنی ایدی .

بوندن ماعدا جبل الطارق و مینورقہ اسپانیادن .

آریل-سوب انکلهزیه ویرلدی و سچلییادخی صاووا
 دو قدسنه ترک اولندی و ناپولی و میلانز و ساردنیا
 و په بی با اوستریایه اعطا ایلدی که ایشته بو الحاقات
 دخی اعدای متفقہ نك هر بریسی ایچون برر ثمره
 غالبیت عد اولندی . یعنی مسئله نك نتیجه سنده کرک
 فرانسه کرک فلیب و کرک اعدای متفقہ کاملاً املرینه
 نائی اولوب کارلی چیققلری حالده اصل ضررلی
 چیقان اسپانیا نامی اولدی . زیرا بوتوارث محاربه
 سی دخی اسپانیادن بونجه محارک آیرلمسینی موجب
 اوله رق تدنی و انحطاطنی اتمامه یاردم ایلدی .

(دردنجی فصل)

بیوک انقلابک اسپانیایه تعلقاتی

عن ۱۷۱۴ الی ۱۸۰۸

تفصیل - بشنجی فلیب اسپانیاده بور بون خاندانی
 نامیله مقام حکمرانی په چکن فرانسز خاندانک واضع
 بنیانی و پدیری عد اولنور . بو ذات تمام فرانسه نك اون
 دردنجی لویی زمانده کی تر بیه سیله تربیه اولمش بر ذات
 ایدی که حد ذاتده یک صفی القلب بر پرنس اولدیغی
 حالده تر بیه سی حسبیله مزاجنه هو پیالق کیرمشیدی .

مع هذا اسپانیا ایچون هم برطاقم هو پیماجه سنه بخار .
 باتله مضراتی همده نغایسه محبتی حسسینله بیوک بیوک
 خدماتی کورمشدور . شویله که :

اون دردنجی لویی توره سنجه کبر و عظمت یرنده
 اولقله برابر قادیلره مغلو بیت دخی لوازم شان حکمرا .
 نیدن عد اولمغله « قاماریه را مایورا » یعنی باش
 اوطه جی دیه شهر تشهار اولان اورسین نام پرنسس
 و برارهلق دخی زوجه سی الیزابت فارنز بشنجی
 لویی بی تحت محکم لینه الهرق والبرونی نام باش وکیل
 دخی بونلره اویهرق بشنجی فلیبه کن دیسنگ فرانسه
 قرالندن دها بیوک بر حکمدار اولدیغنی اثباته قالقشمشور
 واکر قلیچلری چکرلر ایسه بر زماندنبری اسپانیانک
 غیب ایتش اولدیغنی یرلری تکرار فتح ایدرک عاداتا
 شارل کن زماننده اولدیغنی کبی اسپانیایی جهانگیر بر
 دولت حالنه قویق ممکن اوله جغنی تأمینه باشلامشور
 ایدی . واقعا برارهلق بشنجی فلیب فرانسه تاج
 قرالینسی دخی کندی باشنه قویه بیلک امیدله بوتشو .
 یقاته قایلغه یاقلاشدی و بناء علیه کرک فرانسه وکرک
 انکلتزه علیهنه عظیم بر بحار بهیه کیرشمکه رمق قالدی

ایسده اسپانیول اعیانی مملکتک ضعفنی در میان
ایدرك فلیبی ارشاد ایتلریله فلیب دخی باش وکیل
البرونی عزل و تبدیل ایدرك بوتلهکه یی موقه دفع
ایده بیلشیدی .

۱۷۲۴ سنه سنده بشنجی فلیب مشغله حکمدار یدن
اوصانه رق و باخصوص سرای ایچنده برچوق
انتر یغه جیلرك اسپانیایی یکیدن مهالك حربه یه القا
ایچون چو یردکری انتر یغه لردن قورقه رق زمام
حکومتی اوغلی بولنان لویی یه ترك ایدوب کنندیسی
برطرفده عزلت نشین اولمش ایسده کنج لویی یدی
آی صکره وفات ایتمله فلیب تکرار مقام حکومتیه
کلیشدر .

بوایکنجی مدت حکومتده ارتق فلیب ایدیلان
تشویقاته مقاومت کوستره میوب فرانسه وانکلتره یه
اعلان حربله اوستریانک اتفاقنی ارامغه باشلامش
و ۱۷۲۵ سنه سنده ویانه ده عقد اولنان براتفاق معا
هده سی اقتضاسنجه طرفین یکدیگرینک ملیکنی تعرض
اعدادن محافظه یی درعهده ایلش ایدی . بو محاربه
دخی برقاج سنه دوام ایلدکن وغالبیت ومغلوبیت

بر قاج دفعه لر عسا کر محاربه نك هر طرفنده جلوه كر
اولدقن صكره نهايت ۱۷۲۹ سنه سنده سويل شهرنده
عقد اولنان مصالحه نامه محاربه يه ختام و يروب بو
معاهده احكامنجه فليب طوسقانه و يارمه و پله زانس
دوقه لقرينك حق وراثتى كندى او غلنه وعد ايتدير.
مكن عبارت بر استفاده ايله اكتفايه مجبور اولدى .

ايشته بو محاربه لر اسپانيانك ضعفنى دها زياده
آرتد ير مش اولديغى كې ۱۷۳۹ سنه سنده انكلتره
عليه نه تكرر محاربه آچلسى وهله ۱۷۴۴ سنه سنده
اوستريا توارثى محاربه سنه فليبك دخی اشتراك ايتسى
اسپانيا ايچون پك زياده اتعابى موجب اوله جق مشا .
غل بيهوده دن معدود بولنشدر . نصلسه بواره لق
فليبك وقوع وفاتيله اوستريا توارثى محاربه سنك نتا .
يچنى كوره مامشدر .

بشنجى فليبك اسپانيا ايچون موفق اولديغى
خدماته كلنجه : بو خدمات اسپانيايى تجديداً اصلاح
ايله جك تنسيقات ملكيه ايله ترقيات صنايعيه وفنيه
اولق اوزره ايكي قسمه اتقسام ايلر . اوزمانه قدر
اسپانيانك هر شعبه اداره سى مختل بر حالده ايكن فليب

ادارهٔ ملکيه و عدليه و ماليه يي فرانسه اصولنجه
اصلاحه موفق اولمش و صنايعي تشويق ايدرك بو
صورتله تجارت دخی يول اچمش و بر زماندنبری
اسپانیانك كرك تجارتی و كرك قوهٔ بحریه سی پك تدنی
حالنده ایکن مجدداً کیکل انشاسی و اربانك تشویقیله
کمیجیلکی دخی ایلرویه کوتورمشدر . بر ملتك
حسیاته انبساط ویرمك خصوصنده صنايع نفیسه .
نك کلی یاردیمی فلیك نظر اهمیتندن آریلیوب بناء .
علیه رومانلر و تیاترولر مثلوا آثار ادبیه و فنون و علوم
جهتنده دخی بهرهٔ مخصوصه اربانی کندی جایه سی
الته الوب و جله سنی بشقه بشقه تلطیف ایدوب
اسپانیول لسانی تصفییه و تألیفات جدیدیه تکثیره
همت ایلشدر . رساملق و موزیقه جیلق کبی صنايع
نفیسه دخی بو میانه نائل تشویقات اوله رق حاصلی
مادریده کتبخانهٔ قرالی یی و صنايع نفیسه آقا دنیا .
سنی تأسیس و تشکیل ایلشدر .

ایمدی شو موازنه دن اکلاشیلیورکه اگر توارث
مخاربه سندن صکره بشنجی فلیب آرتق اسپانیایی بر
طاقةٔ محاربات بیوده ایله اشغال ایتوبده اولانجه

قوت و همتی یا لکز اصلاحات و ترقیات امر نه حصر
و تخصیص ایلسه ایدی اگرچه وسعت حدود جهتیه
اسپانیا اولکامی بر از ضررلی کوریلور ایسه ده ثمره
ترقی اولان قوت جهتیه پک زیاده کارلی چیقار ایدی .
ز را بر دولتک قوت و شوکتی حدودینک وسعتی
و تبعه سنک کثرتی ایله موازنه ایدلیدن زیاده ترقیات
مادیه و معنویه سنک و ثروت عمومیه سنک درجه سی
ایله موازنه ایدلدیکندن بهوده بر وسعت حدود
و کثرت نفوسدن ایسه الده بولنان اراضینک معمو .
ریتی و اهالینک مسعودیتی جهته حصر دست همت
ایلك بر حکمدار عالی تبار ایچون دها زیاده اهمیت
و یریه جک خصوصاتنددر .

قرال مومی الیهک وفاتندن صکره یرینه اوغلی
التنجی فردیناند ۱۷۴۶ سنه میلادیه سننده قرال
اولشدر .

اسپانیا تختنه جلوس ایدن حکمدار لر میاننده
محضا تبعه سنک رفاه و سعادتنه خدمتدن بشقه هیچ
برشیئه صرف ذهن ایتیان بر حکمدار کلش ایسه اوده
بوالتنجی فردینانددر . مارکی ده لا انساندا اسمنده بر

باش و کيله مالک اولديکه حقیقه قرالک افکار ترقی
 پروریسنی کندی فکر و امل خصوصیتی اولمق اوزره
 تلقی ایلیرک اسپانیایک مقدمجه فرانسه اصولنه تطبیقاً
 اصلاح ایدلمش اولان امور عدلیه و مالیه سنی یکیدن
 اصلاح و تنظیم ایش و برچوق یکی فابریقه رکشادلیه
 صنایعی تشویق ایتدیکی کبی یکیدن برچوق قنالر
 آچهرق زراعتی و حدسنز و حساسبسنز کیلر یاپهرق
 کمپیلدی و برچوق دارالمعارفلر و ازان جمله سن
 فردیناند اقامیاسنی کشاد ایلیرک معارفی ایلویه
 کتورمکه همت ایتشدر .

بو قرالک مدت حکومتنده اسپانیا ایچون بر بلیه
 ظهوره کلمش ایسه اودخی محاربه مثللو بلیات سیا-
 سیه دن عبارت اولیوب بلکه بعض آفات سماویه
 اسپانیایی رخنه دار ایتشدر . از جمله ۱۷۴۶ سنه
 میلادیه سنده عظیم بر حرکت ارض ظهوریه لیماشهری
 همان کاملاً محو و خراب اولدیغی کبی ۱۷۵۵ سنه -
 سنده دیگر بر حرکت ارض ظهوریه کیتو شهری دخی
 بر ایله یکسان اولمشدر .

قرال التیمی فردیناندک خطوطات نفس نیه دن

یالکز بر موسیقہ مراقی اولوب او دخی طبیعتی فایت
 حزن آمیز اولدیغی جهتله مجرد موسیقہ نك کندیسنه
 بر مقدار شوق ویرمسندن متحصل بر مراق ایلی .
 واقعا قرالک بومراقی دخی صنایع نفیسه دن موسیقہ
 قسمنك ترقیسنی تشویق ایلدیکندن بر حکمدار ایچون
 عصر مراقردن عد اولنه مر . حتی اوزمانلر ایتالیا
 خواننده لرندن فارینه الی اسمنده بر آدم اوروپانك هر
 طرفنده و بالخاصه انکلتزده لطافت صدا و حلالت
 اداسیله جهانك رغبتنه مظهر اوله رق مادریده کلدیکی
 زمان ایسه التجی فردیناندك پك زیاده مظهر توجهی
 اولمش و مساند عظیمیه ارتقا ایلیه رك اعدامدن آدم
 قورقارمق درجه سننده نفوذ پیدا ایش بولندیغی
 حائده التجی فردیناندكال عقل و حکمتدنناشی فارینه .
 لایتك نفوذینی یالکز عفو مجرمین مثلاًو حسناتده تنفیذ
 ایلیه رك یوقسه امور دولت خصوصنده مر قومك
 نفوذینه مغلوبیتی قطعاً تجویز ایتامشدرکه بودخی
 قرال مومی الیهك جله اوصاف حمیده سنه علاوه
 اولتمغه شایان بر حالدر .

الحاصل ۱۷۵۹ سنه میلادیه سننده التجی فردیناند

وفات ایلدیکی زمان بتون اسپانیول ماتى جداً وحقیقه
اوز بابالری غائب ایتیش قدر متأسف اوله رقی هر کس
هونکور هونکور اغلایوب اعلان ماتم و اظهار
مصیبت ایلشدر :

التجی فردیناندک طوغریدن طوغریه وارثی
عد اولنه حق اولادی قالمامله بعد وفاته یرینه قرنداشی
اوچنجی شارل قرال اولمشدر .

بوزات والده سنک حقوق ارثیه سندن بالاستفاده
اولا پارم حکومته کچوب برقاج سنه صکره پدرندن
بالانتقال سچلیاتین قرالغی دخی قدرینی ترفیع ایلش
ایدی . تانوتجی اسمنده بر باش وکیلک معاونت
ماهرانه سیله طول مدت حکومت مذکوریه حسن
اداره یه موفق اولدقدن صکره اسپانیا قرالی بولنان
قرنداشی التجی فردیناندک وقوع وفاتیه اسپانیا
تختنه دعوت اولندیغی زمان سچلیاتین قرالغی کند.
یسنک اوچنجی اوغلی فردینانده حواله ایلیرک
اسپانیاه وارمش وفرانسه ایله اسپانیا ارسنده او
زمانه قدر دوام ایدن برودت وخصومتی فرانسه
قرالی اون بشنجی لوئی ایله عقد ایلدیکی « فاملیا

معاهده‌سی « نام بر معاهدهٔ محبانه ابله بر طرف ایلوب
قرال مومی الیه دخی قرن‌دشی فردیناند مثللو اسپانیایی
جداً مسعود ایلیه جک اصلاحاته تشریر ساق اهتمام
ایلمشدر .

فرانسه ایلله انکلتزه ارسنده ۱۷۶۲ تاریخنده
ظهور ایدن محاربه‌یه حسب الاتفاق اوچنجی شارل
دخی اشتراک ایلیه‌رک اگرچه مغلوب اولمش ایسه‌ده
۱۷۷۸ تاریخنده ظهور ایدن ایکنجی محاربه‌ده دخی
فرانسه اتفاقندن آیرلیوب ثبات و متانت کوسترمش
و بودفعه انکلیرلز مغلوب اولدقده اولجه اسپانیادن
اخذ ایلدکری مایورقه و فلورید اراضی‌سنی تکرار
استر داده موفق اولمشدر .

واقعا بو محاربه‌له اوچنجی شارلی تشبثات اصلا -
حاکم‌اریندن بیاغی منع ایش ایسه‌ده شارل محار -
به دن فرصت بولدقجه کلی اهتمام و اعتنا ایله ینه
اصلاحاته بذل قدرت ایلیه‌رک یکیدن برچوق قنالر
اچه ش و شوسه یولری کشاد ایتش و پای تخت بولنان
مادرید شهرنده ابنیهٔ عالییه انشاسیله شهرک زینتی آرتد -
یرمش و تاریخ طبیعی موزه خانه‌سنی و بوتانیق بغچه‌سنی

کشاد و رسم آقامیاسنی و مکتب حربیه و بحریه بی
تأسیس ایلہ ترقیات فنیہ و صناعیہ دخی عظیم ہستی
کورلمشدر • اسپانیولرک قیافتلری عموم اوروپا قیا-
فتلرینہ نظراً براز و حشیانہ کورلدیکندن اوچنجی
شارل قیافت ملیہ بی دہ اصلاحہ قالشمش ایسہ دہ اہالی
بوتشبتک علیہندہ قیام ایلیہرک ۱۷۶۵ سنہ سندہ
نفس مادرید شہرندہ عظیم برعصیان ظہورہ کش
ایدی •

الحاصل اوچنجی شارل قرن دہاشی التنجی فردینا-
ندہ حقیقہ خیر الخلف عد اولنہ جق بر حکمدار چیقویب
اوزمانلر جزایر طایلرینک تبھیر ایلدکلری قورصانلر
اوروپا سواحلی یاقوب یققدقلری جھتله شارل بونو
اوزرینہ بردوننا سوق ایتمش ای دیسہ دہ اسپانیانک
ترقیات بحریہ سی کمچیلکدہ مہارت جھتیلہ بتون
دنیاک ملتیرینہ فائق اولان جزایر لیلر ایلہ بوی اولچمکہ
کفایت ایده جک درجہ یہ کلامش اولدیغندن اوچنجی
شارل بو عزمندہ مغلوب اولمش ایدی •

شارلک بریوک عزمی دخی جزویتلر علیہندہ کو-
رلمشدر • اسپانیولرک تعصبی و جزویت و سائر بوقیامدن

پاپاسلرک او قطعه ده چویر دکری انتریغه در معلوم
 اولوب شارل ایسه بویه کاذبانه تعصبری سوروبکنور
 خرسیتیانلردن اولدیغی جهتله جزویتلری علی العموم
 ملکندن وحتی مستعمرات خارجیه سندن بیله طرد
 و اخراج ایلشدر که کندی زمانه قدر هیچ بر اسپانیول
 قرالی هیچ بویه بر حرکت کوستر مامشدر .

اوچنجی شارلک وفاتندن صکره یرینه یکن اوغلی
 دردنجی شارل اگرچه صلح و مسالمته پک زیاده میال بر
 حکمدار ایدیه ده بو صلح پرورلیکی اصلاحات داخلیه
 ایچون التزامی و اختیاری برشی اولیوب جنک آچغه
 قابلیتی اولدیغی و غایت کوشک و قورقاق بر حکمدار
 بولندیغی ایچون ایدی . زوجه سی ماری لویز هم
 کوزل هم ده حسنندن زیاده زکامی و انترقه ده قوت
 و مهارتی ایله یکتا بر قادین اولوب مانوئل غودوی
 اسمنده بر سنیور ایله مرجکی فرونه ویرمش اولدیغی
 حالده زوجنک حشمنه او غرامق شوویه طور سون
 بالعکس زوجی دخی سودیکی مرقومک خاطربنی صا .
 یمغه وانک آرزولربنی اجرا و تنفیذ ایلکه کندبسنی
 مجبور عد ایلر ایدی .

ایشته فرانسه ده بیوک انقلاب بویه جرأت‌ناز
وقابلیتسز بر اسپانیول قرالی زماننده وقوعه کله‌رک
جمهور جیلر فرانسه قرالی بیچاره اون التجی لوئی بی
وزوجه سنی اعدام ایلدکاری زمان دردنجی شارله بر
غیرت کله‌رک « نه دیمک اولسون ! درت بیچق تورو -
دی قوجه بر حکمداری بوفلاکته دوچار ایتک بتون
دنیاک حکمدارلری ایچون ذل دکلیدر ؟ » دیه بر
غیرت ممدوحه ایله قیام و فرانسه یه حربی اعلان ایلش
ایسه ده بویه بر حسن غیرتی قوه دن فعله چیقاره جق
ادمردن اولمدیغی و اوزمانلر ایسه حکومت جمهور -
یه‌نک بوناپارت کبی الماهر جنکاورلری نره ده بردشمن
ظهور ایتسه قهر و تنکیل ایلدکاری جهته بیچاره در -
دنجی شارل بو محاربه ده مغلوبیت و مقهوریتدن بشقه
هیچ برشیئه نائل اوله میه‌رق ۱۷۹۵ سنه سنده فرانسه
ایله بال معاهده سنی امضایه مجبور اولمشدر که معاهده
مذکوره احکامجه بعدما فرانسه یه اعلان حرب ایده -
میه جکندن ماعدا هانکی طرفه فرانسه‌نک بردشمنی
ظهور ایتسه انکله محاربه یه کیرشمکی دخی تعهد ایلشیدی
فرانسه‌نک بو معاهده بی عقد ایتکدن مقصودی

او وقتل پورتغال اولکاسنی عادتا طوغریدن طوغری به
 برانکیر اولکاسنی کی کندی اداره لری التمه المش
 بولنان انکیر لری اورادن طرفه دیر مک اولمسیله کیفیت
 بوندن مقدم پورتغال تاریخچه ده دخی بیان اولندیغی
 اوزره فرانسه طرفندن انکتره و پورتغال علیه اعلان
 حرب اولندیغی و پورتکیر لری ایل انکیر لری بالاتفاق
 مداخله به قیام ایلدیکی زمان بونلره مرام اکلاتمق
 خدمتی اسپانیاه تحمیل قلمش ایدی . حالبوکه
 انکتره نك شوکت عسکریه سی مقابلنده اسپانیانك قوتی
 هیچ منزله سنده قالدیغندن ۱۸۰۵ سنه سنده ترافالغار
 نام محله انکیر لری اسپانیول عساکرینی بالکلیه پریشان
 ایلدکلرندن بو مغلوبیت اوزرینه اسپانیانك مستعمرات
 خارجیه سندن الك کوزل لری انکتره نك الیه کچمشدر .
 کرک بو محاربه ده و کرک سائر کافه مسائل سیاسیه .
 ده دردنجی شارل عادتا ناپولیون النده برالت اجراءات
 کیفیه اولدیغنی کورمکه و بو کیدیشه ایشک عاقبتی
 دها فنا اوله جغنی حس ایتمکله امریقا طرفلرنده کی
 مستعمرات متباقیه سنه چکیلرک اورادن ممکن مرتبه
 اداره امور ایتمکی قورمش ایسه ده قرالک بو قراری

مجرد زوجه سنك سوداليسى بولنان سالف الذكر
 مانوئل غودوى طرفندن كويا محافظه صلح ايچون
 ترتيب اولمش برقرار اولوب حالبوكه قرال امريقيه
 قاجديغى زمان نه كنديسى اسپانيايى قورومق ايچون
 برايش كوره بياه جكنى ونه ده اسپانيايى كندى باشنه
 برچاره بولغه ترك ايليه جكنى اهالى پيش نظر اهميته
 المشلر ۱۸۰۸ سنه سى مارتك اون سكزنجى كوفى
 اراثر وئن نام محمله عظيم بر جمعيت عقد اولنه رقى اكر
 قرال امريقيه كيده جك ايسه اوله حكمدار لقندن فرا
 غت ايدرك اويله كيمسنى ويرينه دخى اوغلى فرديناندك
 قرال نصب اولمسنى طلب ايشلر ايدى .

بيچاره دردنجى شارل تك كندى باشنى بلادن
 قورتامق ايچون بوكا دخى راضى اولدى ايسه ده بو
 زمانلر ارتق ناپوليونك اك بيهوك دور اقبالى اوله رقى
 اسپانيانك عقد ايتش اولديغى بال معاهده سى كى بر
 معاهده طوغريدن طوغرى يه ناپوليونك اسارتى التنه
 كيرمك عد اولنه جغندن ناپوليون دردنجى شارلك
 اولوجهله استعفا سنى قبول ايتدى . وقوع استعفادن
 ايكى آى مرورنده بايون نام محمله دردنجى شارل ايله

ناپولیون اره سنده وقوعبولان بر ملاقاتده اکر اسپانیا
تختندن استعفاایده جک ایسه اوغلی فردیناند نامنه دکل
بلکه فرانسه ایمپراطوری ناپولیون نامنه استعفا ایلسی
لزو منی اخطار ایتدیکی زمان شارل بو اخطاره مخالفت
کوسترمکه قطعاً مقتدر اوله میهرق ملکنی ناپولیونه
ترک و فراغ ایتدی .

بوانتقال ۱۸۰۸ سنه سی مایسنگ بشنجی کونی
وقوعه کله رک بعده دردنجی شارل همان منفی کبی
بر صورتله قومپیدن نام محله کوندریلوب بعده مار-
سیلیاده اقامته مأمور ایدلش و ۱۸۱۱ سنه میلادیه سنه
قدر مارسیلیاده قالدقندن صکره رومایه کیدوب بقیه
مدت عمرینی اوراده کچورمشدر .

(بشنجی فصل)

اسپانیانک فرانسه یه محکومیتی

عن ۱۸۰۸ الی ۱۸۱۴

تفصیل - اروپایی بردوات یکپاره حالنه قو-
یمق ایچون قلعینی چکمش بولنان ناپولیون بوناپارت
هر برینی برر صورتله اله کچوردیکی قرالقلرک اسکی قرا-
لرینی قایدیره رق یرلربنه کندی اقربا و یاخود طرفیکیر-

لرندن یکی آدم‌لری قرال نصب ایلر ایدی که بوندن مقصدی دخی ایلروده بو قرال‌لری برر « والی لولاه » مرتبه سنه ایندیروب کندیسى شهنشاهان جهان اولق ایدی . بنا علیه دردنجی شارل اسپانیا تاج و تختی ناپولیونه ترك ایلدیکی زمان ناپولیون دخی بیوک قرال نداشی ژوزف بوناپارتی کتوروب اسپانیا یه قرال نصب ایلدی که بو حالده اسپانیا اولکاسی طوغریدن طوغری یه بر فرانسه ولایتی اولدی قالدی .

ژوزف بوناپارت عن اصل آووقاتلق طریقنده یتشمش اولدیغی حالده کوچک قرنداشی ناپولیونک اقبالی اوزرینه مهم امور سیاسیه ايله اشتغاله باشلا- یه رق بر مدت سفارت ایشلرنده قولانلدقدن صکره بوناپارت ناپولی قرال‌لغنی دخی اسپانیا کی ضبط واستیلای تنه الدیغی زمان ژوزفی اورایه قرال نصب ایلشیدی . ژوزف حد ذاتنده پک پشکین بر آدم اولوب کندیسنى اهالی یه زیاده سیله سودیرمش ایسه ده ایتالیا زادکانک کبر وعظمتلری پک فوق العاده اولدیغندن بویه یکی یتشمه بر قراله تابع اولغی ایسته میده رک بناء علیه اسپانیا قرال‌لغنه تحویل مأمور- یتندن زیاده سیله ممنون اولمشیدی .

لکن بیچاره یکی قرال یکی تبعه سنک هیچده
انظار خشنودیسنی جلب ایده مدی . اسپانیوللرک
اصلزاده لکه رعایتلری ایتالیا نلردن پک چوق زیاده
اولدیغی کبی فرانسرلری ذاتاً دخی استرقاب ایلمکده
بولندقلرندن دها اسپانیایه کلور کلز ژوزفی بر چوق
داخلی عصیانلر استقبال ایلمشدر .

اسپانیوللرک شو عصیانلری قرال سابق دردنجی
شارلک اوغلی اولوب اولجه کندی نامنه ترک حکومت
ایتمش اولدیغی فردیناندک افساد و تحریکی اوزرینه
وقوعبولمش اولمق ظنیه بیچاره فردیناند والانتقای نام
محمده حبس اولمش ایسه ده ارباب عصیان اوپله
فلیب فردیناند فلان نامنه دکل بلکه اسپانیانک فرانسه
محکومیتندن قورتیلوب کندی استقلالنه نائل اولمسی
نامنه اولهرق جنک ایتمکده بولندقلرندن فردیناندک
حبسی اختلالی تسکین ایتمکدن بشقه بالعکس بر قاندها
تشددینه سبب اولمشدر .

بو عصیانلر کیتدکجه شدتلرینی آرتدیره آرتدیره
بردرجهیه وارمشدر که هر نه قدر ژوزفی بوناپارتک
معیتمده لزومی قدر فرانسر عسکری دخی وارایدیه ده

ارباب عصیان هر حالده يولنى بوله رق بردفعه سنده
 نفس پای تخت اوزرينه يورودكلى وقرال ژوزف
 اورادن پوسكورتدكلى كې ژوزف برقوه كلبه ايله
 عودت ايدرك ارباب عصيان غلبه ايلد كدن صكره
 ارباب عصیان تكرار قوتلرينى طو پلايه رق كلوب
 قرالى بردها پوسكورتكمه قدر غيرت وجسارت كو-
 ستر مشلدر .

ايسته بويله کشمکش احوال ايچنده ژوزف بو-
 ناپارت ۱۸۱۳ سنه ملاديه سنه قدر نصلسه اسپانياده
 حكومت سورمكه موفق اوله بيلوب نه ايت عموم
 اسپانيول ملتى اياقلا نمله بودفعه يالكر پاى تخت اولان
 مادريد شهرندن دكل بتون اسپانيا مملكتندن چيقه رق
 فرانسه يه التجايه مجبور اولمشيدى .

اسپانيوللر لك شو صوك جرأتلى اورو پادن برچوق
 دولترك ناپوليون اوزرينه هجوم ايدرك اوجها نكرك
 شمس تابان اقبالى منخسف ايتلرندن نشأت ايتمشيدى .
 ناپوليون بوايلا اديارندن يقايى قورتاروب ده تكرار
 فرانسه يه كلرك معهود يوزكونلك امپراطورلغى
 ائاسنده اكر اعداى متفق سنده غلبه ايتسه ايدى

اسپانیولر اوزرینه عظیم وجسیم براردو سوق ایدرک
 ژوزفی قهراً و جبراً تکرار مقاضه اجلاس ایدم جک
 ایدیسده تخمینلری ذاتاً بودرجه لره قدر مساعده
 چیتمدیغندن اسپانیول ملتنی کندیسنه عداوته تشدید
 ایلکدن ایسه شاید بتکرار اتفاق داخلنه اله یملک
 امیدله قرال سابق دردنجی شارلک اوغلی فردیناندی
 بالتلطیف یدنجی فردیناند عنوانله ۱۸۱۴ تاریخنده
 اسپانیایه قرال نصب ایلشدر .

ایشته یدنجی فردیناندک بوصورتله اسپانیایه
 قرال نصب اولمسی بعده ناپولیونک بالکلیه سقوطی
 اوزرینه اوروپانک تجدد اخیر دورینه کیرمش
 اولسنه تصادف ایدرک اندن صکره سی اسپانیول
 تاریخنک ده دور جدیدنی کشادایلدیکندن اودور جدید
 و اخیرک وقوعات تاریخیه سنی دخی خلاصه ایچون
 بوجه آتی التنجی بایمزی کشاد ایلک لازم کلشدر .

* النجی باب *

اسپانیانک احوال اخیرہ سی

عن ۱۸۱۴ الی ۰۰۰۰

برنجی فصل

یدنجی فردیناندک وفاتہ قدر

عن ۱۸۱۴ الی ۱۸۳۳

تفصیل - فرانسه دہ وقوعہ کلان بیوک انقلاب
 بتون اوروپا ملتیرینی تابع اولدقلى حکومتک برر
 قانون اساسی ایله اداره ایلمسی وامور دولت خصوص -
 صنده ملتک دخی رأیی النمی دعواسنه سوق ایش
 اولدیغندن بوفکر اسپانیوللرک ده قفاسنه کیرمکدن
 فضله ناپولیون کندی قرنداشی ژوزفی اسپانیایه کو -
 ندر دکن صکره اسپانیوللرک یکی قرالرینه قارشو
 ایقاع ایلدکری عصیانلردن بر مقصد دخی قانون اساسی
 اولدیغنی کوره رک شاید منع عصیانہ یاردم ایدر دیه
 ۱۸۱۲ سنه سنده « قورتس مجلسی » نامیله بر هیئت
 مبعوثان کشاد ایتدیرمش و بناء علیه اسپانیوللر قانون
 اساسی و هیئت مبعوثانک طادینی دخی طامش ایدی .
 آنجق ناپولیون اوج اعلاى شوکت وشانندن دو -

شد کدن صکره فرانسه ده اوروپا دول معظمه سنک
 یار دیمی ایله تجدید و تأسس ایدن حکومت قرالیه جمهور-
 جیلرک قانونلرینی نظاملرینی محو ایلدیکه کبی یدنجی
 فردیناند دخی اسپانیاه کیرر کیرمز قورتس مجلسنی
 قپایوب قانون اساسی بی ده لغو ایتشدرد . حالبوکه
 اسپانیا ملتی قرال موخی الیهی ناپولیون انتخاب ایلد-
 یکی زمان کندی قانون اساسیلرینه رعایت ایتسی شرطیله
 قبول ایلش اولدقلرندن بو کره قرالک قورتس مجلسنی
 قپامسی او شرطه عدم رعایت دیمک اولدیغنی کوره-
 رک مدھش بر عصیان قیام ایلدیلر . بودفعه کی قیامه
 هیئت عسکریه دخی التحاق ایلش بولندیغندن قرال
 ارتق مقاومتن مأیوس قاله رقی ۱۸۲۰ سنه میلادیه-
 سنده هیئت ارباب قیام طرفندن تسکلیف اولنان قانون
 اساسی بی قبوله مجبور اولدیسده ده بوقانون اولکی یه ده
 مقیس اولیوب قرالی بسبتون حکمسز بر اقدیغندن یدنجی
 فردیناند شو قانوندن قورتلق ایچون چاره لر ارامغه
 باشلادی .

اسپانیا ملتی ایله فرانسه ملتی اره سنده یالکزمو-
 قعجه قریت و مناسبت اولیوب فرانسه ده ظهور ایدن

بیوک انقلابك ال بیوک تأثیری اسپانیاده کورلدیکی
 کبی شمدی اسپانیاده وضع اولنان قانون اساسینک بالآخره
 فرانسه جه دخی بر بیوک تأثیری کوریله جکینی دول
 معظمه نك یاردمیله کندیسینی انجق تحت اوزرنده طوته
 بیلن فرانسر قرالی اون سکزنجی لویی کورنجه اسپا-
 نیول قانون پرورلرینی محوایچون عظیم بر فرانسر اردو-
 سنی کندی یکنی بولنان دوق دانکولك قومانداسنه
 ویرهرك یدنجی فردیناندك معاونتنه کوندرمش وشو
 حرکت غیر معقوله اسپانیوللری تکرار سلاحه صارلمغه
 مجبور ایتشدز .

اسپانیوللرك قانون اساسی دعواری آمریقا
 قطعه سنده بولنان اسپانیول مستعمراتنه دهها بشقه بر
 صورتده عکس و تأثیر ایدرك بونلر خاندان قرالیرینك
 قانون اساسی ویرمك ایستمدیکینی کورنجه بتون بتون
 اسپانیادن ایرلق وهر بری کندی باشلرینه برر حکو-
 مت تأسیسی دعواسنه قیام ایتشلر ایدی . واقعا
 یدنجی فردیناند بر طرفدن دخی بونلر اوزرینه عسکر
 سوق ایدرك تأدیب و تنکیلرینه غیرت ایلدیسسه ده
 ذاتاً اسپانیا جهتهنده لئون اطه سنده « قورتس حکو-

متی « نامیله تأسس ایدن حکومت جهوریه یه فرانسه
عسکرینک دخی معاونتیه انجق قارشو و طوره بیلمکده
اولدیغندن امریقاده کی مستعمراتی اوزرینه کوندردیکی
عسکر هیچ برشیئه موفق اوله مدقن ماعدا نهایت او
عسکر دخی یرلی ارباب قیام ایله برلشد کلرندن آمریقا
مستعمراتی کاملاً الدن چیقمشدر .

قورتس حکومتی ایله ایدیلا ن محاربانه کلنجه
بومحارب بهار سنه لرحه دوام ایدرک نهایت ۱۸۲۳
سنه سنده ارتقار باب قیامده قدرت مقاومت قالمیه .
جق درجه لرده ضعف حاصل اولدیغندن ترک سلاحه
مجبور اولمشلردر . بومغلوبیت اسپانیاده حکومت
مطلقه یی تکرار تأسس ایلدیسده ده حکومت مطلقه نك
یقاسی فرانسز عسکرینک وجودیه قائم اولدیغندن
دولت ایله ملتی یکدیگرینه دشمن عدایتدیرن شو حالک
تحسینه شایان هیچ برجهتی کورلما مشدر .

یدنجی فردیناند درت دفعه تأهل ایلش اولدیغی
حالده هیچ بر زوجه سندن ارکک اولادی دنیایه
کلیوب یالکز ماری قرستین نامنده ناپولی پرنس سندن
ایزابیل اسمنده بر قزی طوغمش ایدی . حالبوکه بشنجی

فلیب نام اسپانیا قرالی « پر اغما تیق سائقسیون »
 نامیلہ ۱۷۱۳ سنہ سندہ نشر ایلدیکی برامر قرالی ایلہ
 قادیئرک اسپانیا صندالی قرالیسی اوزرنده حق
 توارثلرینی منع و محو ایلش اولدیغندن یدنجی فردیناند
 کندی قزی ایزابلی ولی عهد اتخا ایدہ میدرک بلکہ
 قرنداشی دون قارلوسک ولی عهد اولسی لازم کلور
 ایدی . فردیناند ایسه مطلقا قزینک وارث حکومت
 اولسی دعواسنه قیام ایلدیکندن ۱۸۳۰ سنہ
 میلادیہ سنہ کندی طرفندن برامر قرالی اصداریلہ
 پر اغما تیق سائقسیونی فسخ ایلش و ایزابلی والدہ سنک
 وصایتی تحتندہ اسپانیایہ ولی عهد اولق اوزره اعلان
 ایتشدی .

انجق بو حرکت دخی اصلا حرکات معقولہ دن
 عد اولنه مامشدر . زیرا ۱۸۳۳ سنہ سندہ یدنجی
 فردیناند وفات ایلدیکی زمان قرنداشی دون قارلوس
 اولکی پر اغما تیق سائقسیون حکمنجه اسپانیا قرالغی
 حق وراثتی کندیسنه انتقال ایلش بولمق دعواسیلہ
 سلاحہ صارلدیغندن بو حال اسپانیایی بتکرار اتش
 عصیان و جنک ایچندہ یاقوب قاوور مغہ سبب اولشدر .

(ایکنجی فصل)

محاربات داخلیه نك ختامه قدر

عن ۱۸۳۳ الى ۱۸۴۶

تفصیل - قرالچہ ایزابل ہنہ-وز سن رشده
 واصل اولقسزین یدنجی فردیناند وفات ایتش بولمغله
 بر موجب وصیت زوجہ سی یعنی قرالچہ نك والده سی
 ماری قرستین وصی نصب اوانہرق ایزابلک حکومتی
 اعلان اولمسه-نی متعاقب یدنجی فردیناندك قرنداشی
 وایزابلك عمجہ سی اولان دون قارلوس دخی باشنه
 طوپلادیغی طرفدارلری ایله رفع لوای مخالفت
 وعصیان ایلشدی .

حالبوکه اسپانیایی بر قانون اساسی الشہ ادخال
 ایلک دعواسندن هیچ بروقتده خالی قالمیان کروه دخی
 قارلیس-تترک بوقیامنی فرصت اتخاذا ایلش اولمیریله
 ارتق اسپانیانك هر طرفنی محاربه داخلیه آتشی استیلا
 ایلیرک بش سنه دن زیاده امتداد ایلان محاربه لر ایتون
 کویلری وقصبه لری تخریبه سبب اولمشیدی . اگر
 دون قارلوس قانون اساسی مدعیرینك ادما ایلدکلری
 شرائطی تامیله قبول ایلوب انلرایله برلشمش اولسه

ایدی ایزابل علیهنه موفق اوله جغی شبهه سزایدیسه ده
 دون قارلوس دخی کندی فکرنبجه حکومت مطلقه
 دعواسنده بولنوب بناء علیه قانون اساسی طرفدار -
 لرینک ارئه ایلدکری اصل شرائط اساسیه یی قبول
 ایتدیکی کی قبول ایتش کورندیکی شیلر حقنده دخی
 قانون اساسی طرفدارلرینه امنیت کله مدیکندن ایشته
 بونلرک بحق اتفاق ایده ماملری نهایت ۱۸۳۹ سنه
 میلادیه سنده قرالیچه ایزابل ووالده سی ماری قرستینک
 خلبه سنی تأمین ایده بیلشدر .

سنه مذ کوره ده دون قارلوس مغلوباً اسپانیا
 حدودندن خارجه طرد و تبعید اولندقدن صکره محاکمه
 ربه داخلیه میداننده یالکز قرالیچه ووالده سی ایله
 قانون اساسی طرفدارلری قالدق فقط قارلیستلرک
 بقیه سی قانون اساسی طرفدارلری ایله برلشه رک بونلرک
 فرقه لری دها زیاده اهمیت پیدا ایلدیکندن وایزابل ایسه
 واقعا هنوز سن رشده واصل اولماش بولمقله برابر
 بعض شرائط اساسیه یی قبوله مستعد کوروندیکندن
 والده سی ماری قرستین ۱۸۴۰ سنه میلادیه سنده
 وصیلکدن استعفا ایش وبونک اوزرینه «قورتس»

نامیده اجتماع ایدن اعیان و اکابر مجلسی اسپارته رو
اسمنده بر جنرالی ایزابله وصی تعیین ایدرک جنرال مومی
الیه اوته دنبری قانون اساسی طرفداری طانندیغی
جهتله بو وصایت اهلینک بیاغی سکونتنی موجب
اولمشیدی .

حالبوکه سرای قرالیده حکومت مطلقه نك لذائذی
ایله مستفید و متلنذ اولنر جنرال اسپارته رویی دخی
قانون پرورلك افکارندن واز پکدیرملری اوزرینه اهالی
جنرالدن متفر اوله رق تکرار سلاحه صارلمرلیله
یکیدن علوریز اشتعال اولان بو آتش دخی بر قاج سنه
مدت اسپانیایی تخریب ایلد کدن صکره جنرال اسپارته رو
ارباب قیامه غلبه دن عاجز قالمش و وصیلک مقامنده کی
قرارینی فراره تبدیل ایتمکه مجبور اولمشدر .

شو قدرکه جنرال اسپارته رونك فراری سنه سی
اولان ۱۸۴۳ سنه سنده قرالچه ایزابل دخی اثبات
و اعلان رشد ایلیرلک و کندیسنده قانون اساسی به بیاغی
استعداد و یا خود مجبوریت حس اولنهرق فقط اعظم
ارکان دولتك مخالف بولندیغی کورن ارباب قیام
طرف طرف بتکرار سلاحلنوب محاربه یه باشلامشدر

ایسه ده بود فعه حکمدار لری نامنه و حکمدار لری علیه
 محاربه ایتیموب بلکه حکمداری دخی مملکتی بر قانون
 اساسی ایله احیادن منع ایلان اعیان نامنه وانلرک
 علیه محاربه ایدرکارینی اعلان ایدرلر ایدی . کنج
 قرالچه ارباب قیامه گاه کولر یوز و گاه قلیچ اوجی
 کوستره رک هله دفعتله ایدیلان محاربه لر واستشاره لر
 اوزرینه قانون اساسی طرفدار لری راز کندی دعوا
 لرندن واز کچمک و برازده قرالچه طرفدن انلره
 حریت و امور دولته حق نظارت ویرمک صورتیله حرب
 داخلی بی باغی تسکینه موفق اوله بیلشدر .

واقعا اندن صکره اسپانیانک بعض جهت لرنده بتکرار
 برطاقم فرقه لر پیدا اوله رق کنج قرالچه بی راحتسز
 ایتیمکه دوام ایش ایسه ده بونلر قانن اساسی طرفدار
 لری اولیمبوب بلکه قرالچه نک یکنلرندن دون فرا
 نسوانک تحریکی ایله میدانه چیمش شیلر اولدیغندن
 قرالچه ایزابل «اگر مرادکز لذت حکمداری ایله
 شیرین مذاق اولمق ایسه بیورکز برابر حکومت
 ایده لم . بنم سزه محبت و محبب وریم دخی واردر .
 برده نکاح عقدیله بنی ده بختیار ایتیم اولورسکز »

وادیسندہ تکلیف ایلہ ایلچیلر کوندر دیکندن و دون
فرانسوا ایسه بوتکیلفری امیدندن فضله بولہ رق از جان
ودل قبول ایلدیکندن ۱۸۴۶ سنہ میلادیہ سندہ
ایزابیل ایلہ فرانسوا نیکاحلری قییلہ رق اندن صکرہ
آرتق هیچ بر فرقہ بی تحریک ایدہ جک میداندہ بر قوہ
محرکہ قالماسیلہ اسپانیادہ قرالچہ ایزابیل دہ برازراحت
و حضور یوزی کورہ بیلشدر

(اوچنجی فصل)

ایزابیلک خلعیلہ آمدہ نیک فراغتہ قدر

عن ۱۸۴۵ الی ۱۸۷۳

تفصیل - بودور ارتق اسپانیانک احوال اخیرہ -
سنی حاوی اولان دور دیمکدر • یوقاروکی فصلدہ
بعض احوال تاریخیہ سی حکایہ اولنان قرالچہ ایزابیل
زمانمزدہ اسپانیا تختندن خلع اولنہ رق فرانسیہ
چکلمش اولان ذاتدر •

مومی ایہا بعض قادیلردہ وباخصوص قرالچہ -
لردہ کوریلان هوسات ایلہ هوسناک اولتدن قطع نظر
اولنورایسہ حقیقہ اسپانیا تختنہ جلوس ایدن حکمدا -
رلرک الک ایلرندن بریسی عد اولنہ یلور •

مدت حکومتك اشبو قسم تانیسینده اسپانیانك
 فاس و مراکش دولتیله وقوعه کلان بعض منازعات
 سیاسیة و حرکات عسکریه تفوق و غلبه ایله نتیجه
 بوله رق حتی افریقا اوزرنده کائن بعض اسپانیول
 مواقع عسکریه سنك واکا انضمام ایله یکیدن بعض
 نقطه لرك دخی اسپانیایه اولان روابطی تأیید و تحکیم
 قلمشدر .

شو قدر که تا فرانسه بیوک انقلابنك عکس صدماتی
 تأثیراتندن اولمق اوزره اسپانیاده بر بیوک فرقه قانون
 اساسی دعوالرنده اصرار ایلیرك حکومت طرفندن
 کوستریلان ممانعت شدید اوزرینه بونلر دخی شدتلرینی
 آرتدیره آرتدیره قانون پرورلکی جمهورجیلغه قدر
 واردیرمش و هر مملکتده هیئت عسکریه نك حکومت
 اطاعت تامه ایله بومثللو مباحث سیاسیة و انقلابیه
 قارشماسی عمومی بر معتاد ایکن اسپانیاده بالخاصه
 هیئت عسکریه ارباب انقلابی التزام ایلش بولند .
 یغندن قرالچیه ایزابلک اشبو قسم ثانی حکومتی دخی
 برقاج دفعه عسکرک قیام و عصیان ایله بیرار اید .
 لمشدر .

هله ۱۸۶۸ سنه میلادی سی ایلولنده بو عصیان
 بردها تکرار ایدوب فی الحال تعمم دخی ایش بولند.
 یغندن قرالیه ایزابل کندیسی پای تختنده بر درلو
 بارندیره مامش و فرانسه طرفه وقوع فرارندن صکره
 ارباب عصیان یا لکز کندیسنک دکل منسوب اولدیغی
 بور بون خاندانک دخی حکومه تدن سقوطنی اعلان ایشدر.
 بو عصیانی متعاقب تشکل ایدن حکومت موقته
 اسپانیانک هر طرفنده آسایشی اعادهیه سریعاً و عاجلاً
 بذل مجهود و مقدور ایلیدرک مع هذا داخلی
 قاریشقلقلر بر بچق ایکی سنه قدر دوام ایلدکن صکره
 انتخاب عمومی ملتله اعضاسی تعیین اولنان عظیم
 بر مجلس ملی طرفندن ایتالیا قرالی متوفی و یقتور امانوئلک
 مخدوملرندن اولوب آوست دوقه سی بولنان پرنس آمده
 اسپانیا قرالغنه دعوت اولنشدر .

واقعا قرال مشار الیه ارباب فضل و لیاقتدن
 بولنغله اسپانیولری ممنون ایتک ایچون هر درلو سعی
 وغیرته قصور کو سترمامک شوقیله ۱۸۷۰ سنه سی
 تشرین ثانیسنده اسپانیایه کلش ایسه ده قرالیه ایزا-
 به پدیری طرفندن نقل و راثت ایدلدیکی زمان حق

وراثت کنندیسنگ اولق اوزره میدان ادعایه چیقان
 دون قارلوس بودفعه کندی منسوب اولدیغی بور -
 بون خاندانک بالکلیه اسپانیا تختندن تبعیدیه بستیون
 ییابجی بولنان صاووا خاندانندن برپرنسک کتورلمسی
 قطعاً قبول و تجویز ایده میهرک سلاحه صارلمش و باشنه
 طویلادیغی اییجه بر فرقه ایله عظیم طاغله التجا ایلیه -
 رک فرصت بولدقجه هجوم و صقشدقجه رجعت صو -
 رتیه محاربه ده دوام الیشدر .

بو حال دخی اویچ سنه قدر دوام ایلد کدن صکره
 قرال آمده ارتق بومش غولیت حربیه و اختلالات
 داخلیه یه تحمل ایده میهرک ۱۸۷۳ سنه میلادیه سی
 شباطنده، قرال قدن استعفا سنی و یرمشدر .

(دردنجی فصل)

اسپانیانک احوال اخیریه سی

عن ۱۸۷۳ الی ۰۰۰

تفصیل - قرال آمده حکومتدن استعفا سنی
 و یرد کدن صکره دون قارلوس بونجه سنه دنبرودیده
 دوز انتظار اولدیغی تحت قرالی یه ارتق بالطبع یول
 اچلدیغی اعتقادیه اولانجه همت و غیرتنی صرف

استعمالده قصور ایتماش ایسه ده دیگر جهتدن مخلوع
ایزابل کندی حقوقدن فراغت ایتموب بالعکس نشر
ایلدیکی بر پروتستو نامه ده اگر کندی اوغلی الفونسک
حق حکومتی قبول و تصدیق قلنورسه اوزمان کندی
حقوق حکمدار یسندن فراغت ایلیه جگنی اعلان ایش
بولنسیله بو حالده هر نصل اولسه بور بون پرنسریله
اوغراشقی لازم کله جعی مطالعه سی اسپانیانک عمومی
قورتس مجلسنی بر خیلو دوشوندیروب نهایت الامر
اتحاده قریب اغلیت ارا ایله حکومت جمهوریته نك
اعلاننه قرار ویرلمشدر .

علم حقوق علماسی بیننده عریض و عمیق مباحثات
و منازعاتی مستلزم اولدیغی اوزره افکار مدققین اشکال
حکومتدن هانکیسنک ملتر ایچون موجب خیر اوله -
جغنی تعیینده متردد ایکن همان هر مملکتده بر طاقم
اقبال پرستلر خلقه جمهوریته فکرینی القا ایلیه رک
شاید بر فرصت بو لویده حکومت مذکوره یی اعلان
ایده بیله جک اولورلر سه زمام اداره یی کندی ید
استبداد لرینه الدقلمری واو حالده بر چوق تورودی
مقوله سی ادملرک اطوار حکمداری یی طاقنهرقی جهانی

قاصوب قاوردقلری همان هر مملکتده کورلدیکی
 کبی بو حال اسپانیاده دخی تمامیله واقع اولمش ایدی
 خصوصاً اسپانیاده اصل زوربالق افکاری هیئت
 عسکریه ده بولندیغندن بونلرک خلق اوزرنده کی تجبر
 وتحکملمری استبدادک الشنیع بر صورتی المسیله اسپانیا
 ایچنده کندینی بیلان اهالی ذکر اولنان حکومت
 جمهوریه دن اصلا ممنون قاله مامشدر ایدی .

حالبوکه دیگر جهتدن قارلیستلر قرال آمده
 علیهنده کی هجوملرینی بوکره جمهوریت طرفدارلری
 علیهنه تحویل ایلیرک محاربه داخلیه ده دوام کو -
 ستردکلرندن حکومتک استبدادندن ممنون اولمیان اهالی
 دخی بونلره انضمام والتحاق ایله فرقه لرینی بیولتد کجه
 بیولتمک باشلامشدر .

بوندن اولجه دخی بالمناسبه اخطار قلندیغی وجهله
 بیوک انقلاب زماندنبرو فرانسه طرفنده پولتیقه جه
 هر نه رنک و صورت کورینورسه اسپانیا طرفنه دخی
 عکس ایلک عادت کبی بر صورت اولمش اولدیغندن
 بودفعه کی اسپانیا جمهوریتی فرانسه طرفنده دخی صوک
 جمهوریتک تشکلی زمانه مصادف اوله رق اسپانیول

جمهور جیلری هر نه قدر فرانسه جمهور جیلرندن معا -
 ونت انتظارنده بولنمشلر ایسه ده قوجه تیرکی اعقل
 اعظمك انضمام همتیه فرانسه جمهوریت اخیره سی
 يك معتدل وعادتا بر حکومت مستقله یه قریب صورته
 تأسیس ایدلمش بولندیغندن اسپانیوللرک تخیل ایلد -
 کاری معاونت وقوعه کلدکن بشقه اسپانیا جمهوریتی
 علیهنده ینه اسپانیول ملتجه حاصل اولان نفرت دخی
 یاردم ایلیرک بوجهوریت نهایت ایکی سنه قدر دوام
 ایلدکن صکره قورتس مجلسی مخلوع قرالچه ایزابلک
 اعلانامه سنی بر تکلیف اخف اولق اوزره بالتلقی
 اوغلی بولان آلفونس ۱۸۷۵ سنه میلادیه سنده اون
 ایکنجی آلفونس عنوانیه مقام قرالی یه دعوت
 ایلشدر .

ایشته الحاله هذه اسپانیا تخت قرالیسه سنده فرمان
 فرمای حکومت اولان ذات اشو اون ایکنجی آلفو -
 نسدرکه جلوسندن بری اگرچه داخل مملکتده بللی
 باشلی بر عصیان واختلال ظهور ایتماش ایسه ده
 جمهور جیلق وقزل جمهور جیلق و موسیالیست کی
 درلودرلو عنوانلر ایله معنون اولان واساس فکر

واملری بتون اوروپا حکومت حاضره سنی محو ایلیده.
 رلک جهانی بر حکومت عمومیّه جمهوریه حالنه قویمقدن
 عبارت بولنان گروه مدهش اسپانیاده دخی افسادات
 خفیه لرینی اجراده بردوام اوله رق حتی پکنلرده
 بولردن برسوء قصد جی قرالک حیاته قصد ایلدیکی
 حالده موفق اوله میه رق مع هذا قانوناً جزای اعدامه
 دوچار ایدلشد.

(افادات عمومیّه)

اوروپا ملترلندن شمعی په قدر تاریخ خصوصیتی
 یازمش اولدیغمز اونبر ملتک نظر تاریخده ایلک اثبات
 وجود ایدیشلرینه دائر ویریلان معلوماتدن اکلاشلش
 اوله جغی اوزره ملل موجوده نك حدوداتوغرافیه -
 سنی تعیین ایلان شی ملتر بیننده کی محاربات مدیده دن
 عبارت ایسه ده بو محارباتی ایقاع ایلان ملترلندن هیچ
 بریسی بولندقلری محالرده بردن بره ظهور ایتش اولیبوب
 بجهله سی آسیا طرفلرندن مهاجرت عمومیّه و عظیمه ایله
 کلشدره . ایمی دی بولردن هانگیلری ال اسکی زمانده کلش
 و بشقه مهاجرلر طرفندن طردودفع اولنه میه جق صو -
 رته یرلشوب مؤخرأ اویرله کلان بعض مهاجرین

پراکنده می‌دخی کندی ملیتر یله ملتندیرمش اولان
اهالی ساکن اولدقلری محارک اهای قديمه واصلیه.
سندن عد اولنورلر .

ایشته اسپانیول ملتی بویه ساکن اولدقلری
محارک اهای قديمه سندن عد اولنه جق اساسلی
بر ملت ایکن یوقارودن برو ویرمکده اولدیغمز
معلومات تاریخیه دن اکلاشلش اوله جغی اوزره بو
ملت ایکی عظیم انقلاب کورمشدرکه بو انقلابر ایله
ملیت قديمه لرینی همان کلیاً تعدیل ایتشدر . اول
درجه لرده که بوکون کوریلان بر اسپانیولی آلوبده
میلاددن یک سنه قدر اولکی سلتیرلردن بریسنک
یاننه کوتورسه ک ایکیسی اره سنده نه چهره و سیماجه
نه لسانجه نه ده اخلاق مایه جه هیچ بر مناسبت بوله .
میه جغمز درکاردر .

بو ایکی انقلابدن بریسی رومالیرک اسپانیایی استیلا
لری اوزرینه کوریلان انقلابدر . درون تاریخده دخی
کورنش اوندیغی اوزره اسپانیولر رومایا تبعیتی التنده
بولندقلری عصرلر ظرفنده او قدر رومالیشمش
ایدیلر که حتی رومایا غلتمندن بر چوغی اسپانیولی اولمق

اوزره يتشمش لر ایدی . بوانقلاب اسپانیول سلاله
 قدیمه سنه لاتین سلاله سنی آشیله مقی خصوصصنده اول
 قدر بیوک بر تاثیر کوستره مامش ایسه ده اسپانیوللرک
 لسان قدیمی عادتاکلیت اوزره لاتینلشدیرمک جهندن
 طولایی اخلاق ملیه جه دخی بر انقلاب کلی کوستره
 مشدر .

ایکنجی انقلاب عربلرک اسپانیایی استیلا ایلد .
 یکی زمان کورلشدر . معلوم اولدیغی اوزره عربلر
 اسپانیایی عادتاکلیاً استیلا ایدرک شریعت اسلامییه
 احکامنه اتباع ایتمک ایستیانلر شماله طوغری چکیلوب
 کیتش ایسه لرده اسپانیوللرک قسم اغلبی عدالت شره
 عیه سایه سنده مطمحشا و مرفهاً یشایه رق بونلردن دخی
 بر قسم کلیسی دیانت اسلامییه ی قبول ایلد کدن صکره
 عربلر ایله قز الوب قز ویرمکه باشلامرله بو حال اسپا
 نیول قاننه عرب قاننک النحاقنی همان تعمیم ایلدیکی کبی
 مؤخرأ اسپانیاده اسلامه انقراض کلدیکی زمان اسلا
 مدن بر چوقلری خرستیان مذهبنی قبول ایدنجه خره
 سستیانلر دخی انلرله قز الوب قز ویرمکه باشلایه رق
 بوده ایکی ملت قدیمه یی قان خصوصصنده برلشدیرمک

عمليات جسميه سنى همان اكمال الملشدرد . بوسيله مبنيدر كه
 غال قوم قديمك اسپانيول جهتنده قالان افرادندن
 مؤخرأ خبر ويرديكمز ايكي انقلابي پكيرد كدن صكره
 تشكىل ايدن بر فردى فيزيولوژى فنى قواعدنجه
 تطبيقى ايديله جك اولسه غال جنسك فرانسه جهتنده
 كوريلان قد و قامت لوندانه سيله تناسب اعضاواندامى
 ايچنده عرب جنسونه مخصوص اولان رنگ اسمرلىكى
 و صقال خفيفلىكى و كوز و قاش قاره لىكى بسببلى اوله .
 رقى كوريلور . بواختلاط و اشتراك و امتزاج ايسه
 لسان و اخلاق مليه ده دها بديهى بر صورتله مشاهده
 اولتور .

خبر ويرديكمز شو ايكي انقلاب عظيمك اسپانيا
 ملتبنجه اهميتى او قدر ييوكدر كه اكر اى صكره لرى
 انكيري سيون اداره ظالمه سى مأموريت تخريبكار .
 يستنده اصرار ايتماش اولسه ايدى بوكون اسپانيول
 ملتك اوروپاچه هيچ بر ملت قياس قبول ايدمه جك
 درجه لرده ترقيات ماليه و معنويه ايله اى فاضل و اى
 مسعود بر ملت اولسى لازم كلور ايدى . زيرا اليوم
 اوروپا نك انوار جليله معارفك مشكاتى ايكي سايه دن

نجر اولوب بونک بریسی ترقیات قدیمه یونانیه وارث وانی توسیعه ساعی اولان لاتین مایه سی ایله دیکری دخی عرب مایه سیدر حالبو که انکیر نیسیون جمعیتی کرک دینا و کرک سیاست هر نه مقصده مبتنی اولور ایسه اولسون کندی غیرت متعصبانه سنه مخالف اولان هر شیئی محو ایلدیکی صروده فضیلت لاتینی و عربیه ثمراتی دخی محوه قدر یوریمش ویا انکر بونکله ده اکتفا ایتیدرک امریکا کشفیات جدیده سی اسپانیایی التون کولچه لریله طولدیر مقی درجه سنه کتوردیکی حالدہ مجرد انکیر نیسیونک جهانبر اندازانه مظالمی سیئه سیله صنایع و زراعت و تجارت اربابی یعنی اصل منابع حقیقیه ثروت محو و پریشان ایدیلرک امریکا محصولی اولان التونلر دخی فرانسه ایمپراطور مشهوری شارلمانک برطرناغنه دگری اوله میان بر طاقم مجانین حکمدارانک شارلمانی تقلیداً بتون اوروپایی یکپاره بردوات حالنه قویق ایچون آچد قری محاربه مجنونانه ده تلف اولوب کیتشد.

ایشته بوسبیه مبنیدر که بو کونکی کونده اسپا نیولر اوروپانک الک جاهل و الک متدن و الک فقیر برملی

اولوب قاله رق صوك حڪمدارلرندن بعضلرينك شهم
عظيمه معارفوريلري بيله انلري شوتدني وتاخردن
قورتاره مامشدر .

زم شو اسپانيا و ايلروده كله جك ايتاليا تاريخچه
الك بيوك تأسفمزي موجب اولان برشي وار ايسه او
دخي خاندان بني اميه نك باشلامش اولدقلى غرب
فتوحاتي ياريدده قاله رق اتمام ايديله مامش بولمسي
قضيه سيدر . اكر ايلك تشكل ايدن خلافت بني
اميه نك واسط و اواخر دورى برطاقم شقاق و نفاقه
تصادف ايتامش اولسه ايدى بوكون عادتوتون اورو .
پايى مسلمان كوره جكمزه اصلا شبهه ايتمايدك . زيرا
اندلس غزاة مسلمه سى پيرنه طاغلريني كچهرك فرانسه .
نك جنوب طرفلريني چالقه دقدن صكره پيشدارلري
پارس نواحيسنه طوغرى ايلرولدكلى هنكامده عربلر
كمچيلكده كى مهارتلىرى آرتديره رق سچليا و ايتاليا
طرفلريني ده استيلا ايلدكلى كى براز صكره غزاة
عثمانيان دخي مجارستان و خرواستان و اوستريايى بعد .
الاستيلا ايلرو آقجيلىرى بوهيمياه قدر كوندرمىلايدى .
اوزمانلر روسيه نك درتده اوچى تانار ملت مسلمه سى

مخمر اولوب بونک بریسی ترقیات قدیمه یونانیه وارث وانی توسیعه ساعی اولان لاتین مایه سی ایله دیکری دخی عرب مایه سیدر حالبو که انکیر نیسیون جمعیتی کرک دیناً و کرک سیاست هر نه مقصده مبتنی اولور ایسه اولسون کندی غیرت متعصبانه سینه مخالف اولان هر شیئی محو ایلدیکی صروده فضیلت لاتینی و عربیه ثمراتی دخی محوه قدر یوریمش ویا الکز بونکله ده اکتفا ایتیدرک امریکا کشفیات جدیده سی اسپانیایی التون کولچه لر یله طولدیر مقی درجه سینه کتوردیکی حالدہ مجرد انکیر نیسیونک جهانبر اندازانه مظالمی سیئه سیله صنایع و زراعت و تجارت اربابی یعنی اصل منابع حقیقیه ثروت محو و پریشان ایدیلرک امریکا محصولی اولان التونلر دخی فرانسه ایمپراطور مشهوری شارلمانک برطرناغنه دگری اوله میان بر طاقم مجانین حکمدارانک شارلمانی تقلیداً بتون اوروپایی یکپاره بردولت حالنه قویق ایچون آچد قری محاربه مجنونانه ده تلف اولوب کیتشد.

ایشته بوسبیه مبنیدر که بو کونکی کونده اسپا نیولر اوروپانک اک جاہل و اک متدن و اک فقیر برملتی

اولوب قاله رق صوك حكمدارلرندن بعضلرينك همهم
عظيمة معارفوريلري بيله انلري شوتدني وتاخردن
قورتاره مامشدر .

رم شو اسپانيا وایلروده کله جک ایتالیا تاریخنجه
الك بيوك تأسفمزی موجب اولان برشی وار ایسه او
دخی خاندان بنی امیه نك باشلامش اولدقلى غرب
فتوحاتی یاریده قاله رق اتمام ایديله مامش بولمسی
قضیه سیدر . اگر ایلک تشکلی ایدن خلافت بنی
امیه نك واسطه و او اخر دوری برطاقم شقاق ونفاقه
تصادف ایتامش اولسه ایدی بو کون عادتوتون اورو .
پایی مسلمان کوره جکمزده اصلا شبهه ایتزایدک . زیرا
اندلس غزاة مسله سی پیرنه طاغلرینی کچهرک فرانسه .
نك جنوب طرفلرینی چالقه دقدن صکره پیشدارلری
پارس نواحیسنه طوغری ایلرولدکلی هنکامده عربلر
کمچیلکده کی مهارتلینی آرتدیره رق سچلیا و ایتالیا
طرفلرینی ده استیلا ایلدکلی کی براز صکره غزاة
عثمانیان دخی مجارستان و خرواستان و اوستریایی بعد .
الاستیلا ایلر و آقبجیلرینی بوهمیا به قدر کوندرمشلا ایدی .
اوزمانلر روسیه نك درتده اوچی تانار ملت مسله سی

النده بولنديغندن ايشته تکميل اوروپا اسلام اياغی
 التنه آچلمش ديمک ایدی . چونکه اوروپانک ثلثان
 قسم جنوبیسی اسلام النده بولندقدن صکره المانیانک
 بر مقدار یله انکلتزه ودانواز مملکتلرینی برجهلهده
 چیکنه یوب منجمد شمالی دکزینه قدر وارمقی ایشیدن
 یله دکل ایدی .

بونی برخلیادن عبارت ظن ایتاملیدر . بو بر
 حقیقت محضه در . ومحض انداسده کی عربان میانده
 برطاقم ادانی اشرا اوقطعه عظیمه قوه بینهایه سنی
 سفک دمای یکدیگرله اسراف ایلدکلری ایچون قوت
 اسلامیه نك الك بيوك براس الحرکتی پریشان اولدیغندن
 طولایی بوموقیت عظمی عقیم قالمشدر .

ایشته اسپانیا تاریخنک بزم کوزمزی آچه جغی
 الك بيوك صفحه حکمت بوندن عبارتدر .


اهل اسلام ایله یهودیلرک اسپانیادن طرد و اخرا
 جندن صکره اوکوزل قطعه ده ایش ایشلیه جک دست
 مهارت قالمدیغندن طولایی وقوعه کلان تدنی وضرو
 رت قطعه مذ کوره بی آجینه جق برحاله بولندیردیغی
 ائنده عاقل و چالشقان برقاج حکمدارک هم مخصوصه

مجددانه لری تمام ملکی احیا ایده جک ایکن فرانسه
 انقلاب کبیری وقوعه کله رکه اسپانیانک بر طایقم
 محاربات بیهوده دن صکره فرانسه تحکمی الته کیرمی
 ودها صکره قانون اساسی محارباتنک اورته لغی هرج
 و مرج ایتمی شو بدبخت مملکتی مهلکه هولناک
 انقراضه طوغری تسریعدن بشقه بر نتیجه کوسترما.
 مشدر .

شو افادهٔ عمومی مزده شارل کن مثلو حکمدار.
 لکه اسپانیا تاج قرالیندن ماعدا ایتالیا و المانیایه بی با
 طرفلرندن بر چوقی ممالک تاجنی سرغرور و تعظم لرنده
 جمع ایتمش اولمیرینه هیچ بر اهمیت ویرمک ایسته مز
 ایدک . زیرا حصول لری بر طایقم ازدواج لر ایله انتقالات
 ارثیه دن عبارت صور سهل ایله وقوعه بولان بو وسعت
 وشو کتنک اسپانیا ایچون نه مادی ونه ده معنوی هیچ بر
 فائده سی اولمقدن فضله توارث محارباتی ویه بی با
 اختلالاتی کبی محاربات اسپانیانک قوتنی اسراف و اهلاکه
 سییت کوستر دیکندن طولایی مضر دخی عدایلرزه .
 اسپانوللرک شمذیکی درجهٔ معارف و صنایع لری
 کتابمزه اولنده تاریخ جغرافیا بمشده خبر ویرلش

اولدیغندن انی بوراده تکراره حاجت اولیوب بو
ملتک اطوار واسطه تعداد حاضری حقنده شو قدر جق
بر سوزله اکتفا ایلمز که اسپانیولر تدنیات عظیمه لرندن
قطع نظر هر حالده سوزلرنده صادق و دوستلقلرنده
ثابت ادمر اولوب شو قدر که دینجه تعصبیلرندن ماعدا
عرضجه دخی تعصبیلری برکال اولدیغندن قادین
وارکک هر کسک بلارندن والارندن ایرلیان برنوع
خنچرلر واسطه انتقام اولق اوزره استعمالدن همان
خالی قالمزلر . برملتک عرضجه تعصبی فوق الحد قسقا
نجملغندن نشئت ایلیه جکی آشکار اولوب فی الواقع
اسپانیوللرجه کرک قادینلرک و کرک ارککلرک قسقا
نجملقلری بر درجه ده در که عاشقنه خیانت ایدن عاشقه
ویا خود عاشقه سنه خیانت ایدن عاشق مطلقا و بهمه
حال یکدیگریک خنچر انتقامنه اوغراق محققدر .

انها



❀ فهرست ❀

صغیفه

۲	مقدمه
۲	اجال احوال جغرافیه
۸	اسپانیا تار یخنک تقسیمات اساسیه سی
	(برنجی باب) ابتدای احوال
۱۴	برنجی فصل - رومالیرک و رودینه قدر
۱۹	ایکنجی فصل - پونیک محار باتیلہ رومانک
	اسپانیایی استیلای
۲۳	اوچنجی فصل - باربارلرک استیلای
۲۷	دردنجی فصل - ویز یغوتلر
	(ایکنجی باب) اندلسده دور شوکت اسلام
۳۶	برنجی فصل - ابتدای استیلای اسلام
۴۳	ایکنجی فصل - اندلس ولایت امویہ سی
۴۸	اوچنجی فصل - اندلس خلافت امویہ سی
	(اوچنجی باب) حکومات اسلامیه نک انقسا -
	میلہ زوالنه قدر
۷۹	برنجی فصل - خلافتک انقسامیلہ مرابطینک
	ظهور ینہ قدر

۸۹ ايكنجى فصل - حكومات نصرانيه نك استر -

داد ممالك ايديشلىرى

۹۶ اوچنجى فصل - مرابطين و سائر غرب مستو-

ليلرى

۱۰۳ دردنجى فصل - حكومات نصرانيه نك ترقيات

استيلاكارانه لرى

۱۱۱ بشنجى فصل - غرناطه حكومت اسلاميه سنك

انقراضنه قدر

(دردنجى باب) اسپانيانك دورجهانكيرانه سى

۱۱۹ برنجى فصل - شاراكينك ظهورينه قدر

۱۲۷ ايكنجى فصل - شاراكينك دورجهانكيرانه سى

۱۳۶ اوچنجى فصل - اسپانيانك كال شوكتى

(بشنجى باب) اسپانيانك دور انحطاطى

۱۴۰ برنجى فصل - انكيري سيونك يهوديلر ايله

اسلام حقنده كى مظالمى

۱۴۵ ايكنجى فصل - مستملكات خارجيه نك الدن

چيقمى

۱۵۰ اوچنجى فصل - اسپانيا توارثى محارباتنك

نهایتنه قدر

صوفیه

۱۵۶ دردنجی فصل - بیوک انقلابک اسپانیایه تعلقاتی

۱۷۱ بشنجی فصل - اسپانیانک فرانسه یه محکومیتی

(التنجی باب) اسپانیانک احوال اخیره سی

۱۷۶ برنجی فصل - یدنجی فردیناندک وفاتنه قدر

۱۸۱ ایکنجی فصل - محاربات داخلیه نک ختامه

قدر

۱۸۵ اوچنجی فصل - ایزابلک خلعیله آمده نک فرا -

غتنه قدر

۱۷۷ دردنجی فصل - اسپانیانک احوال اخیره سی

۱۹۲ افاده عمومیه



کائنات

کتابخانه تاریخ

برنجی قسم

اوروپا

برنجی قسمک اون اوچنجی جلدی

* ایلتیا *

محرری

احمد مدحت

« توجان حقیقته » تفرقه اوله رق درج ونشر
اولاندق دن صکره آریجه کتاب اوله رق طبع اولنمشدر

استانبول

۱۴۹۸

﴿ مقدمة ﴾

« کائنات سر لوحه سیمیه اوروپا اولکارلندن هر
 بری ایچون بر تاریخ خص-وصی قلمه المقدن عبارت
 بولنان شو خدمت مزده بزه الیه زیاده کوچلاک کوس-ترن
 جلدلردن بریسی دخی ایتالیا اولکاسنه مخص-وص
 اولان شو جلد اوله جقدر . اگر جلدلرمزی یالکز
 الیوم موجود اولان دولتله حصیر ایتش اولسه
 ایدک بو کوچلاک اصلا کور نمز ایدی . زیرا او حالده
 ایتالیا دولت جدیده سی ایچون یالکز یکر می سنه لک
 بر تاریخ خص-وصی قلمه الهرقی تشکلی هنوز یکر می
 سنه دن عبارت بولنان بودولت جدیده تاریخی قو -
 لایجه بتورمش اولور ایدک . فقط بز دولتله دکل
 بلکه اولکارلک تا اطلاع تاریخ حاصل اولدیغی زماندن
 بدأ ایله احوال تاریخیه لرینی خلاصه ایتکده یز . ایتالیا
 اولکاسی ایسه یونانسه-تان قدیمدن صکره تاریخک ال
 اسکی طانیدیغی اولکارلردن اولوب بوقطعه اوزرنده

او قدر انقلابات و تحولات کورلمشدر که بونلریالمرکز
 ساده‌جه بر اخطار ایدمک لازم کلمسه بیله ینه سائر
 جلدلرده التزام ایلش اولدیغمز اختصار ایله قیاس
 قبول ایدمیه جک تفصیلاتی بو جلدده اختیار ایلش
 اولور ز. زیرا « ایتالیا » دینلدیکی زمان بر کره روما
 دولت جهانگیرانه سنک تاریخ مطولی داخل اولور .
 انهن صکره روماده بر ارهلق دوقهلق صورتهله او
 قدر حکومتلر تشکل ایلشدر که بعض مورخلر بونلری
 بحق تعداد ایده بیلک دخی قابل اوله‌میه جغنی مقام
 حیز و اعتذارده درمیانه مجبور اولمشلدر .

بومشکلات ایتالیانک هم احوال جغرافیه‌سنده
 هم ده تقسیمات تاریخیه‌سنده کوریلدور . احوال
 جغرافیه‌سنده کوریلان مشکلات ایتالیا اولکاسنک
 شمیدیکی حدودی ایتالیا تاریخی نامیهله بورانه جمع
 ایده جگمز وقوطائی استیعابه کافی اوله‌ماسندن نشأت
 اینر . زیرا ایتالیا تاریخیه مزج ایتمک ضروری
 یونان روما تاریخی بر عشیقک قطعات ثلثه‌سند قول
 آتمش بر تاریخدر . تقسیمات تاریخیه خجھوصنده‌کی
 مشکلات ایسه ایتالیانک همان‌هیچ بردفعه یکپاره بر

دولت صورتی المیوب منقسم بولندیخی صورتده
دخی وقوعات مهمه نك زمان انقطاعلری یکدیگرینه
مختلط قالمسندن ناشیدر .

شومشكلاته قارثومدار تسهیل اوله رق مر اجعت
ایده جگمزدیدیر ایسه روما دولتنك فتوحات بعیده سنی
ممکن اولدیخی قدر مختصراً اخطار ایلیه رك تاریخچی
علی قدر الامکان ایتالیا حدودی داخلنه حصر ایتك
وتقسیمات تاریخیه مسئله سنده دخی مهمله نسبتله اهم
واعظم اولان انقطاعاتی نظر اعتباره الوب ابواب
وفصولی اكا كوره تقسیم ایتك صورتلرندن عبا -
رتدر .

(ایتالیانك اجمال احوال جغرافییه سی)

ایتالیا اولكاسنك ازمنه عتقدمه وازمنه جدیده
تاریخلری ایچون اجمالی اقتضا ایدن احوال جغرافییه سی
بو کونکی احوال جغرافییه سنندن پك چوق فرقلی ایسه ده
بز وقوعات تاریخیه بی بو کونکی احوال جغرافییه سننه
تطبیق ایله اوغراشه جغمزدن قطعه مذکور دنك

احوال حاضرہ جغرافیہ سنی اجمال ایتھنی ترکیب
ایلدک .

مذکور اولاً قطعہ سنک حکومت
جنوبیہ سندن غربیہ شرقیہ طوغری صایق اوزرہ
اوچنجی حکومت عد اولنور کہ اوتوز الی بچق
درجہ عرض شمالی ایلہ قرقیدی درجہ عرض شمالی
ارہ سندن واقع اولسنہ نظراً اوروپانک ال لطیف مما
لکندن اولدیغی اکلاشیلور .

شمال طرفندن المانیا واسویجرہ و شمال شرقی
جهتندن اوستریا و شمال غربی طرفندن فرانسه
ایلہ محاط و محدود اولوب سائر جهاتندن دخی
اق دکز قطعہ مذکورہ بی تحدید ایلر کہ بودکز ایتالیا -
نک غرب طرفندہ واقع اولان پارچہ سی ایچون
تیرہ نین و شرق طرفندہ کی پارچہ سی ایچون ۳۸۰
دخی « آدریاتیق » یا خود « وندیک دگری » نامی
الور .

اولکانک شکلی مهمیرلی برجیرہ شکندہ عظیم
برشبہ جزیرہ اولوب طولی بیک ارچیوز کیلومترو
اولدیغی حالده عرضی مختلف مسافہ لرده در . مثلاً
شمال طرفلرندہ عرضی بشیوز الی کیلومترو بہ قدر

واردیغی حالدہ جنوب طرفلرندہ ایکسوز یکر می کیلو
 مترو دن زیادہ دکلدر . حتی بعض یرلری اول قدر
 طارلشور که وندیك دکر ی ایله تیرره نیهن دکرینك
 اره سنده کی قره انجق التمش کیلومترو مسافه دن عبارت
 قالور . بو حالدہ عموم اولکانك مساحه سطحیه سی
 یکر می طقوز میلیون التی یوز شوقدر بیک کیلومترو
 مربع اولوب بو اولکا اوزرندہ دخی یکر می التی
 میلیون سکر یوز بیک نفوس ساکندر . نفوس مذ -
 کوره نك همان کافه سی قاتولیک اولوب قوجه ایتالیا
 ده طوپی قرق بیک قدر پروتستان ایله یکر می بیک
 قدرده یهودیدن بشقه مذهب دیگر صاحبی یوقدر .
 اق دکر دروننده کوچك بیوک برطاقم اطیه
 ایتالیا یه تابع اولوب بونلر میاننده سچلیا اطیه
 ساردنیا اطیه سی جزایر جسیه دندرلر .

ایتالیانك شمال طرفلری پك طاغلق یرلر اولوب
 بو طاغلر آلپ وآپه نن نامیله باشلیجه ایکی سلسله یه
 انقسام ایدرلر که بونلرک شعبه لری شبه جزیره یی یوگا -
 رودن اشاغی یه قدر آیقیر یله یوب وزوو اسمنده کی
 بنار طاغ دخی بوسلسله لردن عد اوانور . سچلیا

اطه سنده دخی بر بشته سلسله هر طرفه قول اتمشدر که
 اتنا طاغی بوسلسله نك الك یو كسك تپه سیدر • اولكا.
 نك شمال طرفلرنده پو اسمنده برنهر جسیم اولوب تسن
 وآرا واوغلیو و منچیو وتره بیا وتارو و سائر برچوق
 كوچك نهرلر بونهر جسیمه قاریشورلر • فقط ایسونزو
 وتاغلیا مانتو و پیانو و برانتا و آدیج نهرلرینك دریاه
 منصبری واردر • اولكانك وسطیله جنوب طرفلر -
 نده دخی برچوق كوچك نهرلر دكزه دو كولمكده
 اولوب آرنو و تیروغار یغلیانو و وولتور ناوپسقار اوو -
 فانتو نهرلری بونلر دندر •

ایتالیا قطعه سنك عرض شمالیجه بولندیغی درجات
 ایله برابر همان هر طرفنی دكزلر احاطه اتمسینه و بو
 قدر جبال شاهقه و فائقه ایله مستور و نهرلر ایله مزین
 بولمسنه نظراً اعتدال هوا سنه اصلاً سوز اولیوب
 شوقدر که موسم صیفده حرارتی ایتالیایه امثال اولان
 محالردن زیاده اولدیغی مثللو سیروقتو تعبیر اولسان
 روزکار ناپولی طرفلرنده هوایی اخلاص ایلدیگی کی
 توسقانه اطرافنده کی میاه را كده واتناو وزوو وولقا -
 نلرینك موجب اولدیغی تحولات کیمیوه دخی بردر •

جده به قدر اخلاص هوايه خدمت ايلکده در . شو قدر که
ایتاليا اراضیسی اولدقجه قسری بانیه ايله مشهور
اولان یرلردن اولوب بالخاصه ار بار دیا طرفری الک
منبت اراضیدن اولمق اوزره شهرت شعارد در . بناء علیه
هر درلو حبوبات ايله پرنجک الک اعلا جنسی حصوله
کلدیکی کبی ناپولینک زیتونی وزیتون یاغی و شرابی
ولیمون پورتقالی اوروپانک هر طرفنده بحق شهرت
المشدر . بوملا کتده بولنان حیوانات اوروپانک هر طرف
فنده بولنان حیوانات اولوب فضله اوله رق ممالک شام
هانده اولدیغی کبی ایتالیاده دخی ماندا نوعی اهلیته
الشدریش و هر درلو خدماتده استخدام اولمقده بو .
لشمشدر . انجق اوروپانک سائر طرفلرنده بالنسبه از
و ضرر سنز کوریلان عقرب مثلاً و موزیات ایتالیاده
کثرله مشاهده اولنور و مضر تلی ده کوریلور .
ایتالیانک ثروت طبیعیه منابعندن بریسی دخی دکر
اولوب سواحلنده بالق و میدیا واستردیانک انواعی
کثرله بولنور . صنایع سائرده اول قدر ترقیلری
کوریه میان ایتالیانلرک بالقجیلقدده کی ترقیلری ضرر سنز
اولدیغندن اشبو ثروت بحریه بی صید و اوروپا سوا -
حلنده فروخت ایدرلر .

طاغلرده التون و کوش کبی معادن معدوم حکمنده
بولوب باقر و قورشون و تیمور و زتقو و سائر معادن
پک چوق بولنور که بولنردن بر طاقی اولدقجه مهارتله
ایشله دیلور . طوز و الچی و بالخاصه مرمر معدنلری
پک چوق اولوب ماصه استمنده کی معدنن چیقان
مرمر هیکل طراشلق صنعتنه یرایه حق قدر صافی
و طمارسز اولدیغندن اوروپانک صنایع نفیسه مراکز-
ینه سوق و فروخت اولنور .

اهالینک صنایعجه ترقیلری پک محدود اولدیغی
کبی زراعت دخی طپراغک استعدادیله متناسباً درجه
لازمه سنده ترقی ایتماش بولمغله ایتالیا نلرک تجارتی
دخی بر درجه عادیده براقشدر . ایتالیا نلرک ال زیاده
ترقی ایله مشتهر اولدقلى صنایع طباق و چینى و موزایق
و موزیقه ادواتی و موزیقه کیریشلری اعمالی اولوب ال
مهم مراکز تجارتی دخی لیوورنا جنوه و ونديکدر .
ایتالیا نلرک صنایع نفیسه یه مراقلى زیاده اولوب
ادبیات خصه و صنده ترقی ایلدکلى کبی موزیقه
صنعت نفیسه سنده بتون ملتره تقدملریله افتخار ایدرلو
رسم و هیکل طراشلقده و معمارلقده دخی و اصل مرتبه

اشتهار اولشردر • اول درجه لره قدر که روما و فلو -
 رانسه و تورن کبی اسکی و مشهور شهر لرنده کوریلان
 آثار معظمه معماریه اوروپانک هر طرفندن برچوق
 سیاحلری زیارته جلب و دعوت ایلدیکی کبی رسام
 و معمار و مهندس صنف لرندن برچوق آدم لر دخی ایتا -
 لیا به کلوب آثار مشهوره معماریه بی تماشا و تدقیق
 ایتیمینجه مسلک لرنده و اصل درجه مکملیت اولمش صا -
 یلزلر •

ایتالیا ن لسانی روما لسان قدیمندن آز مه برشی
 اولوب شو قدر که لاتین لسان قدیمه فرانسه و اسپا -
 نیول و سائر لسان لرندن ده ا قریب در •

بناء علیه ایتالیا ن لسانی یا لکزا داسنده کی حلاوت له
 مشهور اولیوب زنکینا کله دخی شهرت شعار در •
 شو قدر که ایتالیا نک هر طرفنده تکلم ایدی لان لسان
 برد کدر • و ندیکده ناپولیده سویلنان لسان لریک فرقی
 اولوب ادبای ایه عمومیت اوزره توسقانه لسانی
 استعمال ایدر لر •

ایتالیا نک پای تختی روما شهریدر که قدم و معمو -
 ریت خصوصنده ایتالیا شهر لر یکنک برنجیلرندن اولوب

بتون قاتولیک عالمنک حکمدار روحانیسی بولنان پاپانک
 دخی اقامتگاهسی اوراسی اولدیغندن جهان ایچنده شهرت
 شایعه سی وارد ر . دولت مذکوره بر قانون اساسی مو-
 جبجه مشروطیت صورتیله اداره اولنوب صاووا
 خاندانی قرائلق مقامنده بولنور . بوتنسیق ایتالیا
 ایچون ۱۸۶۰ سنه سندن بری موضوع بر تنسیقدرکه
 اندن مقدم ایتالیا بر طاقم حکومتات صغیره یه انقسامده
 شمدیکی المانیایه ده قیاس قبول ایتیه چک بر مملکت ایدی .
 نصایکه کیفیت اشاعیده ایضاحات تاریخیه صره سنده
 کوریه چکدر .

تقسیمات تاریخیه

ایتالیانک تاریخ نظرنده طائفه باشلامسی اول قدر
 اسکیدرکه اطلاع تاریخک ابتداسی هانکی عصرده
 اولدیغنی تعیین ایتک قطعاً محالدر . شو حالده ظلمت
 مجهولیت تاریخیه زمانندن بوزمانه قدر اولان احوال
 تاریخیه بی بش بیوک بابه تقسیم ایتک لازم کلور .
 اشبو ابواب خیره دن برنجیسنده ایتالیانک ابتدای
 احوال تاریخیه سندن روما استیلای التیه کیردیکی
 زمانه قدر خلاصه تاریخی احوال اولیه چقدرکه بورا .

جه تعيينى قابل اوله میان بر مبدأ دن میلادك ۱۷۳ سنه
مقدمه قدر كلور .

ایکنجی باب تمامیه روما تاریخی دیمك اوله رق
میلادك ۱۷۳ سنه مقدمندن باشلا یوب ۴۷۶ سنه
مؤخرینه قدر امتداد ایئر . اوچنجی باب روما انقرا-
ضندن شارلمانك وفاته قدر وقوعه کلان انقلاباتی
حاوی اولور که ۴۷۶ سنه میلادیه سندن ۸۱۴ سنه
میلادیه سنه قدر کذران ایلیان زماندر . در دنجی باب
دخی شارلمانك وفاتندن بدأ ایله ایتالیا نك همان كاملا
اسپانیا محکومیتی التمه کیردیکی زمانه قدر اولان
وقوعات تاریخیه یی احتوا ایلر که ۸۱۴ سنه میلاد-
دیه سندن ۱۵۰۵ سنه سنه قدر کذران ایلیان عصرلر
دیمکدر . بشنجی باب ایسه ایتالیا نك اسپانیا محکو-
میتندن قورتیلهر قی نیجه بلیات و محکومیا تدن صکره
نهایت شمیدیکی اتحادی حصوله کتوردیکی زمانه قدر
کذران ایلیان سنه لری حاوی اولوب بوایسه ۱۵۰۵
سنه سندن ایچنده بولندیغمز سنه میلادیه قدر كلور .

وقوعات تاریخیه نك انقطاعلرندن اشبر ابواب
خسه نك هر بری ایچون لزومی قدر فصللر تفریق لازم

کتابچه برنجی باب اساساً اوج فصله تقسیم اولنور که
فصل اولده سنه سی تعیین اولنه میه جق قدر اسکی بر
زماندن بدأ ایله میلادک ۷۵۳ سنه مقدمنده روما
شهرینک اساسی وضع اولندیغی زمانه قدر ایتالیا
تاریخنک مبدئی اولق اوزره اساسی اساطیر الاولین
اوزرینه مبتنی بولنان احوال ذکر اولنور . ایکنجی
فصلده رومانک اوائل تأسسیله تا عموم ایتالیایی زیر
حکمنه الیغی زمانه قدر ایتالیا قطعات ارضیه سنک
بعض وقوعات مهمه سی اجمال اولنور که ۷۵۳ سنه
مقدمندن ۳۴۳ سنه مقدمنده قدر کذران ایلان احوال
دیمکدر . اوچنجی فصلنده رومانک بتون ایتالیایی
بالاستیلا تحت حکمنه ادخال ایلسی حکایه اولنوب
بوده ۳۴۳ سنه مقدمندن ۱۷۳ سنه مقدمنده قدر امتداد
ایلر .

ایکنجی بابی الی فصله تقسیم ایتک لازم کلوب
برنجی فصلنده روما قونسوللرینک بقیه خلاصه
تاریخیه لری عرض اولنور که ۱۷۳ سنه مقدمندن
باشلا یه رق میلادک ۲۹ سنه مؤخرینه قدر امتداد
ایلر . ایکنجی فصلنده عن ۲۹ الی ۹۶ ایمپرا .

طورلغك برنجی دوری اوچنجی فصلنده عن ۹۶
 الی ۱۹۳ ایمپراطورلغك ایکنجی دوری دردنجی
 فصلنده عن ۱۹۳ الی ۲۸۴ ایمپراطورلغك اوچنجی
 دوری بشنجی فصلنده عن ۲۸۴ الی ۳۹۵ ایمپرا-
 طورلغك دردنجی دوری والتنجی فصلنده دخی عن
 ۳۹۵ الی ۴۷۶ روما دولتنك بشنجی دوری خلاصه
 تاریخیه سی عرض اولنور .

اوچنجی باب درت فصله تقسیم اولنق لازم
 کلوب فصل اولده روما دولتنك کلیاً انقراضندن
 بدأ ایله لومباردلرک ورودینه قدر اولان وقوعات اجمال
 اولنور که ۴۷۶ سنه سندن ۵۶۸ سنه سنه قدردر .
 ایکنجی فصلده نفس روماده حکومت جمهوریته ن
 اعلانه قدر وقوعبولان ایتالیا انقلاباتی خلاصه
 اولنور که ۵۶۸ سنه سندن ۷۲۶ سنه سنه قدردر .
 اوچنجی فصلده شارلمانک ورودینه قدر اولان وقو-
 مات حکایه اولنور که ۷۲۶ دن ۷۷۴ سنه سنه
 قدردر . دردنجی فصلده شارلمانک وفاتنه قدر
 کذران ایلان احوال اجمال اولنور که ۷۷۴ دن
 ۸۱۴ سنه سنه قدردر .

دردنجی بابی بش فصله تقسیم ایتک لازم کلوب
 فصل اولده شارلمانک وفاتندن ایتالیا ده یرلی پرنس لک
 اعلان استقلال ایتدکری زمانه قدر گذران ایلان
 وقوعات یازیلور که ۸۱۴ دن ۹۱۱ سنه سنه قدر اولان
 وقوعات دیمکدر . ایکنجی فصلنده مجلیاتین قرا .
 للغناک تأسس سنه قدر اولان حوادث ذکر اولنور که
 ۹۱۱ سنه سندن ۱۱۳۱ سنه سنه قدردر . اوچنجی
 فصلنده ایتالیانلرک عموماً ایاقلا نه رق المان مستولیرینی
 کاهلاء طرد ایلدکری زمانه قدر وقوعبولان احوال
 ذکر اولنور که ۱۱۳۱ دن ۱۲۶۸ سنه سنه قدردر .
 دردنجی فصلده پاپارک آوینیوندن عودتنه قدر اولان
 وقوعات خلاصه ایدیلوب بوده ۱۲۶۸ دن ۱۳۷۸ سنه
 سنه قدر اولان زمانک وقوعاتیدر . بشنجی فصلده
 دخی اسپانیوللرک ایتالیایی زیر تحکملرینه الدقلری
 زمانه قدر وقوعه کلان انقلابات خلاصه ایدیلوب
 بو ایسه ۱۳۷۸ سنه سندن ۱۵۰۵ سنه سنه قدر
 امتداد ایلر .

بشنجی بابی کذلک بش فصله تقسیم ایتک لازم
 کلوب بونک دخی رنجی فصلنده ایتالیانک اسپانیا

تحکمی السنه کیریشنندن اسپانیولر ایله ارتباطک
تصحیحنه قدر وقوعبولان احوال خلاصه ایدیلورکه
۱۵۰۵ دن ۱۷۳۸ سنه سنه قدر امتداد ایلر . ایکنجی
فصلنده ایتالیا نلک فرانسه طرفندن استیلاسیله ترکنه
قدر اولان وقوعات اجمال اولنورکه ۱۷۳۸ دن
۱۸۱۴ سنه سنه قدر دوام ایلر . اوچنجی فصلنده
ساردنیا قرالی شارل آلبرک استعفا سنه قدر اولان
احوال ذکر اولنوب بودخی ۱۸۱۴ دن ۱۸۴۹
سنه سنه قدر دوام ایلر . دردنجی فصلنده ایتالیا نلک
ایلیک اتحادی حصولنه قدر کوریلان احوال ذکر
اولنورکه ۱۸۴۹ دن ۱۸۶۰ سنه سنه قدر کلور
بشنجی فصلنده دخی مملکت مذکور دنک احوال
اخیره سی درمیان اولنوب بوا یسه ۱۸۶۰ سنه سنندن
زمانزه قدر اولان وقوعات دیمکدر .

برنجی باب

ایتالیانك روما استیلاسی التئہ كیردیكى زمانہ قدر

عن ۰۰۰ الى ۱۷۳ مقدم میلاد

(برنجی فصل)

ایتالیانك اساطیر اولیندن مبدأ تاریخی

عن ۰۰۰ الى ۷۵۳ مقدم میلاد

تفصیل - اسکی یونانیلر کبی رومالیلر دخی
کندی ملت منسوبه لرینك ابتدای تشکلی خصوصنده
برطایم اساطیر تخیل و روایت انطشردر که بونلرک عقله
یقین شیلر اولمدقلری بدیهی بولمغه برابر ایتالیا تاریخی
ایچون دخی انلردن بشقه بر مبدأ بولنه من .

ایمدی رومالیلرک اساطیر نوعندن اوله رق روایت
ایلدکلرینه کوره ایتالیا اقلیمینك الک قدیم بر زمانده
ایلك اسمی « ساتورینا » اولیورایمش . « ساتورن »
یونان قدیم معبودلرندن اولوب خرافات اولینك اولبا .
یده ویردیکی معلوماته کوره اعظم معبودین اولان
« ژوپیتز » اشبو « ساتورن » ک اوغلی اوله رق کرید
جزیره سنده تولد ایلدیکی زمان پدرینه فرمانبر اولمغی
رئیس المعبودین صغته یاقشدیره میهرق باباسنی کریددن

طرد ایلش و «ساتورن» اق دکزی قارشو طرفه کچوب
ایتالیایه واصل اولدقده اوزمانلر قطعه نك حکمداری
بولنان «ژانوس» طرفندن حرمت و رعایت کورمکله
بوکا مکافاة «ژانوس» حروف استعمالنی و اصول
زراعتی اوکرتمش ایمش .

بونلرک هپسی خیالات و خرافاتدن عبارت اولوب
ذاتاً اصول زراعتک هنوز معلوم اولمدیغی بریده
حکمدار و تبعه سی بولنه بیلک متعذر اولدیغی دوشو-
نیلورایسه خرافات مذکورہ نك ماهیتی در حال اکلا-
شیلہ بیلور .

الحاصل یونان قدیم زمانده دخی ایتالیانک اسمی
«ساتورینا» اولیق اوزره یاد اولنوب اعتقاده
کوره «تروا» محاربة مشهوره سندن ۴۰۰ یعنی میلاد-
دن ۱۶۷۰ سنه قدر مقدم بر زمانده «آرقادیان» دینلان
قوم قدیم یونانیه دن بفرقه «اونوت روس» نام رئیس-
ینک سوق و دلاتیلہ ایتالیایه کچوب بر هیئت مهاجره
تأسیس ایلش و بونلرک ساکن اولدقلمری محارره رئیس-
ینک نامه نسبه «اونوتریا» تسمیه قلمشدر .

نهایت بورئیسک اخلافدن «ایتالوس» اسمنده

بر آدم اطراف و جواری دها زیاده کشف ایله حکم
و حکومتی ایچہ تعیم ایلدیکندن بوکا منسوباً
« ایتالیا » اسمی اولیکی ایکی اسمہ دخی غلبہ ایلہ
مملکت مذکورہ نك نام عمومی حکمنی المشر .

بوندن ماعدا میلاد عیسائک اون اوچنجی سنہ
مقدمندہ یونانستانک شمدیکی مورہ قسمندن هجرت
ایلیان « اواندر » نام رئیس دخی آرقادیانلردن دیکر بر
فرقه ایلہ ایتالیاہ کلوب « پالانتوم » نامیلہ برشهر بنا
ایشدرکہ بوشهرک مبنی علیہی اولان طاعنہ الیوم
« پالان » تسمیہ اولنور . بوندن براز صکرہ تروا
رؤسای مشهوره سندن « نه نه » دخی تروایی تخریب
ایلیان یونانلرک بقیة السیوفی بولنان بر مقدار همشهر -
یثریلہ ایتالیاہ کلوب تیر نہری منصہ بندن ایچرویه
کیردی و او زمان اطراف مذکورہ نك قرالی بولنان
لاتینرک قزی « لاوینی » ایلہ ازدواج ایدرک مز بورہ
نك نامنہ منسوباً « لاوینیوم » شهرینی بنا ایلدی .
ایشته بوروايات ایتالیا اہالی قديمه سنك یونا -
نستاندن هجرت ایتہ اولدقلرینی کوستردیکی کبی
ایتالیادہ اک قديم اہالینک « آپورتین » و « پلاسٹر »

قومندان یعنی هر حالده یونان قدیم ایله التصاقی اولان
اهالیدن بولندقلری تدقیقات سائره ایله دخی میدان
ثبوته وارمشدر . بویکی صنف خلقه « تیرن »
و « سیکول » دخی دیرلر . بولردن ماعدا ایتالیاده
« اوپیس » دینلان بر قوم قدیم دخی کورلمشدر که اصل
تاتارستان اهاالیسندن اولمق مضموندر .

یونانستاندن ایتالیا طرفلرینه مهاجرتک ارقه سی
مؤخرأ دخی کسیلیوب یونانلیلر آز چوق مقدارده
اوله رق دأما ایتالیایه کچدکلی کبی غول اهای
قدیمه سندن « سمیر » و « سوئو » قوملری براره لوقه
هجوم واستیلا ایدرک بر چوق طرفلرده برلشوب
قالمشدر . اشبو الک قدیم مستولیلر میانده سلت
واتروسق قوم قدیمندن دخی بر طاقم فرقه لر کورلمشدر
مهاجرین مر قومه نك بویله پیدری ورودلری
مناسبتیله میلاددن یدی عصر مقدم ایتالیا قطعه سی
همان کاملا مسکون بر حاله کلوب ذکر اولنان فرقه لرک
هر بری کندی باشلرینه برر حکومت مستقله تشکیل
ایتمشدر ایسه ده بولر همان لاینقطع محاربه ومقاتله ایله
امرار اوقات ایلدکلرندن حکومتلری پایدار اوله میوب

بریانندن منقرض اولور و دیگر یانندن یکیلری ظهور
ایدر ایدی .

نفس روما شهری ایشته بویزه برکت واختلال
زمانده میلاددن ۷۵۳ سنه مقدم تاسیس اولنه رق
بعده بو اش بو اش بیویوب اطرافنده کی ممالک و اهالی بی
دخی تحت تحکمنه اولغله ایتالیا ملتنک عناصر مختلفه
قریمه سنی بیاغی توحیده موفق اولمشدر که کیفیتک
بوجه تی بوجه آتی ایکنجی فصلزده ایضاح
اولنه جقدر .

(ایکنجی فصل)

رومانک تاسی و ایتالیا احوال عمومیه سی

عن ۷۵۳ الی ۴۴۳ مقدم میلاد

اک صحیح حسابیه کوره روما شهرینک ایلک اسامیه
می میلاد عیسادن ۷۵۳ سنه مقدم وضع ایدمشدر .
روموس و رومولوس اسمنده ایکی برادرک بر پچی
و خود ارسلا ن طرفندن امزیرلسی صورتندن عبارت
یونان اسطوره دن قطع نظرله وقعه صحیحه تاریخیه
یقین اوله رق روایت اولندیغنه کوره بو پای تخت
مشهورک ایلک تاسی بر طاق قانلی و قاتل و چاق کرو.

هنگ اوراده بعض قابله ل انشا ایتلرندن عبارتدرکه
 شو حالده روما بر بیوجك کویدن بشقه برشی دکل
 ایدی .

روما ایچون رومولوس ونوما پومپلیوس وتولوس
 هوستیلیوس وآنکوس مارکیوس واسکی تارکن
 وسروییوس تولیوس وعالی تارکن ناملریله یکدیگری
 متعاقب مقام حکومته کلدکاری روایت اولنان ایلک
 یدی قرالک اهمیت صحیحهلری ارشدیریله جق اولور
 ایسه کتد کجه جمعیتلری بیومکده بولنان بر اشقیا
 قومپانیه سنه ریاستدن بشقه برشی اولدیغی اکلاشیلور
 شوقدر وارکه بوجعیتک ترقیات سریععه سی
 حقیقه عقلاره حیرت ویره جك درجده اولوب
 اطراف وجواردن بر رقباحث ایله فرار ایدنلر هب
 رومایه بالانجا نفوسلرینی آرتیر دقلری کبی موقعنک
 وجوه کثیره ایله درکار اولان اهمیتنه مبنی برطاقم
 اهالی دخی تجارت وصنعت ایچون اورایه اجتماع
 ایلش ودیکر جهندن رومایلر لاتیوم ولایتنک هر طر-
 فنه آقینلر ایدرنه دائرة تسلطلرینی کتد کجه توسیعه
 باشلامش اولدقلرندن بویدی نفر حکمدارلرک دردنجیسی

زماننده روما شهری وسعت و اشمیتنی ارتدیره رق
ثروت و غلبه لکجه امثالک فوقه چیمش ایدی .

رومایه مجاورتی بولنان لاتیوم خلقی ایله اتروری
اهالیسی بوجاعت جدیده نك ترقیات سریعه و فوق .
العاده سندن اورکهرک برقاچ دفعه علیهلرینه قیام
ایلشله ایسه ده رومایلر دائماً قانلی و قاتل لکدن کله رک
اوراده التجارلندن صکره دخی هب عالمی سسلایح ایله
تهدیددن خالی قالمایله وقوع بولان محارباتده غالبیت
دائماً رومایلرده قالمق ضروری ایدی . بنه علیه
بشنجی و النجی قرالار زماننده لاتیوم و اتروری ولا .
یتلرینک اکثر محالری رومایلرک تحت ضبط و استیلا .
سنه کیره رک ججاعت جدیده بیاغی برملت و حکومت
جسمیه صورتنی آلمش ایدی .

واقعا بوندن مقدم دخی خبر و یردیکمز وجهله
اوزمان ایتالیا اوزرنده ساکن بولنان اقوام بالکلیه
پراکنده و پریشان برحالده اولیوبده یکپاره و متحد
بر صورتده بولنسه لر ایدی رومایلرک بوقدر سریع صورتده
ترقیسی ممکن اوله میه جغی درکار ایدی . فقط اهالی
مرقومه ذاتاً یکدیگرینه قارشو محاربات و منازعات

ایله مشغول بولندیغندن دیگر طرفدن دخی رومالیرک
کئتمد کجه آرتان قوتلری ایله بونلرک دالنه بنسیمی
مستولیلره قارشو کندی قدرت مقاوتلری
وعجزه تحویل ایلشدر.

بدنجی قرال عد اولنان عالی تارکن بواسمه اصلا
لایق اولماق اوزره غایت بدخوی و ظالم برحریف
چیقوب ازجمله رؤسادن سرو یوسک غایت حلیم
وعفیف بر قزی ایله تزوج ایلدیکی حالدله توللی اسمنده
بر بالدیزی ایله تزوج ایچون زواللی زوجده سنی اعدام
ایتمی و بوسرده سرو یوسک دخی قتل اولنمی
رومالیلری پک زیاده بیر ارایلیدیکی کبی مملکتک قوانین
قدیمه سنی تغیره و خلق اوزرنده کی ویرکولری تکشیره
قیامی دخی خلق بالکلیه بیر ارایلیدیکندن هر نه قدر
مرقوم بو ظلیله برابر پکده جنکاور اوله رق حدود
مملکتی توسیعه ایچمه خدمت ایلش ايسده ده رومالیر
مرقومک معامله عنیفانه و شدیدانه سنه تحمل ایده .
میه رک میلاددن ۵۰۹ سنه مقدم ظهور ایدن عظیم
بر عصیان تارکنی عیال و اولادیه برابر رومادن طرد
ایله بر نوع حکومت جمهوریہ اعلاننی موجب
اولشدر .

بو طرد و تبعیددن صکره تارکن برچوق دفعه لر
 روما اوزر بنه هجوم ایدرک مملکتی تکرار ضبط
 و تسخیر چاشمش و بو یولده یک بیوک امکر صرف
 ایش ایسه ده بتون روما شهر و قصه به لری مر قومک
 علیه ده متفق بولمخله هر دفعه کی هجومنده مغلوبیتدن
 بشقه بر ثمر دسی کورده مامشدر . مع هذا بو محاربات
 داخلیه رومایی فتوحات خارجیه دن منع ایدرک بر
 بحق عصر قدر زمان رومانک ترقیات سریعه یه اولان
 استعدادینی برو قوف و عطالت تامه ایچنده براقش
 و حتی بعض محارک اهالی قدیمه طرفندن استردادینه
 دخی فرصت ویرمشدر .

ینه بو بر بحق عصر لق فترت زمانده ایدی که
 شمال طرفندن کلان غول افراد وحشیه سی ایله ایتا -
 لیانک جنوب طرفنده اظهار قوته باشلایان سامنیت
 قومی کتد کجه قوتلرینی آرتدیره رق عادتار و مالیلر
 ایله بوی اولچمکه مقتدر اوله بیله جک بر جسامت
 و اهمیت الدیلر . هله میلادک ۳۹۱ سنه مقدمندن
 صکره غولار رومایی و بتون ایتالیایی فتح و استیلا
 ایچون قلیجه صاریله رق اقوام اصلیه دخی بونلره مقا -

و متده اول قدر ثبات و متانت کو ستردی که قرق سنه
 قدر دوام ایلین محاربات مذکورده غولر املرینه
 نائل اوله مدیلر ایسه ده اقوام سائرده دخی قوت
 بر اقدیلر .

اشبو محاربات و مقاتلات داخلیه . مقابل رومانک
 بر بیوک جرأت و قدرت کو ستره مامسنه سبب هنوز
 حکومت جمهوریه نکه لایقیه بالتأسس انتظامات داخلیه .
 سنی یولنه قویه مامش بولنسی قضیه سی ایدی . بو
 جمهوریت قونسول دینلان ایکی نفر رئیسک تحت
 اداره سنده بولنور ایدی که بونلر هر سنه انتخاب
 اهالی ایله تبدیل اولنور ایدی . حالبوکه ابتدای
 تأسسندن برو روما اهالیسی پاتریسیه ن و شوالیه و پله .
 بهین دیه اوچ صنفه منقسم اولوب بونلردن پاتریسیه .
 نلر کندیلرینی اصل رومالی عد ایلین قدمای کبار
 و شوالیه لر دخی ارباب سیف عد اولنهرق پله بهینلر
 ایسه پس پایکان اهالیدن عبارت بولنخله و ایکی اولکی
 صنف کندیلرینی صوک اوچنجی صنفدن عالی و ممتاز
 عد ایدرک حتی اره لرنده آلوب ویرمک بیه تجویز او .
 لنمدیغندن پله بهینلر بو حقارتی قبول ایده مامکله فرق

ثلثه اره سنده مجادله و منازعه امتداده و کتد کجه-
اشتداده باشلایوب ایشته بو حال دخی روما جمهور
یتنی ایلاک عصر تأسسنده اکیال انتظامدن و مهاجینه
قارشو مقاومتده بحق اهتمامدن منع ایشدر .

مناقشات و مجادلات داخلیه یواش یواش پله یه یین
کروهنک غلبه سیله بر طرف اولغه یاشلایوب بو حالده
۴۹۸ سنه مقدمه سنده « دیکتاتور » عنوانیله ایجاد
اولنان بر ریاست مستقله و بش سنه صکره یعنی ۴۹۳
سنه مقدمه سنده « تربون » عنوانیله پله به یینلردن اخذ
اولنان مبعوثین منتخبه و ۴۵۱ سنه مقدمه سنده حکام
عشره مجلسی نامیله کشاد اولنان مجلس ونهایت ۴۴۴
سنه مقدمه سنده پله یه یین دینیلان پس پایکان کروهنک
پاتریسیه دن دینیلان اعظم کبار ایله قزالوب ویرمک
درجه سنده حقوقاً تساویسی و ۳۶۶ سنه مقدمه سنده
قونسولک و سائر عنوانلر ایله یاد اولنان حکمدارلق
حقوقنک پس پایکانه دخی تعمیمی قضیه لری روما
صنوف اهالیسی میانده کی منازعاتی عادتاً بالکلیه
بر طرف ایلیه رک رومالیلره بر یکپاره لک صورتی
ویرمش و اندن صکره جمهورک قوتی آرتد قجه آرتغده
باشلامشدر .

ایشته بوصورتله انتظامنی و انتظامی سایه سنده شوکت و قوتنی یولنه قویان روما ک نهایت غوللرک ک شدتلی بر هجومه ده ک کوکس ویرمک لازم کلد کده اوتیلکه لی اعدایه قارشو او قدر مردانه و قهرمانانه کوکس ویرمشدر که میلادک ۳۴۳ سنه مقدمه سنده غوللری پراکنده و پریشان رجعتیه مجبور ایلوب یالکز کندیسنی دکل غول استیلاسنه قارشو محو اولقی درجه لرینه کلمش بولنان سائر ایتالیا اقوامنی دخی بو بلیه دن قور تارمغه مجبور اولمشدر .

میلاددن ۳۴۳ سنه مقدم اولان شو تجدد روما ایچون باشلی باشنه بر مبدأ تاریخ عد اولمغه شایاندر .
 زیرا تاریخ مذکور دن صکره روما جمهوریتی حقیقه دنیانک اوزمانه کوره ده زیاده منتظمی امید اولنه .
 میه جق قدر منتظم بر حکومت احرارانه اولوب بویله بر انتظام احرارانه ایچنده یتشمش اولان اولاد وطن ایسه فدا کارقلری عقلره حیرت ویره جک اعظم مرداندن اولقی اوزره یتیشوب بعده بالنسبه پک آز بر زمانه بتون ایتالیایی استیلادن ماعدا رومانک اسباب جهانگیرانه سنی دخی اکاله یول آچمشدر که عموم

ایتالیانک روماستیلاسی التنه کیرمی اشیو برنجی
 بامزک اوچنجی فصلی اولق اوزره بروجہ آتی بر
 فصل مستقل تشکیل ایلکده در .

(اوچنجی فصل)

رومانک بتون ایتالیایی استیلاسی

عن ۳۴۳ الی ۱۷۳

تفصیل - غولارک تکمیل ایتالیا و بالخاصه روما
 علیهنده کی تسلطری بر طرف اولور اولمز ایتالیا
 رومالور ایله سامنیتلرک محاربه مدیده و متسلطه می
 ظهوره کلدی که بوبلیه غول استیلاسی بلیه سندن دها
 بدتر اولدی . سامنیوم دینلان ولایت ناپولی طرفلرنده
 غایت کوهستان بریر اولوب اهاایسی اولان سامنیتلر
 ایسه غایت جری و جسور و وطن پرور آدملر ایدی .
 حتی بونلرک اخلاق و عادات ملیه سی میاننده ال کوزل
 واک عفیف و زنکین قزلی وطنه ال بیوک خدمت
 کورمش اولان آدملره نکاح ایتک صورتی دخی وار
 ایدی که بوده کندیلرینک وطنپرور لکترینی تزیدایللیان
 احوال میانده داخل اوله بیلور .

برجهته روما جمعیتی کتد کجه دائره سنی توسیع

ایلیکده بولنمسه مقابل دیگر طرفده سامنیتلر دخی کندی
 جمعیتلرینی بیولتمکده دوام ایدرک بولر بر زمانه قدر
 ایتالیا نك جنوب طرفلرنده بولن ان یونانیلر خدمت
 عسکریه لرنده بولندقدن صکره ییابجیلره خدمت ایلیکدن
 ایسه کندی حسابلرینه عسکرلک و جنک ایتمکی ترجیح
 ایدرک ۴۲۴ سنه مقدمه سندن ۴۲۱ سنه سنه قدر قاپوو -
 کوم سنجاقلرینی فتح ایلدکلری کبی اندن صکره لوقانی ولا -
 یقنی ده استیلا ایلیه رک نوبت تعرض طوغریدن طو -
 غریه روما اوزرینه کلشیدی . هله غوللرک ایتالیا یی
 هرج و مرج ایلدکلری ائنده ال زیاده رومانک رخنه -
 دار اولمش بولنمسی سامنیتلرک امیدلرینی آرتدیره رق
 رومایی و تکمیل ایتالیا یی فتح ایتمک عزیمتیه میلاددن
 ۳۴۳ سنه مقدم بولر روما ایله محاربه به طوتشدیلر -
 ذاتاً ایتالیا اقوام سائره سی دخی عمومی بر روما
 استیلا سندن خوف و اندیشه اوزره اولدقلری جهتله
 سامنیتلرک اعلان حربی فرصت اتخاذا ایلیه رک شمان
 جله سی انلرله اتفاق ایلشلر ایدی . روما ایسه یوقا -
 روکی فصلده دخی بیان اولندیخی اوزره هر بروطندا -
 شهید بر قهرمان عداولنه چ چنک کور و قهر

مانی به کسیرمش اولدیغندن کرک سامنیتله و کرک
متفقری اولان اقوامه قارشو صولک درجهیه قدر مقادیر
ومت ایچون تشمیر ساق فداکاری ایلدیکندن بو حال
۳۴۳ سنه مقدمه سندن باشلان محاربه نك ۲۹۰ سنه
مقدمه سنه قدر یاریم عصر دن تجاوز بر زمان امتدادینی
موجب اولمشدر .

سامیتله محاربه می روما تاریخنك الك مهم بر بابنی
تشکیل ایلرکه بوبابك فصللری اولق اوزره مورخلر
محاربه مذکوره ایچون بش دور ترتیب ایدرلر . برنجی
دور ۳۴۳ سنه مقدمه سندن ۳۴۱ سنه مقدمه سنه
قدر دوام ایدوب محاربه نك بودورنده سامنیتله ساین
اقوامندن برچوقلریله متفق اولدققری کبی لاتیوم ولایتی
دخی عموماً ایاقلاشمش ایدی . محاربه ایکی اوچ سنه
مدت غایت شدتله دوام ایدرک نهایت واله ریوس
قورروس نام قونسولک غورروس طاعنی اتکندمه
وقوعبولان مظفریت کامله سی اوزرینه محاربه نك بو
قتمنه نهایت ویرلمشدر .

بوندن صکره اون درت سنه مدت کاه سکونت
وکاه محاربه ایله وقت کچدکدن صکره محاربه نك ایکنجه

دورینه باشلانوب بوده ۳۲۷ سنهء مقدمه سندن
 ۳۲۴ سنه سنده قدر دوام ایلده رک اتروسک اقوامندن
 برطاقری دخی سامنیتلرایله بر هیئت مجتمعه عقد ایلد .
 کلرندن هر نه قدر جربک شدتی اارتمش ایسه ده غالبیت
 اکثریتله رومالیلر طرفنده قلمش ایدی . بو دفعه
 حربه فیصل ویرلمکسزین محاربه نك اوچنجی دورینه
 دخی کیریشیلوب ۳۲۴ سنهء مقدمه سندن ۳۱۸ سنهء
 مقدمه سنده قدر دوام ایلش و غالبیت و مغلوبیت هرایکی
 طرف ایچون مساواة عرض دیدار ایتمکله ایکی سنه
 مدت عقد متارکیه مجبوریت حاصل اولمشدر .
 نهایت پاییریوس کورحو و پوپلیلیوس فیلمو نام
 سردارلرک لوتهری جوارنده نائل اولدقلری غلبه
 اوزرینه محاربه نك بو قسمنه دخی نهایت ویرلمشدر .

۳۱۶ سنهء مقدمه سندن ۳۰۴ سنه سنده قدر دوام
 ایلان دردنجی دورده اتورین اوهرین مارس
 پلینتی سالانتن هر نيك نام قبائل دخی سامنیتلرایله
 اتفاق ایلد کلرندن محاربه نك بو قسمی دیگرلرینه اصلا
 مقیس اوله میه حق قدر شدت پیدا ایلدیکی حالده نهایت
 روما سرداری قایدیوس رولیانوس اولانجه قوتنی

دوشیره رک سیمین اورمانده اتروسکری پریشان
ایلدیکی کبی سردار پاپیر یوس دخی اوهرینیلر ایله
سائر برطاقم اقوام متفقہ یی وادیون نام کول جوارنده
مغلوب ایلش و بوبولکوس نام سردار ایسه لونغولا
نام محله سامنیتلری محوه قدر یوریمش اولدیغندن
ایشته بومظفریتلر محاربه نک اشبو دورنده دخی غالبیت
تامه یی رومالیلر جهتمده براقشدر .

محاربه نک بشنجی دوری ۲۹۹ سنه مقدمه سنده
باشلایوب ۹ سنه امتداد ایلشدر . زیرا محاربه نک
ایلك درت دورنده رومالیلر ثمره سیف غالبیت اوله رق
اتروری و سانیوم ولایتلیله حوالیسنده نه قدر اقوامی
تحت انقیاد ورعیتلرینه المشر ایسه جله سی بردن
رفع لوای عصیان المشر ایدی . انجق رومالیلر یاریم
عصر دبری صرف ایلدکری مساعینک ثمره سی بویله
دفعه زائل اولسنه قائل اوله میهرق اولانجه قوتلرینی
بازویه ویرمکه بودفعه دخی اعدای متفقہ اوزرینه
غلبه ایدنجه ایتالیا نک وسط و جنوب طرفلرینی تماماً
وکاملاً اطاعت ورعیتلری آتسه الدیلر که شو حالده
اوزمانه کوره جهانک الک بیوک دولتی روما دولتی
اولش ایدی .

بر یاندن سامنیتر محاربه سی دوام ایلدیکی حالده
دیگر طرفدن رومالیر ایتالای شمالی اقوامیله دخی محاربه
ربه ایله اوغراشیرلیدی . اشبو فتوحات شمالیه
محارباتی ۲۲۱ سنهء مقدمه سندن ۷۳ سنهء مقدمه سنه
قدر کذلک یاریم عصر . مقداری دوام ایلش اولوب
موقعک صعوبت و مناعتی حسیله اشبو حرکات
عسکریه نك دخی پك بیوک مشکلاتی کورلش ایسه ده
نتیجهء امر اورالک تمامیه روم و لایق اولمسنه منجر
اولشدر .

ذکر اولنان محاربات شدیدیه اگرچه روم ایچون
پك بیوک متاعبی موجب اولش ایسه ده برملت کرک
عسکر لکجه و کرک سائر خصوصاً صابجه جوهر استعداد
دی دائماً ایشلمک ایله منجلی اوله جفندن متاعب مذ .
کوره روماجه صنایع و فنون عسکریه نك زیاده سیله
ترقیسنی مستترم اولشدر . حتی اوزمانلر آفریقا سوا
حلی اوزرنده متشکل بولنان قارتاج دولتی شمیدیکی
انکلتزه کبی تجارتده کمچیلکده و جنگاورلکده شد .
تنی جهانیه تسلیم ایتدیرمش بر دولت اوله رق اسپانیا
و سبیلیایی دخی برأ و بحرأ استیلا ایلش بولندیغی حالده

رومایلر ایتالیا اوزرنده کی غالبیتلرینک موجب اولد .
 یعنی تشویق و تشجیع اوزرینه قارتاجلیلری دخی کوز .
 لرینه کسیدیردرك طبعاً ایتالیا اولکاسی اجزاسیندن
 دیمک اولان سچلیا اوزرینه دخی صالدیر مشلر و ۲۶۴
 سنه مقدمه سیندن ۴۴۲ سنه مقدمه سینده قدر فرصت
 بولدقجه هجوم ایده ایده سچلیانک غرب طرفنی قار .
 تاجلیلردن نزعہ موفق اولدقلری کبی ساردنیایی دخی
 اخذ واستیلا ایتشلردر .

بو محاربه تاریخ عمومیسده پونیق محارباتی دیه
 مشهور اولان محاربه لرک برنجی دوری اولوب حالبوکه
 کیتد کجه قوتنی آرتدیرمقده وانتظامنی ایلرولتمکده
 بولنان روما پونیق محارباتنک ایکنجیسنه دخی غایت
 قدر اکرانه بر صورتله مقاومت کوسترمشدرنه بو محاربه
 بوندن اولکی اسپانیا جلد مزده ایضاح اولندیغی
 اوزره قارتاج سرداری مشهور آنیبالک سوق ایلد .
 یکی اردو ایله روما اردولری اراسنده ۲۱۹ سنه مقدمه
 سیندن ۲۰۴ سنه مقدمه سینده قدر دوام ایلین محاربه
 عظیمه در .

محاربه مذکورده آنیبال محیتنده بولنان قارتاج

اردوسنی همان رومایه صوقه جق مرتبه لرده رومانیلر
 دوچار مغلوبیت اولمقدده ایکن نهایت اولانجه قوتی
 بازویه ویره رک قارتاج سردارینه قارشو متانت کو -
 سترمکه برابر دیگر جهندن قارتاجلیلمری قلبکاهندون
 اورمق ایچون آفریقا اوزرینه دخی بردونما سوق ایله
 نجه سردار آنیدال رجعت وعودته مجبور اولوش
 وبناء علیه مجلیانک شرق جهندن ماعدا تکمیل آسیا
 نیا دخی روما استیلاسی التنه کیرمشدر .

ایشته بورایه قدر اجمال ایلدیکمز فتوحات روما
 دولتی عادتاشمیدیکی ایتالیا دولته مقیس اوله بیلجک
 برجسامتله تأیید ایلدکدن ماعدا یواش یواش اسپانیا
 دخی اصل روما تربیه وانتظامنی المغه باشلاينجه روما
 دولتی اوزمانه کوره کرچکدن دنیانک برنجی ادرجه
 ده جسمیم دولتی اولمشدر . زیرا اوزمانلر یونان و مصر
 وقارتاج مثللو موجود اولان دولتلر وملتلر پک کو -
 چک شیلر اولدقلری کبی اگرچه آسیا ایچرورنده
 غایت جسمیم دولتلر موجود ایدیسده انلر عالم مدیت
 هدا اولنان اق دکر سواحلی ایچون هنوز ممالک مجبور
 له دن عد اولنورلر ایدی .

✽ ایکنجی باب ✽

عن ۱۷۳ الی ۴۷۶ مؤخر

برنجی فصل

قونسوللرک بقیه خلاصه تاریخیه لری

عن ۱۷۳ الی ۲۹ مقدم

تفصیل - ایکنجی پونیک محاربه سندن صدکره
 روما جمهوریتی نظام وانتظام داخلین اتمامه صرف
 حاصل غیرت ایلدی . جمهوریت مذکورہ نیک
 بودرجہ یه قدر ترقیات سریعه منی تأمین ایلان شی
 قونسول عنوانیله مقام حکومتہ کنوریلان ایکی نفر
 جمهور رئیسنه مؤخرأ دیققاتور عنوانیله برصلاحیت
 کلیه یی حائز رئیس فوق العاده نیک انضمامی قضیه سبله
 برابو پاریسیه ن و شوالیه و پله یه ن دینلان صنوف
 اہالی نیک آرا الرندہ کی تقدم وتأخر و امتیاز وعدم امتیاز
 فرق لری نہ علی قدر الامکان تعدیل ایلک قضیه لری
 اولغله بوتعدیل وتنظیم صنوف ومراتب خصوص صندہ
 روما برخطوہ دھا آتہ رق جمهوریتک شمدی یه قدر
 مظہر اولدیغی موقیقاتدن برقاقات بالاترینہ مظہریت
 اسبابنی دخی تہیہ ایلشدوہ

هله امور نافعه و فنون و صنایعک ترقیاته اول قدر خدمت ایدم شد در که نفس روما شهری و یا خود ایتالیا شهر و قصباتی اوزمانه کوره جهانک ال معمر و منظم مملکت لرندن اولد قلرندن فضله از جمله اسپانیا مثلاً رومایه ملحق و مربوط اولان ممالک خارجیه نیک بیه انتظام و معموریتی اهالی قدیم لرینی جداً و حقیقه روما لیشدیر مغه سبب اوله حق درجه لره وارمیش ایدی .

بناء علیه روما سردار لری سیف فتوحاتی چکه رک بریاندن شمال جهته یعنی المانیا و فرانسه طرف لرنده طوغری ایروم لکه باشلاد قلری کبی بریاندن دخی اسپانیا فتوحاتی ده اتمامه و دیگر جهته دن یعنی شرق طرف فندن ماکدونیا و یونان قدیم اوزرینه هجوم ایتکه و جنوباً دخی قارتاج دولت قدیمه سنی محو ایچون افریقا سواحلنه و الحاصل سوریه طرف لرنده سلوسیتلر و افلاطولی جهته لرنده برطاقم حکومت صغیره اوزرینه آقینلر ایتکه باشلادیلر که بوتشبتاتک هر بری بر راهی معظم ایکن رومالی لر هر برنده بشقه بشقه مطهر موفقیات اولور لر ایدی . شویله که :

ما کدونیاقطعه سنک کاملاً رومیہ تابعیتی میلادک
 ۱۵۸ و یونانستانک تابعیت کاملہ سی ۱۵۶ سنہ مقدمہ۔
 سندہ وقوعہ کلوب بونلر برر روما ولایتی اولد۔
 قمری کبی ینہ مذکور ۱۵۶ سنہ مقدمہ سندہ قارتاج
 دولت قدیمہ سی دخی روما اسلحہ سی مقابلندہ مغلوب
 ومنقرض اولشدرد۔

بوندن ماعدا سلوسیتلرک سوریه و آسیا اوزرنده کی
 ید استیلاری کسیلهرک کندیلری توروس طاغلرینک
 اوتہ طرفلرینہ قدر سورلدکری کبی اسپانیا و پورتغالک
 لوزیتانیا قسمندہ عصیان و اعلان استقلال ایلدکری
 ومدت مدیده یعنی ۱۵۶ سنہ مقدمہ سندن ۱۳۳ سنہ
 مقدمہ سنہ قدر رومیہ مقاومت کوستردکری اسپانیا
 و پورتغال تاریخلرنده بیان اولنسان ویریات و نومانس
 نام سردارلر دخی مغلوب ایدیلهرک اورالرده روما
 حاکمیتی تحکیم قلنش و ۱۲۵ سنہ مقدمہ سندہ غول
 ممالکنه طوغری توسیع حدود میسر اوله رق نیس
 و طولوز شهرلری اله کیرمش ایدی۔

بو حالده شمدیکی ایتالیا و یونانستان و اسپانیا
 و جزایر و تونس و سوریه و آیدین و بروسه و سلانیک

طرفلرینک تمامیه اوستریا و المانیا و فرانسه نك دخی
 بعض اقسام ممالك جنوبیه سی هب روما حکمی التمه
 کیرمش اولدیغندن تکمیل آق دکر بر روما دکر ی
 صورتنی المش ایدی که بوقدر واسع بر الکانک بحق
 جهانگیرانه بر دولت عد اولنه جغی شبهه سزدر .
 انجق شو عظیم وجسمیم ممالک کافه اموال غنیمتی
 و واردات مرتبه سی رومایه بر التون دره سی آقیتورکی
 ثروت آقیدوب بوایسه رومالیرک صفا و سفاهته انهما .
 کلرینی آرتدیردیغندن اسکی اخلاق قهرمانی بر سفاهت
 شهوت پرستانیه تحول ایتکه و بو ایسه تمام رومانک
 کمال شو کتی دوری ایچنده دیگر جهتدن اسباب
 انقراضنی حاضرلغه باشلامش ایدی . اسباب تدینک
 ایلک علایمی اولق اوزره بعض فسادات داخلیه
 کورلمشدر که بونلر بوجه آتی خلاصه ایدیلورلر :

بو ثروت عظیمه دن ال زیادہ حصه یاب اولنلر
 بالطبع پاتریسیه نلر یعنی اعظم کبار طاقی اولوب مال
 غنیمت و واردات دولت بونلر یدینه کچدکن فضله
 اهالی مملکت بونجه اردولرک دونمالرک مصارفنه
 بشقه جه سینه کشای مقاومت اولمقله برابرینه حقوق

ملکیه و مدنیه دن بعضلرینه نائل اوله ماملری عظیم بر
 خوشنودسزلغی استلزام ایلدیکندن و غرا کوس نامنه
 اشتهار و یرن برقاچ قرنداشلر پس پایکان اهلینک بو
 خوشنودسزلغی پک محق کوره رک انلرک حقوقنی تزید
 و تأمین ایچون خطابت کرسیلرنده نیجه مؤثر نطقلر
 ایرادیله پله به ینلرک جرأتنی بر قاندها آرتدیردقلرندن
 اگرچه پاتریسیه نلر غرا کوس برادرلرک نشویقاتنه
 قارشوسد مقاومت چکمکه موفق اولمشلرایسدهده پاتر
 یسیه نلر ایله پله به ینلراره سنده کی منازعه سیاسیه یالکز
 غرا کوسلرک مغلوبیتلری ایله نتیجه پذیر اولمیوب کتده
 کجه قوتنی آرتدیرمقده دوام ایلشدر .

بو مخالفت داخلیه ضمیمه برده « محاربه اسرا »
 مسئله سی میدانه چیقمشدر که الکده سبب محضی پاتر
 یسیه نلر قسمک فرط ثروت و سامان مقتضاسندن اولان
 سفاهت و شدتلی اولمشدر . زیرا بونلر جهانک ثروتی
 کندی ید استفاده لرینه تسلیم اولنق مقدار تدن ایمش
 کبی بر دعوی ایله علوم و فنون و صنایع دن هیچ برشی
 اکتسابنه کندیلرینی مجبور کورمیه رک نفسلرینی یالکز
 ییوب ایچمک و کینوب کزماک و نسوان ایله ذوق و صفا

ایک مشاغلنه حصر ایدر لر ایدی . بوسفا هتله رده اول
 قدر ایلرویه وار لر ایدی که مصارف ترتیبه سی شمد -
 یکی حسابجه دخی عقلره حیرت ویره جک قدر مبالغه -
 یه وار ان سفره لرده اطعمه نفیسه یی پاتلاینجیه قدر
 یدکن صکره بر مقی الهرق انلری بعدالاستفراغ تکرار
 اکل اطعمه ایله ذوقیاب اولمق درجه لرینه وار لر
 ایدی . ایمدی کبار طاقنک بودرجه لره وار ان تنپر -
 ور لکترینه مقابل هر علمی هر صنعتی او کرنمک وظیفه -
 سی اسرایه قالوب بو بیچاره لر هر فنده هر صنعتده
 اکتساب مهارت تامه ایله کرچکدن انسان کامل او -
 لدقلمی حالده یه افندیلرندن کوردکاری معامله عادت
 بهایمک کوره جکاری معامله دن فرقلی برشی دکل ایدی
 تاریخک بوروایتی مبالغه یه حیل اولنه مزیر ابرانسا -
 نک پنجه بهایمده نصل تلف اولدیغنی تماشا ایدوب
 اکتمک ایچون عمومی تماشا کاهلرده ارسلان و قیلان
 و صرتلان کی مفترسلر پنجه سینه اسرا آیلهرق تماشا
 ایدیلور و حیوان قوشولسی لازم کلان دکرمان و دو -
 لاب کی شیلره دخی اسرا قوشیلهرق قاجیلر ایله
 تلف ایدیلنجیه قدر اتعاب قلنور ایدی .

ایشته انسانیتی بودرجه تحقیره گروه اسرا تحمل
 ایدهمیه رک ۱۳۳ سنه مقدمنده بونلر سوز بر لکیله عصیان
 ایلدک لری کبی شوایک عصیانلری پک زیاده مشکلاته یا.
 تشدیرلدقن صکره ۱۰۴ سنه مقدمه سنده بر عصیان دهها
 ایدرک نیجه مقاتلات مدهشه ايله دره لر کبی قانلر اقس
 و نتیجه محاربه ده اسرآنک احوالی براز اصلاح اولمق
 صورتنه قرار ویراشدر .

کذلک اصل سببی روما کبارینک خود پرستلکر .
 ندن اولمق اوزره « محاربه اجتماعیه » دیه شهرت الان
 بر محاربه دهها ظهوره کلوب ۹۰ سنه مقدمه سندن ۸۸
 سنه سنه قدر دوام ایشدر . بو محاربه یه روما مستملک
 تندن عد اولنان ممالکک همان کافه سی اشتراک ایشدر .
 در . سببی ایسه بونلر طوغریدن طوغریه رومالی و روما
 حقوقنه صلاحیتلی عد اولمیه رقی یالکز ثروت و سا .
 مانلری روما طرفندن غصب اولمقده بولنمی قضیه سی
 ایدی . مع هذا کنیدیلرینی رومار بقرعیتندن قور .
 تارمق ایچون دکل بلکه تمامی تمامنه رومالی اولمق
 ایچون عموم رومالیر حقوقنه مالکیت دعواسیله قیام
 ایلدک لری حالد قلیح صورتندن بشقه روی موافقت

کوره ماملری بومحاربه نکرده امتدادینه سبب اولمشدر .
 اشبو مجادلات و محاربات داخلیه رومانک شیرازه
 انتظامی کرکی کبی رخنه دار ایلیه رک اگرچه سردار .
 لرک شدتی عاصیلرک تأدینه کفایت ایلش ایسه ده
 پاتریسیه نلر ایله پله به ینلر ارسنده کی تقاق بر درلو
 برطرف اوله مامشدر . پاتریسیه نلرک رئیس سیلا
 و پله به ینلرک رئیس ماریوس اولوب نیجه مجادلات
 و منازعات سیاسی دن صکره میلاددن ۸۲ سنه مقدم
 پاتریسیه ن طاقی غلبه ایلوب سیلا دیکتاتور نصب
 اولمش و کندیسنه ویریلان صلاحیت بملهی سوء
 استعمال ایلیه رک ایتدیکی فنالق قالمامشدر .

۷۸ سنه مقدمه سنده سیلا وفات ایلدیکی زمان
 پله به ینلر علی العموم ایاقلا نه رق رومایی مهملکه انقرا .
 ضه همان یاقلا شدیر دقلری حالده اوچ فرقه یه منقسم
 اولان اهالینک رؤسای بولنان پومپه و قیصر و قرا .
 سوس اوچی بردن « تیریومویرا » حکومت مثلته
 صورتیله مقام ریاسته کتویله رک فساد ی باصدیر مق
 ممکن اوله بیلشدر . میلاددن ۵۳ سنه مقدمه قدر
 بو حکومت مثلته دوام ایلدیکی حالده قیصر ایل پومپه .

شدتلی بر رقابته دوچار اولمیرله اورتہ لق ینہ قاریشمش
ایدی . قیصر پس پایکان اہالینک رئیس اولد .
یغندن دیکر رقیبیرینہ غلبہ تامہ ایلہ غالب چیقہ رق
دیکتاتوراکی یعنی ریاست مستقلہ یی الہ آلدی و آسایش
وامنیت داخلہ یی بالاکمال اوروپا ایچرولرینہ طوغری
برطاقم ممالکی یکیدن فتحہ موفق اولدی ایسہ دہ نہایت
۴۴ سنہ مقدمہ سندنہ سوء قصدلہ وفات ایلدیکندن
روما بتکرار فساد داخلی ایلہ ہرج و مرج اولدی .

بودفعہ دخی فرقہ متخالفہ نک رؤسای بولنان
اوقتاو و آنتوان ولہ پیددن مرکب برہیئت مثلثہ رؤسا
تشکیللہ فسادہ نہایت ویردیلم . لہ پیدک برارہ لق
اسامیسی اوقونمدی ایسہ دہ آنتوان مصر طرفلرینی
فتح ایدرک ملوک بطالمہ نک صوک حکمداری اولان
قلہ اوپاتر نام قرالچہ یی یالکز مغلوبی دکل بلکہ بر
مترہ سی منزله سنہ تنزیل ایلدیکی جہتلہ رومالیلر
بیندہ قدری دوبالا اولدیغی کبی اوقتاو دخی روماجہ
قوت و نفوذینی عادتاً مستقل بالرأی برایمپراطوردرجہ .
سندنہ آرتدیرمش اولدیغندن عموم روما اوزرنده
بالاستقلال فرمان فرما اولق شرفی اوقتاوہ می یوقسہ

آنتوانه می منحصر قله جغی دعواسی رومایی دهـا
 مدھش برتھلکھ یه یاقلاشدیرمش ایدی . بوایکی
 رقیب برر عظیم دونما اوزرنده برر عظیم اردو ایلہ
 یونانستان صولرنده و آقسـیوم نام محلدہ یکدیگری
 قارشولدیله . تاریخک روایتھ کوره سو کیلیسی قله
 اوپاتر دخی انتوان ایلہ برابر دونماده ایدی .

میلادک ۳۱ سنہء مقدمندہ بومحاربہ وقوعہ کلوب
 یکدیگریه رامپا ایدن سفینه لہ اوزرنده اول قدر قان
 آقش ایدی کہ دکزک صولری عادتاً کلکون اولمش
 ایدی . عاقبت آنتوان مغلوب اولمغله اوқтаو مظفرأ
 رومایه عودت ایلدی وروما هیئت اعیانی کندیسنه
 پرنس عنوانی ویروب بعدہ میلادک ۴۹ سنہء مقدمندہ
 اوکوست نامیلہ ایمپراطورلق عنوانی دخی ویرمشدر .
 کہ بوحالده میلادک ۵۰۹ سنہء مقدمندن یعنی بش
 عصر دنبرو دوام ایلیمان حکومت جمهوریه برحکو .
 مت ایمپراطوریه مبدل اولمشدر .

(ایکنجی فصل)

ایمپراطورلغک برنجی دوری

عن ۲۹ مقدم الی ۹۶ مؤخر میلاد

تفصیل - روما ایمپراطورلغک تاریخی یازانلر

ایمپراطور لقی ایچون بش باب تعیین ایدر لر که بونلرک
برنجیسندہ ایلک ایمپراطور اوکوست ایلہ برابر اون بر
ایمپراطورک مدت حکومتی احوالی اجمال ایدر لر .

ایمپراطور لعلک بودورندہ روما ہم مادی و معنوی
بیولک بیولک موفقیاتہ مظهر و ہم دہ برطاقم ظلمت حکمدا
رانک سیدئہ مستبدانہ سی اولہ رقی تاریختک تعیینات
محققہ سندہ دوجار اولشد .

اوکوست اول بول مملکتک انتظامات داخلہ .
سنی اکال ایتک اوزرہ داخلی و خارجی محارباتہ نہایت
ویردرک ژانوس معبدینی قیاندی . ژانوس دینی لان
شی رومالیرک ایکی یوزلی بر معبودی ایدی کہ بر یوزی
اکسہ سندہ اولوب ماضیہ و بر یوزی دخی اوکنندہ
بولنہ رقی مستقبلہ عطف نظر دقت ایدیور دیہ اعتقاد
اولنور ایدی . روما ملتی ہرنہ زمان بر مشغولیت حر-
بیہ ایلہ مشغول اولور ایسہ ژانوس عبادتخانہ سی
احیق بولنق و محاربہ یہ ختام و برلدیکی آندہ عبادتخانہ
نہ مذکور قیادلق معتاد اولدیغدن بودفعہ یکی امیرا-
طور اوکوستک عبادتخانہ یی قیامسی بر صلح و سلام
اشارت علنیہ سی ایدی . واقعا اوفق تفک بعض محار-

به لردها وقوع بولش ايسه ده بو محاربه لر باشلوجه بر
جهان کيرلک مقصدينه مبتنى اوليوب بلکه ذاتاً جهـا
نکيرلک حکمنى المش اولان روما دواتى حدودلر ينى
حدود طبيعیه يه قدر ايصال ايچون ايدى .

رومانک اشبو حدود طبيعیه سى اوروپاچه رين
وطونه نهرلرى واوروپايله اسيا اره سنده قره دکز
واسياچه فرات نهرى وافريقاچه صحراى کبير وافريقا
واوروپاچه دخی بحر محيط اطلاسى ايدى که حدود
مذکوره داخلنده بولنان ممالکک کافه سى روما ايمپرا
طورلغى ممالکى اولش ايدى .

اوکوست رومانک انتظامات داخلیه سنى حقیقه
کلى تعديل و تنظيمه موفق اولدى . قوه حکمرانى
کنديسى ايله مجلس اعيان میاننده مشترک اولوب
مجلس مذکور طرفندن اجراسنده استحصال مأذونیت
ايلديكى موادى براستقلال تام ايله موقع اجرايه قويار
ايدى .

اکر اوکوستدن صکره کلان حکمدارلر دخی
مشفقانه وغيورانه حرکت ايتش اولسه لر ايدى روما
نک شان وشوکتى دها زياده ارتقى طبيعى ايدى .

فقط کننیدن صکره کلان تیرو قانی کولاورنجی
 قلود و نرون ظلم واعتساف ایله شهرت شعار اولان پر-
 نسلردن اولوب بالخاصه نرون اوزمان روماده هنوز
 انتشاره باشلایان خرسیتیان آیینی برباد ایتک ایچون دیانت
 جدید مذکوره نی قبول ایدنلر علمبنده او قدر شدت
 کوستر مشدر که کلیسا تاریخی حکمدار مرقومی کمال
 نفرت ولعنت ایله یاد ایلر .

نرونه قدر کلان حکمدار لر هب مشهور قیصر
 رومک سلاله سندن اولمق اوزره مقید بولنوب بوسلاله
 نرونده ختام بولدقدن صکره غالباً و اوتون و ویتلیوس
 قوه جبر و قهر ایله مقام حکمرانی یه یول بولمشلردر .
 انجق بونلر بریاندن کندی لرینی ایسته میان اهالی یه قارشو
 طرفدارلرینک قوتیله مجادله و منازعه ایله دیگر طرفدن
 دخی یکدیگریله رقابتدن خالی قالمدق لری جهتمه روماده
 اسایش و انتظام داخلی بتکرار مختل اولمش و صنوف
 ثلثه نک اوچی دخی بو اختلال احواله بر نتیجه ویرمک
 ایچون دوشونمکه باشلامش ایدی .

عن اصل پس پایه بر آدمک اوغلی ایکن مهارت
 سیاسی و عسکریه سی سایه سنده بیوک بیوک موفقیتلره

مظهر اوله رق صـ وک و قتلرده فلسطین طرفلرینی فتح
 واستیلا ایلله مشغول بولنان و سپازییه حقیقه امنیت
 عمومییه جلب ایتیش برآدم اولمسیله رومالیر انی ایمپرا-
 طورلق متامنه انتخاب و دعوت ایلدیلر . و سپازییه
 رومایه ایمپراطور اولق داخله بیک بلایه کوکس ویر-
 مک اوله جغنی دوشوندیکندن اول امرده قبول ایتیک
 ایستمدی ایسه ده کندی معینده کی اردو مطلقا
 ایمپراطورلغی قبول ایتسی ایچون تضییق ایلدیکی کبی
 معیتی جنراللرندن موسیه ن وانتویوس بریموس اول
 ایتالیا یه کچهرک ویتلیوسک طرفداری اولان براردوی
 قره مون نام محله بوزدقلری و سائر طرفلرده بولنان
 هیئات عسکریه دهخی و سپازییه نک ایمپراطورلغی
 قبول ایتدیردکلری جهته یکی ایمپراطور بلا مانع رومایه
 کلش و تختنه اوتورمشدر . غول و انکلتره طرفلر .
 نیک فتح و استیلا سنی اکمال ایلیمان بوذاتدر . هر
 طرفجه انتظامه فوق الحد رعایت ایدرک بالخاصه ارتق
 اطاعتدن چیمغه باشلامش اولان هیئت عسکریه یی
 تکرار اطاعت عسکریه قوانینه تابع قیلوب فوق الحد
 متصرفانه بر اداره ایلله امور مالیه سنی ده بولنه قو-
 یشدر .

اون سنه کمال انتظام و اهتمام ايله اداره حکومتدن
صکره ۷۹ سنه میلادیه سنده وفاتی وقوعه کلدیکی
زمان اوغلی تیتوس مقام حکومتده انتخاب اولمشدرکه
بوده حقیقه پدینه خیر الخلف اوله جق بر ذات اید -
یسده ۸۱ سنه میلادیه سنه قدر انجق دوام ایده
بیلان مدت حکومتی ظرفنده وه زوو وولقانی سیاله
ناریه قوصه رق اطرافنی خراب و یساب ایتیمی ومد -
هش بروبا ايله نفس روماده دخی عظیم بر حریق ظهور
المسی کبی بلیاتک صدمه تأثیراتی بر طرف ایتیمکه
اوغراشه رق تصور کرده سی بولنان اصلاحات عظیمه یی
موقع اجرا به قویه مامشدر .

مومی الیهکده وفاتندن صکره برادری دومیسینه
ایمپراطور انتخاب ایدلمش ایسده ده بو ذات فوق الحد
ظالم و خدعه کار بر حکمدار چیقوب میلادک طقسان
التنجی سنه سنه قدر دوام ایلیان مدت حکومتنده بتون
تبعه سنک نفرتنی قزانمقدن بشقه بر حرکته بولنما -
مشدر . هر کسی الداته رق مرانی یور و تمک و حتی
ساده جه الکلمسی ایچون مدهش مدهش لطیفه لر یایمق
بو آدمک خواصندن اولوب بر کون کباردن بر چوق

ذواتی بر ضیافته دعوتله جله سنی سیاهلر ایله مفروش
 بر صالونده جمع ایلش ایدی . صالونك دیوارلرینه
 تعلیق اولنان سیاه پردهلری قالدیرنجه مسافرلردن هر
 بری کندیسى ایچون تهیه ایدلمش بر تابوت کورمکله
 خوف وحشیتلرندن سیم سیاه کسیدیلر . مکر دو .
 میسیه ن محضا اکلمك ایچون بو حرکتی اجرا ایلش
 بولندیغندن قهقهه لرله کوله رك مسافرلری طاغتمشدر .
 انجق بوبولده کی لطیفه لردن زیاده معاملات غدارانه .
 سنی هر کس ایچون بر امنیتلرلکی موجب اولدیغی
 کبی زوجہ سی دومیسیا بیلہ کندی حیانتدن امین اوله .
 میهرق کوله لرندن اتیه ن نام کسنه یی کندیسنه اویدیر .
 مش و ذاتاً بین الاھالی ظهور ایلان بر عصیان هنکا .
 عنده مر قوم کوله امپراطوره سوء قصد ایدرک بوصو .
 وتله مؤرخلر ایچون روما امپراطورلغك برنجی فصلنه
 خاتمه چکدیره جک بر تبدل وقوعه کتورلمشدر .

(اوچنجی فصل)

ایمپراطورلغك ایکنجی دوری

عن ۹۶ الی ۱۹۳

تفصیل - ظالم دومیسیه نك خلع وازاله سندن

صکره روماده هر صنف اهالی بر اتحاد عمومی تشکیل
 ایدرک ایمپراطور اوله جق ذواتک امر انتخابنده و ایمپرا-
 طور لک امر و اراده لرینه درجه اطاعت و انقیادده
 دائماً استشاره ایله حکمدار لک ایقاع مظالمه مقتدر
 اوله ماملری اسبابی تأمین ایلد کیری کبی بخت لرینه اوله-
 رق انتخاب ایلد کیری ذوات دخی هب یکدیگرینه خیر-
 الخلف عد اولمغه لایق ذواتدن بولملری حسبیله
 ایمپراطور لک اشبوا یکنجی دوری جداً بر دور مسعود
 اولمق اوزره باشلامش ایدی .

بودورک ایلک ایمپراطوری اولان نرواحلمو حکمت
 صاحبی بر آدم اولوب بد خواهاننه بیله لطف ایله
 تکدیر ایتک بجهل خواصندن ایدی . ایکنجی ایمپراطور
 اولان تراژان دخی اخلاق حسنه صاحبی اولمقده نروایه
 بلکه ده فائق اولمقده برابر طالع و مزیت عسکریه سی
 دخی پک فوق العاده اولوب اوزمانه قدر فرات نهری
 آسیا جهتمدن روما دولتنک حدود طبیعیه سی عد
 اولنورکن ایمپراطور مومی الیه فراتی کچهرک مه زاپو
 تامیایه کیرمش و اوراسنی فرس دولت قدیمه سی بدندن
 اخذ و نزع ایلیهرک روما حدودینی بابه قدر توسیع

ایتدیکي کبی دیگر جهتدن مجارستان طرفلرینی هرج
ومرجه کلان باربارلر اوزرینه ده یوریوب کرک استر -
داداً و کرک رأساً نیجه ممالک و بلادی فتح ایله توسیع
حدوده موفق اولمشدر .

مومی الیهک خلفی اولان آدریهن واکاده خلف
اولان آتونین زمانلرنده کذلک رومانک انضباط
وانتظامنه برقاتدها قوت ویریلهرک اگرچه بعض
محللرده برطاقم والیر سرکشلیکه قیام ایلشرایسه ده
انلرکده تربیه سی ویریلهرک روما هر حالده عقل
وحکمتک مقتضیاتندن خارجه چیقماشدر . هله مارق
اورل نام ایمپراطور « فیلسوف » دیه الدیغی شهرته
بحق لایق برآدم اولوب بیچاره نك زمان حکومتنده
تیر نهرینک امشالی کورلنک درجه ده طغیان و قحط
ووبا کبی بلیانک یکدیگرینی تعاقبی حسیله ایتالیا طرفلری
پک بیوک فلا کته دوچار اولدیغی مثللو بریتانیا و مجا -
رستان و سوریه طرفلرنده عصیانلر دخی ظهور ایلش
ایسه ده مارق اورل اوزا اولادی دوچار فلاکت اولان
بر پدر مشفق کبی بلیات داخلیه نك هر برینه چاره لر
تدارکنه بذل مقدورایدوب بریتانیا و مجارستان عصیا -

تفرینی تنکیله موفق اولمش و سوریه طرفلرنده کی عصیان
ایسه اوراده روما طرفندن والی بولنان ذاتک تشو -
یقیله وقوعه کلدیکندن سوریه ده بولنان هیئت
عسکریه عصیان واقعدن طولایی والی بی بالاتهام اخذ
و گرفت ایدرک قفاسنی کسوب رومایه کتورمک صو -
رتیله اثبات صداقت ایلشدر .

تاریخک مارق اورل ایچون بولدیغی بر قصور
زوجه سنک بعض مرتبه آشفته لکریته سس چیقارما -
سی قضیه سی اولوب انجق ایمپراطور « کندی نامو -
سنی محافظه ایتمیان قاری ایچون تعیب عمومی جزای
کافیدر . عفتلی و عفتسز کیم اولدیغنی انظار عمومیه
کوریوریا . بن کندیدن مسئول اوده کن دیسندن
مسئولدر » دیه کندی برائت ذمتنی بالاثبات آشفته نک
عیبنی ینه انک اوزرنده بر اقق جهتنی ترجیح
ایلشدر .

ایشته شوایلک بش ایمپراطورک هر بری حقیقه
مملکت و ملتیه خدمت ایتمش ذواتدن اوله رق بودورده
روما دولتی ملکیه و عسکریه جه تنظیمات و انضباطات
واخلاق عمومیه جه تعحیحات ایله شهرت شعار اولمش

ایکن مارق اورلک وفاتندن صکره تحت ایمراطوری یه
کتورلمش اولان قومودک ملعون بر آدم چیقیمی بو
دوره بر سوء خاتمه چکمشدر .

مرقوم قومود مارق اورلک اوغلی بولمق رغایت
ایری بویلی وطبیعت بشریه نك فوقنده عد اولنه جق
قدر قوتلی برقهрман اولمق حسبیله هنوز یکر می یاشنده
ایکن هرکس کندیسندن حسن خدمت و حسن موفقیت
امید ایلیرک اطاعت و انقیادینه جان آتمش لر ایکن بو
خییت اوزی و سوزی طوغری اولان صادق ادملردن
خوش لانیوب مدهنه جی وریا کار و باخصوص
چایقنقله شهرت شعار اولان پهرنيس و قله آندرکی ادا
نی بی باش و کالت مقامنه کتورمک صورتیله اصحاب
ناموسی قیردیغی کی المانیا طرفلرنده برانسان بر طاقم
باربارلرک عصیانلرینه قارشو قلیجی چکوب یوریه رک
او قد و قامتک او قوت بدنک لایقی اولان شجاعت
و غیرتی کو سترمه بدل عاصیلر ایله دنیجه سنه مصالحه یه
رغبت ایلیرک حتی باربارلردن بر چوغنی خدمت
عسکریه یه قبول ایتک صورتیله عسکری طائفه سنک
دخی نفرتنی آرتدیرمش ابدی .

زبانهای مردم مخصوص اولان رفعت قامتی و دیولرده
 امید اولنه بیلان کوچی و قوتی ایله قورقوتمقدن متلذذ
 اولدیغی آدم لر سلاحسز اوله رق سیرق دینیلان او یون
 محله صوقیلان برطاق بیچارگان متهمین ایدیلر که انده کی
 طویوزی و یا خود خنچری ایله بونلری اوروب اولدور-
 د کجه شو یکیتدیکی ایله افتخار ایلر ایدی . هله عرض
 بخشده هیچ کیمسه یه رعایتی ایلیمه رق نیجه اهل عفت
 قادینلری تلویشه دخی باشلایه رن بویولده درجه افراطه
 وارنجه ارتق نفرت اهالی بر عصیان مبدل اوله رق
 طرف طرف ارباب قیام مرقو نك ازاله وجودینه جهد
 و اهتمام کوستر مکه باشلادیلر . حالبوکه بوده مرقومه
 الی باغلی اوله رق اولدوره رك اکلنك ایچون برچوق
 بیچارگان تدارکندن بشقه برشیئه یرامدی . مؤرخلرك
 روایتنه کوره مرقومك بالذات اولدوردیکی آدم لرك
 مقداری یدی یوزه وارمشر . کندی همشیره لرندن
 موسیلا و کندی قاریسی قر یسپینادخی بو مقتول لر ایچنده
 داخلدر . علم حقوق اربابندن سالو یانوس ایله اعظم
 اعیانندن برچوق ذواتی دخی بالکلیه مظلوماً اولدور-
 مشدر . نهایت مارسیا اسمنده برسو کیلی مژه سی

کندیس-نک دخی ظالم مرقوم امریله اعدام اولنق
اوزره بولندیغنی حس ایدنجه خبیثی زهرلیوب کبرتمش
وشرندن بتون عالمی قورتارمشدر .

ایشته قومودک بوصورتله اعدام وازاله سی دخی
روما تاریخنک ایکنجی دوری ایچون برسوء خاتمه
اولوب اندن صکره حلول ایدن اوچنجی دورایچون
دخی بروجه آتی دردنجی فصلز کشاد اولنور .

(دردنجی فصل)

ایمپاتورلغک اوچنجی دوری

عن ۱۹۳ الی ۲۸۲

تفصیل - ایمپاتورلغک اشبو اوچنجی دوری
روما تاریخلرنده « فترت عسکریه » شعاریه مشهوردر .
سوریه طرفلرنده عسکرک بر والی عاصی بی تأدیب
ایچون کوسترمش اولدیغی جرأت ایمپاتورلغک
مرکزی اولان روماجه تحسین ایدلسی اوزرینه هیئت
عسکریه بوندن پک فنا بر یوز بوله رق هر کیمدن خو .
شلائمه جق اولورایسه مؤاخذه سنه مسارعتله عادت
نظام وانتظام عسکری بی بالکلیه اونوتمه باشلامش
ایدی . قومود یوقاروکی فصلک صوکنده بیان

اوانان ظلم و شدتی اورته یه قویه رق خروج اهالی ایله
 مژه سی طرفندن خلع وازاله ایدند کدن صکره روما .
 لولرک اغلیت آرای منتخبانه سیله پرتیناقس مقام ایمپرا
 طور یه کتورلمشدرکه مومی الیه عن اصل براسیرک
 اوغلی اولدیغی حالده کرک باربارلردن و کرک روملردن
 برطاقم ماصیلر علیه اجر ایلدیکی حرکات تأدیبیه
 عسکریه ده فوق الحد مهارت کوسستروب بحارستان
 و سوریه کبی مهم ولایتلرده والیالک وروماده شهر
 امینلکی کبی مهم مأموریتلرده بولنش وهربرنده اثبات
 آثار اهلیت المش برذات ایدو کندن شیرازه انتظا .
 منه خلل کلمش اولان حکومت جمهوریه یی اصلاح
 ایچون تشمیر ساق اهتمامه مسارعت ایلدیه ده طوی
 سکسان یدی کون حکومت سوره بیلهرک علیه اقامه
 اولنان عصیان قارشو مقتولا وفات ایلدی .

اندن صکره ایمپراطورلغی هیئت عسکریه یه برطاقم
 عطیه لر وعدیه عادتاً صباتون المش بولنان دیدیوس
 ژولیانیوس بو وعدینی ایفا ایتدیکی جهته له انجق
 اوچ آی قدر ایمپراطورلق ایدوب ینه عسکرلر انده
 قتل اولندیغی کبی بویه براق آی ایچنده ابکی ایمپرا .

طورک قتلندن طولایی ظهوره کلان هرج و مرج ارا.
 سنده بر طرفه سپتیمه ور کن دیسنی ایمپراطور انتخاب
 ایتدیر دیکی حالدیه دیگر طرفه دخی پسینوس نیر ژ
 عسکر لر طرفندن ایمپراطور نصب اولنه رق بعده شو
 ایکی ایمپراطور ارا سنده وقوعه کلان محاربه فترت
 عسکر یه پی بر قاندها آرتدیر مش و پسینوس نیر ژ
 خصمندن فرار ایله انطاکیه بالالتجا اوراده ده دیکیش
 طو تدره میهرق فارس طرفه قاچقده ایکن کندی
 عسکر لر ی بدنده مقتول اولشدر .

حالبوکه شو ایکی رقیب بومنازعه و محاربه ده
 ایکن بر دیگر جهته دخی آلبینوس نام جنرال بریتانیا
 اردوسی طرفندن ایمپراطور لغه انتخاب اولنه رق بر
 اراق سپتیمه و رایله حکومتی تقسیمه راضی اولمش
 ایسه ده صکره اره لرنده رقابت و عداوت ظهور یله
 محاربه یه قیام اولمش و غالبیت و مغلوبیت ایکی طرفه
 دخی بر قاچر دفعه جلوه کر اولدقن صکره آلبینوس
 لیون طرفلرنده یقایی اله و یروب سپتیمه و رک حضو .
 رینه کتورلد کده قفاسی کسلسدر .

ایشته میلادک ۱۹۳ سنه سنده بر تیناقس و دید .

یوس ژولیانوس و پسینیوس نیز و البینوس و سیتیمه و
اوله رقی بش ایمراتور صندالی حکومته قعود ایدرک
بونلردن دردی عاصیلر یدنده مقتول اولمش و یالکز
سیتیمه و رکه حکومتی ۲۱۱ سنده قدر دوام ایده
ییشدر .

سیتیمه و رقباسندن قورتیلهرقی مقام حکومتده
مستقل قالدیغی زمان مزاپوتامیا جهتنده کی فرسیر
روما حکومتی علیه رفع لوای عصیان ایلدکلرندن
بالذات او طرفلره کیدوب عصاتی بعدالتکیل عودتنده
روماده کندی نامنه بر قوس ظفر انشا اولمشدر که حالا
باقیدر . حرکات شجیعانه و عاقلانه سیله فترت داخلیه یی
ایچه بر طرف ایده ییش اولسی رومالورلی ممنون
ایلدیکنی کورنجه سیتیمه و رکندیسندن صکره دخی
بر طاقم رؤسانک ایمراتورلق منازعه سنده چیقشاملری
ایچون کندی اوغلی قاراقالایی ولی عهد اولق اوزره
رومالوره قبول ایتدیرمش و فقط مؤخر دیکر اوغلی
ژتادخی شریک اولق اوزره ایشه قارشیدرلدیغندن
بودخی بر تخم فساد یرینه قائم اولمش ایدی .

بوایکی ایمراتوردن ژتا قرنداشی قایدیروب مقام

ایمپراطور یدہ کندیسسی یالکز قانق خصوصاً صندہ کی
 ترتیبانی تمامیلہ میدانہ قویہ مقہرین قاراقالا مرقومک
 اوزرینہ هجوم ایدرک حتی ژتا والدہ سنک قوجاغنه
 صیغندیغی حالده دخی ینہ قاراقالا یاقہ سنی براقامش
 والندہ کی خنجرایلہ ژتایی اوروب اولدورمش بولند
 یغندن ژتا بدرجہ یدہ قدر مظلومیت صفتیلہ صفحہ
 تاریخده برنام قازانمشدر . انجق مرقوم ژتانک طر -
 فدارلری بوغدر اوزرینہ برقاندہا تشدید سودای انتقام
 ایلیہ رک بہمہ حال قاراقالانک ازالہ وجودینہ قیام
 ایتلریلہ قاراقالا دخی بونلردن النہ پکنلری اعدام صو -
 رتیلہ او قدر سفک دمایہ قویولمشدر کہ حتی علم حقوق
 مشاہیر حکما سندن پی پی نیہ نام ذاتک علمہ حرمتہ عفوئی
 بعض طرفلردن کندیسسنہ اخطار اولندیغی حالده
 قبول ایتیرک انی دہ خرجه مشدر .

بو ایمپراطور ظلم و شدتہ سائر امثالندن ہیج بریسنہ
 مقیس دکل ایدی . اسکندریہ اہالیسی کندی علیہنہ
 بعض تزیفاتده بولندیغندن اورادہ کی عسکرہ برامر
 کوندروب عموم اسکندریہ بی برقاچ کون یغما ایتدیر -
 مشدر . کندیسسی نہ عقل و درایت نہ دہ شجاعت

وجسارت خصوصنده هیچ بر بهره صاحبی دکل ایکن
هر کس کندیسنی عاقل وجسور بله سون دیه طفره
فروشغی یک سور ایدیه ده بودخی بین الناس کندی
حقنده کی نفرتی آرتدیرمقدن بشقه هیچ برشیئه یرامن
ایدی . نهایت روما شهرامینی بولسان ماقرن هیئت
عسکریه نك تشویقیله ایمراطور مرقوم علیه عشیان
ایدرك وجودینی بالازاله ۲۱۷ سنه میلادیه سنده مقام
حکومتہ کندیسنی یکمکه موفق اولمشدر . شوقدرکه
ارتق نظام وانتظامنی اعاده ایتک ایستیمان هیئت مذکو-
ره بی ماقرن دخی ممنون ایدیه میهرک اطاعت عسکریه یه
رعایت ایتمیانلرک تأدیبی خصوصنده کی شدتی بوکره
دخی کندیسنی هیئت عسکریه نك کوزندن دوشورمسيله
عسکر بر یاندن مرقومك ققاسنی کسدیکی حالده دیگر
طرفدن دخی هلیو غابال نام سردارک ایمراطورلغنی
القشلامشدر .

فقط بر کره بر مملکتک انتظامی بوزولدیغی زمان
انتظامسزلق یالاکز برجهتهده قالیوب هرطرفه تعیم
ایلیه جکی وحکمداردن دومن نفرینه وارنجه یه قدر
هرکسک بردرلو قصورلر ایله انتظامسزلغی آرتدیره .

جغی، حقنہ کی حکمت تاریخیہ بی ایستہ رومانک بوزمانہ کی
 حالی میدانہ چقہار مشدر دنیلہ بچادر . زیر اہیئت
 عسکر یہ نک از غلغی همان ہیج بر ایمپراطوری راحت
 دوشکنندہ جان و یرمک نعمتہ مظہر ایتدیکی مدالہ
 ایمپراطور اولنلر دخی بونلرہ مقابل از غلقدن کیرو
 طور میوب از جملہ بودفعہ کی ہلیو و غابال دخی نیجہ
 مظالم و تعدیاتہ مسارعت ایلد کدن ماعدا قادینلر ایچون
 دخی بر مجلس اعیان آچہرق والدہ سنی اورایہ رئیس
 نصب ایلک مثللو استغراب عمومی بی داعی حرکتلرہ
 قیام ایلدیکندن وظلمی ایسہ کنیدیسی ایمپراطور
 ایتدیرمک خصوصندہ الک بیوک خدمتی کوریلان
 غانیسی دہ اعدام درجہ لرینہ واردیغندن ہیئت عسکر یہ
 بونک دہ باشنی کسہ رک دہا حال حیاتندہ کنیدیسنہ
 ولد معنوی ایدنمش اولدیغی علیکساندر سہوری ۲۲۲
 سنہ میلادیہ سندہ ایمپراطور ایلدیلم .

اشبو علیکساندر سہور « سہور » یعنی « شدید »
 مخلصندن دخی مستبان اولدیغی اوزرہ اگرچہ پک زیادہ
 شدتلی بر ایمپراطور ایدیسی دہ شدت واقعہ سی ہیج بر
 وقتدہ حقمنز اولمیوب دائمًا عدالت اوزرہ معاملہ

ایندیکنندن زمانك انتظاممزلغندن استفاده ایله خیانت
 وار تىكاب مثالو قبايحه و جرایمه دونمىش اولنلری شدیداً
 بالتأديب اون اوچ سنه قدر حسن صورتله حکومت
 سورملايه موفق اولدی . فقط بومدت ظرفنده هیئت
 عسکریه یه هیچ برشی یایمبوب کندی حالنده ترك
 ایشیدی . وقتاكه اصل اصلاحی لازم اولان شی شو
 هیئت عسکریه اولدیغنی نظر دفته الهرق انكده اصلا
 حنه تشمیرساق اهتمام ایدهیم دیر ایکن عسکرندن
 اون طور انوب عصیان ایلیه رك ۲۳۵ سنه میلادیه .
 سنده الکساندر سه وری دخی اسلافنك دوچار اولد .
 قلی معامله قتلہ دوچار ایلدیلر .

الکساندر سه وردن صکره مقام ایمپراط - وری یه
 کلان ذات سکر روما قدمی بوی اولوب کونده قرق
 لیورا لحم میان وسکسان پنت شراب ایچن ماقسیمین
 نامنده بر سردار ایدی . تك باشنه اولدیغی حالده اون
 ادی یرلره سرر وآوجلری ایچنه الدیغی چاقل طاشلر
 بنی پارمقلری ارسنده توز کبی طحن ایلر ایدی .
 بو ذات جرمانیا طرفلرنده بولنوب رومانك دوام ایلیان
 فترت عسکریه سندن بالاستفاده عصمیان ایتمش اولان

باربارلری پک کوزل تأدیپ ایلدیسسه ده رومال وولرک
 ذهنندن ایمپراطورلر علیهنه خروج فیکر شقاوتنی
 چیقارمق ایچون پک چوق آدملی اعدام ایلدیکنندن
 هیئت عسکریه بونک ده علیهنه قیام ایلیرک فقط عسکر
 دخی یکی ایمپراطورک انتخابنده برنفاقه دوشهرک بر
 قسمی ماقسیم پوپیهن وبر قسمی دخی بالبن اسمنده برر
 ذاتی انتخاب ایتشلرایدی . ماقسیمین بو خبری الدیغی
 زمان جرمانیا طرفلرنده محاربه ده بولنوب همان علی
 جناح الاستعجال ایتالیا اوزرینه بورودی ایسه ده
 معیتنده بولنان اردو ایتالیا ده بولنان عسکری فرقه لر
 ندن عموم عساکرک ماقسیمیندن یوز چویر دکلینی خبر
 النجه انلر دخی یوز چویره رک حتی اودیولری قورقو
 تان جسیم الجئه ایمپراطوری قتل و اتلاف دخی
 ایتشلردر .

ماقسیمین اوزرینه ایمپراطور نصب اولنان ماقسیم
 پوپیهن و بالبنه ایله برابر روما اعیانی غوردیهن اسمنده
 ایکی سرداری دخی اکر ماقسیمی ازاله ایده بیلورلر
 ایسه ایمپراطور مقامنک کندیلرینه ترک اولنسه جنجی
 تشویقیله حتی دهها اوآنده بیعت دخی ایتشلرایدیسسه ده

ما قسیمینک طرفداری اولان جنراللر مرقوملری بوزوب
 ققلارینی ده کسمش اولدقلرندن بودفمه میدان منازعه
 یالکز پویه ن ایله بالینه آچیق قالمشیدی . واقعا
 بونلرک منازعه سی پک چوق سورمیوب ایکی ایمپراطور
 حکومت مشترک اصولنه ایچمه حسن رعایتله ایکی
 اوج آی قدر روما دخی اسایش یوزی کوردی
 ایسه ده هر فسادک ال بیوک محوری هیئت عسکریه
 یتدده اوله زرق مطلقا بوفترت عسکریه برنهایت ویر -
 نتیجه اجرای اصلاحات قابل اوله میه جغنی بونلر دخی
 اکلا یوب ازدن ازه اصلاحات عسکریه قیام ایتدکلر -
 تده هیئت عسکریه در حال ایکیسینی ده اعدام ایلشلر -
 در . بو حالدده میلادک ۲۳۵ سنه سندن ۲۳۸ سنه سنه
 قدر اوج بچق سنه ظرفنده روما صندالی ایمپراطور -
 یسنه اوتوردقلری حالدده ققلاری کسیلان ایمپراطور لک
 مقداری بش نفره وارمشیدی .

حالبوکه کویامنع نفاق ایچون عموم رومانک انتخا -
 یله مقام حکومت کتورلش اولان اوچنجی غوردیه ن
 اوجده سناتو طرفندن تشویق ایدیلان غوردیه نلرک
 حقیقندی و هنوز اون اوج یاشنده برچو جق اولدیغی

وروما شهر امینک وصایتی التندہ پک عاقلانہ حکومت
 سور دیکی حالده اوده ۲۴۲ سنہ میلادیہ سنده اناطولی
 طرفلرنده عجملر ایلہ محاربہ اوزرنده ایکن مقتول
 دوشمشدر . فقط تدقیقات تاریخیه دن ا کلاشلدیغه
 کوره دشمن یدیلہ مقتول اولیوب بلیکه کندیسندن
 صکرہ امپراطور اولان عرب فلیب یدیلہ مقتول
 دوشمشدر .

بوفلیب عن اصل بر حیدود رئیسک اوغلی اولوب
 جسارت فوق العاده سیله رتب عسکر یه بی احراز
 ایلہ رکنہایت عجملرہ قارشو محاربده کنج غور دیه
 مقتول دوشونجه کندیسلی امپراطور اولق اوزره
 اعلان اولندقدہ مزاپوتامیا طرفلرینی عجملرہ ترک ایتک
 شرط مغلوبانه سیله بر معاهده صلحیه بالتنظیم طونه
 طرفلرینه هجوم ایلان بعض اقوام وحشیہ نک منع
 مضرتلرینه قوشمش و بعده روماشهری تأسسک
 ایکنجی سنده ی حلول ایتش بولنق حسیله اجرا
 اولندحق بر رسم عومیده حاضر بولنق اوزره پای تحمته
 کلشدر . واقعا بو ذات رومایمپراطور لغنی یکیدن تنظیم
 ایچون غایت عاقلانہ بر حرکتہ باشلامش ایدیمده

هیئت عسکریه طرف طرف ایاقلا نه رقی ژو ثابیه زومارن
کی بر قاج ایمر اطوری بردن اعلان ایلد کیری جهتله
قدرت موجوده صوک درجه یه قدر دهشتنی آرتدیر مش
وفلیب بو یکی ایمر اطور لری تشکیل ایچون اک صادق
جنرال برندن رس نام کیمسه بی انراوزرینه صالدیر دقد
واقعا رس بونلری تشکیل ایش ایه ده تاج ایمر اطوری یه
کندی باشنی ده لایق کوره رک بناء علیه ۲۴۹ سنه
میلادیه سنه افندیسنی دخی قتل و اعدام ایلدیر رک
کندیسنی ایمر اطور اعلان ایتشدیر . حالبوکه رس
دخی بوقوت قاهره سیله روماده انجق ایکی سنه قدر
دیکیش طوتدیره یلوب یکی بر حرکت عسکریه خالوس
ووو نویسنده و هدستیلیه ن اسمنده اوچ ایمر اطوری
بردن مقام حکومت کتوروب بونلر دخی ایکی سنه قدر
خرلاشدقدن صکره ۲۵۳ سنه میلادیه سنه هیئت
عسکریه امیلیه ن اسمنده بر جزالی ایمر اطور انتخاب
ایشلر ایدی . لکن بو ذات دخی انجق درت آی قدر
ایمر اطور اقایده یلوبینه طوائف عسکریه نک
اختلافاتی ایه سنه میدان بولان دالهریه نام دیگر
بر جزال ایل ایمر اطور لری رقابتیه مجبور اوله رقی رقی

ایله محاربه اوزرنده ایکن کندی عسکری « بز بو حر-
یفک اقبالی ایچون جنکه نه دن مجبور اولهلم » دیه
بیچاره بی قتل ایتمشلدن .

الحاصل امیلیه ندن صکره سردارلردن والهریه ق
وانک اوغلی غالییه دن دخی مقام حکومته کلشلا ایهسه ده
بونلردخی هیچ برشی یاپه میوب بریسی رقباسندن برینک
تحت اسارت شدیدیه سنده دوچار اوله رق اولونجه یه
قدر بنک طاشی خدمتنی کورمش یعنی رقیبی والهریه -
نک ره یاتیروب اوزرینه باصه رق آته بنک ایله تحقیر
ایدایدیه کبرتمش و دیگری ایهسه ینه رقبانک اختلافات
ورقابتی ارمسند قتل اولنوب کیتشدن .

ایشته بورایه قدر ویریلان ایضاحاتدن اکلاشیش
اوله جغی اوزره ارتق روماده هرشی عسکر النده
قالوب عسکری فرقه لرینک اختلافاتی ایهسه صندالی
ایمپراطوری اوزرنده هیچ برکسه نک دوامنه مساعد
اوله مدیغندن برارهلق عسکر جزالردن اوتوز نفری
« اوتوز طاغله » عنوانیه حقوق ایمپراطوریه بی کند
یلری میانده تقسیم ایدرک ۲۵۳ سنه میلادیه سنه
۲۷۰ سنه میلادیه سنه قدر دخی رومیایی بونلر ایدر .

ایٹلش سردر . انجق بونلر میاننده کندیلرینی تاریخه طانتش اولنلری باشلیجه اون یدی نفرکسه دن عبارت اولوب بونلر دخی یا عالمی سیف ظلم ایله اولدورمک ویاخود کندیلری سیف انتقام ایله اولمک صورتیله امرار اوقات ایٹلش سردر . نهایت میلادک ۲۶۸ سنه سنده ایکنجی قلود اسمنده بر سردار روماده ایمپراطور انتخاب اولنهرق اوزمانه قدر فترت عسکریه نک کو ستردیکی سیبیت اوزرینه جرمانیا و فرانسه طرفلرنده ظهوره کلان غایت وخیم ومدهش عصیانلری برطرف ایلدیکی کبی انتظاماتنی اعاده ایلیه جک جرأت و حکمت دخی بوذاتده موجود ایدیسه ده ویا علتسه دوچار اوله رق انجق ایکی سنه حکومت ایده ییلوب بعده علت مذکوره دن وفات ایٹلشدر .

قلودک وفاتندن صکره قرنداشی کنتالوس معیتنده بولنان بر فرقه عسکر طرفندن ایمپراطور اعلان اولنلری ایسه ده دیگر جهته اوره لیهن نام صاحب نفوذ بر سردارک عموم هیئت عسکریه طرفندن انتخاب اولند یعنی ایشیدنجه بو بیچاره محجوبیتندن طولایی برجامده قوللرینک طهارلرینی کسه رک هلاک نفس ایٹلش و بناء

علیه امپراطور لغی انجق اویدی کون ممتد اولمشدر .
 اشبو اوره لیه ن هر نه قدر عن اصل بر فقیر کویلینک
 اوغلی ایدیسده رتب عسکریه سنک کافه سنی بر
 یارارلق مقابلنده احراز ایلیه رک نهایت امپراطور
 انتخاب اولندیغی زمان بعض ولایاتده ظهور ایدن
 صاحب خروجرلی و بالخاصه تدمر قرالچیه سی ذنوبی بی
 تأدیب و تنکیل ایلش و بناء علیه رومایه کلدیکی زمان
 جمله طرفندن عظیم القشدر ایله استقبال قلمشدر .
 اورلیه ن روماشهرینی پک زیاده تنظیم و تزیید ایلدیکی کی
 بر خیلی اصلاحاته دخی موفق اولمش ایدیسده ده هیئت
 عسکریه نک اطاعتسز لکنه قارشو هیچ برشی پایه میوب
 عسکره دائماً مدارا ایشدر . نهایت عجمله قارشو
 دخی بر حرکت عسکریه اجرا ایتک اوزره ایکن ازادلو
 اسراسندن بریسی ارتکاب ایلدیکی قباحندن طولانی
 امپراطورک حشمنه اوغرایه جغندن قورقوب اندن
 اول کندیسی طورانه رق بیچاره اوره لیه نی سوء قصد ایله
 اعدام ایشدر که رومایه امپراطور لرینک ظالمی عسکر
 یدنده قتل اولندقلری حالده الک اییسی عد اولنه بیله جک
 اولان بو ذاتک دخی بر دوست یدیله هر حالده مقتولیت

تجلیسمنه دوچار اولمی غرا بیدن عد اولنسه سزادر .
 اوره لیه ندن صکره مقام حکومته انتخاب اولنان
 تاسیت یتش یاشنده و فضائل اخلاق ایله متحلی بر ذات
 اولوب عجم لرله باشلنان محاربه یی حسن ختامه موفق
 اولدیغی کبی جرمانیا طرفلرنده دخی بر طاق عصیانلری
 منع ایش ایسه ده اصلاحات عسکریه یی بوده اس الا .
 ساس اصلاحات اولقی اوزره اعتقاد ایلدیکی ایچون
 الی ای قدر حکومتدن صکره هیئت عسکریه نك پنجه
 ظلمده مقتول اولمشدر . تاسیتدن صکره قرنداشی فلو-
 ریه ن روما اعیانی طرفندن مقام ایمپراطوری یه انتخاب
 اولمش ایکن شرق طرفلرنده کی هیئت عسکریه
 بالعکس پروبوسی "نام سردار لرایی ایمپراطور اولقی
 اوزره اعلان ایلدکاری ایچون ایکی ایمپراطور یکد-
 یکر یله محاربه یه قالدیش-ه رق فقط فیلوریه نك عسکری
 مغلوب اوله جقلرینی اکلادقلری کبی بیچاره یی قتل
 ایدرک حربه نهایت ویرمش-لردر . بناء علیه انک ده
 مدت حکومتی انج-ق ایکی ای قدر امتداد ایلده .
 بملشدر .

اشو یکی ایمپراطور پروبوس هم غایت شجیع و

هم ده غایت عاقل بر حکمدار چیتوب نیجه زماند نبری
 دوام ایلیان فترت عسـکردن فرجه بولان سوریه و
 مصر و غول ولایتی اهلایسی روما حکومتی علیه
 عصیان ایلمد کیری حالد یکی ایمپراطور بونلری برر
 برر اوروب تربیه ایلمدیک کی رومایه کلد کدن صکره
 عسکرک همان هر کون یکی بر ایمپراطور تاجی خلیا
 سیله عصیانلر اختلاللر دوشونمسنه سبب محض
 ایشنلر کیری اولدیغنی کوره رک بونلری بطـاقلری
 قوروتقی ویکیدن یوللر اچق و قنالار خفر ایتمک کی
 منافع عمومیه خدمتترینه تعیین ایش و کندیس دخی
 انلر ایله برلکده چالشمغه باشـلامش ایدی . واقعا بر
 قایح سنه مدت بوصورتله خیلی ایش کورمش و کور
 درمش ایسه ده نهایت اطاعتنر عسکر بو عملیاتی کندی
 شان عسکر یلرینه مغایر کوره رک عصیان ایدوب او
 بیچاره یی ده قویون بوغازلر کی بوغازلامش لدر . مع
 هذا پروبوسک قتلی ۲۸۲ سنه میلادیه سنده اولوب
 حالوکه ۲۷۶ سنه سنده مقام ایمپراطوری یه کلمش
 اولدیغندن بالنسبه روما ایمپراطورلری میانده اوزونجه
 مدت حکومت سورنلر دن عد او نمشدر .

اشبو فترت عسکریه دورینک صوگ حکمداری
 قاروس اولوب بو ذات مزاپوتامیایی عجملردن استر-
 داد ایتک و سوریه و مصر طرفلرنده روما حکومتی
 تجدید ایلک مثللو یارارلقلر و موفقیتلر ایله هر کسه
 کندیسنی س-ودیرمش و حتی چوجقلری ایچون بر
 وراثت حکومتی دخی روما اعیاننه و هیئت عسکریه -
 سنه قبول ایتدیرمشدر . فقط سته سیفون شهرینی
 دخی هنوز استرداد ایلدیکی حالدده بر روایت کوره
 ییلدیرم اصابتی و دیگر روایت کوره بر سوء قصدچی
 یدی ایله مقتول دوشدیکندن انجق ایکی بجق سنه
 مقداری حکومت ایتشدرد .

ایمدی ایمپراطور لنگ شو او چنجی دوری ایچنده
 عاداتا هیچ بر ایمپراطورک مقام حکومتده امنیتله زمان
 پگیره مامسی و هیچ بر یسنک کندی اجلیله وفات ایده -
 مامسی هر ایشی یوزی اوستنده بر افعه سبب اولدیغندن
 ولایات بعیده طرف طرف عصیانلره قیام ایلیرک
 روما دولتی کرک بونلرله و کرک عسکری فرقه لرینک
 ایمپراطور انتخابی امرنده یکدیگریله ایتدکاری محاربه لر
 متاعبندن ناشی اولانجه قوتنی غیب ایدوب همان

رهین انقراض اولق منزله سنی بولمش ایدی . بوندن
صکره کی دوردده شـ و احوال بر درجه یه قدر اصلاح
اولنه رق روماده حکومت ایمپراطوریه بیاغی تأسس
ایلشدرکه بحثک بوجهتی دخی بوجه آتی بشنجی
فصلزده ایضاح اوانه جقدر .

بشنجی فصل

ایمپراطورلغک دردنجی دوری

عن ۲۸۴ الی ۳۹۵

تفصیل - ایمپراطورلغک اش بودردنجی دورنده
مقام حکومته یکن ایلک ایمپراطور نومهریه ن اولوب
فقط جلوسـ یله برابر برکروه عظیم طرفندن مخالفته
وسوء قصدایله قتله دوچار اولمشیدی . قرنداشی
قارن هم برادرینک انتقامنی المق وههمده ایمپراطورلغی
ضبط ایتمک ایچون طرفدارلرینک معاونتیه قیام ایلدـ
یسه ده عسکری رؤسامـ ندن اولوب بو اراق سـ رای
ایمپراطوری قوماندانی بولنان دیوقلسیه ن ایمپراطور
مقتـ ولک قاتلی آپر نام سرداری کندی یدیه اعدام
وقارنک انعاسنی دخی برطرف ایلهرکـ صندالی ایمپراـ
طوری یه کندیسی جلوس ایلشدر . بو وقایع هب

میلادك ۲۸۴ سنه سنده وقوعبولوب دیوقلسیهن روما دواتنك بومثللو اختلالاتنه سبب اولكانك فوق. فوق الحدیوكله کی اولدیغنی نظردقته المغله ایمپراطورلغی ایکی به بالتقسیم غرب جهتی ماقسیمه ن هرکول نام سرداره ترك و کنديسی شرق طرفنه عزیمت ایلش ایدی . اوراده عجملرله محاربه یه طوتوشوب اولجه بونلرمز اپوتامیای استیلا ایلش بولندقلری حالدله الارندن نزع واسترداد ایتدیکی کبی متعاقباً جرمانیا جهته نده عصیان ایلان باربارلری دخی تربیه یه مسارعت کوستر. مشدر .

اگر مقام ایمپراطوریده یالکز کنديسی بولنسه ایدی شو مشغولیتی هنکامنده ینه بر فترت چیتقه جغتده شبهه یوق ایدی . فقط شریك حکومتی بولنان ماقسیمه ن هرکول رومایی تحت اطاعتده ضبطه مقتدر اولد . یغندن دیوقلسیهن اوزمانه قدر ایمپراطورلره مخصوص اولان اوکوست عنوانی کنديسیله شریك حکو . متنه حصر ایدرك قیصر عنوانیله دیگر ایکی شریك حکومت دها تشکیل ایتش و ایمپراطورلق مقامنك ولایت عهدی امتیازینی دخی بونلره ویرمش ایدی .

الك اول قيصرق عنوانى الانر قونسطنس
 قلور ايله غاله ريوس نام سردار لر اولوب روما ولا -
 ياتنى اشبو شرکای حکومتی میانده تقسیم ايله اصل
 زمام ریاست کندي انده قالدیغندن بونلر بالاتفاق
 صرف تقدینه همتله داخلی وخارجی فترت ومحارباته
 نهایت ویرمشر واموردولتی کرکی کبی یولنه قویمشردر
 برارالق دیوقلسیه نك شعورینه خلل کلوب غالر -
 یوس دخی برطاقم تهدیداته بولمغله میلادك ۳۰۵
 سنه سنده حکومتدن بالاستعفا صالون نام محله چکلمش
 واوراده کندي باغچه سنی کنديسی زرع ایدرک
 پنمکه باشلامش ایدی . دیگر شریک حکومتی اولان
 ماقسیمه ن مومی الیهی تکرار مقام حکومتیه دعوت
 ایلش ایسه ده دیوقلسیه ن « بن انجق حکومتدن فرا -
 غت ایده لیدنبری حیات صحیحه ايله یشامغه باشلادم
 بورایه کل ده باغچه لریمک نه قدر معمور اولدیغنی کور »
 ج - وایی کوندرمش اولدیغندن بوجواب حکمدار
 مومی الیهک شعورینه خلل کلدیکنی دکل بالعکس
 فکرینه نور حکمت کلدیکنی اثبات ایتشدر .
 سکنر سنه مقداری بو منوال اوزره یشادقن صکره

راحت دوشکننده وفاتی میسر اولمشدر که بونعمتک
روما ایمپراطور لرندن پک چوغنه نصیب و میسراوله .
مدیغی شایان دقتدر .

ماقسیمیدن هر کول دخی میلادک ۳۰۵ سنه سنه
قدر او کوست عنوانیه حکومت سوردکدن و حقیقه
ابراز آثار اهلیت ایلدکدن صکره اوزمانه قدر قیصر
عنوانیه ایفای مأموریت ایلان قونستانس قلور
وغالیوس ذکر اولنان ۳۰۵ سنه میلادیه سنه
او کوست مقامه کچمشلر و سورو ماقسیمیدن نام سردار لری
قیصر عنوانیه ولی عهدک مقامه المشلرایدی . بونلر
دخی علی قدر الامکان حسن اداره اموره بذل مجهود
ایدرك از جمله اوزمانه قدر روماده خرسیتیانلر پک محقر
و مظلوم ایکن سنه دن سنه یه قوتنی آرتدیران عدالت
قانونیه سایه سنده خرسیتیانلر دخی مظلومیتدن قور تلغه
باشلامشلردر .

بواره ای او کوستلر و سزارلر میاننده مقدماتی ظهور
ایتمک باشلایان رقابت رومابی بتکرار هرج و مرج
ایتمک اوزره ایکن سابق ایمپراطور لر دن قونستانس
قلورک اوغلی اولوب دیگر ایمپراطور دیوقلسیه نک

و بتون هیئت عسکریه نك مظہر توجہی اولمش و دیگر
ایمپراطور ماقسیمیه نك دخی قزینی الہرق انك ده
طرفدار لرینی کندی نه ربط و بند ایتش اولان قسطنطین
بیوک بریتانیاده کی اردو طرفندن ۳۰۶^{هـ} سنہ میلادیہ سنده
ایمپراطور اولق اوزرد القشلا نوب بوارد و ایله جنوبه
طوغری یوریمکله غول یعنی فرانسه طرفلرینی کاملاً
کندی سنه ربط و بند ایلش ایدی . قان پدیری ماقسیمیه ن
هنوز مقام حکومتدن بولمغله دامادینك شوو جرأتلی
کلشندن اورکوب بر طریق ایله قتل و اعدامی اسبابنه
تشبت ایلد کده قسطنطین بوندن خبردار اولهرق
ضروری قان پدیرینی بالاعدام اولانك داهیہ رقابت
و عداوتندن قورتلش ایدی که شوو قعه ۳۱۰ سنہ
میلادیہ سنده وقوعه بولمش ایدی .

بعده ایتالیا و سائر بالجمله روم ممالکنی کرک اوکو-
ست و قیصر دینیلان شرکای حکومتدن و کرک سائر
جبار ه دن قور تارمق ایچون بایراغنی آچوب یوریدیکی
زمان بر روایتہ کوره کویا سماده بر بلوط کوروب
اوزرنده بر صلیب اشارتی والتندہ دخی بر حروف
اتشین ایله « بواشارت سایه سنده غالب اوله جقسک »

عباره سنی کورنجه صلیب اشارتی بایراغنه قبول
ایتمش ورقباسی اوزرینه صالدرمش ایدی . ورقباسی
طرف طرف مغلوب اوله رقی برقاچ سنه طرفنده بتون
روما مالکی کندی بدواحد سنه کچمکه قسطنطین
خرستیان آیینی قبول وانی حکومتک دیانت رسمیه سی
اولمق اوزره اعلان و طائفه نصاری مظلومیتدن
بالکلیه تخلص ایلشدن .

یالکز رومای شرقی کرسیسی عد اولنان استانبول
لده لیسینیوس امپراطورلق دعواسنده ثبات ایدرک
قسطنطینه رغماً خرسیتانلری مقهور ایتکده بولنسیله
۳۱۵ سنه میلادیه سنده قسطنطین شرق طرفنه یورو
هر ددرت بیولک ظرفیتله ادرنه یه قدر بتون رومای شرق
قی ولایتلرینی استرداد ایلش ایدی میلادک ۳۲۴ سنه سنده
دخی لیسینیوسک بقیه ممالکنی استرداد ایلهرک ایشته
اوزمان عموم روم ممالکنک بحق مالکی اولمش وروما
سیرقلرنده اوینان قانلی او یونلری منع واسرای آزاد
ایلمک و خرسیتانلق مذاهبی اده سننده کی مخالفتری بر
طرف ایتمک مثللو اصلاحاته تشمیر ساق اهتمام ایلشدن
نیمه شهرنده ۳۲۵ سنه سنده سنده عقد اولنان قونسیل

نام جمعیت عمومی قسین مسائل دینیہ بی حل ایلد .
 یکی صرہ دہ ایمپراطور مومی الہی خرستیانلغک
 برنجی حامیسی اولق اوزرہ القشلامش ایدی . فقط
 زوجہ سی فوستا اوکی اوغلی یعنی قسطنطینک اوز
 اولادی بولنان قرسپوس حقندہ برافترا ایتیمیلہ اوغلی
 اولدیردیکی کبی بعدہ زوجہ سنی دخی اولدیرمش بو .
 لئمی شان حکومتی ایچون برشین مقامہ قائم
 اولمشدر .

بوزمانہ قدر روما دولتنک اصل پایتختی نفس
 روما شہری عد اولنورکن قسطنطین اوزمانہ قدر
 بیرانس تسمیہ قلنان استانبول شہرینی تعمیر وتوسیع
 ایلہرک وکندی نامنہ نسبتلہ قونستانینو پولیس یعنی
 قسطنطنیہ تسمیہ ایلہرک پایتختی دخی بورایہ نقل
 ایتمشدر .

قسطنطینک خرستیانلر حقندہ کی توجہات مخصوص
 صد سیلہ برابر دیانت نصارایی قبول ایدوب ایتماش
 اولدیغی بین المؤرخین جای بحشددر . مؤرخلردن
 بعضلری وفاتندن مقدم وافتیر ایدلدیکی روایت
 ایدرلر ایسہ دہ بعضیلری وافتیر ایدلدکن ماعدا

حتی او آخر حکومتده کندیسنی ده خلقه معبود طاعت
تدیر مق درجه سنده بت پرستلکه میل ایلدیکنی ده
روایت ایلرلر . ایمپراطور مومی الیه ۳۳۷ سنه
میلادیه سنده وفات ایلدیکنی زمان نمالک وسیعه سنی
ایکنجی قسطنطین وقونستانس وقونستان نام اوج
او غلبه ولماس وانبالین نام یکنلری اده سنده تقسیم
المشدر .

اشوبش حکمدارانندن ایکنجی قسطنطین غول
واسپانیا ویوک بریتانیا طرفلرنده حکومت ایتمک باشلا-
یه رقی انجق برادری قونستانک زیر اداره سنده بولنان
ایتالیایی دخی لندن المق ایچون اردوسیه ایتالیا اوز-
رینه یوریدیکنی زمان ۳۴۰ سنه میلادیه سنده آکیل
نام محله قونداشی قونستان یدنده کاملا پریشان
و کندیسنی دخی مقتولا بینام و بی نشان اولمشدر .

بو غلبه یه مظهر اولان قونستان بیوک قسطنطینک
برنجی اوغلی اولوب حصه سنده ایتالیا و افریقا قطعه-
لری دوشمش ایدی ایکنجی قسطنطین علیه قزاندیغی
آکیل غانیتمدن صکره نظرنده دیگر شرکای حکو-
متک هیچ راهبیتی قالمیه رق کندیسنی عموم روما

ایمپراطوری اولمق اوزره اعلان ایلدیسده ده اوقتم
متکبر و مغرور بر ادم ایدی که بتون روما اعظمه
مفردات احوالنه قدر هر شیئی نظر نفرته کوره و
مرقوم ۳۵۰ سنه میلادیه سنده علیه قیام ایلان پر
فرقه یکنده مقتول اولدی .

بيوك قسطنطينك ايكنجى اوغلى بولنان ايكنجى
قسطنطين ايسه پدرينك تقسيم ممالك ايلديكى صرعه
حصه سنه شرق و يونانستان اصابت ايلديرك ديكر
قرنداشلرينك يوقاريدى حكايه ايديلان محارباتنى اوزا
قدن تماشا ايلر ايدى .

قرنداشلرى مقتول دوشدكن صكره صندالى
حكومتى غصبه قيام ايليان (مانيا قس) و (و ترانيوم)
نام سردارلرك اوزرينه عظيم براردو سوق ايدرك
بونلرى بر طرف الملكاه اوچبوز الى سنه ميلاديه سنه
عموم روما ممالكنك حكمدار يكانه سى كنديسى قالسى
فقط خلا فكيرانى عليهنده او قدر شدتلى انتقاملره يو
ريدى كه فرقه عسكريه عظيم بفرته دوچار اوله ريق
اعاظمدن ژوليهن نام كس نه يي آنك يرينه ايمپراطور
اولمق اوزره اعلان ايلديلر . ايكنجى قسطنطين اولانجه

قوتنی طویلایه رقیب اوزرینه بوری دیسه ده اثنای
 رآهده و ۳۶۱ سنه میلادیه سنده وفاتی وقوع بو
 قوتنی دشمی ایله مقابله موفقی اوله مدی .

اشبو زولیدن ایمپراطور خاندانه قرابتی اولمغله
 یوایر اول امرده پاپاسلق طریقنه سلوک ایلش ایدی
 اتدن صکره سزار عنوانیله ولایت والیلکرلرنده استخدا
 مه یاشلانیلوب جرمانیا باربارلری اوزرینه سوق اولنان
 اردوئر قومانده سنده دخی بولنه رقی اثبات آثار اهلیت
 ایشدر .

ایمپراطور قونس-تانسک برمنوال محرر وقوع
 وفاتیله زولیدن عموم روما ممالکی اوزرنده باشلی
 یاشنه حکمدار قانجه بیوک قسطنطین زماندن بری
 کتد کجه تأسس ایلکده بولنان خرس-تیانلق علیهنه
 تشحیر ساق اهتمام ایلدی . بعض مورخلر مرقومک
 مقصدی ینه بت پرستک آیینی تجدید و احیادن عبا
 رت اولدیغنی بازارلر سده صقالنی اوزاتوب فیلسو
 فکر کسودستی کیسندن استدلال اولندیغنه کوره
 اصل مقصدی رومالیر ایچون یکی بر مذهب فلسفه
 ایجاد ایلک اولدیغی اکلاشینور .

هر نه حال ايسه استانبوله كلديكي زمان بر طاقم
 نظامات عاقلانه وضع ايلشدر كه اوزمانه قدر كند كچه
 مختل اولان امور دولتي بياغى اصلاحه خدمت
 ايلشدر . برده شو صوك اختلال و فترتله مناسبيله
 ميدانى خالى بوله رق روما دولتنى تضييقه باشلايان
 فرس دولتى اوزرينه قلجنى چكوب ارمنستان و مزه .
 پوتاميايى اخذ و استرداددن صكره ايران ايجلرينه طو-
 غرى ايلروليوب كيدنجه ولوله شوكت و اجلالى
 جهانى طوتمش ايدى . انجق برارالق مقدمه هزيمته
 دوچار اولسييله بوندن فوق الحد عارلنه رق ۳۶۳ سنه
 ميلاديه سنده عار و حجابندن وفات ايلشدر .

بو ذك مدت حكومتى يالكز ايكي سنه قدر ممتد
 اولمش ايدى . كو سترديكى يارارلره نظراً اكر بش اون
 سنه حكومت ايتسه ايدى حقيقه دهـا پك بيوك آثار
 موقيت اراز ايده جكى مأمول ايدى .

مورخلر بو ذاتك احوال و اخلاق خصوصيه سى
 اوزرينه اوزون اوزادى يه تنقيداتيه كيريشه رك بعض
 احوالى تحسين و بعضلر بى تلمعين ايدرلر مسوده شو
 شو تنقيدات ايجنده مورخلر غيرت نصرايه سى كند .

یترینی بطرف کوستره مز • اکر ژولیه دن خرسستیانو
 علیهنده بعض حرکات شدیدانه ده بولنسه ایدی مور -
 خین نصارائک تنقیداته دوچار اولیه رق رومانک الک
 ابو ایمپراطورلردن عد اولنه بیلور ایدی •

ژولیه نک ایرانلیلر قارشوسنده وقوعبولان مغلو -
 بیتنی تعمیر ایلک همتی سردارلردن ژوویه ن نام ذاتدن
 مأمول ایدیلرک فی الحال ایمپراطورلغی اعلان قلنمش
 ایسه ده عجملر روما اردوسنی کرکی کبی احاطه ومحاصره
 ایلش اولدقلردن اردویی بو بلیه دن قورتارمق عاداتا
 امکانک خارجنه چیقمش و بناء علیه دجله نهرینک
 اوتیه طرفنده بولنان ولایتی عجمه ترک ایلک صو -
 رتیه اردویی شو حال مشکلدن قورتارمشدر •

ژوویه نک بو موقعیتسزلیکی اردو نظرنده برعذر
 مجبوری اولمق اوزره تلقی ایدیلرک مومی الیهک قطعاً
 ایمپراطورلغی تصدیق و اعلان ایچون استانبوله کلمکه
 قرار ویرلمش و یوله چیقمش ایکن یکی ایمپراطور اثنای
 راهده و ۳۶۴ سنه میلادیه سنده وفات ایدرک موفق
 اوله مامشدر •

بو حالدده اردو آفریقا والیسی غراسیه نک اوغلی

اولوب ژولیه‌ن و ژوویه‌ن زمانلرنده عجمله قارشو
 قوماندا ایلدیکی قول اردولر حرکاتجه فوق‌الحدیرار-
 لق کوسترمش اولان والانتینیه‌ن نام سردارک ایمپرا-
 طورلغنی اعلان ایلدی . بو اعلان اردونک بروسه
 طرفلرینه تقریبی اثناسنده وقوعبولوب حالبوکه استا-
 نبولده بر یوک فرقه مرقوم والانتینیه‌نک قرنداشی
 والانسک ایمپراطورلغنی تهیه ایلکده بولندیغندن یکی
 برتفاقه اوغرانلماق اوزره والانتینیه‌ن غرب یعنی
 روما طرفلرینک ایمپراطورلغیه قناعت ایدرک شرق
 یعنی استانبول ایمپراطورلغنی قرنداشنه ترک ایش
 ایدی . بو اثناده جرمانیا طرفندن برطاق اقوام غول
 یعنی شمدیکی فرانسه جهتلرینه هجوم ایله هر طرفی
 هرج و مرج ایلدکلرندن والانتینیه‌ن ۳۶۵ سنه‌سندن
 ۳۷۰ سنه‌سنه قدر زمانی هب شمال باربارلرینک
 تادیبی ایشنده پکورمش و بونکله برابر دیگر جهندن
 اصلاحات و تنسیقات داخلیه برچوق خدمت ایده-
 بیلشدر .

بوزات حدت و سورته اول قدر مغلوب ایدی که
 ایشای بحث وجدالده کندیسینی غیب ایدرک بائلق

درجه لینه کلور ایدی . حتی بر معاهده صلحیه
مذاکره سنده اجنبی سفیر یله دخی بونله بر حدیدانه
مجادله یه کیریشه رک « بن ! » دیه انا ئیتی اثبات ایچون
کندی کو کس نه اویله بر یومروق ایندیر مشدر که کو کس
کیکنک بریسنی قی رقی او آنده وفاتی وقوعبولمشدر .
بووقعه میلادک ۲۸ سنه سنده وقوعه کلش اولوب
انجق شویله بر سوء واقبت اینر اطور مر قومک تبعه سنی
متأسف دکل بالعکس ممنون المشدر . زیرا قاننده
بودرجه لره قدر حیات بولنان بر آدمک تبعه سی حقنده کی
معامله سی مستغنی تعریف وتذکار اولوب چله مظا .
لمدن اولق اوزره حکایه ایدر لر که یاندیغی اوطه نک
یاننده بر تیمور قفس ایچنده ایکی دانه ازغین آیو بولند .
یریلوب قتلنی لازم کوردیکی ادملری بو آیولرک پنجه سنه
آتار پاره لتدیرر ایدی .

شرق طرفنده اجرای حکومت ایدن قرن داشی
والانسه کلنجه : بودخی حین جلوسنده بر طاقم ولا .
یتلرک عصیاننه دوچار اوله رقی ذکر اولنان عصیانلری
معه مقتدر اولادن ماعدا عجملره در دست بولنان
محاربه بی دخی بر حسن متار که یه ابصال المش ایدی .

انجق غوت قوميله هون قومنك يكد يكرى عليهنده كى
 منافسه سنه والانس دخی پرمق صوقارق غوتلرى
 التزام وحايه التمش ايسه ده غوتلر رومار عيتى التنه
 كيرد كدن صكره رومادولتى مأمورلرينك معامله
 غدارانه سى اوزرينه مأيوس اوله رق رفع لوای
 عصيان ايله برقاج روما جنرالنى معيتلرنده بولنان قول
 اردولريله برابر مغلوب وپريشان التمشلايدى .
 والانس ذكر اولنان بار بارلرى بالذات تنكيل
 وتأديب ايچون اردوسيله حر كته كلد كده ادرنه
 طرفلرنده غوتلر بواردوبى ده پريشان ايليه رك ايمپرا
 طور معيتى خلقيله بر صلاش ايچنده بولنور ايكن غو
 تلاتش ووروب معيتيله برابر بيچاره يى ياقشردر .
 والانسك بوصورتله انعدامى ميلادك ۳۳۸ سنه .
 سنه مصادف اولوب حالبوكه رومای غريده برنجى
 والانتينه نك ۳۷۵ سنه ميلاديه سنده وقوع وفاتى او .
 زرينه مانكى ايكى نفر اوغلنه قاله رق بولنردن غرا .
 سيه ن ايمپراطور لى مقامنده بولتمسيله رومای شرقينك
 منحل اولان تختنه كندى انتخاب واراده ايمپراطو .
 رانه سيله ثودوس نام سردارى او كوست نصب

ایش ایدی . ایمدی تئودوسک مدت حکومتنه عطف
 نظر اطلاعدن مقدم غراسیه نك صورت گذران ایامنه
 نظر اولنجه کورینور که بو ذات رومالورک دیانت قد
 یمه سی اولان بت پرستلکه پک زیاده خصومت کوستروب
 حتی فتح و ظفر معبودینک هیکلنی عبادتخانه مخصوص
 صندن دفع ایتکلکه هنوز بت پرست بولنان رومالور
 مرقومدن نفرت ایشلر ایدی . بناء علیه ۳۸۳ سنه
 میلادیه سنده بیوک بریتانیاده بولنان اردونک سرداری
 اولان عاقسیم کنديسنی ایپراطور ایتدیرمک دعواسیله
 اعلان عصیان ایتدیکی زمان رومالور ایپراطورلرندن
 یوز چویره رک دشمنک غلبه سی تسهیل ایتکلکه بیچاره
 ادجکز دشمنی یدنده مقتولا معدوم اولمشدر . بو حالده
 روماده بر بیوک فرقه مقتول مرقومک قرنداشی و شریک
 حکومتی بولنسان ایکنجی والانتینیه نی عموم غرب
 ایپراطوری اولق اوزره اعلان ایلدیلر . عاصی
 ماقسیم ایسه بونی ده ازاله ایلیرک بالاستقلال ایپرا
 طور اولق ایچون حرکات تهدیدیه سنده اصرار ایتکلکه
 شرق ایپراطوری اولان تئودوس بیله مرقوم ماقسیمک
 رومای غریبه ایکنجی والانتینیه نه شریک حکومت

اولسنى قبولە مجبوريت كوردىسە دە مؤخرأ مرقوم
ماقسىك بوقدرلە اکتفا ايتىدەرك يە تەھدىدات حربجو-
يانە سنك دوامى اوزرىنە تۇدوس وایکنجى والانتینینە
بالاتفاق ماقسىك اوزرىنە عسکر چكوب ۳۸۸ سنە.
سندە مغلوب وقفاسنى كسەرك اعدام ایلدیلر .

بوندن صکرە ایکنجى والانتینینە حال عصیانده
بولسان فراقتلر اوزرىنە يور ییوب بیاغى تەکیللارینە
موفق دخی اولمقده بولندیغى صرە دە آربوغاست نام خانك
سوء قصدینە اوغرایه رق ۳۹۲ سنە میلادیە سندن دوفات
المشدر که ذاتاً کنج ووالده سنك وصایتی تحتندە
مقام حکومتە کلش اولدیغندن شوغدرە دوچار اولدیغى
زمان هنوز یکر می یاشندە ایدی . هله دیانت نصرأ-
تیه یه فوق الحد محبت ورعایتی اولوب روماده وحشی
حیوانلر اویوننى منع ایله اخلاق عمومیه بی حسابات
انسانیه جهتنە جلبه چالشمق مثله اجرا آتی بوذاتك
بك بیوك اصلاحاته موفقیتنى امید ایتدیر رایکن بویله
کنج یاشندە وفات ایتمش بولندیغنه پك زیاده ابراز تأسف
واظهار تأثر ایدرلر .

شرق جهتنده ایمراطور اولان تۇدوسە کلنجە :

بوذات حقیقه جری وجسور و عاقل و مقدم بر آدم
 اولوب غرب طرفنده ماقسیمک ظهوری بالاخره شرق
 جهتی دوچار تهلکه ایده جکئی ا کلامغله غرب ایمپرا.
 طوری بولنان والانتینی استرقاب ایتمکدن فضله اتفا.
 قنه بالمسارعه یوقاریکی فقره ده کوسسترلیدیکی وجهله
 غرب ایمپراطورینی ماقسیمک تهلکه سندن قور تارمغه
 دخی همت ایلش ایدی . انجق ینه یوقاریکی فقره ده
 بیان اولندیغی اوزره ایکنجی والانتینه نك سوء قصد
 ایله وفاتی اوزرینه مشاهیردن اوژن کنیدیسی غرب
 ایمپراطورلغنه تعیین ایتدیرمک ایچون عظیم طرفدار.
 لرینک معاونتیه قیام ایدنجه تؤدوس بر بیولاردوی
 بالاستصحاب ۳۹۷ سنه میلادیه سنده مرقوم اوژنی
 آکیله نام محل جوارنده مغلوب و پریشان ایلش و بتون
 رومانک یکانه ایمپراطوری قالمشدر . شو قدرکه بو
 فتوحاتندن بر استفاده صحیحیه نائل اوله میوب برسنه
 صکره وفاتی وقوعه کلمکله حال حیاتنده ایکن روما
 دولتی شرقی و غربی دیو ایکی قسمه قطعياً بالتفریق
 شرق قسمی ارقادیوس و غرب قسمی اونوریوس
 نام اوغلرینه ویرمش بولندیغدن ایشته رومانک قسم

شرقی و غربی به انقسام قطعیتی بوزمان وقوعه
گمشدر .

روماناریخی مومی الیه تئودوسی ال بیوک حکمدار .
نردن اولمق اوزره ذکر ایدر . روما دولتنک برزماندن
بری دوچار اولدیغی انتظامسزلنک اصلاحنه پک
بیوک همت ایدوب خرسه تیاندیغی حایه ایلش وبت
پرستری شدیداً قهر ایلدیکندن بودیانت قدیمه نك بقیه
اربابی کویلرده واورمانلرده اختفایه قدر مجبور
ایتمشدر . حتی قاتولیک مذهبی خلافنه قیام ایلین
اریوس نام حکیم ایله کلیتلی طرفدارانی دخی تنکیل
ایلان تئودوسدر . شو قدر که مساعی اصلاحاتکارا .
نه سنده نه قدر مقدم ایسه عصیانلرک تنکیلنده کی شدئی
دخی فوق العاد، اولوب انطاکیه اهلایسی عصیان
ایدارکاری زمان جله سنی قتل عام ایلدیکی کبی بر
دفعه دخی سلانیکده یدی بیک عاصی بی قلجورن پکور -
مش ایدی . حتی بودرجه لیده خوزیزلکی ایچون
کلیسا طرفندن توبه واستغفاره مجبور ایدیلهرک سکر
آی کلیسایه کیرم مامک جزاسیله مجازات دخی ایدلمشدر
ایمدی تئودوسدن صکره روما دولتنک قسم شرقی

وغربی به انقسامی روما تاریخنک بشنجی دورینی تشکیل
ایلدیکندن بودورک وقوعاتی اجمال ایچون دخی بر -
وجه آتی التجی فصلنی کشاد لازم کلمشدر
(التجی فصل)

روما دولتنک بشنجی دوری

عن ۳۹۵ الی ۴۷۶

تفصیل - روما دولتنک اشبو بشنجی دورینه
مخصوص اولان معلومات تاریخید دولت مذکورهنک
شرق و غرب دیه ایکی قسمه انقسامیه رومای غربی
قسمتنک باربارلر یئنده انقراضی واقیعنی خلاصه دن
عبارت اولوب شوقدرکه بو انقسام تاریخ مذکورک
اشبو بشنجی دورینه کیرلزدن اول دخی برقاچ دفعه
وقوعه کلمش و ازجمله ایمپراطور دیوقلسیهدن زماننده
یعنی ۲۸۴ سنده سنده رومانک شرق و غرب پایتختلینه
بشقه بشقه برر ایمپراطور نصب اولندیغی کی ۳۶۴
و ۳۷۶ سده لرنده ایکی والانتینلر زماننده دخی ینه بویله
برر تفریق حکومت وقوعه کلمش ایدی . فقط بو
تفریق و انقسامی قطعی برشی دکل ایکن صولک ایپرا -
طور اولان تئودوس زماننده کی انقسام برانقسام قطعی

اوله رق بر از صکره رومای غربی قسـ منک انقراضنی
 انتاج ایش اولسـ یله ایشته بو حال انقسام اخیرک بر
 دور مخصوص و مستقل عد اولمسنی، ایجاب ایشدر .
 تئو دوسک ایکی اوغلندن رومای طرفنده ایمپراطور
 اولان اونوریوس نام اوغلی مقام حکومته یکدیکی
 زمان انجق طقوز یاشنده برچوجق اولوب سردار .
 لک اک مهارتلیسی بولنان سـ تیلیقون غایت جسـ ور
 وعقل بر آدم چیقـ سیله کنج ایمپراطوره و صـ یلک
 ایتدیکی زمان شمال جهـ ندن رومای بیرار ایلمکده
 بولنان جرمانیا بار بارلینه قارشو یک کوزل مقاومت کو .
 سـ ترمش وعاداتا رومای بونلر یئنده منقرض اولمق
 طالع منخوسنک تحقق احکامی بلیه سندن بر زمان مو .
 قت ایچون اولسون تأخیر ایش ایشده براره لق
 کنج ایمپراطورک چوجقلغیله برابر کندی موفقیات
 مخصوصه سی اوزرینه امیدی بیویه رک اونوریوسی
 ایمپراطورلقدن بالازاله کندیسنی ایمپراطور اعلان
 ایتکه قالقیشجه اونوریوسک نظر دقتی اچیلـ رق
 مرقومی اخذ و گرفت ایش ۴۰۸ تاریخنده قعاسنی
 کسوب شرندن قورتلشدر . فقط ستلیفونک بوضو .

رتبه اعدای اوزرینه غوث طائفه سنک قرالی بولتان
 آلاریس دوماده ارتق کند و قارشوسنده چیه جق
 جنرال کوره مد کنندن مقدار کای عسکرله ایتالیا اوزرینه
 یوریوب بر چوت نقاظ مهمی بر برر اوره رق
 ضبط ایلد کدن صکره ۱۰ سنه میلادیه سنده نفس
 ووما شهرینی ده الوب عسکرینه دخی یغما ایشیر -
 مشدر . اکر او اره لقی آلاریس وفات ایتماش
 اولسه ایدی او نوریوس ایچون دخی روما دولتی
 ایچون دخی سلامت میسر اولیه جقی ایسی . مع هذا
 بارباریک ایقاع ایلدکاری بومدمه اوزرینه انکاره
 و فرانسسه و اسپانیا طرفرینک رونایه اولان ارتباطی
 منقطع اوله رق بارباریک مداخله سیله برنوع استقلاله
 مالک اولمشلردر .

اونور یوسک وفاتندن صکره ایمپراطور اوچنجی
 قوستانسک اوغلی اوچنجی والانتهن هنوز صغیر -
 سن اولدیغی حالده مجرد اسکی ارتباطک بقیه ایجابی
 اولمق اوزره شرق ایمپراطور لغی طرفندن آتیلعلینه
 امداد کلان براردو طرفندن رومای غربی یه ایمپراطور
 نصب اولمش ووالده سی پلا سیدی دخی وصی تعیین

قلنش ایدی . اوزمانلر واندال قومی رومانک مستلکات .
 خارجیه سنی هرج و مرج ایتکده اولدیغندن افریقا
 جهتی مزبورده پلاسییدی طرفندن واندالره ترك
 اولدیغی کبی اوچنجی والانتهین سن رشده واصل
 اولدیغی زمان هونلرک قرالی بولنان آتیلادخی شمال
 جهتندن رومانی زیر وزیر ایتک تهلکه سیله یوریمکه
 باشلامش ایدی . روما سردارلرندن آئه تیوس اولانجه
 قوتی طویلایه رق آتیلایه قارشو چیقوب ۲۵۱ سنه
 میلادیه سنده شالون صحراسنده مرقومه غلبه ایدرک
 رومانی شرنندن محافظه ایلدکن ماعدا اسکی غول
 ایالتنک بر قسمی دخی استرداده موفق اولمش ایسه ده
 والانتهین کندیمی مسکین وقورقاق وهردرلو هنر
 ومعرفتدن بی بهره برشی اولدیغی حالده آئه تیوسک
 شومظفریتنی قسقانوب بیچاره بی اعدامه قدر وارمش
 ایدی . بونک اوزرینه آتیلاروما سردارلرندن هیچ
 بریسی کنندی حرکات عسکریه سنه مقاومت کوستره .
 میه جکنی کورهرک کمال شدله هجومه باشلادی وایتا .
 لیانک شمال طرفلرینی کاملاً ضبط واستیلا و غارت
 و یغما ایلدی .

والانتینین ایسه شویله برتهلکه لی زمانده قلیجی
 چکوب دشمن اوزرینه یوریه جک ایکن اک بیوک
 یکتلکنی قهرمانلغنی قاریله کوسترمکه اغتراره
 قاقیشهرتی پترون ماقسیم نام سردارک کوزله بولنان
 قاریسی زورایله تلویث ایدنجه پترون ماقسیم سیف
 انتقامه صاریله رق ۲۵۵ سنه سنده مرقومی بالاعدام
 کندیس ایمراتور اولدی .

پترون ماقسیمک شوحرکتی بدرجه یه قدر معذور
 کوریلور ایسه ده مرقوم انتقامک بودرجه سیله اکتفا
 ایدمیه رک والانتینیه نی اعدام ایلد کدن صکره زوجه -
 سی اودوقسی یایی کندیس سنه تسلیمیت ایچون جبر
 وقضیه قیام ایدرک اودوقسیا ایسه ماقسیمک ید
 انتقامدن کندیسنی قورتاره میه جغنی کورنجه برارهلق
 عرض تسلیمیت ایتش ایسه ده بوحرکتدن انتقام ایچون
 فرصت اره دیغنی صره ده واندالر قرالی ژنسه ریس
 طرفدن روما اوزرینه تسلط ایلدکه باشلان دیغنی
 کورنجه قرال مرقوم ایله کیرلیجه بالمخابره رومایی
 تسلیم ایلشدر . بو وقعه ماقسیمک جلوسی اولان
 ۲۵۵ سنه میلادی سی ایچنده وقوعه کله رک واندالرک

همچون قارشو ماقسیم فرار تدبیری مقاومت غیرتند
ترجیح ایلدیکندن روما اعلایسی خیرت کادرک مر قومی
اخذ و اعدام اید جزاسنی تعیین ایشلردر .

واندالار روم ایدیکر دکاری زمان روماسر آمدانی
تولوس طرفلرند بچکیلوب تخلیص وطن ایچون تدبیر
دوشوندکاری صرده هون طائفه سنه قارشو یک بیوک
یرارلق کوسترمش بولنان آله تیوس نام سردارک ایمپرا
طورلغنی قبول ایدرک تکرار روما اوزرینه حرکت
ایشلر ایسده ذاتاً امر انتخابده تفاق و شقاق واقع
اولغله بر بیوک فرقه آله تیوسی ایمپراطور طانیمدیگی کی
پیله زانس نام محله برده مغلوبیتده دوچار اولجه ایمپرا
طورلقدن بمبتون اسقاط ایدلشدر . آله تیوس بو
حالده جاننی دخی قورتارمقدن مایوس قاهرقی پایا
سلق طریقنی اختیار طریقله قورتاره بیلش
ویله زانس قصبه سنه پاپاس نصب اولمش ایدی .

اوراده دخی حیاتی تملکده کوره رک اوورن نام
فرار ایدر ایکن اثنای راهده وفات و قو
عبولشدر . مدت حکومتی انجق درت ما امتداد
ایله بیلش ایدی .

بیچاره آنتیوس حقنده بو انتر یقه لری چو -
 ین ریسمر نام پطریق اولوب کرک عسکر و کرک اهالی
 اوزرنده کی نفوذ بی نهایت سی یاردمیه بو کره دخی الک بنام
 سردار لردن مازوریه ن نام ذاتی امپراطور لوق مقا
 منه کتور مش ایدی . مومی الیه مازوریه ن حقیقه
 عقلی و جرأتلی بر آدم اولوب اهالی اوزرنده تراکم
 ایلیان بقایای عفو و واردات دولتی قابل التحصیل
 اوله حق صورتده یکیدن طرح و تنظیم و قوانین عسکر -
 به سنی اصلاح ایلد کدن صکره رومایی استیلا ایلیان
 بار بار لک طرد و تبعیدینه ابتدار انلش و وزیر غوث طا -
 قد سنی قات اولک ایدرک شمذیکی فرانسه ایچنده بونلرک
 قرالی بولنان ایکنجی تئودوریسی بره غلوبیت رذیلا -
 نهیه دوچار ایلدی کی واندالرک قرالی بولنان سا -
 لف الذکر ژنسه ریمی دخی تشکیل ایچون افریقا
 جهتنه دخی سوق سمند همت ایتش ایدی انجق پطریق
 معهود ریسمر بو قدر جنک آور برا امپراطوره دخی
 فطر امنیتله باقه مدیغدن ۱۶۰ سنه میلادیه سنده بیچاره
 علیه بر عصیان چیقار تمغله بو غیرتلی و همتلی ذات
 عا صیلر یدنده مقتول دوشمشدر .

بطریق ریسیرک بودفعه ایمپراطورلق مقامنه
کتوردیکی ذات لیبود یاخود ویلبوس سہور اسمندہ
برادمدرکہ تمام درت سنہ مدت ایمپراطورلغہ مخصوصی
سرایدہ کندی کیفیلہ بالاشتغال اختیار محبوسیت
ایتدیکندن خدعہ کار و مستبد بطریقک تمام ایشنہ کلہ
جک برادم ایدی بومدت ظرفندہ اقوام وحشیہ شمالیہ
ایتالیایی ایتدکلری کبی ہرج و مرج ایتشلردر ۴۶۵
سنہ میلادیہ سندنہ بو ادجکز مسموماً وفات ایتکلہ ہر
کس ریسیر طرفندن تسمیم واعدام اولندیغنہ قائل
اولمشد .

بطریق ریسیر اندن صکرہ کندی قائل پدری
آتہ نیوس نام کمسنہ بی مقام ایمپراطوریہ کتورمش
ایسہدہ بوذاتک ۴۶۷ سنہ سندن ۴۷۲ سنہ سندنہ قدر
دوام ایلان مدت حکومتندہ مرقوم ریسیر طوغریدن
طوغریہ کندیزی اجرای حکومت ایتش اولدیغی
کبی نہ مرقوم طرفندن خلع و دفع اولہرق اولیر۔
یوس نام کمسنہ مقام حکومتہ کتورلمشد .

بوذات رومای شرقی یعنی استانبول خاندان
ایمپراطوری ایلہ صہریت پیدا ایدرک رومایی مرقوم

ریسیرک تسلط مستبدانه سندن قورتارمق ایچون استا -
 نبول ایمپراطوری برنجی لئون طرفندن کوندرلش
 ایدیه ده ریسیر مرقومی اغفال ایدرک ایمپراطورلق
 تاجنی کندی قفاسنه پکیرمک وعدیه عادتا اسارتی
 التنه المش ایدی . شوقدرکه اولیر بیوس بودنائک
 مکافاتی اولان ایمپراطورلغک ذوقنی انجق بر قاج ماه
 سوره یللوب بعده وفاتی وقوعه کلدیکی وبو وفاتک موت
 طبیعی اولدیغنه قناعت حاصل اولدی ایسه ده معلوم
 اولان انتریغله رجهتیه بوموتک طبیعی اولدیغنی تحقق
 ایده مدی .

ایمپراطور مرقومک اول صورتله وفاتی اوزرینه
 عن اصل نفر لکدن یتشمه غلیسه ریوس اسمنده بر آدم
 بعض طرفلرک التماسیه عسکر طرفندن ایمپراطورلق
 مقامنه کتورلش ایسه ده اولیر بیوسه حواله ایلدیکی
 ایشک باشه چیقاریله مامسندن طولایی غضبلنه رق
 ایمپراطور برنجی لئون بیچاره غلیسه ریوسک جلوسنی
 تصدیق وتبریک ایتیه رک بالعکس ژولیوس نه پوس
 اسمنده بر آدمنی سرأ رومایه سوق ایتسیله ژولیوس
 رومایه کلهرک وهلة غلیسه ریوسک علیه قیام

ایندجه غلیسه ریوس نه یابه جغنی شاشیره رق صندالی
 حکومتدن قاچدی واسکی نفریکی ایمپراطور لفته بدل
 دسپوتلق رتبه سنه قناعت ایلیرک برروایت کوره
 او قومق یابه بیلدیکی حالد سالیون نام محله باش پاپاس
 نصب اولندی .

اشبو ژولیوس دخی روماده ایمپراطور لق
 دکل عادتا هر طرفه مدارا صـورتیله برنوع الحـقلغه
 قاتلانـه رق برسنه قدر دوام ایده بیلد کدن صکره او -
 رست اسمنده بر بطریق مرقومی طرد ایلیرک ایمپرا-
 طورلق تاجنی او کوستول نامنده، لان کندی اوغلنک
 باشنه تویمش ایدی . انجق روما صندالی ایمپراطو-
 طور یسنک شو صولک سنه لرد بویله شونک بونک بد
 غصبند او یونجاق اولوب قالمی هرول نام بار بار -
 لک ریئمی بولنان اودو آقر نام قرالک جرأتنی ارتدیره -
 رق اوزمان ذاتاً رومانک حکم ونفوذی کندی حوا -
 لیسندن خارجه حقیقه ماقده بولندیغی جهتله مرقوم
 اودو آقر رومایی بالسـهوله ضبط و او کوستولی قاپتانیـا
 طرفه نفی و طرد ایلیرک ۴۷۶ سنه میلادی سنده
 رومای غربی دولتـنک تاریخ موجودیتـه خاتمه چکدی .

رومانك قسم شرقىسى عد اولسان استانبول
 ايمپراطورلغى دىخى هر نه قدر رومى غريدن دهـا
 منتظم وشوكتلى بر حالده دىكل ايدىسه ده طبيعت
 موقعهسى اقتضاسنجه رومى غريبنك دوچار اولدىغى
 مهابجاندن مصون قىلىق فقط اودىخى داخلاً وخا-
 رجاً برچوق انترقه لره وفسادلره اوغرايه رىق برقاچ
 عصردها يعنى ظهور عثمانىانه قدر جان سورومش
 ايسه ده بزم ذاتاً روما تاريخى خلاصه الخلاصه اوله-
 رىق اخذ ودرج ايلدك ايتاليا تاريخنك بو عصرلره
 عائد قسمنى ناقص بر اقامق مقصودينه مبتنى اولوب
 شرق ايمپراطورلغنك ايسه ايتاليا تاريخندن زياده
 يونان وباخصوص عثمانلى تاريخنه تعلق بولنديغن-
 دن انى بوراده ايتاليا تاريخنه قانماق جهتنى ترجيح
 ايلدك . بناء عليه ايتاليا اولكاسنك روما دولتندن
 صكره كى وقوعات و انقلاباتنى خلاصه ايجون بروجه
 اتى اوچىنجى بايمزى كشاد ايلك لازم كلدى .

* اوجنچی باب *

روما انقراضندن شارلمانك وفاتنه قدر

عن ۴۷۶ الى ۸۱۴

(برنجی فصل)

روما انقراضندن لومباردلك ورودینه قدر

عن ۴۷۶ الى ۵۶۸

تفصیل - رومای غربی یعنی اصل ایتالیاغرب
ایمپراطورلغنگ یکدیگری متعاقباً دوچار اولدیغی انقلاب-
بات و تحولات رذیلانه دن ناشی ذاتاً اها ایجه قلت و ثروت
عمومیه جه فقدان بلیه لرینه دوچار اولمش بولندیغی
کبی ارهلق ارهلق هجوم ایدن بار بارلر دخی هر طرفی
یغما و غارت و اها لئ اصلیه یی قتل عاملره مسارع
کوسترد کلرندن زوال و انقراضه تقرب ایدن یالکز
روما دولتی دکل بلکه تکمیل ایتالیا قطعه سی و اها-
لیسی اچون بر انقراض کلی تحقق ایش ایدی . هله
ال صکره اود و آقر نام قرالارینک سوقیله روما اوزر-
ینه یوریوب تاریخ استقلالنه خاتمه چکمش اولان
هرول قومی اقوام جرمانیه نك ال وحشی و ظالم
بار بارلرندن اولوب خرسیتیانلغه دخی صورت مخصوص.

صده شدت خصوصتتری اولدیغندن بونلر ایتالیایی
اوقدر تخریب ویغما ایشلردر که عموم ایتالیا بر خرابه
زاردن عبارت عداولنسه مبالغه ایدلماش اولور .

هروللرک ایتالیا-اده مدت اقامتتری پک چوق دوام
ایتموب ۴۹۳ سنه میلادیه سندن اوستروغو قومی ده
غالب بر قوتله ایتالیا اوزرینه یورو مش و هروللرک بر
قسمنی تکرار جرمانیا طرفلرینه فراره اجبار ایلیرک
ایتالیایی کندی استیلاری التنه المش ایدیلر . اشبو
اوستروغولر هروللره وسائر اقوام وحشییه مقیس
اولیوب بوندن اول سائر جلدلرده ایضاحات لازمه .
سی ویرلش اولدیغی اوزره بونلرک قانون بداوتتری
عادتاً بر مدنیت مختلفه ایچنده بولنان ملتیرک قانونلرینه ده
فائق اولدیغندن ایتالیا طرفلرینه بیاغی تمیل طوته ایشلر
و ۵۵۲ سنه میلادیه سنه قدر مملکتی سائر مهاجینه
قارشو مدافعه ایله براز استرداد راحت و معموریت
ایده بیلسنه امکان حاصل ایشلردر .

اوستروغولری الک زیاده یوران مهاجر روملر
ایدیلر . زیرا غرب ایمپراطورلغنک انقراضی ارتق
لاتین ملیتنک اضمحلالی دیمک اولوب بو حالده است .

نبولده باقى قالان شرق ايمپراطورلغى يونان قديم مليتى
 احيا ايچون يونانيلك عنوانيله حكومت موجوده لرينه
 دخی « بيرانس » ايمپراطورلغى نامنى ويرمشلر وبو
 نام ايله ايتاليانى يكيدين فتح واستيلا عزمه دوشمشلر
 ايدى . شرقيونك بو عزملىرىنى ترويجه مدار اولان
 برقصيه دخی ايتاليانك جنوب طرفلى عن اصل يونا -
 نستاندن هجرت ايتش اھالى طرفدن مسكون اولمى
 وبراره ائى اورالره « يونانستان » تسميه ايدلش بولمى
 قضيه سيدر . بناء عليه غرب ايمپراطورلغىك انقرا -
 ضنى متعاقب استانبول طرفدن برچوق سردارلر
 ايتاليا اوزرينه سوق اولنهرق حتى هرولرك اوسترو -
 غولر يندنه پریشان اولملىرىنى تسهيل ايلدكلىرى كې
 انلردن صكره استروغولر اوزرينه دخی صالديرمقدن
 خالى قالماشلرايدى .

ذاتاً شرق ايمپراطورلغىك انتظامات داخله سى
 وشرقيونك شجاعت و بسالت عسكريه سى دخی غرب
 ايمپراطورلغىدن پك ده اعلا وبالا درجه ده اولمديغىدن
 هرولر واستروغولر كې بار بار اقوامنه قارشو قويه -
 بيلك روملك كارى اولمديغىدن اوستروغولر بونلرك

تعرضه فرستاده بر چوق و قتلر بالسهوله مقاومت ایده بمشملر
ایسه دهده صکر دلی روملر لومبارد دینلان اقوام شما -
لیه یی دخی ارسه تر و غولر علیه ایتالیا دعوت ایلد -
کلرندن ایشته اوسه تر و غولری اصل پریشان ایدنلر بولو -
مباردلر اولمشدر .

تاریخ قدیمده لومباردلر « لونغو باردی » یا خود
« لانغو باردی » تسمیه ایدلمشدر . بونلر عن اصل
اسقاندیناو طرفلرنده کورلمش بر قوم اولوب نیجه
عصر لرجه جرمانیا ایچنده کشت و کذار ایلد کدن و روم -
لیر ایلک کاه محاربه و کاه انلره مطیع اولدقن صکره
نهایت سائر بر طاقم اقوامله برلشدرک طونه نهری سا -
حلنه اینمشلر و الیوم مور او یا دینلان ولایتده ساکن
اولمشلر ایدی . ایشته رومای غربی دولتنگ انقراضی
اتناسنده قوم مذکور مور او یا طرفلرنده کورلمش اولوب
اطرافنده بولنان و ژپید دینلان دیکر بر قومی مغلوب
ایلیه رک انلرک قورمش اولدقلری بر نوع حکومت
قرالیه یی کندی الرینه المشلر ایدی . کندیلرینی ایتا -
لیا اوزرینه دعوت ایدن ایسه نارسدس نام بیر انس
جنرالی اولوب مرقوم ایتالیا نلک جنوب طرفه ندن

اوستروغوری تضییق ایلدیکی کبی شمال طرفلرندن
دخی لومباردر صقشدیره حق اولورلر ایسه اوسترو-
غوری محوایتک ممکن اوله جغنی دوشونمش ایدی .

بودعوت ایچون لومباردرک رئیس بولنان آلبوان
نزدینه کوندردیکی سفیرا کر اوستروغوری ایتالیادن
طرد ایدوبده ایتالیایی کاملاً فتح ایلک میسر اولور
ایسه قسم شمالیسی کندیسنه ویرلمک ویا لکز قسم جنوبیسی
بیرانس دولته تابع اولق صورتنی عرض ایلدیکنندن
البوان بو شرطی قبوله مجبور اولمشدر . ایمدی لو-
مباردرک شمال طرفلرندن هجو ملری اثناسنده نارسس
دخی جنوب طرفندن بیرانس اردولرینی سوقه باشلا-
دقه اوستروغولر کندی قوتلرینی ایکی به تقسیم ایلیرک
ایکی دشمنک ایکبسنه دخی مقاومته باشلامش و سنه لر-
جه مدت محاربه دن یوز چویر مامشلر ایسه ده انجام
کار عجز کلی ایله عاجز قالدقلرندن غرب طرفلرینه
ط-وغری چکیله رک میدانی ایکی دشمن متفقّه ترک
ایلشدر .

روملر ایله لومباردر عموم ایتالیایی بو صورتله فتح
ایله کدن صکره فی الحقیقه اولکی مقاوله لری موجبجه

ایتالیایی میانه لرنده تقسیم ایشلردر که کیفیت بروجه
آتی ایکنجی فصلده ایضاح اولنور .
(ایکنجی فصل)

روماده جمهوریت اعلانه قدر

عن ۵۶۸ الی ۷۴۶

تفصیل - برطرفدن بیرانس اردولرینک

ودیکر طرفدن لومبارد فرقه لرینک ایتالیاده اوسترو -

غولر اوزرینه هجوملریله بونلرک انلره مقاومتلری ۵۶۸

سنه سندن ۵۶۲ سنه سنه قدر درت سنه ممتد اوله رق

حقیقه پک خونریزانه محارباتدن صکره اوسترو غولر

منقرض اوله بیلشلر ایدی . اوسترو غولرک بو صورتله

انقراضندن صکره ایتالیا اولکاسی بیرانس ایمپراطور

لغی ایله لومباردلر ارمه سنده تقسیمه قونیلوب شمال

جهتندن لومباردلر حصه سنه اصابت ایدن قسمنه

« باربار ایتالیا » یاخود « لومباردیا » نامی ویرلدی .

وبیرانس دولته دوشن قسم جنوبیسمنه دخی « ایتالیای

یونانی » یاخود « ایتالیای رومانی » تسمیه اولندی .

ایتالیای شمالیده اومباردلرک قوردقلری حکومت

اولا اقوام وحشیه اوزرنده ریاست ایدن قرالارک

حکومت پدرانہ لری صورتیکہ برنوع قرالاق و بر ارہ -
 لق دخی اوتوز ایکی نفر دو قلدن مرکب بر مجلسک
 اداره سیکہ چہوریت و نہایت انتخابہ نصیب اولنور
 عادتا قرالاق اولوق اوزرہ بوفصلک تعیین ایلدیکی
 مدت ظرفدہ کاملاً دوام ایلدکن فصلک اشاعیدہ کی
 فصلک دخی برچوق سنہ لرینہ یعنی ۷۷۴ سنہ سنہ قدر
 دوام ایش ویکرمی اویج نفر حکمدار مقام حکمو -
 متہ کلمدر شو ایکی عصر لاق مدت ایچیندہ لو -
 مباردلرک ایتدکری محاربات بعض مرتبہ تصحیح
 حدوددن عبارت تجمد لر کوسترمش ایسدہ بویله
 خلاصہ واجمال یوللو تنظیم اولنان آئاردہ نتایج مذ -
 کورہ ہر حالہ جزو یات قبیلندن عد اولنہ جہنی
 جہتلہ ایضاح و تفصیل لرینہ لزوم کوریکہ ماہشدر •
 بیرانس امپراطور لغنہ تابع اولان ایتالای جنو -
 بی یہ کلنجہ : ارتق روما بوقطعیہ مرکز اولقسن
 قالہرق راون قصبہ سی مرکز اتحادیلہ اوراسی استہ -
 نبولدن کوندریلان اکزارق نامندہ بر والی واسطہ سیکہ
 ادارہ اولنمغہ باشلامشیدی • بواداریہ مؤخرأ بردہ
 « پنتاپولی » نامی ویرلمشدر کہ رومجہ « قصبات خمسہ »

معنا سینه اولوب رومنی و پس اورو و قانون سینه غلیا
و آقون قصبه لرندن هر بری برر متصرفلق اولوق
صورتیله راون قصبه سنده کی والیه تابع بولندقلری
ایچون بو عنوان ویرلشیدی .

لومباردر مدت دوام حکومتلرنده اشتغال ایلد .
کلیسندن شمال جهندن کندلری کی بار بار اقوا-
مند مقاومتدن صکره همان منحصراً اشبو راون اکزار-
قلغی علیهنه وقوعبوله رق بولر بتون ایتالیادن بونا-
نیلری طرد ایدوب ممالکی کاملاً کندی ضبط و اداره -
لرینه اتق ورومایی کندی قرالرینه پای تخت ایتک
ایستلر ایدیسده شو املرینی تمامیه وکالیله قوه دن
فعله چیقاره بیله جک صورتده بر حرکت شدید و مد-
یده کوسرمدکلرندن حصول مقصدلری دائماً تأخر
ایلر ایدی .

بوانقلابات میانده نفس رومایه کلنجه : یوقاروده
دینلیدی وجهله غرب ایمراطورلغنک انقراض
کلیسندن صکره روماشهری ارتق پای تخت اولوق
شرفندن دخی محروم قالب پنتاپول حدودی داخلنده
بولنور ایدیسده اوراسی باشلی باشنده بر دوقه لقی عد

اوله رقی راون اکزارقی طرفندن برده دوق تعیین وار سال قلمشینی . شو قدر که بوزمانه قدر ارتقی خرسیتیانلق دائر سی کرکی کبی توسع ایدرک رومایسه خرسیتیانلق مرکز عمومیی اولدیغی کبی پاپا بولنان ذوات حکومت روحانیله رینی یواش یواش حکومت جسمانیه یه تحویل ایتکه دخی باشلادقلندن راون اکزارقی طرفندن بیرانس ایمپراطوری نامنه اوله رقی کوندریلان دوقه ر روماده یالاکز لفظی مراد بر صو رتده حکومت ایدرک اصل زمام حکومت ایسه پاپا بولنان ذانک ید اداره سنده بولنور ایدی .

ایشته ایتالیا نك خلاصه احوال عمومیه سی شو . ندن عبارت اوله رقی هر حالده شورش داخلی اکا طالب اولمغله راحتجه زمان کچورلماکده وایتالیا قطعه سی رومالیر زمانده کی ترقیات و معموریه یواش یواش تکرار عودت ایلماکده ایکن برده خرسیتیانلق عالمنجه بیواک بر مسئله عدولنان رسم و تصاویره عبادت مسئله سی روماده بر بیواک انقلابه ده سبب اولدی شویله که : اصل نصرانیتده معین و مقرر کلیسانک بیله وجو دی ضد یاتدن اولدیغی حالده خرسیتیانلر یواش

یو اش کلیسا سز خرستیانلق ممکن اوله میه جق بر صو-
 وته تحول ایلدکاری کبی اصل آیین نصرانیده پتره
 وتصور لره تعبد کلیه مفقود اولدیغی حالده یو اش
 یو اش حضرت عیسا و مریمک و بعض ملائکه نك
 و سائر نك رسملری کلیسایه تعلیق اولنه رق بونلر اول
 امر ده کویا ذوات معززه بی اخطار افکارینه مبنی او-
 له رق تجویز ایدلمش ایکن صکره لری پاپاسلر ساده دلان
 اهالی به بو پتر بو تصور لر طوغریدن طوغری به عائد
 اولدقلری ذواتک کندیلری اولدقلرینی بالاقناع ساده
 دلان دخی بونلره عاداتا عرض پرستشه باشلامش لرایدی .
 حالا دخی خرستیان مذهبک بر چوغی تصاویر مذکور
 ره نك بالذات ارئه ایلدکاری اشخا صک کندیلری
 اولدقلرینه اینانه رق اوکارنده موم و قنديل یاقق و بو-
 نلرک پیشگاهلرینه کاند کجه بعض علایم مخصوصه سیله
 عرض عبادت اینلک مسئله لرینه اساس قوانین دینییه .
 دن اولق نظریه باقارلر .

ایمدی بو فصل مزك حاوی اولدیغی سنه لر ایچنده
 قهارادن برطانیه بومثللو پتره عرض پرستش اید-
 می و عبادته لایق انجق جناب حق اولدیغی بیا .

نیله اصل شریعت عیسویه ره رعایت اولغسی جهتی
 التزام ایلینجیه دیگر قسمی دخی بونلرک خلافتنه قیام
 ایلدکلرندن یالاکز پاپاسلر محافلنده بحث وجدالک، کیت
 بجه شدت المسیله قالخیوب کلیسار دده مضاربهر ورمقالتله
 دخی وقوعه کلکه باشلامشیدی. بیرانس ایمراطور
 لغی ایسه ظاهر حالده شونازعه بی منع ایتمک و حقیقتنه
 پاپاسلر بوجهتدن خلق اوزرنده پیدا ایلدکلری
 نفوذی کندنی اننه المق مطالعه سیله ایشه مدخله
 ایدرک بالخاصه روماده کلیسارلر عسکر سوقی واهل
 لینک اجرای آیین ایتملری خصه و صنه قوه جبرییه ایله
 مدخله ایقاعی کبی حرکاته قیام ایلینجیه شو حال پاپا
 مقامی دلگیر ایلیه رک رومو وجوارنده بولنان متعصب
 قاتولیکلر عموماً پاپانک سوقفنه تابع اوله رق بیرانس
 حکومتی علیه قیام ایلمشلایدی.

واقعا راون قصبه سنده بیرانس ایمراطوری
 فندن اکزارق بولنان ذات رومانک شو عصیاننی
 ایده بیلور ایسه ده ینه اواره لق شمال طرفندن لومبار
 دلر پنتاپول هیئتنی تهدیده و بعضی لرلرینی استیلایه باشلا
 مش اولدکلرندن ایکی اشغولیتله اشتغال ایلمک ایکیمی

آید زده باشد چیه مامخی مستلزم اوله جغی . ملاحظه سیله
 جیوانس ایمپراطوری روماشهریله ، مصالحه یه رضاد ده
 اولمش وروما ابله جوارنده بولنان بر خیلی یرلر راون
 وائیسنه اصلا تابع اولماق و طوغریدن طوغری یه پایا
 بولنن ان ذاتک اداره سی التنده بولمق اوزره مستقل
 برجهوریت تشکیل ایشدر . امدی روماکلیسالرنده
 و عمام و بلا مانع تصویرلر و پتر تعلیق و بولنره پرستش
 ایملک ایشته بوجهوریتک جله موقیباتندن اولمق
 اوزره حصوله کلمشدر که بعض مدقق مورخلرشو حال
 روماهالیهی ایچون اسکی پت پرستاک زمانندن قالمه
 بر صحت اصنام اثری اولدیغنی حکم ایدرک اگر اهلینک
 کوزلری اوکنه رطابق معبودلر قونلییه جق اولسه
 ایدی خریستانلق پت پرستلیکه غلبه ایده یه رک مطلقا
 بر صحت طایمق هوسنده بولنان اهلایینه پت پرستلیکه
 عودت ایدر ایدی دیرلر .

ایشته رومانک و لوجهوریت صوبتیه اولسون
 یو بولده بر استقلال پیدا ایتسی فرانسه حکمدارلری
 سایه منده اودائرة استقلال بال توسیع اسکی اهمیتینی
 یواش یواش اعاده سنه مقدمه اولمشدر که کیفیت بروجده
 آتی اوچجکی فصلده ایضاح اولنور .

* اوچنجی فصل *

شارلمانک ورودینه قدر

عن ۷۲۶ الی ۷۷۴

تفصیل - روماده صورت تأسسی یوقاروکی
 فصلده بیان اولنان جمهوریت مؤخرآپایلق مقامنده
 کوربلان واهمیتی آرته آرته برآرهلوق پاپانک تاایمپرا -
 طورلر ایمپراطوری اولسنه قدر تزیدنفوذینه باعث
 اولان حکومت جسمانیه نك مبدئی اولشدرد . جمهوریت
 مذکوریه کلنجیه قدر روماده بولنان رئیس روحانی
 نفس روما شهرینك دسپوطی عد اولنوب فقط پاترو -
 سك قائممقامی عد اولتمدن ناشی سائر طرفلرده حکومت
 روحانیه اجرا ایلیان دسپوطلر اوزرینه ریاست قلعلو
 برتفوقی کوریلورایدی . پاپالر ریاستی التندماولهرق
 روما جمهورینك تأسسندن صکره ایسه بالخاصه
 ایکنجی غره غوار نام پاپانک فوق العاده قدرت دیلو -
 ماتقیه سی ثمره سیله پاپالوق مقامنك حکومت جسمانیه سی
 براس متین اوزرینه تأسس ایشدر شویله که :

مومی الیه ایکنجی غره غوار روماده بیرانس
 ایمپراطورلغی علیهنه ظهورایدن عصیان ایله ایمپرا -

طور انك رومادن الى كسيلمى اوزرينه بير انس ايمپرا-
 طور لغى طرفندن منصوب نه قدر مأمورلر وارايسه
 جيله سنى طرد و تبعيد ايليه رك يرلرينه هب پاپاس
 طاقندن مأمورين جديده نصب ايلش ايدى كه پاپاسلر
 ايچون امور دنيويه ايله اشتغال ممنوع اولمسيه موحي
 اليهك شو حركتي موجب استغراب اولش ايسه ده
 حكومت جسمانيه يي حكومت روحانيه دن آيرمش اولمق
 طرزنده برتاويل ايسه شو ايلك استغرابي بر طرف
 ايلد كدن صكره خلق دخی بو حاله آليشوب كيتشدر .
 قاتوليك پاپاسلري مياننده هيچ بر وقت حكمدن
 دو شمامش اولان بر اخوت مخصوصه اقتضا سنجه
 هنوز مقدمه تشككنده بولنان بو اداره صغيره يي غايت
 درابتلي و مقتدر پاپاسلر او قدر حسن اداره ايلشدر كه
 بالنسبه پك آز بر زمان ايچنده رومانك انتظام و ثروتى
 آرته رقى شو حال جوارده بولنان وروملر يديه بير انس
 ايمپراطورلغى نامنه اداره اولنان ينتاپول ولايتى
 اها ليسنى عاداتا غبطه به مجبور ايتشدر . بناء عليه
 بير انس حكومتى اشبو روما جمهورينك لغوينى امل
 ابدينه رك بر ياندن تضيق و تهديد باشلا دىغى كې ديكر

طرفدن لومبارد لر دخی کرک پنتاپول ممالکنی روملردن و کرک
رومای پاپا اداره سندن نزع ایدرک عموم ایتالیایی بر
لومباردیا دولتی صورتنه ا فراغ ایچون آستولف نام
قرالری زمانده تشمیر ساق اهتمام ایلد کارندن و بر
چوق مواقع و ممالکی ضبطه دخی موفق اولد قلرندن
روما کر چکدن بر بیوک تهلیکه اتنده قالمش ایدی .

شو حالده پاپالق مقامی بیر انس ایمپراطور لغی
ایله بالاتفاق لومبارد لر ه قارشو مقاومت تکلیفنده
بولندی ایسه ده روملر کویا رومایی استیلادن صکره
لومبارد لر ه بشقه جه سرام ا کلاته یله جکر ایمش کبی
بر جرات و حساب اوزرینه رومانک بو تکلیفی قبول
ایتمکدن فضله بالعکس لومبارد لر ی رومایله
تشویق ایچون انلر ایله اتفاق اینک هوسنده بولنورلر
ایدی . حالبوکه لومبارد لر روملرک اشبواتفاق
تکلیفینه دخی اوسته لقلی بر صورتله مقابله ایله رک
حرکتلرندن کیرو طور مامغله ایتالیانک جنوب طرفلر
ینه طوغری خطوات مظفرانه لرینی صیقلشدیر . رق
پنتاپول ممالکندن بیر انس اکسار قنی طرد و اول
ممالکی کاملاً استیلا ایتکه موفق اولدیلر .

بو حالده رومادخی لومبارد لک پای استیلاسی
 اوکنده آچیق ومدافعه سز بر حالده قالمش ایدی .
 انجق اوزمانلر تحت اداره مستغله سنده بولنان فرانقلری
 هم تمدین وتر بیه وهمده حرکات جسمیه عسکریه یه
 سوق ایدرک فرانسه یی جلدی برقراللق صورتیه تشکیل
 ایلکنده بولنان پهن لو برف ذاتاً شرق جهتندن لومبارد-
 نرک تعرضاتی دوام ایتسندن طولابی بیرار اولدیغی
 کبی پایالق مقامنده بولنان ایکنجی اتیشن دخی بر نامه
 وسفیر ارسالیله قاتعلین مذهبک مرکز عمومی روحا-
 نیسی اولان رومایی لومبارد باز بارلورینک پامالی اولمقدن
 قورتارمق ایچون همت ومعاونتی طلب ایلش بولنمسیله
 په پن لو برف کلیتلی برفر نق اردوسیه آلپ طاغلرینی
 کچهرک ایتالیا اوزرینه یوریمش ونیجه خون برانه
 محاربهدن صکره لومبارد لری بر باد ایلیمه رک پنتابول
 ولایتندن ماعدا ۷۵۴ سنه میلادیه سنده دهها برطاقم
 مملکتلری دخی فتح واستیلا ایلشدر .

په پن لو برفک بومظفرتی رومایی یالاکزلومبار-
 دلردن قورتارمق صورتیه بر نعمت عد اولنماشدر .
 بلکه بیرانس روملرینک تسلطندن دخی قطعاً تأمین

ایلمشدر . زیرا په پن فتح ایلدیکی ممالکی یعنی راوهنی
 قصبه سی مرکز اولوق صورتیله ینتاپول ممالکی دخی
 پایالق مقامنه مخصوص وانك حکومت جسمانیه سینه
 تابع مالکانه لر اولوق اوزره ایکنجی اتیئنه ترك وتبرع
 ایلمشدر که « اتارومن » یعنی « روما حکومت
 جسمانیه سی » دیه طوغریدن طوغریه پایا حکومت
 جسمانیه سی. التنده بولنق اوزره تازمانزه قدر دوام
 ایدوب کلان حکومتك اساسی ایشته بوزمان تحکیم
 وتأید ایدلمشدر .

په پن لو برف رومایه برطاقم خیرات انشاسی
 وواردات و ثروت تهیه سی و معموریت وزینتنك
 تزیدی کبی خدمت لر دخی کورمشدر که کندیسمندن
 صکره پایالق مقامنی برقاندها تأید و حکومت جسمانیه
 سی حدودینی توسیع ایلیدرک ا کامکافاة غرب
 ایمپراطورلغی نامنی المش بولنان شارلمانك موفقیتاتی
 ایچون بولر پك کوزل برر مقدمه برینی طوتمشدر .
 مع هذا په پن ایتالیا طرفلرنده لومباردره قارشو
 علی الدوام محافظه ایچون براردو براقوب بو حالده پایا
 حکومتی فرانسه محمیسی صورتنی دیغندن اوزمانه کوره

ایتالیا ایکیدن اوچ مهم قسمه تقسیم اولمشدر . اشبو اقسام
 ثلثه دن برنجیسی « ایتالی فرانق » یعنی ایتالیانک
 فرانقلر استیلاسی التده بولنان قسمی وایکنجیسی
 « ایتالی لومبارد » یعنی ایتالیانک لومباردلر استیلاسی
 التده بولنان پارچه سی و اوچنجیسی دخی « ایتالی
 غرق » یعنی ایتالیانک روملر استیلاسی التده بولنان
 اجزاسی اولوب قسم اول یوقاروده دخی بیان اولدیغی
 اوزره اولکی پنتاپول ممالکی ابله راون وروما و سائرده دن
 وقسم ثانی لومباردلر فقط دوقه لق اوله رق اداره
 ایتک شرطیله محافظه سنه مقتدر اولدقلری به نه دان
 دوقه لغندن وقسم ثالث دخی دکز ساحلارنده واقع
 بعض ممالکدن عبارت قالمشدر . ایشته شارلمانک
 ایتالیایه و رودی اثناسنده ایتالیا قطعه سی بر بیولک
 انقلاب و بر بیولک انتظامی حسن تلقیه مستعد اوله بیله .
 جک شویله برحاله ایدی .

(در دنجی فصل)

شارلمانک وفاتنه قدر

عن ۷۷۴ الی ۸۱۴

تفصیل - ایتالیا اوزرنده یوقاروکی فصلزده

خلاصه ایلدیکمز احوال اخیرہ بی تغییرہ چالیشان
 لومباردرک صموک حکمداری دیدہ اولدی کہ معیتندہ
 بولنان غایت کثرتلی وانتظاملی لومبارد عساکرینہ
 مقابل سواحلہ دہ قالان روملری هیچ منزله سندنہ
 طوتدقدن فضله پہن لوبرفک ایتالی فرانق قسمندہ
 براقش اولدیغی فرانقلری دخی کوزینہ کسديره رک
 حرکات عسکریہ یہ قیام ایلش ایدی . اوزمان پایا
 بولنان برنجی آدریہن فرانسه جہتندہ ترقیات مادیه
 ومعنویہ یہ حقیقہ حسن خدمتله برابر برعزم جہا -
 نکیرانہ ایلہ عظیم برغرب ایم - پراطورلغی تشکیلنہ
 چالشمقده بولنان شارلمانہ ایلچیلر قوشدیرہرق لومبارد
 قرالی دیدیہ نحرکات خصمانہ سندن شکایت ورومانک
 سلامتی نامنہ اولہرق شارلمانک لطف وجہایتنہ التجا
 ودخالت ایتیمیلہ شارلمان عظیم برفرانق اردوسنی
 معیتنہ الہرق ایتالیا یہ هجوم ایتش و برقاچ غلبات
 عظیمہ ایلہ ایکی بچق عصرلق لومبارد حکومتی
 وزیروزبرایدرك قرالارینک نامنی دہ بی نشان
 ایلشدر .

بو غلبہ عظیمہ اوزرینہ شارلمان رومادہ پہن

لو بر فرن زیاده خیرات انشا ایلدیکی واول پای تخت
مقدسک زینت و معموریتنی تزئید ایتدیکی کبی یکی
فتح اولنان ممالکدن پهر و ژن سنجاغی ایله اسپولت
دوقه لغنی دخی پاپالق مقامنک حکومت جسمانیه سی
التند بولنان ممالکه ضم ایلیرک بو حکومتک حدودینی
توسیع همتنده دخی بولمشدرد .

شارلمانک اشبو لطف و همم مخصوصه سنه مقابل
پاپا دخی کنندیسینی غرب ایمراطوری اولق اوزره
تقدیس ایلیمشدرکه بو ایمراطورلق همان شمیدیکی ایتا-
لیانک و فرانسه نک تمامی ایله المانیانک نصف غربی سندن
واسپانیانک دخی بر قسم شمالی سندن عبارت اوله رقی
روما شهری بوقطعه نک پای تخت فخریسی اولق شرفنی
قزانش ایدی . ایتالیا تاریخنک بوقسمی یعنی شارلمان
نک شو جهانگیرلکی بالوجوه فرانسه تاریخنه نسبت
اولتمق مرجع بولندیغندن کیفیت فرانسه تاریخنده
تفصیل وایضاح قلمشدر .

بوراده ایشک شو جهتنی ایضاح ایتک فائده دن
خالی دکلدرکه اوزمانه کوره اوروپانک الهمم دولتی
لومبارد حکومتی اولوب ایکی بچق عصر دن عبارت

بر زماندن برو لومبارد ترالرينك تتوج ايلدكاري
 تاج « تيور تاج » ديه لومبارد لر نز دنده غايت
 مقدس عد اولنديغي كبي حكمداران مياننده دخی
 يك مشهور وهم بر علامت حكمراني اولديغندن كرك
 شارلماني لومبارد لك دخی كنديلرينه حكمدار مشروع
 طائيلري مرانده وكرك عموم اوروپا حكمداراننه بر
 اثر غالبيت كوسترمك مقصدينه مبتنى اولوق اوزره
 پايانك دخی تنسيب وتقديسى ايله شارلمان ذكر اولنان
 تاج آهنيى ايمپراطورلىق علامتى اتخاذايلش واندن
 صكره مشهور شارل كن زماننه يعنى ميلادك ۱۵۳۰
 سنه سنه قدر غرب ياخود روما وياخود المانيا وجر -
 مانيا ايمپراطورى كبي جزئى متخالف عنوانلر ايله
 مقام ايمپراطورى به چكن و حقيقتده جلاسى شارلمانه
 اخلاف عد اولنان حكمدارانك كافهسى اشبو
 تاج آهنيى علامت ايمپراطورى اولوق اوزره
 تتوجنده دوام ايده كمشلردر . شارل كندن صكره
 تاج مذكور بر آرهلى بر محفظه اهميتده بر يادكار اولوق
 اوزره محفوظ قاله رق تا برنجى ناپوليون بوناپارط
 فرانسه نى شمال و شرق حدودىنى توسيعدن ماعدا

اسپانیا و ایتالیا بی دخی بالاستیلا عادتاً شارلمانک غرب
ایمپراطور لغنه معادل بر قطعه واسعه ده ایستدیک یزله
اقر با و منسوب باتندن قرال لر نصب ایلیه رک کندیسی
شهنشاه اولدیغی صرده اشو تاج آهنینی پایلق
مقامنک تجویز و عدم تجویزیه باقیه رق بالذات باشنه
پگیر مشدر . ایمپراطور مشار الیهک ضربات دست
غالبیتنه حیران اولان فرانسر شاعر مشهوری و یقتور
هوغو بوقضیه بی زمین اتخاذ ایلیه رک شارلمانک تعلیق
ایتدیک سیف غالبیتک قبضه سنه یاقیشق اله بیلجک
بردست همت انجق بیوک ناپولیونده کورلدیک کی
اوجنکاور وار اوغلی ار لومبارد قرالرینک تاج
آهنینه لایق بر قفا دخی شارلماندن صکره انجق بیوک
ناپولیونک اوموزلری اوزرناه کورولدیکنی پک لطیف
بر صورتده و صکره ظهور ایدن اوچنجی لوئی ناپولیونی
مقام تزییفده تصویر ایلشدر .

ایمدی کشور کشای زمان عداولمان شارلمانک تحت
حایت املفکاریسندده رومانک شان و شرفی وزینت
و معموریتی ارتدجقه ارتهرق شارلماندن صکره دخی
بر زمانه قدر ایمپراطورات . مرکزی اوزانی عداول

لنمغله اهمیت واقعہ سی کیتد کجہ ارتمتدہ دوام ایشدر
کہ کیفیتک بوجہتی بروجہ آتی دردنجی بایمزه تعلق
ایلیان احوال تاریخیہ دندر .

✽ دردنجی باب ✽

شارلمانک وفاتندن ایتالیانک اسپانیایہ محکومیتنه قدر

عن ۸۱۴ الی ۱۵۰۵

(برنجی فصل)

ایتالیان پرنسپرینک استقلالنه قدر

عن ۸۱۴ الی ۹۱۱

تفصیل - شارلمان رومای غربی ایمپراطور لغنه
علامت اولمق اوزره تاج اهنینی تتوج ایلد کدن صکره
ایتالیانک عادتاً فرانسه حمایہ سی التندہ یشایور کبی
تلقی اولنه جغی یوقاروکی فصلک مطالعہ سیلہ مستبان
اولمشدر واقعاً بویله بر استحما بر ملت مستقلہ ایچون
تجویز اولنه میہ جق ذلتلردن عد اولنور ایسه ده او
زمان هنوز ایتالیا ملیتی تشکل ایتاماش بولندیغندن
بویله فرانسه نفوذ وحایتی التندہ بولمق موجب
ذلت اولمدقدن فضلہ بو حاکم ترقیات انتظامیہ ومد
نیہ جہ کلی فائده سی دخی کورلمشدر .

شارلمانك وفاتندن صكره اولاد واحفادی كند.
 یلورینه ایتالیا قرالی عنوانی دخی ویردكلرندن شو حال
 عندالمورخین ایتالیا ده ایلك حكومت قرالیسهك
 تأسسی كی تلقی اولمش ایسه ده تاج آهینی توج
 ایدنلر ایتالیان پرئسی اولیوب بلكه فرانسه خاندان
 قرالیسی اولان قارلو وینزیهن خاندانه مخصوص بر
 امتیاز قرالی اولمسیله ایتالیانك بو قرالغنی بحق برایتا
 لیا قرالغنی عد ایتكه امكان یوقدر . باخصوص كه
 شارلماندن صكره كلان اصحاب تاج آهین هب ضعیف
 ولیاقتسز پرئسلردن عبارت اوله رق بونلك ایتالیا
 اوزرنده كی حایه لری دخی بر حایه لفظیه دن عبارت
 ایدی .

ایتالیا وروما تاریخنك بو قسمی ایچنده پاپالق مقلا
 منك مؤخرأ عادتا بر ملك الملوك مقامی عد اولمش
 درجه لرینه قدر ترقی ایلان اهمیتی ایلك مقدمه ترقیسنده
 بولمغله و پس یایه بر پاپاس ایكن بر انتخاب ایله بویله
 روحانی و جسمانی بر حكمدار اولق شرفی بتون عمرینی
 محرومیتله بچورن هر پاپاسی نأره تحمیرله یاقغه باشلا .
 مغله پاپالغه حسرتكش اولان ار باب حرص و طمع

نیچه انتریغه لره باشلامشلدردر که بویوزدن وقوعه کلان
 منازعات حقیقه موجب استغراب اوله حق درجه لری
 آتمشدر بیله . بوغرابتی اکلاته بیلک ایچون اشبو
 دردنجی بایمزدن برنجی فصلاک حاوی اولدیغی بر
 عصرلق مدت ظرفنده یکریمی سکز نفر پایا بومقـامه
 کلش اولدقربی عرض ایلر ایسه ک ار باب مطالعه
 دخی بهر نفری ایچون اوچرسنه و بر قاچر ماه اصابت
 ایلدیکنی کوره رک پایالرک یکدیگری قایدیرمق ایچون
 نه بیوک عمتئر ایلدکرینی بوندن قیاس ایده بیلورلر .
 کذلک انتجی اتیهن نام پایانک کندیسندن اول پایالق
 ایدن فورموس نام ذاتک نعشی مزاردن چیقارهرق
 و پایالره مخصوص برالبسه کیدروب قونسیل تعبیر
 اونان مجلس عمومی قیسین پیشـکاهنه بالاحضار
 « بو حریف پایالغی جبراً و قهراً غصب ایتشدر کلیسا
 قانونک خلافتده اوله رقی بویله بر حرکته جرأت ایلیمان
 اعدام اولنور » دیه بر حکم اصدار ایلیرک مجلسک
 رسمی جلادی واسطه سیله قدیدک قماسنی کسیدر کدن
 صکره کیملری تبیر نهینه آتدیرمش اولدیغنی اخبار
 ایلر ایسه ک قارئلریز پایالرک یکدیگری علمینده کی

خصوصیت و کین و عداوت لرینک درجه سنی دخی مقایسه
ایلیه بیلورئر .

اوزمانئر « انتی پاپ » عنوانی بر وقتلر « صاحب
خروج » عنواننک المش اولدیغی اهمیتده اولوب بر
طرفده بر قونسیل فلانجه ذتی پاپا انتخاب ایلدیکی
حالده دیگر طرفده دیگر بر قونسیل دخی بشقه بریسنی
انتخاب ایلر و انتخابی ایسه شدید و مدید محاربات
داخلیه یی موجب اولور ایدی .

واقعاً بویولده کی اختلالات داخلیه ایتالیا ن فاعیلیه
لری میانده برضاقلرینک نفوذ لرینی آرتدیره رق زمام
حکومتی اله المغه بیاغی یلتملرینی موجب اولسینه
و بر مملکتده ایکی قوه حکمرانینک فرمان فرما اولسنه
امکان اولمدیغندن ارباب تحکم و تجبر ایستدکری پاییه
برچوق نفوذ و صلاحیت و یردکری حالده ایسته .
مذکری پاپانک دخی حکم و صلاحیتنی بالکلیه سلبه
قدر وارد قلدندن بو حال پاپالق مقامنک اهمیتنی ضمه
دکل بالعکس تنزیله یاردیم ایتسینه بر زمان ایچون پاپالق
مقامی عاداتا پک بیوک برتهلکه التنده قالمش ایدی .
ایچق پاپالرک اعمال لطائف اخیلمده کی مهارتلی هیچ

بر وقتده کندیلرینی ارباب تحکیمک مغلوب کایسی
ایتمدیکندن بعض بورالرك حلول واندفاعندن صکره
حسابك یکوننده ینه پاللق مقامی کارلی چیتار ایدی .
ایشته بو حال میلادك ۸۸۸ سنه سنه قدر دهرام
ایلمدی که تاج حکمرانی بومده قدر هب قارلووینرینه
خاندانندن برپرنسك باشنده بولنور ایدی حالبوکه بو
زمانه قدر ایتالیاده کرک قارلووینرینه و کرک سائر
حکمدار خاندانلریله صهریت پیدا ایلش بولنان برطاقم
دوقه لر و سائر دهخی میدان الهرق مالیکانه لری خار -
جنده دهخی ایتالیا مهام امورنجه نفوذلرینی آرتدیرمش
وقارلووینرینه خاندانك ضعیف پرنسری ارتق بولنره
حکم ایده مامکه باشلایه رق نهایت ذکر اولنسان ۸۸۸
تاریخ میلادیسنده متوج تاج آهنین اولان شارل لوغرو
ایتالیا اولکاسنی تقسیماً اداره ایلان دوقه لر و سنیورلر
طرفندن خلع و تبعید اولنهرق کندیلری اوزرینه ایتا -
لیان قرالی اولسق اوزره برانزه نام پرنسی انتخاب
ایلش ایدی .

بوذات فریول دوقه سی ابر حارديک اوغلی اولوب
ینه قارلووینرینه خاندانندن لوئی لوده بوز نام قرالک

قزى بولسان ژ يزلدن تولد ايتش بولنسييله قرالغه
استحقاقى سائر هوسكاران تاج آهنيندن زياده كورلمش
ايشده سپولت دوقهسى كوي وجرمانيا قرالى آرنول
وآرل قرالى بوصونك اوغلى لوئى موهى اليهك انتخابنى
تصديق ايتيهرك وقراللى ايچون هر برى كندى ليا -
قت واستحقاقنى ترويج دعواسنه قيام ايليهرك ايشته
بوحدل ايتالياده شمدي يه قدر امثالى كورلماش برطاقم
محاربات داخله يه ميدان اچشيدى . بو حالده برانژه
غرب امپراطورى عد اولنه مديغى كې سالف الاسامى
اوج نفر اصحاب خروج ايله بونلردن ماعدادها بر
طاقم پرنسرو سنيورلر برانژه يه مغلوب اولدقلرندن
جملهسى راى واداره لرنده مستقل بولمغله ايتاليا تا -
ريختك بوقسمه يرلى پرنسرك دور استقلالى عنوانى
ويرلمش ايدى بو احوال ۸۸۸ سنه ميلاديه سندن ۹۱۱ سنه
ميلاديه سنه قدر دوام ايليهرك اندن صكره برانژه اداره
واحد التنده توحيد به باشلامشدر كه كيفيت بروجده
آتى ايكنجى فصلده كوريله چكدر *

(ایکنجی فصل)

سجلیاتین قرالغنک تأسسنه قدر

عن ۹۱۱ الی ۱۱۳۱

تفصیل - یوقاروکی فصلده اسپولت دوقه سی
کوی و جرمانی - اقرالی آرنول و آرل پرزی - وئی نام
رقیبلره قارشو تاج آهینی تتوج ایلش اولدیغی خبر
ویریلان برانزه ۹۱۱ سنه میلادی سنه قدر رقبای
عندنده عادتاً مغلوب اوله رق زمان کچرد کدن صکره
کندیسنک هر حالده من جهة قارلووینرین خاندان
قدیم معظمه منسوبیتی جهتله ایتالیا سنورلری پیدر
پی مومی الیه تبعیت ایتکه باشلایه رق ذکر اولنان
۹۱۱ سنه میلادی سندن صکره وقوعبولان محارباتک
اغلبنده وبلکه کافه سنده نسیم ظفر کندی بیراغنی
تموج ایتدیرمکه باشلامش و برقاج سنه ظرفنده رقیبلرینه
کافه وکاملاً غلبه ایلیرک ۹۱۵ سنه میلادی سنده
عموماً ایمپراطورانی قبول واعلان قلنمشدر .

بوذاتک تکمیل مدت حکومتی اوتوز الی سنه
دوام ایدرک شو مدت ظرفنده ایتالیا نر اوزرنده کی
نفوذ حکمرانیسی آرتدقجه یکیدن یکی به حسودلر رقیبلر

پیدا اوله رق بناء علیه ایتالیا همان حضور و آسایش
 یوزی کور مامش ایدی . نهایت ذکر اولمان حسودن
 یالکز کندی قوتلریله قراله برشی پایه میه جقترینی کورنجه
 بورغونیا ترانسروران قرالی بولنان ایکنجی رودولفی
 تشویق ایلدرک مر قوم رودولف بر فرقه عسکر لیه
 ایتالیا یه کیردیکی زمان رقبا و حسودانک کافه سی آنک
 باشنه طویلانه رق و باخصوص بونیفاج قونتی همان
 قرال رودولفک قوتندن زیاده بر قوت امداده کله رک
 اشبو قوای متفقده قارشو عاجز قالمغله ۹۲۳ سنه
 میلادیه سننده مغلوباً اعداسی انه اسیر دوشمش
 وورون نام محمله حبسه آتیلهرق بر سنه صکره محبسه
 مقتولا وفات ایشدر .

ذکر اولمان ایکنجی رودولف ذاتاً ایتالیا حکمدار
 لغنه خواهشکر اولان بر چوق رقیبلر میاننده بومقصد
 ینه نائل اولدیغی جهتله مقام اقباله کلور کلز ذاتاً بو
 مقامک حریصی بولنان بر چوق رقیبلر انکده اطرافنی
 المشر ایدی . بورقیبلر میاننده پروونس حکمداری
 بولنان هوغ سائرلرندن دیشلی چیمغله رودولف ایتا
 لیاده دیکش طوتدیره میه جغنی اکلایه رق اوزمان

المانیا به تابع بولنان امویچره طرفلرینه چکلمش واوراده
ایمپراطور برنجی هانرینک کزدیمسنه ترک ایلدیکی
مالکانلر قوتیه تجدید قوت ایلیمه رک تکرار ایتالیا
اوزرینه وریمش ایسه ده بودفعه رقیبی بولنان هوغ
ایله برعهاده امضا ایلیمه رک بهاهده مذکوره موجنبه
هوغ پرووانس طرفلرینی رودولفه ترک ایتمش و بوحالده
رودولف ایتالیا دن ال چکیمسنه مقابل بورغونیا قرالغنی
تشکیله موفق اولمشدر .

بودرجه لوده شدتله مغبوطا کابر اولان ایتالیا
قرالغنی کرحکدن برقرال اولق اوزره عموم ایتالیا
اوزرند فرمان فرما اولدقلرینی خلیایه محل یوقدر .
ایتالیا تاریخنک بودورلرنده عموم ایتالیا اولکامی
حصرو تعداده صیغمز برطاقم پرنسلر و دوقلر و قونسلر
وسینورلرید اداره سنده منقسم اولوب بونجه
فدا کارلقلرله قرالغی اغتصابه چالیشانلر ایسه
ینم اوته دن بری فرمان فرما اولدقلری ممالکده حکمران
اوله رق آنک خارجنده بعض ممالکه تسلط هوسنه دو
شدکاری زمان دخی مقاومات مسلحه به کوکس وبرمک
لازم کلور ایدی . هوغ بوقضیه بی نظر دقت و اهمیتیه

الفرق رومان و وینا سینه و مدنی ایتالیایی کنده
 حکم قرایمی الله صوفی ایچون ماروزی اممنده بر
 قدین ایلار دواج ایلدی که قرال هوغاک تاریخ خصمو
 صیه سنده ای اهمیت همان مختصراً بوفادین یوزدن
 حاصل اولدیغی جهته من پوره حقیقه بعض مرتبه
 ایضاحات تاریخیده لزوم واردر :

من پوره ماروزی رومان ثروت و نفوذ ایله بنام
 بر فامیلیا سینه منسوب اولدیغی کی اوزمانه قدر روما
 ده هیچ بر میلی کور کور لاحتیله برابر شیطانی
 عاجز بر قد جق دگایه دخی مالک اولدیغدن بوقادینک
 ایتالیا تاریخنده پک بیوک حکم و تأثیری اوله جغی ده
 کنجملکی هنکامنده پرنس و سنیرلرک عادتاً کافه می
 کندیسینه مقنون و مبتلا اولمده بولمئندن ا کلاشیلور
 ایدی ۹۰۶ سنه میلادی سنده توسکولم قوتنی آبریق
 ایله ازدواج ایلرک مومی ایله قامه رینو ولایتک دخی
 مارکیسی بولندیغدن بوازدواج قادینک اهمیتنی آرتد
 پردیغی کی تیر وقتده قوجه می وفات ایدنجه توسکولم
 وقاورینونک وصایت حکمداریسی دخی کندیسینه
 انتقال ائلس ایدی . ایتالیا سنیرلرینک کافه می بو

قادینيك جالنه عاشق اولديغي كي ثروتی و خدعه -
 كارلغي دخي ياردم ايلديهرك آز وقت ظرفنده
 عموم معتبران اوزرنده عظيم بر نفوذ پيدا ائيش و ايلك
 قوجه سندن صكره ايكي دفعهدها بالتاهل مالكانه -
 لريني ده توسيعه موفق اولمشدر .

بو قاديئك نفوذ و اقتداري بر درجهده وارمش
 ايدى كه پايق مقامك اصل صاحبي صانكه كنديسي
 ائيش كي بكنديكي پايقلى عزل و ايسنديكي ذواتي پايق
 نصب ايتك يد اختيارنده ايدى . حتى تئودره نام
 همشيره سي كنديسنه رقيب اولق حسييله اونجى ژان
 نام پايقى ماروزى يه رغماً انتخاب ايتديرمش اولديغي
 جهتله ماروزى اوفكه لندر ك ايكنجى قوجهده سي اولان
 و طوسقانا دوقهده سي بولنان كيدويه جبر ايله پايق اونجى
 ژانى طرد و اعدام ايتديرمش و ۹۳۱ سنه ميلاديه سنده
 دخي كندى اوغلارندن هنوز يك كنچ بولنان بريسنى
 اون برنجى ژان عنوانيله پايق مقامنه اوتورتمشدر .
 ايسته ايتاليا قرالى اولان هوغك اوچنجى قوجه
 اولق اوزره تزوج ايلديكي ماروزى بو قاديندر كه آنى
 تزوج ايله ايتاليا اوزرينه تعميم حكيم ايليه چكنى اميد

ایتمکده واقعا هوغ پک حقلی ایدی . فقط بوقادین نه
قدر متعظم و خدعه کار ایسه هوغ دخی بو نسیبته
ظالم و غدار اولوب کندی حکمنه اطاعت ایتمیانلری
الک آغر جزا ره دوچار ایلدیکندن و از چله ماروزی
ایله ازدواجندن صکره مزبور ننگ اولیکی قوجه سندن
منتقل طوسقانان دو قه لغنه نصب ایش اولدیغی کندی
اوز قرنداشی لامبرتک جزئی بر مخالفندن ناشی کوزلرینی
چیقارتدیغندن بوقدر ظلم و شدتی ایله کندی کندی
بر بلایه اوغراته جغی ذاتاً کورلمکده ایدی . ایشته
بو حدت و شدتدن ناشی بر کون ماروزینک بیوک اوغلی
اولان آبریه بر سیله اوردیغی کبی کندی یکنی اولان
و ایوره مارکیسی بولنان بر انزه ننگ دخی کوزلرینی چیقار-
مغه قالمشید یغندن بونلر ذاتاً هوغک جور و ظلمندن
مشتکی اولنلری باشلرینه طوپلایه رق عظیم بر عصیان
چیقارمشلر و طوغریدن طوغری یه قرال هوغک عما کر
خاصه سی اوزرینه هجوم ایدرک چله سنی قلیچدن کچیردکن
صکره هوغی پیرو و انس طرفلرینه قاچردقلری کبی
ماروزی بی دخی سنت انتر شاتوسنه حبس و تسجین
انیشلردر .

هوڭ مفرنده وماروزی دخی مجبسنده وفاتلرینه
 قدر قاهره انجق هوڭک لوتر اسمنده اولان اوغلی
 ذاتاً پدرینک حیاتنده ایکن شریک حکومتی بولند .
 یغندن بوذات برزمانه قدر برانژه علیهنه مقاومت
 ایتمک چالشمش ایسه ده موفق اوله مامشدر .

برانژه ننگ کافه رقباه غلبه سی ایله ایتالیاقرالی
 عنوانی المسی ۹۵۰ سنه میلادیه سنده میسر اولوب
 انجق اوزمان المانیا ایمپراطوری بولنان اوتون عموم
 ایتالیا یی المانیا مانکانه لرندن بریسی ایتمک عزمنه دو .
 شدیکندن برانژه ایمپراطور مومی الهه دخی مخالفت
 ومقاومته قالشمش ایسه ده مدت مدیده مقاومت ایده .
 مدیکندن ۹۵۲ سنه سنده المانیا ایمپراطور انجق ایتالیا
 اوزرنده دخی حکمرانلغنی طانیغه مجبور اولمشدر .
 واقعا ۹۶۱ سنه سنده بتکرار المانیا ایمپراطوری علیهنه
 قیام ایلش ایدیه ده بودفعه یقه یی اله ویرمکه بامبرغ
 زندانه آتلش و ۹۶۶ سنه سنده اوراده وفات ایتمشدر .

ایمدی ایتالیا قطعه سی بو صورتله عموم المانیا
 ایمپراطور انجق حکمرانلغنی آتیه کیردکن صکره
 ارتق ایتالیا دخی المانیا ایمپراطور انجق تشکیل ایلان

برچوق اجزادن بریسی اولمش قالمشدر . واقعا الما-
 نیایه تابع اولان قسم یا مرکز ایتالیا نك قسم شمالی سندن
 عبارت ایدیسه ده قسم جنوبی دخی بیر انس ایمپرا-
 طور اغنه تبعیتله بونلرک ید اداره سنده بولندیغی جهته
 بوندن ایتالیا ایچون بر استقلال کامل حکمی چیقار-
 تمغه امکان قالمامشدر . شوقدر که ایتالیا نك المانیایه
 محکومیتی دیمک طوغریدن طوغری به المانیانك رعیه سی
 دیمک دکل ایدی . حکومات جرمانیه نصل که هربری
 دوقه لاق ویاخود قونتلوق صورتیله برر حکومت او-
 لدقلمی حالده المانیا ایمپراطوری نامیله انتخاب اولانان
 ذاته تابع ایدیسه لر ایتالیا نك منقسم اولدیغی دوقه لقلر
 قونتلقلر سنیورالکر دخی علی حالهم المانیا ایمپراطو-
 ری بوانسان ذاتک حکمرانلغی طانیق ایله مکلف
 ایدیلر . المانیا ایمپراطوری اوچنجی هانری ۱۰۳۹
 سنه سندن ۱۰۵۶ سنه سنه قدر ایتالیا اوزرینه براق
 اردو سوق ایدرک روملر یدنده بوانان ممالک جنوبیه-
 بی دخی المانیایه ربط ایتمکه چالشمش ایسه ده بوکا
 پکده موفق اوله میوب شو قدر که پایا لاق مقامنی طو-
 غریدن طوغری به المانیا ایمپراطور انک نفوذی اتنه

اله بيلشدر که بوده يالکز عموم ايتاليا اوزرنده دکل
 بلكه قاتولک مذهبنه ذاهب وسالك اولان ملتلك
 كافه سی اوزرينه بر درجه يه قدر نفوذ پيداسنه سبب
 اولشدر .

پاپالى مقامنك بو صورتله المانيا امپراطور لغنه
 محكوميتي ۱۰۷۳ سنه سنده بو مقامه كلان يدنجي غره
 غوار زمانه قدر دوام ايدوب مومى اليه غايت مهارت
 وقوتله طورانه رق پاپالى مقامنك اسكى استقلال تامنى
 استرداد ايلد كدن ماعدا بر كره شو استردادى اله الدقدن
 صكره پاپالغى امپراطورلى مقامنك دخى فوقنه
 چيقارمق ايچون توجيه مناصب روحانيه و جسمانيه
 مسئله سنى بيوتد كجه بيوتمش ايدى . بو مسئله كرل اوروپا
 تاريخ سياسينجه و كرل كليسا تاريخ مقدسجه پك بيوك
 بر مسئله اولديغندن بوراده بعض مرتبه ايضاحنه
 لزوم كورلشدر :

معلومدر كه پاپالى مقامنده بو انان ذات قاتوايك
 كليساسنك رئيس روحانيسى اولديغى كى بو مقامه
 مخصوص اولان ممالكده حكمدار جسمانيسى اولمش
 ايدى . حالب و كه بو حكومت جسمانيه نك تاسسندن

صکریه اوروپانک کرک پرنسملندن و کرک سائر ارباب
ثروت و اصحاب املاکندن بر چوقلری رضاء لله کلیسا
لره اراضی و املاک وقفنه باشلا یه رقی کیده کیده مالکا
نه لر دخی وقف ایلمکله باشلامشیدی . شو حالده بر
چوق یرلرده قوننلق سانیورلک کبی صفت رسمیه
جسمانیه نه اورالک آرشد و قلق و نه و قلق کبی صفت
رسمیه روحانیه سیله برلشک لازم کلوب حالبوکه اصل
اولان شی مالکانه لره مالکیت مسئله سی اولمغله شو
منصب رسمی یی المایا ایمراطوری و یا خود مالکا
نه نک عائد اولدییی محاکم قرائی توجیه ایلمدیکی صره
ده اورک پاپاسلغی منصب رو طایفه سی دخی توجیه
ایتمش اولور ایدی . پاپا یدنجی غره غوار بر ایمپرا
طوروی قرائلق کبی منصب روحانی توجیهی کلیسا قانونه
اصلا توفیق قبول ایتیه جک بر ماده اولوب حالبوکه
پاپا ق مقامنک حکومت جسمانیه سی دخی بولمغله شو حالده
کندیسی دوقه و قوننلق کبی مأموریتلری توجیه
ایده بیلجکی دعواسنه قیام ایلمدی که بودعوی نیجه
سنه لر اوزانوب کتیدی و کندیسندن صکریه کلان بر
چوق پاپا لر دخی هب بومنازعه ده ثبات ایلمه رک

نهایت پاپالق مقامی ایستدیکي شیئه نائل اولمغه ایشته
 بوحال پاپالرك داد تا ملك الملوك اولمري مقصديني
 اتمام ایلدی .

ایمدی پاپالق مقامی کنديسني بوصور تله المانيا
 تسلطندن قورتارمغه چالشدیغی صروده ایتالیا سنیور-
 لری دخی المانیانك محکومیت سیاسیه سندن قورتلمغه
 برقاج دفعه طور انمشلر ایسده هر دفعه سنده المانيا
 ایمپراطورلری عسکر سوق ایدرك بولمري تأدیه مو-
 فق اولمشلرایدی . فقط بر بشقه جهتدن ایتالیا کنديسی
 ایچون بشقه برمدار استقلال حاضر لامقده ایدی که
 اودخی نورماندرك ایتالیای جنوبی یی استیلایه باشلا-
 ملری قضیه سیدر .

نورماند لفظی کائناتك سائر جزؤلرنده دفعاتله
 ایضاحات تاریخیه سی ویرلمش برملت اسمی اولدیغی
 جهتله بوراده ایضاحات زاندهیه لزوم کورلمز . بولر
 اون برنجی عصر میلادك اواخريله اون ایکنجی عصر
 میلادك ابتدارنده ایتالیای جنوبیه کی روملر اوزر-
 ینه هجومه باشلایه رق کندیلرندن مقدم ایتالیاده پر-
 لشمش قالمش اولان لومباردلر دخی روملرله بالاتفاق

نورماندره مقاومت کو ستر مشلر ای دیسه ده مقتدر او-
له مامشلر ای دی . بونلر کرک روملری و کرک لومبارد-
لری مغلوب ایلد کدن ص-کره سچلیانک ایکی قسمی
دخی کندی اللرینه الهرق اوراده سچلیاتین نامیله بر
قراللق تشکیلنه قیام ایلدیلر . واقعا المانیایمپراطور-
لغی دخی بویکی قرالغی ایسته مامش ایسه ده قوته
انجق قوتله غلبه ایدیه بیلک لازم کلوب بونلری منع
قوتی ایسه بر طرفده بولنه مدیغندن ۱۱۴۶ سنه میلاد-
دیه سنده نورماندر کندی رئیس الرؤساری بولنان
روژه نام ذاتی اورایه قرال نصب ایلدیلر و بوضورتله
ایتالیا تاریخنک اشبو دردنجی بابی ایچون اشاغیکی
اوچنجی فصلیز کی بر فصل مخصوص کشادینه لزوم
کوستردیلر .

(اوچنجی فصل)

المانیامستولیرینک طردینه قدر

عن ۱۱۳۱ الی ۱۲۶۸

تفصیل - ایتالیا اولکاسنک بر قسم جسمی
اولوب ایتالیا تاریخنک بوقسمنده برقراللق صورتیله
تشکل ایتش اولسی تاریخ مذکورک اهم و اعظم وقوا

ماندن بولنان سچلیانین قطعه سی اق دکزک الک بیوک
اطه لوندن بریسی اولان بر جزیره ایله انک قارشو سنده
واقع وایتالیاشبه جزیره سنک الک کوزل بر پارچه سی
اولق اوزره مشهور اولان بر قطعه اراضیدن متشکلدر
ازمنه قدیمده بوقطعه یونانستان قدیمک الک مهم مالک
نه لوندن بریسی اولوب بعده رومادولتنسک تحت
حکمنه کیرمش ورومانک انقراضندن صکره واندال
وغوت ویرانس روملری کبی مستولیره صره سیله
تابع اوله رقی نهایت یدنجی عصر میلادیده انوار اسلا
میتک هر طرفجه شعشه پاش غالبیت اولدیغی صره ده
عربلر بوجزیره دخی آقین ایدرک ۸۲۷ سنه میلادیه
سندنه بنواغلب اوراده بر حکومت مستقله تشکیل
انلش ایدی . بنواغلبک انقراضندن صکره مصر
فاطمینری اغلبلرک اغلب ممالکنی زیر ضبط واستقیلا
لربنه الدقلمی اثناده یعنی ۹۱۷ سنه میلادیه سندنه
بوقطعه یی دخی فتح ایدرک تا اون برنجی عصر میلاده
کاخجه یه قدر سچلیانینک اکثر قسمی حکام فاطمیه اداره
سندنه قالمش و بعض یرلری دخی حالا بیرانس ایمپرا
طور لغنه ملحق بولمش ایدی .

ایمدی نورماندیا لیلو ایتالیا اوزرینه یوروش
ایلدکری زمان اولا سجلیاتینک بعض اقسامنه مالک
اولان روملر اوزرینه هجوم ایدرک انلری بالسهوله
مغلوب ایلدکدن صکره اکرچه عربلر نورماندلره
قارشو شدیداً مقاومت قیام ایلشدر ایسه ده بو عصر
اسپانیا طرفلرنده دخی اهل اسلامک شقاق ونفاقدن
طولایی قوتلرینک ضعفه متحول اولدیغی برعصر
منحوس اولسیله فاطمیلرک نورماندلره قارشو کومستر.
دکری مقاومت دخی مفید اوله میدرق سجلیاتین اشبو
مستولیلرک الینه دوشمش وروژه نام رئیسلی یوقاروکی
فصلک نهایتنده دخی خبر ویرلدیکی وجهله بوقطعه یه
حکمدار اولشدر . نورماندلرک اصل مشغول اولد-
قلری وقایع ایتالیانک قره عد اولنسان قسمی اوزرنده
کوریلرک اورالده صرف اولنان همت سجلیاتین
جهتتی تعرضاتدن مصون برحالده بولندیرمغله بوقطعه
موخرأ دوچار اولدیغی انقلاباته قدر هب بالنسبه
براسایش تام ایچنده تصور اولنق لازم کلور .
ایتالیا تاریخنک بودورلرنده رومایه عطف نظر
ایدیله جک اولور ایسه اورالرک حالی ینه فنا لشمش

اولدیفی کوریلور • یوقاروکی فصلده دخی بیان
اولندیغی اوزره توجیه مناصب روحانیه وملکیه
مسئله سندن متولد بحادله و منازعه الک شدتلی
حکمنی بو فصلک حاوی اولدیغی سنه لرده
کوستروب پاپا بولنان ذوات روما مقامنی ایمپراطورلر
تحکمندن قور تارمق ایچون جداً و حقیقه بذل ماحصل
اقتدار ایدرلر ایدیه ده بونلرک نفس روماجه موقعلری
تهلکه دن تهلکه یه دوچار اولمقده ایدی • بعض کره
ایمپراطورلق طرفندن کوندریلان قوماندانلر واکثریا
ایتالیایی کندی نفوذ و تحکملری اتنده بولندیرمق دعوا
سنه قالقیشان یرلی پرنس لر روما اوزرینه عسکر چکه رک
پایاری یاطرد ایدرلر و یاخود فراره مجبور ایلرلر ایدی •
حتی ایمپراطور دردنجی هاتری اویچ سنه صره سیله
رومایا بالمحاصره ضبط و پایایی طرد ایلشدر • ایکنجی
اینوسان وایکنجی آناقلت نام پاپالر یکدیگریله رقابت
ایلدکاری صره ده یعنی ۱۱۴۰ سنه میلادیه سنده
آرنودده بره سچیا رومایی تحت تحکمنه الهرق اوراده
برحکومت جمهوریه تشکیل ایلدی - ۱۲۸۱
سنه میلادیه سنده دخی روماده فرمان اولان اصیل

زادگان طاقی در دنجی مارتین نام پاپانک رومایه دخو -

انی منع ایچون بر مقاومت مسلحه کوستر مشلدر .

بناء علی ذلک نفس رومانک بوزمانکی احوالی

احوال منتظمه دن عد ایلکه اصله امکان اولیوب

یونی عادتاً بر فترت متمادیه عد ایلک اولادر .

ایتالیانک سائر طرفلینه کلنجه: بونلر لومبارد

ونور ماند کبی عن اصل باربار بولنان مستولیلردن

زیاده المانیا ایمپراطورلغنک تحکم و تهکمندن بیرار اوله

رق ایمپراطورلق علیه نه دفعه اته عصیان ایلد -

کبری و هر دفعه سنده شدیداً تأدیب اولندقلری

حالده بنه فکر عصیاندن واز یکمیه رک ۱۱۶۱ سنه -

سنده المانیایی یک بیوک صدماته دوچار ایلان کلف

وژیبه لن منازعه سنه بالاشترک سلاحه صارلشلردر .

کیفیت المانیا تاریخنده دخی ایضا - اح ایدلدیکی

اوزره کلفر باویرا دوقه سنک سوقده وژیبه لنلر دخی

سوآب وژیبلنژن سنورینک ریاستنه تابع اوله رقی المانیا

ایمپراطورلغی تاجنی کندی منسوب و متبوعلرینک باشنه

کیدیرمک غیرتیه قیام ایتشلر ایدی . اول امرده ژیه -

لنلرک رئیس قونراد ایمپراطور انتخاب اولندیغی حالده

کفلر انی طایمافله المانیانک هر طرفدن کندیلرینه
 متفق اره دقلری صرده ایتالیانلرک بیوک متفقری
 اولق اوزره بونلره الحاق ایشلر ایدی . حتی المانیا
 ایچنده کفلر مغلوب اولدقلری حالده ایتالیا جهنده
 مجرد ایتالیانلرک معاونتیه غالبیت کندیلرنده قالوب
 پاپا دخی ایمراطورلردن قورتلق ایچون بونلرک
 طرفنی التزام ایلدیکندن میلان وسائر لومباردیا بلا .
 دی المانیا ایمراطورلغنک حقوق حکمرانیسنی لغوایلر
 جمهوریت کبی برر حکومت تشکیل ایلدیلر . واقعا باویرا
 طرفلرنده بوفرقه ایمراطوره صادق قالنش ایدیسده
 انلرک اول قدر اهمیتی اولمیوب شو قدرکه فره دریق
 باربروس نام المانیا ایمراطوری برارهلر قوه غالبه
 ایلر کله رک میلانی استیلا ایش و لومباردلری بتکرار
 تحت اطاعتنه صوقش ایدی . ۱۱۷۶ سنه سنده ایتا .
 لیانلر بتکرار سلاحه صاریلر ق ۱۱۸۳ تاریخنه قدر
 اوغراشوب لومباردیانک استقلالنی تکرار استحصال
 ایلدیلر . انجق ایمراطور ایکنجی فره دریق ۱۲۳۸
 تاریخنده تکرار میلانلری بوزمش ایدی که اگر المانیا
 طرفلرنده ظهور ایدن یکی قاریش ققلر ایمراطورلق

مقامی بر تہلکہ عظیمہ ایچندہ بر اقصہ ایدی ایتالیا نلرک
 حالی مشکل اولور ایدی ۰ المانیانک داخلی قاریشقلقری
 ۱۲۵۰ سنہ میلادیہ سندن صکرہ کلف وژیہ لن منا -
 زعہ سنی ایتالیا نلرک داخلنہ مخصوص بر منازعہ محلیہ
 اولق اوزرہ تحدید ایلدیکندن و بو حالده ایتالیا شہر لرندن
 و یاخود سنیور لرندن بعضلری بعضیلرینہ قارشو جنگ
 ایدیور دیمک اولدیغندن بو محاربه داخلہ دخی ۱۲۶۸
 تاریخنہ قدر دوام ایدرک بریاندن ایتالیا نلرک بلاد جسیہ
 سی ملحقاتیلہ برابر کندیلرینہ برر حکومت جہوریہ
 و یاخود بعض سنیور لر و حکمدار لر ادارہ سی التندہ برر
 حکومت مستقلہ تشکیل ایلدکلی کبی دیگر طرفدن
 دخی ایتالیا نلرک عمومی بردن المانلر علیہنہ بر نفرت
 عظیمہ ایلہ قیام ایدرک ایتالیا نلرک ہر طرفندہ نہ قدر المان
 وارسہ خارجہ چیقار مشلردر ۰

(در دنجی فصل)

با پارک آو بنیوندن عودتہ قدر

عن ۱۲۶۸ الی ۱۳۷۸

تفصیل - المانلرک ایتالیا اوزرنده کی دست

تسلطری منقطع اولوبده ایتالیا بلاد مشہورہ سی

کندیلرینه برر استقلال پیداسنه باشلادقلری زمان دخی
 محاربات داخلیه قطعياً فیصل ویریله مامش اولسی
 نظر دقتده طویله حق احوال دندر بو مجادلات و محار-
 بات هنکامنده ایتالیا اوزرنده تشکل ایدن حکومتلرک
 حال و محل حسبیه الیه مهملری لومباردیا و طوسقانه.
 درکه بونلر برر حکومت جمهوریه صورتنده بالتشکل
 سلاح مقاومتی شماله چویره رک آلب طاعلرینی دائمی نظر
 ترصددن آیرمدقلری جهته المانیایمپراطور لغنک صوک
 تعرضات مایوسانه سی دخی بوشه چیقاریله رق ارتق
 اوجهتدن هیچ برکونه اندیشه لری قالمامش ایدی .
 منازعات داخلیه نکه زیاده حکم سوردیکی
 طرف ایسه روما اولوب اوراده پاپانک حکومت
 جسمانیه سنه قارشو برطاقم سنورلر درلو درلو ادعا
 ووسیله لرله تعرضاته قیام ایلنکارندن اکرجه پاپالق
 مقامی بونلره قارشو مقاومتده هیچ بر قصور ایتامش
 ایسه ده انجام کار رومانک قاتولیک کلیساسنه مرکز
 عمومی اولسی امتیازینک محافظه ایدیلهمیه جکئی اکلا-
 بهرق و شارلمان زمانندن بری فرانسه نکه روما اوزرنده
 پیدا اولان شان خایه سندن استفاده یه دخی یول بولنه .

میه رقی ۱۳۰۹ سنه میلادی سنده پاپا بولنان بشنجی
 قله مان هم روما شهری سنورلرینک تسلط و تعرضندن
 قورتلوق و هم ده فرانسه جایه سنه تقرب ایتش بولنلق
 ایچون رومانی ترک ایله پاپالوق مقامنی آوینیون شهرینه
 نقل ایشلدر .

حالبوکه روماده . نزع فیہ اولان شی یالکز پاپالوق
 مقامندن ده عبارت اولی . بوب الک مهم و مددش اولان
 مسئله سنورلرک یکدیگری علیهنده کی رقابت و خصوص
 متی قضیه سی بولنلقه . مجادله براز زمان ده ا دوام
 ایلد کدن صکره نصلسه بولردن برا کثرت پیدا اوله .
 بیلرک روما و توابعی بتکرار برحکومت جمهوری
 اداره سنه ایشلدر .

پچلیاتین جهتنه کلنجه یوقاروکی فصلزده دینلدیکی
 وجهله قطعه مذ کوره یکی تشکیل اولنان حکومتک
 مصائب و صدمات خارجیه دن بری قالسی سایه سنده
 برخیلی مدت راحت یوزی کوره بیلش ایسه ده ممالک
 مذ کوره ده حکومت سورن آنزو خاندانی فرانسیه
 منسوب بر خاندان اوللق حسیله برچوق فرانسلرک
 پچلیاتینه کله رک زمام حکومتی اله امش و مملکتک

منابع ثروتی یواش یواش هب بونلرک یدینه کچمسی
ایتالیانلری مایوس و بیرار ایتملکه بر زماندنبری فرا-
نسزلر علیهنده سودای انتقام ایتالیانلرک دماغنده
بیومکه باشلایه رق ۱۲۸۲ سنه میلادیه سی مارتک
اوتوزنجی کونی یعنی پاسقالیا ایچنده داخل بولنان
پازار ایتسی کونی هر کس کلیسایه کیدرایکن بر معتبر
فرانسزک بر ایتالیان قادینی تحقیر ایتسی یوزندن
حاصل اولان منازعه بیویه بیویه عظیم بر مقاتله
تحول ایتش و کلیسایه ایلده هیجان چاکلری چالینه رق
ایتالیانلر زنده فرانسز بولدیلر ایسه اعدام ایتملکه قیام
ایلمش ایدی .

بوصورتله اعدام اولنان فرانسز لرک مقصداری
سک: بیکه واردیر لمقده اولوب بعض فرانسز تاریخلر-
بنک ظننه کوره شو قتل عام آنزو خاندنلر شارلک
رقیبی بولنان اراغون پر نسی پترونک صورت مخصوص-
صده کوندردیکی ژان دوپروسیده نام بر محرکک اثر
تحریرکی اولوب ایتالیانلره اولجه ویریلان تعلیمات
اقتضاسیجه پاسقالیا ایچنده داخل بولنان صالی کونی
کلیسایه دعوت ایچون چالینه حق اولان چاک قتل

عامه اشارت اولمق اوزره قرارلشدیرلمش ایمش .
 بوسبیه مبنیدر که شووقعه نك اسمنه « وه پرسیسیمیلیدن »
 یعنی سچلیا اذانی تسمیه اولنمشدر .

بووقعه هائله نك نتیجه سنده سچلیا تینك جزیره
 قسمی قره قسمندن آیریلوب آنزو خاندانی قره قسمنده
 یعنی ناپولیده حکمدار قالدیغی حالدده جزیره قسمی اسپا-
 نیا خاندانلرندن اراغون خاندانی یدینه دوشمشدر که
 بو حال اسپانیانك ایتالیا یه مقدمه استیلاسی عد اولنه
 بیلور .

بو حالدده ایتالیا نك حكومات مستقلسی لومباردیا
 وطوسقانه وروماناپولی و سچلیا حكومتلری اولوب
 انجق بونلر دخی ایریلی اوفاقلی برچوق قوتلقلمره
 و سنیورلقلره منقسم بولنملریله تقسیمات مذکور ایتالیا نك
 شكل واحده بولنمسنی مانع اولدقن ماعدا اشبو
 حکمدارلر کافه سی الظالم حکمدارلره رخت اوکو-
 نه جق قدر ظلم واعتساف ایله کوچکی بیوکنه تقدم
 داعیه سنده بولندیغندن بوانقسام میاننده بیچاره ایتالیا
 عاداتا عمومی برانسان سلخانه سنده دونمش ایدی . شو
 فلاکت حاله نتیجه ویره بیلک استعدادیله ریازری اسمنده

بر آدم توره دی که سنیورلردن اغلبه نك ممانعت مسله سی
منع ایتسه ایدی ایتالیا دها اوزمان صاحب شوکت
بر حکومت اوله بیلور ایدی . شویله که :

اشبور یازی عن اصل بر میخانه جینک اوغلان دن
عبارت ایه ده کوردیکی تعلیم و تربیه ایلروده کند .
یسنک اوسته بر میخانه جی اولسنی دکل بلکه ملتجه
پک مسعود بر انقلابه مو ققیتنی تأمین ایلده جک صو .
رتده ایدی . ایتالیا نك بر چوق اجزای متخالفه یه
انقسامنی و باخصوص پاپارک رومادن بالت و حیش
آوینیونه النجاسنی عموم ایتالیا ن ملیتی ایچون غایت
مضر کوره رک و ملت مر قومه هر نصیل بر صورت
حکومتله اولور ایه اولسون اتحاد ایلایوب ده
رومای مرکز عمومی انخاد و پاپالقی مقامنی دخی ینه
اورایه اعاده ایلده جک او اورلرایسه قاتولک مذهبنک
نفوذی سایه سنده همان بتون او رو پا ایتالیا یه محکوم
قاله جفنی حساب ایلهرک ۱۳۴۷ سنه میلادیه سی
مایسنک یکر منجی کونی نشر ایلریدی بیان نامه سنده
بواساس اوزرینه عموم ایتالیا یی بر حکومت جهو .
ریه دعوت ایتش و ذاتاً اووقته قدر پک چوق کیمه .

لری بوانفاقه ادخال انش بولندیغندن عموم رومالور
 مومی الیهک باشنه طویلانه رق رومایی تحت تسلطلرینه
 انش بولسان بارونتری کاتلا طرد و دفع ایلدیکی کپی
 بونرک جلا دلق خدمتمنده استخدام الملکده بولندقلری
 حیدود مقوله سی بر طاقم قانلی وقتلری دخی علی العموم
 اعدام ایندیرمش ایدی . شو حالده رومایی بر
 جمهوریت انده کیرمش دیمک اولوب جمهوریت ایسه
 حقیقه عدل و ناموس داخلنده حرکت ایلیه جگنی
 ایلتک نئریاتیلجه جهانه تأمین ایدوب ازجهله پاهاری
 آویونندن عودته دعوت انش بولندیغندن ایتالیا
 بر قاج بیولک نئری جمهوریت مذکوریه اتحاق ارزو
 و قبول انش ایدده پاهار وقوع و لان دعوته نشکرله
 برابر همن قانوب کیلکده استعجال کوستر مامشیر
 ایدی . ریازینک کندی طرف کیراننه علوهمت و ما .
 مقنی نه قدر بیولک ایسه اوزمانه قدر رومایی به
 استبداد نرند . بولندیران قلمدنک طرف کیرانی علیبنده کی
 شدتی دخی اونیستنده اولوب حالبوکه روما خارجنده
 بولان سنهورلر مومی الیهک حصول امانی کنه یلر .
 بنک محوبله برابر بیله رک بو حالده ذکر اولنان سنهورلر

روماده ریازیدن ممنون اولیان گروه ایله بالاتفاق شهر
مذکور اوزرینه یوروینجه بیچاره ریازی اسباب مقار
ومت تدارکندن عاجز قالمش و پراغه طرفلرینه فرار
ایله المانیا ایمپراطورینه دخالت ایلدیسده ایمپراطور
کنندیسنی حایه ایتیوب خلافگیرانه تسلیم ایچون
تکرار رومایه اعاده ایدنجه ریازی اثنای راهده وفات
ایدرك قورتلشدر .

بیچاره ریازینك باشلایوبده موفق اوله مدیغی
ایشك بر قسمنی یعنی پاپالرك آوینیوندن بتکرار رومایه
عودتنه آبورنوز اسمنده بر اسپانیول قاردینالی موفق
اولشدر . مومی الیه البورنوز اکرچه پاپاس طار
قندن ايسهده امور سیاسیهده وحتى عسکری قوما
ندانلغنده دخی بهره کلیه صاحبی بر آدم اولوب عن
اصل قاسمتیل قرالی اون برنجی الفونسك مقر بلندن
ایکن الفونسك وفاتندن صکره قرال اولان ظالم پیه
مومی الیه حشم ایدرك آبورنوز دخی آوینیونده مقیم
اولان پاپا التجبی قله مانه التجا ایلش ایدی . التجبی
قله مان کنندیسنی قاردیناللق رتبه سنه اصمعد ایلدیکی
کبی اندن صکره التجبی اینوصان مومی الیه البورنوزه

رومایه کیدوب اهای ایلہ بالذاکرہ پایالق مقامنک
ینہ رومایہ اعادہ سی اسبابنی تمیہ مثلاً بیوک وکوج
برمأموریت ویرمش ایدی . البورنوز بومأموریتی
حسن ایفا ایلہ رک فقط اوزمانہ قدر التبحی اینوصانک
یرینہ بشنجی اوربن پایا اولدیغندن ۱۳۷۸ سنہ سندہ
پایالق مقامنی اشو بشنجی اوربنک ریاستیلہ رومایہ
اعادہ ایتدیرمشدر .

(بشنجی فصل)

اسپانیوللرک ایتالیایی زیرتحکمرینہ المرینہ قدر

عن ۱۳۷۸ الی ۱۵۰۵

تفصیل - پایارک آوینیوندن عودتی اوزرینہ
ایتالیایی تقسیم ایلیمان پرنسملرک یکدیگریلہ رقابتلری بر
طرف اولماقلہ برابر بونلرک هر بری کندی ادارهلری
داخلندہ بولنان محللر ترقیاتنی مسابقة ورقابة یدالتر
مه المریلہ شو حال ایتالیا تاریخنک بوفصلندہ اچجان
ایدیلان دورینی بیاغی بر دور ترقی صورتنه افراغ
ایلمشدر .

میلان شهرندہ ۱۳۷۷ سنہ میلادیہ سندہ تورہ یوب

یواش یواش اوقطعه یی تماماید اداره سنہ الهرق ۱۴۴۷

سندھ سنہ قدر دوام ایلین ویسقونتی خاندانیلہ اندن
صکرہ مقام حکمرانہ کلان سفورس خاندانی اولانجه
ہمت وغیرت لیلہ چالیشہ رق قطعہ مذکورہ بی جسم
وقوی بر دوقہ لاق حالنہ قویدق لری کبی میلان شہرینک
دخی اسباب معموریتنی اکمال ایتشدر .

دیگر جہتہ صاووا ولایتی دخی قونت وردینلان
حکمدارینک ہمتیلہ ۱۲۴۳ سنہ سندن صکرہ اہمیت
واقعنسنی تزیدہ باشلایوب ایتالیانک الک قوتلی اقسما
ندن بریسی دخی صاووا اولمشدر . ہلہ عن اصل
دکز ایچندہ بر قاچ کوچوچک اطہلر اوزرینہ مبنی
بولنان وکندینہ مخصوص بر حکومت مستقلہ سایہ
سندہ تجارت بحریہ سنی وجمہوریت تحلیلہ سنی ارتدیر
دقجہ ارتدیر مقدمہ بولنان ونڈیک شہری ۱۳۰۰ تار
ینخندن صکرہ اہمیت سیاسیہ سنی ارتدیر مغہ باشلایہ رق
قرہ جہتہ ال اوزاتمش و برحق یرلرک فتح واستیلا
ایلہ حدودینی توسیعہ موفق اولمشدر . بو حکومت
برنوع جمہوریت ایدی کہ رئیس لری انتخاب اولندقدن
صکرہ ہمان استقلال کاماہ قریب براقدار ایلہ حکم
سورہ رک تجارت بحریہ سنی دہ محافظہ ایچون بیوک بر

قوهٔ بحریه مالک اولدیغی کبی صکره لری قوهٔ بریه -
سنی ده اکیال ایتشدرد .

بوندن ماعدا است عنوانده شهرت ویرن برخاندان
دخی فرارا ایالتنی بر حکومت منتظمه شکنه صو -
قوبینه بونلر کبی غوزاق خاندانی ده مانتو ولایتی
تنظیمه باشلایه رق ترقیات صحیحه لرینه خدمت ایتشلر -
در طوسقانه قطعه سی ایچنده فلورانسده شهرینه کلنجه
مشهور مدیچی خاندانی اوراده حکومت سورمکه
باشلایوب بوخاندانن کلان سنورلر میانده برچوغی
علوم عالیه وصنایع نفیسه یی بالخاصه نظر الترام
وحایتده طوته رق فلورانسینی عموم ایتالیا نلک دار
المعارفی حد اولنه جق بر اهمیتله تشکیل ایتشلدرد .
ایمدی اشبو حکومت جدیدده دخی اولدن موجود
اولان حکومتلره منضم اولنجه ایتالیا قطعه سی اوزر -
نده تقسیمات سیاسیه چوغالمش وایکنجی و اوچنجی
درجه ده عد اولنان حکومتلر و سنورلکلر ده از یاده
تکثر ایتش ایسه ده هر برینک بویله یکدیگر یله
مسابقهٔ تعمیر مملکتسه چالشملری ایتالایایی کرچکدن
شهره ترقیده قوشه قوشه یول الدیرمغه سوق الماش

ایدی . شمدیکی امریکا حکومت مجتمعه سی و یا خود
 المانیا حکومت متحده ایمراطوریه سی کبی براتحاد
 دخی اوزمان ایتالیا و واقع اولسه یعنی ایتالیا نك
 اجزای منقسمه سندن هربری کندی دأره لری داخلنده
 مستقل بالرأی و مستقل بالاداره اولمقله برابر عمومی بر
 خاندانك ریاستنه تابع اولسه ایدی مؤخرأ فرانسه
 و اسپانیا مثللو ایکی رقیبك ایتالیا اوزرینه نظر طمع لر -
 یی آنچه رق دره لر کبی قائلر دو کلمه سینه میدان قالمز
 ایدی .

واقعا بوفکر و مطالعه ایتالیا سنورلرینه دخی
 کلامش دکلدر . هله بوندن اول ذکر سی سبقت ایدن
 ریازینك بر قانون اساسی طرزنده نشر ایش بوندیغی
 بیاننامه ایتالیا ایچون براس الاساس اصلاحات اولمق
 اوزره هر کسك از برینه کیرمش ایسه ده موجود او -
 لان خاندانلرک هر بریسی اوفاجق طاغلری کندیلری
 یراتمش اولدقلرینه قائل اولمق مرتبه سنده متعظم بو -
 لندقلرندن ریاست عمومی یی هربری کندیلری ایچون
 خلیا ایدرک شو اتحادیه موفق اوله مامش لدر .
 حالبو که دیگر طرفده فرانسه ایله اسپانیا دواتلری

ایتالیا قطعه سنک ثروت و لطافت طبیعیہ سندن ماعدا
 معموریت متحصله سنہ دخی غبطہ ایلہ رک بالخاصہ
 فرانسه دولتی قطعه مذکورہ بی فتح و کندی ملکنہ
 ربط ایتک داعیہ سیلہ و درلو و درلو وسیلہ لرلہ ایتالیا
 اوزرینہ عسکر سوق ایلدیکی کبی ذاتاً سبجلیا طرفلر-
 ینک مالکی بولنان اسپانیا دولتی دخی بوامل ایلہ سوق
 عسکرہ قیام ایتش وایشته فرانسه قرالی برنجی فرا-
 نسووا ایلہ اسپانیا حکمداری مشهور شارل کن محار-
 بات مدیدہ سی بو غبطہ و حرص و رقابت ایلہ ظهور
 ایتشد .

برنجی فرانسووا و شارل کن محار باتنہ دائر
 فرانسه و المانیا و اسپانیا تار یخلمندہ و یرمش اولدیغمز
 ایضا حاتک بورادہ تکراری لازم کلیوب یالکز ایشک
 شو جہتی اخبار ایدملککہ اکتفا اولنورکہ غالبیت
 و مغلوبیتک نتیجہ النتایجنده ایتالیا قطعه سی اسپانیا
 نک ید غائبہ سندنہ قلمغہ منجر اولوب بو حالده بر
 استقلال صحیح اولق اوزرہ یالکز و ندیک قطعه سی
 مستقل قلمش و دیگر قطعاتک قونت و دوق و بارون
 و سنیور مثالو حکمدارلری اسپانیا قرالنی کنسدیلری

اوزرنده برمتبوع عمومی طایفه مجبور اوندولری کبی
ایتالیا تقسیماتندن ال بیوک ومهملرینک حکمدارلغی
دخی طوغریدن طوغرییه خاندان مذکوره انتقال
ایتمشدر .

ایمدی ایتالیا تار یخنک شو اسپانیا محکومیتندن
صکره کی احوالی خلاصه ایتک ایچون بروجه آتی
بشجی باهمزی کشاد ایلک لازم کلیور .
(بشجی باب)

ایتالیا تار یخنک دوراخیری

عن ۱۵۰۵ الی ۰۰۰۰

برنجی فصل

اسپانیا دولتیله تصحیح ارتباطه قدر

عن ۱۵۰۵ الی ۱۷۳۸

تفصیل - اسپانیا دولتنک فرانسه ایله رقابه
ایتالیایی استیلایه باشلامسی اوزرینه اسپانیول حاکمیتنک
ایلک تقرر وتأید ایلدیکی برنجلیاتین قطعه سیدرکه
۱۵۰۵ سنه میلادیه سنده بوایکی قطعه طوغریدن
طوغرییه اسپانیا خاندانه ارتباط ایلدکن صکره
اسپانیولر میلانی اله کچیرمکه چالشمشیر وا کا دخی

۱۵۴۰ سنه میلادیه سنده موفق اوله رقی اوزمانه قدر
دوقه لقی صورتیله اداره اولسان قطعه مذ کوره یی
کندیلرینه بر ولایت اتخاذا ایشلردر که میلانک اهمیت
موقعیه وجغرافیه سنه نظرا بو حالدہ ایتالای شمالی ایلہ
ایتالیای جنوبی قطعه لرینی کاملاً یه محافظه یه ایشلر
ایدی .

اندن صکره ایتالیانک سائر طرفلرینی دخی اسپا -
نیولر ایستد کیری وجهله تنظیمه موفق اولدیلر .
همده بودفعه اسپانیانک ایتالیا اوزرنده کی تسلطی
بوندن مقدم المانیایه اولان ارتباط کبی دکل ایدی .
شارل کنک پیدا ایلدیکی حقوق حکمرانی اقتضاسیجه
ایتالیا عادتاً طوغریدن طوغری یه اسپانیا مستملکتندن
معدود اولوب یالکیز و نذیک قطعه می خار جده قالمش
ایدی .

اشبو اسپانیول تسلطی اگرچه ایتالیانلره کندی
حریت واسه استقلالری یولنی قیامش ایسه ده بونلرک
استقلالری ذاتاً ملت واحده نیکپاره الک حالنده کی
استقلانه شبیه اولیوب منازعات داخلیه کندیلرینی
بسیتون بر باد ایشکده بولندیغندن اشبو اسپانیا محکومیتی

هیچ اولمزایسه منازعات و مجادلات داخلیه میدان
بر اقامق صورتیه اولسون نافع اولمش ایدی . هله
اسپانیول اُخاندانی قاتولیک مذهبنجه تعصبه پک مشهور
اوله رق پاپاره ایده جکاری ایلکی عینیه نام حضرت
یسوعه عبودیت اولق اوزره عد ایلدکلرندن پاپالق
مقامنی اوزمانه قدر تعجیر ایلان بر طاق سننورلرک
تسلطنی منعه مقتدر اولمشلردر . بنابرین اسپانیول
استیلا سندن طولایی الزیاده روماشهری کارلی چیقهرق
ایکنجی ژول واونجی لئون نام پاپار شهر مذ کوری
معمور ایتکه پک چوق چالشدقلى کبی اخلافی دخی
ه ب بواثره اقتضا و بتخصیص سیقت کن نام پاپا بو
یولده جلهیه تقدم ایلیه رک روماشهری یالکز زیا-
رتجیلرک دکل برچوق صنعتکارلرک سیاحلرک و عالمرک
نقطه اجتماعی اولمش و کیتد کجه شهرتنی آرتدیر مقده
دوام ایشدر .

ایمدی ایتالیا احوال عمومیه سنک بو حال اوزره
دوامی ایکی عصر قدر برمدت ایچون ممالک مذ کو-
ره نک بالنسبه حضور و اسایش ایچنده کذران ایامنی
تأمین ایلدیکی جهتله ایتالیا شهرلرینک همان کافه سی

بواسطه ایشان استغاده ایدرک بر چوق مشاهیر علما
 وار باب صنایع دخی ایتالیا تاریخینک پارلاقاغنی
 آرتد یرمغه باشلیجه خدمت ایتمشلردر . انجق اون
 یدنجی عصر میلادی ایچنده اسپانیانک دوچار اولمغه
 باشلادیغی انحطاط وانقراض ایتالیا اوزرنده کی نفوذ
 حکمرانینک دخی ازماسنی ایجاب ایدرک هله اون
 سکزنجی عصر اوائلنده یعنی ۱۷۰۶ سنه سندن ۱۷۲۱
 سنه سنه قدر اوستریا و ایتالیا خانانلری ارمسنده کی
 رقابت و منازعه نک نتیجه سی میلان دوقه لغی ایله سبجلیا
 تین قطعه لرینک کاملا اسپانیا محکومیتندن آریلوب
 اوستریا مالکانه لری صره سنه یکم لرینه منجر اولمشیدی
 حتی اسپانیانک بالکلیه ایتالیا دن ال چکمیسی دخی تحقق
 ایتش ایکن ۱۷۳۵ و ۱۷۳۸ سنه لرنده ایتالیا نلر اسپا
 نیا خاندان قرالیسی بولنان بوربونلر ایله رابطه تابعیت
 و متبوعیتلرینی تصحیح ایلیرک بوربون خانداننک اولاد
 صغیرندن ایکی شعبه نک پارم و سبجلیا تین قطعه لرنده
 حکمران قالمیرینی ایتالیا نلر قبول ایشلر ایلیمده بو
 حکمرانلق اسپانیا دولته رعیت و محکومیت نظریله
 کورلمیرک بایککه یالکیز اسپانیا خاندانه منسوب

پرنسپلرک بوقطعه کرده بالاستقلال حکمدار صائلمری
شروط اساسیه دن اولوق اوزره ایکی طرفجه دخی
قبول اولمشدر .

ایشته اسپانیانک ایتالیا اوزرنده کی حاکمیتی بوندن
عبارت قالدقدن صکره سائر قطعه کرده درلو درلو
عنوانلر ایله حکومت سورن سنیورلر دخی ارتق هیچ
برطرفه محکوم صائلدقلرندن کندی استقلالرینی اتمام
ایتمش اولدیلر و بناً علیه بیوک انقلاب ائالرنده فرا -
نمزلر ایتالیایی فتح واستیلا حرصیله قیام ایلدکلی
زمان ایتالیایی ایشته بویله منقسم وقوه عمومیه ملیه سی
دخی متفرق برحالده بولدیلر .

(ایکنجی فصل)

ایتالیانک فرانسه یه محکومیتی و خلاصی

عن ۱۷۳۸ الی ۱۸۱۴

تفصیل - ایتالیانک برچوق سنیورلر یندنه منقسم
برملکت اولقله برابر اولکی حال انقسامه نسبتله بیاغی
اسایش ایچنده و ترقیات جدیدیه خدمت و همتده
دوام ایتمسی تافرانسه ده بیوک انقلابک باش کوستردیکی
۱۷۹۳ سنه سنه قدر دوام ایدرک انقلاب مذکور او -

لایحه دهشتله میدانہ چیقہدیغی و بونک صدمات
 عظیمہ سی اور و پانک هر طرفنی هرج و مرج ایتککه
 باشلادیغی زمان صدمات مذکورہ ایلہ الک زیاده متر نزل
 اولان یرلرک بریسی دخی ایتالیا اولشیدی . فرانسه
 اختلاجیلری داخلا اندی کندیلرله بوغاز بوغازہ
 کلہرک پک آز زمان ایچہ بر قاج درلو اصول حکو-
 متک وضعی سیلار کبی تانلر بهاسنه اوتوردیغی کبی
 بونلر خارجه دخی عظیم وجسیم اردولر سوق ایلدکلری
 صرہده ایتالیا یه دخی اقتدار ایلش واز جله اوزمانلر
 هنوز بر کنج جنرال اولان ناپولیون پوناپارط ایتالیا
 قطعہ سنی الت اوست ایلشیدی .

ایمدی بوناپارت « قونسول » عنوانیله فرانسه ده
 عادتتالاستبداد فرمان فرما اولدیغی صرہده یعنی
 ۱۸۰۱ سنه سنده ایتالیا محارباتنه کویا ختام ویرمک
 ایچون صاووا ایلہ پیهمون ایالتلرینی طوغریدن طو-
 غری یه فرانسه یه ربط ایدرک اوستریا دولتنه تابع
 اولان میلان ایالتنی دخی دولت مشار الیهادن نزع ایلہ
 « سیرالپن جمهوریتی » نامیله باشلی باشنه بر جمهوریت
 صورتنه افراغ ایلش و بونزعدن طولای اوستریا دولتنی

تضمین ایچون دخی وندیک شهرینی قره جهتندن مالک
اولدیغی ممالک ایله برابر اوستریایه ترک ایتدیرمشیدی .
اوزمانه قدر اسپانیول خاندانه منسوب پرنسیر اداره -
سنده بولنان محاررخ « اتروری قرالغی » نامیله یالکز
بر اسپانیول پرنسنگ زیر حکمنده قالوب ایشته شو حال
بر قایح سنه یعنی ۸۰۵ : سنه سنه قدر ممتد اولدقدن
صکره سنه مذ کورده ناپولیون اوستریلیج محاربه
مشهوره سی اوزرینه ارتق اوروپا اوزرنده بالاستبداد
کندیسی فرمان فرما اولق شرفنی احراز وایمپراطورلق
تاجنی دخی کندی باشنه کیمکله « فرانسه ایمپراطوری
وایتالیا قرالی » عنوانیله کسب امتیاز ایدنجه پرز بورغده
عقد اولنان بر معاهده نتیجه سنده وندیک قطعه سنی قره
جهتندن ملحق اولان ممالک ایله برابر اوستریادن اخذ
واسترداد ایدرک سیرالپن جمهوریتنه ربط ایلش و او
جمهوریتی ایسه بر « ایتالیا قرالغی » صورتنه تحویل
ایلیه ر قراللق تاجنی ده کندی باشنه قویمش ایدی .
بوندن ماعدا جنوه ولایتی ده اولکی صاووا وپیه مون
ولایتلی مثللو طوغریدن طوغرییه فرانسه یه ربط
ایتمش اولدیغی کبی اگرچه فرانسه اردولری ناپولی

قرالغنی دخی فتح واستیلا ایتشلر ایسه ده اوراده اسپا .
 نیول خاندانندن قرال بولسان دردنجی فردینان ناپو .
 لیونه یالواروب یاقاره رق سچلیا اطه سنی کندی حکمیده
 محافظه ایده بیلش و ناپولی قطعه سی ایسه طوغریدن
 طوغریه فرانسه یه ربط ایدلیه بوب طولایسندن بر
 ارتباط دیمک اوله رق اورایه اولان ناپولیونک قرنداشی
 بولنان ژوزف و ابراز سنه صکره دخی قایی بولنان مورا
 قرال نصب ایدلمشدر .

۱۸۰۷ سنه سنده ایسه اتروری قرا لچه سی بالا .
 خره ناپولیونک مغلوبی و مغضوبی اولقدن ایسه حکو .
 متدن استعفا ایلکی ترجیح ایلیه رک ناپولیون دخی
 ممالکنی کاملاً فرانسه یه ربط و الحاق ایلش ایدی . ینه بو
 ائشاده ایدی که ناپولیون ایکنجی درجه ده حکمداری
 بولندیغی ایتالیا قرالغنی دخی روماده پاپانک حکومت
 جسمانیه سی داخلند . بولنان ممالکک بر قسمی و تیروول
 ولایتنک جنوبی پارچه سی ایله توسیع ایلش و پاپا حکمو
 منه تابع اولان ممالکک بقیه سی ایسه طوغریدن طو .
 غریه فرانسه یه ربط اولمشدر .

بو حالده اسپانیول خاندانندن اولان پرنسلا اداره .

سنه تابع يالکز بر سجليا جزيره سی ايله برده صاووا
 خاندانه تابع اولان ساردنيا قطعه سندن ماعدابتون
 ايتاليا قطعه سی ناپوليون پوناپارطک حکمی التنه پشمش
 ايسه ده بو حال طوغريدن طوغری به بر فرانسز محکوميتی
 اولق اوزره وقوعه کلیوب بلکه ناپوليون بو يرلره
 درت درلو عنوان ايله مالک اولمش ایدی . شویله که :
 ایتالیا اولکاسنک شمال غربیسی کاملا فرانسه یه
 ربط اولنوب بو قطعه دن يالکز لوق امارتی ايله پیو -
 مینو مالکانه سی ناپوليون کندی بیوک همشیره سی
 بولنان الیزیه پیشکش ایتش ایدی .

ایتالیانک قسم شرقیسی ايسه ایتالیا قرالغی ناميله
 طوغريدن طوغری به ناپوليونک کندی ملکی عد
 اولوب اوکی اوغلی بولنان اوژنی بو حکومتته قرال
 وکیلی تعیین ایش ایدی . ناپولی فرالغنک کویا
 استقلالنه طوقومدیغی حالده اورایه دخی قانی مورا -
 بی قرال نصب ایدرک اوصره ده ناپوليون بالجه اسکی
 حکمدارلری عزل ایتدی کی پایبی دخی عزل ایلده .
 رک ملکنی کنديسنک ایتالیا قرالغی ايله پنه کنديسنک
 فرانسه امپراطورلغی اره سنده تقسیمه قویمش ایدی .

ایشته احوال بومر کزده ایکن ۱۸۱۴ سنه -
 سندن صکره ناپولیونک نجم اقبالنه عارض اولان
 انخساف اوزرینه ۱۸۱۵ سنه سنده ویانه ده عقد
 اولنان قونغرہ پاپانک حکومت جستانیہ سنه تابع اولان
 یرلری ینہ پاپالق مقامنه اعاده ایلدیکی کبی صاووا
 وپیه مون ونیس ایالتلرینی ینہ اسکی ممالکی بولنان
 صاووا خاندانه اعاده دن ماعدا فضله اوله رق جنوهی
 دخی ویرمش و میلان و ونڈیک ولومباردیا طرفلرینی
 اوستریایه ربط ایدوب طوسقانه و مودن امارتلرینه
 دخی براوستریالی پرنس نصب ایلش و پارم دوقه لغنی
 دخی اوستریا پرنس سلرندن اولوب ناپولیون ایله تزوج
 ایلپان ماری لویزه ترک ایدرک لوق امارتنی ده مقدا
 پارم دوقه لغنده بولنان و بوربون خاندانک بر شعبه سی
 عد اولنان خاندانه ربط ایلشدر . شو حالده مورا
 بر زمان دها ناپولی قراللغنده قالش ایسه ده ینہ
 ۱۸۱۵ سنه سنده اودخی ناپولیدن عزل اولنه رق
 قطعہ مذکورہ حکمدار سابقی بولنان دردنجی فردینانه
 اعاده اولنش و اوستریایه بر چوق محللرده اقامه عسکر حق
 ویرادیکی جهتله بوحق اقتضا سنجہ عموم ایتالیا

اوستریا استیلا، عسکریسی التنده فرض اولنق لازم
ککش ایدی .

(اوچنجی فصل)

شارل البرک استعفا سنه قدر

عن ۱۸۱۴ الی ۱۸۴۹

تفصیل - ایتالیا تاریخنده الکی زیاده اهمیت
الان قسم بو فصلک حاوی اولدیغی دور عد اولنسه
سزادر . شمدی یه قدر ایتالیا اوزرنده برطاقم ملتو
تحکم ایلش ایسه لرده بو تحکم برر جهتدن ایتالیانک
منافعنه موافق اولدیغی مناسبتیه ملت مرقومه نک
حسیات ملیه سنی اول قدر تحریک ایده مامش ایدی .
بودفعه ناپولیونک انقراضندن صکره کویا ایتالیا بر نوع
ایستاتوقو حاله ارجاع ایدمش ایسه ده الکی مهم مواقع
عسکریه یه قوه کایه وضعی ایچون اوستریا دولته
حق ویرلمسی استقلال ایچنده بر محکومیت ویا محکومیت
ومقهوریت ایچنده بر استقلال رنگنی الدیغندن ایتا -
لیا نلرده زیاده سیله کران ککشیدی . مثلاً ایتالیانک منقسم
اولدیغی حکوماتدن بریسنک قوه عسکریه سی وار
ایسه ده بو قوه عسکریه نه ایشه یراهه یلور ایدی که

حین حاجتده مملکتی مدافعه ایده جک اولسه لر مدافعه
نقطه لری ذاتاً اوستریالو طرفدن طوتلش اولدیغی
جهتله یرلرندن قلدهانه میه جقلری کبی بر طرفه تعرض
ایده جک اولسه لر تعرض نقطه لری دخی طوتلدیغندن
مأیوسیت محقق ایدی .

ایشته ایتالیانلر شو حالده تمامیه دلکیر و بیرار
اولدقلری کبی فرانسه ده بیوک انقلابک وقوعیه هر
ملت نزدنده حریت واسه تقلال فکری او یان دیغندن
بوفکر ایتالیاده دخی او یانمش . هم ده من جهة اداره
مستبده علیه تیتظ افکار حصولیه برابر من جهة
اخری اوستریا اشغال عسکریسی علیه دخی فکیرلده
غلایان حاصل اولغه باشلامش ایدی . ایتالیانک الک
حیتلی محررلری دخی هپ بودورده قلمه صاریله رق
تیتظ عمومی بی تسریع وتشدید ایلدکلرندن یقین وقتده
اوستریالولری زیاده سیه اشغال راتعاب ایده جک
مسائل سیاسی میدانده چیقدی که بومسائل میاننده الک
بیوک اویونی اوینایان فرقه دخی قاربوناری جمعیتی
اولدی .

ذکر اولنان قاربوناری جمعیتی اوزمانه قدر کو -

رلمش اولان جعیات خفیه نك هیچ برینه قیاس قبول
ایده مز . حتی شمديکی نهیلیستلر بيله بونلر درجده سنه
واره مامشدر دینلسه بجادر . جعیات مذکوره
برچوق اونباشی طاقلمندن مرتب اوله رق بو حالده
اون کشیدن زیاده افرادی یکدیگری شیخصاً طانیز
ومع هـذا هر هانگیسی کندیسنی قاربوناریلره طانمق
ایسته سه اشارات مخصوصه سیله طانمقده دخی زجت
چکمز ایدی . بونلرک هر طرفده ادملری مخبرلری بو -
لنوب دوائر حکومت ودوائر عسکریده اسراره دائر
هیچ برشی بولمز ایدی که خبرالمسونلر . کندیلرینه خیا -
نت ایدنلری مطلقاً اولدیرلر و تخصیص اولندیغی
ادملره یلدرم کی اصابت ایدن خنجر قصدیه جهانی
تره تورلر ایدی .

ایشته بوجعیتك دلالتیله ایتالیا نلر ۱۸۲۱
سنه سنده اوستریا لیلر علیه عظیم بر حرکت ایدرک
یک فداکارانه محاربات مده شه اوزرینه مغلوب اولشلر
ایسه ده مغلوبیت واقعه کوزلرینی یلدرمقدن
بشفه بالعکس فکر انتقاملرینه شدت و بر دیکندن ۱۸۳۱
سنه سنده دهها مدهش بر خاتلال چیقارمشلر ایدی .

اشبو محاربات داخلیده ایتالیان ارباب قیامتک کو -
 ستردیکی فداکار لقلر حقیقة دهشتفرمای عقول ایدیلر .
 ایتالیان وطنپروری ایلہ بر اوستریا نفری ارہ سنده کی
 خصومت وعداوتک شدتی هیچ بر محاربه ده ایکی دشمن
 ارہ سنده کورلمش شی اولیوب ہلہ ایتالیاندرک الہ دو -
 شن اوستریا نفری ایچون اشع صورتلہ اعدام اولغی
 محقق ایدی . ہرنہ حال ایسہ بودفعہ دخی عصیانک
 اوی الہ بلمش ایسہ ده اون سنہ صکرہ یعنی ۱۸۴۱
 سندہ سنده عصیانک تجددی اولکیلرہ دخی مقیس او -
 لمدیغندن اوستریا عساکری بر جوق نقطہ لری تخلیہ
 وترکہ مجبور اولدیلر .

بودفعہ محاربات داخلیدہ مدت مدیدہ امتداد
 ایلدی . بتون اوروپاک کوزی ایتالیا وطنپرور لری
 اوزرینہ اچلمش ایدی کہ بونلر بر طرفدن اداره مستبدہ
 ودیکر طرفدن اشغال اجانب علیہنہ محاربه ایلدک لری
 ایچون فرانسه ارباب انقلابنہ دخی قیاس اولنہ میہ رق
 اوروپا ارباب قلمدن بر چوغی توجہ عامہ بی ذکر اولنان
 ارباب قیام لہنہ احالہ ایدر و بناء علیہ بر چوق یرلر -
 دن ایتالیایہ امداد و معاونت کلور ایدی .

الحاصل ۱۸۴۸ سنه ميلاديه سنه اوستريالولر
اکثر محللرده دوچار مغلوبيت اولمري اوزرينه سچليا
اطه سي دخی ناپوليد سقيم اولان قرالري عليه عصيان
ايدنجه احوال بالکليه بشقه لشه رق جزیره مذکوره
بالاستقلال بر اداره تحتنه کيرمش ومؤخرأ ناپولي وفلو
رانسه وتورنده دخی استبداد عليه قيامر وقوعه کله
زک هر برنده کندولرينه مخصوص قانون اساسيلر اعلان
اولنشد .

ایمدي ایتالیانک هر طرفی بویه هرج مرج اولق
صورتنی بولدیغی ائاده روما دخی حال سکو تنده قاله
میوب پاپانک حکومت جسمانیه و روحانیه سی علیه
بر عصیان چیقار یله رق بتکرار حکومت جهوریه
اعلان قلنشمی . دیکجه تنده میلان و ونديک کی طو
غریدن طوغرییه اوستریا اداره سنه تابع اولان یرلرده
دخی اهالی عمومیت اوزره سلاحه صاریله رق محاربه
داخلیه آتشی هر طرفی چایر چایر یاقعه باشلامش ایدی .
مودن و پارم دوقه قلمری اهالیسی دخی کندی دوقه قلمری
عليه قیام ایدرک برر حکومت جهوریه تشکیلی
ایچون سلاحه صارلش اولد قلمری جهتنه ایتالیانک

هیچ بر طرفی حرکت نمی‌وایند و ایچنده اولق اوزره
تصور قلنه مز ایدی .

ایتالیانک هر طرفنده علور یز استعمال اولان
بوناره عصیانک اوجاغی ساردنیا اولوب قرالی بولنان
شارل آلبر کندی وطنی اولان ایتالیایی اوستریا تسلط
وتحکمندن قورتارمق ایچون بر عزم جدی ایله تشمیر
ساق اهتمام ایلوب کرک قار بونار یلری و کرک اوستریا
علیهنه حرب ایدن اهالی فرقه لرینی اچیقندن اچیغه
حمایت ایلمر ایدی .

اوزمانه قدر کوریلان موفقیتلر هپ موئی الیه
شارل آلبرک همت مخصوصه سی ثمره سیله وقوعه
ککش بولندیغی حالدده ایتالیا نلردن بعض حیثیتلر اوستریا
طرفندن ایدیلان اطماع و اغفال قایلهرق و برطنام
فرقه لر رؤسای دخی یکدیگریله اختلافه دوشه رک
۱۸۴۹ سنه سی مارتنک اوچنجی کونی نواره نام
محلده شارل آلبر عظیم بر مغلوبته دوچار اولمش
و بناء علیه حکومتدن استعفا سنی ویرمه که مجبوریت
کورمش ایدی . شارل آلبرک بوصورتله انهرامی
ایتالیا احوال عمومیه سیاسیه سنی بالکایه تبدیل و تغییر

ایشان که کیفیت بروجہ اتی در دنجی فصلارد بیان
اولنور .

(در دنجی فصل)

ایتالیانک ایلت اتحادینک حصولی

عن ۱۸۴۹ الی ۱۸۶۰

تفصیل - شارل آلبرک سالف الذکر مغلوبیت
واسـتعفاسندن صکره اوزمانه قدر ایتالیا اوزرنده
وقوعه گلش اولان تبدلاتک کافه سی کائن لم یکن
حکمنه کیردی . برر حکومت جهوریه و یاخود
قانون اساسی وضع واعلان ایش اولان یرلر بونلردن
تکرار محروم ایدیلر رک ۱۸۶۱ سنه سنده ایلت
عصیانک وقوعندن اول احوال واصول اداره نه دن
عبارت ایدیسه ینہ اوصورته مراجعت اولندی .
اوزمان اوستریا عساکری هانکی نقطه لری اشغال
ایتمکده ایدیسه لر تکرار و کاملاً اشغال اولندقدن
فضله مواقع عسکریه تکثیر و مقدار عساکر دخی
تزیید اولندی . یالکز ساردنیا حکومتی بو تبدلاتدن
مصون قالب قانون اساسی و ملت مجلسنی لغوه
امکان بولنمدی .

اوستریا دولتک شو مظفر یاتی ثمراتی تأمین
ایلیان باشلوجه ایکی سبب وارد که اکر بوسبیلر
اولسه ایدی ایتالیا ده عصیان عمومی تجدد ایلیرک
اوستریانک باشنه بر بلا دها آچق محققان ایدی .
ذکر اولنان سبیلردن برنجیسی ایتالیا پرنس و سنیور -
لرندن جملی ممکن اولانلرک کافه و کاملا اوستریا دولتی
طرفندن بالتلطیف جلب اولنسی قضیه سیدر .
ایتالیا حریت پرورانی بونی کورنجه شاید سلاحه
صار یله جق اولسه لر بودفعه اولاد وطنک یکدیگریله
مقاتله سی لازم کله جکنی اکلایه رق بر فرصت زمانک
ورودینه انتظار جهتنی ترجیح ایلدیلر . ایکنجی
سبب ایسه قریم محاربه سنک وقوعه سیدر .

اوروپا دولترلرندن انکلسره و فرانسه دولتری
روسیه یه قارشو دولت علیه نک امدادینه یوریدکری
زمان ساردنیا دولتی دخی عسکر و دو تناسنی دول
متفقیه عرض ایتش و بوندن بر بیوک مقصدی
اوزمانلر فرانسه جمهوریتی ریاستنی یکی بر فرانسه
ایمپراطورلغنه تحویل ایدرک اوروپا اوزرنده
بیوک ناپولیونک دوری کی فرانسه یه شمشعه لی

بر دور کشاد ایلیده جکنی امید ایتدیرمکه باشلامش
اولان اوچنجی ناپولیونک بالاخره قهرندن قورتیلو-
پ لطفنه مظهر اولمقدن عبارت بولنمشیدی •
برملت محاربه خارجه ایله مشغول ایکن مجادلات
داخلیه یه زمان بوله میه جغی جهته بوحال ایتالیا بی
اوستریا یه قارشو عصیانندن منع ایلدیکی کبی ۱۸۵۶
معاهده سی اوروپا دولسته سی میاننده برنوع اتفاق
یرینه قائم اوله رقی بناء علیه ایتالیا دولتنک ده اوستریا
ایلله خوشگذرانلغی لازم کلدیکندن هر حالده ایتالیا
ایچون اختیار سکوت و سکونت تحت مجبوریته کیر-
مشیدی •

ایمدی ایتالیا اوزرنده کرچکدن برآسایش ضرور-
ری و مجبوری تأسس ایتدکه باشلامش ایکن اوستریا
دولتی پیهمون ولایتی حقنده برطاقم مطالب وسیله سیله
۱۸۵۹ سنه میلادیه سنده وهله پیهمون اوزرنه هجوم
ایدنجه عموم ایتالیا حریت پروراننک افکاری تهیج
ایلیدرک هله ساردنیالور صولک درجه یه قدر مقابله
ومت ایچون سلاحه صارلدیلر •

واقعا ساردنیا اردولری اوستریا عساکرینه حسن

مدافعه ده قصور ایتنیلر ایسه ده ایتالیانک سار طر -
 فلزنده بولنان پرنسردن بر چوغی دخی ایمپراطورک
 سوقنه تابع اوله رق ساردنیا علیه ایاقلنبجه ایش بر
 راده بی بولمشیدی که عادت اوستریانک عموم ایتالیایی
 استیلای صحیح ایله استیلا ایتسنه رمق قلمشیدی .

بوصورت فرانسه ایمپراطوری اوچنجی ناپولیون
 زنده شایان نفرت بر حقسزلق کورنمکه برابر ایتا -
 لیانک اوستریا طرفندن استیلاسی بالعموم اوروپا موا -
 زنه سنی و بالخصوص فرانسه . منافعی اخلاص ایله -
 جکندن اوچنجی ناپولیون بر قوه عظیمه ایله ساردنیا قرا -
 لنک امدادینه مسارعت کوستردی . مونته بلوو پالستر
 و ماچنتا و بالخصوص سولفرینوده اوستریا عساکریله
 ایتالیا و فرانسه عساکر متفقه سی اراهنده وقوعه
 کلان مصادمه و محاربه لر جد آپک دهشتلی شیلر اولوب
 بونلرک کافه سنده اوستریا لولر مغلوب و منهزم اولدیلر .
 بناء علی ذلک اومباردیا قطعه سی اوستریادن بالا فراز
 ساردنیا به ربط اولندیغی کبی بومسئله ده اوستریا
 ایمپراطورینک تشویقاتنه قابلیش بولنان ایتالیا پرنس -
 ینک کافه سی دخی مملکتلرندن طرد و تبعید قلندیلر .

شو مسئلهٔ حربیه نهایت ویرمکه برابر ایتالیا
 احوالنه دخی برقرار قطعی ویرملک ایچون ویللافرانقا
 وزور یخده عقد اولنان قونفرانسرده ایتالیا نك منقسم
 اولدیغی حکومتات صغیره نك امر یقسا حکومتات
 متحده سی مثللو بر حکومت مجتمعه صورتنه افراغی
 قرارلشدیرلمش ایسده ده جنرال غاریبالدینك ریاستی
 تحتنده بولنان وعموم ایتالیا نك جسم واحد ودولت
 واحده صورتنده اتحادی مقصدینی کندیلرینه اساس
 مقصد اتخاذ ایلیان حریت پروران فرقه سی ذاتاً حین
 مصالحده کندی مقصدلرینی یوروتمک ایچون هنکام
 محاربه ده قوتلرینی دخی آرتدیرمش بولندقلرندن بولر
 ویللافرانقا وزور یخ معاهده لرینی قبول ایتیه رک
 ناپولی الکساندرینی کندولرینه اس الحركات اتخاذ ایله
 عظیم براختلاله قیام ایلدکلرندن وساردینا نك کوستر-
 دیکی معاونت اوزرینه اشبو آتش اختلال سر یعاً
 ایتالیا نك هر طرفنی استیعاب ایتدیکلرندن ۱۸۶۰ سنه-
 سنده غاریبالدینك سیف غالبانه سی سایه سنده ویریلان
 قرار اوزرینه حکومتات صغیره نك « ایتالیا » عنوان
 عمومی آلتنده بر جسم واحد و بر حکومت واحد
 صورتنه افراغی مقصدی حاصل اولدی .

اوزمان یالکز و ندیک قطعه سی قره جهتندن حاوی
اولدیغی ممالک و تیروول ولایتیه برابر اوستریاده قالمش
و پاپانک حکومت جسمانیه سنه تابع بولنان ممالکینه
پاپالی مقامنه اعاده قلنه رق حتی غاریبالدی مطلقا
روما شهرینک ایتالیا پای تختی اولسینی التزام ایلدیکی
و بومقصدک دخی حصول کنیدی ایچون پک قولای
بولندیغی مناسبتیه ایمرالمورناپولیون پاپانک حکومت
جسمانیه سنی محافظه ایچون روماده برفرقه عسکریه
براقفه مجبور اولمشیدی .

(بشنجی فصل)

ایتالیا نك احوال اخیره سی

عن ۱۸۶۰ الی ۰۰۰

تفصیل - ایمدی یوقاروکی فصلده بیان اولنان
اختلاللر محاربه لر نتیجه سنده ایتالیا حکوماتی حکومت
واحدہ صورتنه تحویل ایلدکن صکره چونکه ایتا-
لیانک توحیدی دعواسنده الکز یاده ایلرویه کیندن
صاووا خاندانی یعنی ساردنیا خاندان قرالیسی اوایوب
بونلر ایتالیا اتحاد پرورنرینی دایما حایه ایلدکلی
کبی اوستریا دولتی علیهنه دخی پک چوق محاربه لرده

بولندقلرندن وباخصوص ایتالیا خاندانلرینک اڤ
 قدیمقلرندن بولمقله برابر ساردینا قراللغی دخی ایتالیا
 تقسیمات اخیره سی میاندده اڤ جسیملرندن اولدیغندن
 ۱۸۶۱ سنده سی مارتینک اون یدیس تاریخیله نشر
 اولسان قرارنامه عمومی اقتضاسنجه ساردینا قralی
 ویقتور امانوئل کرک کندیسی وکرک اولاد واخلافی
 یعنی خاندانی ایچون ایتالیا قراللغی عنوانی المش و او
 زمانه قدر یالکز ساردینایه مخصوص اولان قانون
 اساسینک حکمی دخی ایتالیا اوزرینه تعیم قلمش
 ایدی .

شوموقیتک ایتالیانلری نه درجه لره قدر ممنون
 ایلیدجکی تفصیلدن مستغنی ایسه ده ایتالیا ملتنک اڤ
 بیوک خصومت کوستر دکلی اوستریا دولتنده ونیدک
 قطعده سی قالمقله ایتالیانلر اوقطعه دخی اله کچیرلمدکن
 صکره مقصدلرینک تمام اجرا اولمش عد اولنه میه -
 جغنی حکم ایلدکلی کبی اصل املری دخی پاپانک
 حکومت جسمانیه سنی فتح ایدرک روما شهرینی عموم
 ایتالیا پای تختی اتخاذا ایلکده منحصر بولندیغی و بو
 املی برحق شاعرلر محررلر غایت پارلاق بر صورتله

تصویر ایلیه رك كوچك بيوك بتون ايتاليانلر بوسودا
ایلہ چلدیردقلری حالده رومانك حالا پاپالر حکمنده
قالمش بولنسی مقصد ملی بی بتون بتون ناقص حصوله
کلمش عد ایتدیرمکده ایدی . حتی ایتالیانلرک جزوی
بر فرصت اوزرینه رومایی استیلا ایلہ جکلری خفایای
امور سیاسیه دن اولیوب عادتاً حقایق معترفه و بدیهه دن
بولنسیله فرانسه دولتی پاپانك حکومت جسمانیه سنی
محافظه ایچون روماده دائمی صورتله بر فرقه عممکر
بولندیرمغه مجبور اولمشیدی .

ایشته ایتالیا احوالی بوصورته کیرمش اولدیغی
حالده برده ۱۸۶۶ سنه میلادیه سنده بردن بره بر محما .
ربه باش کوسترنجه و پروسیا خارجیه ناظری پرنس
بشمارق بالنسبه پروسیادن پک چوق جسمیم اولان
اوستریا دولتنه قارشو ایتالیانك دخی اتفاقنه لزوم
کورهرک مکافات اولمق اوزره ونديك قطعه سنی ارانه
ایلینجه ایتالیا در حال بو اتفاق قبول ایش و برأوبحرأ
اوستریا اوزرینه اعلان حرب ایش ایدی . اگرچه
میساً نام محملده وقوعه کلان محاربه بحریه ده اوستریا
امپرالی تکه توف براحتساب سفینه ایلہ ایتالیانك

بیولزر هلیسی اولان ویقتور امانوئل سفینه سنی غرق
ایتمک درجه لرنده یارار لقلر کوستره رک غلبه ایش
اولدیغی کبی برأ دخی اوستریالیر ایتالیان فرقه لرینی
عاجز بر ایشلر ایسه ده پروسیالیر همان ویانه یه کیرمک
درجه لرنده غلبات عظیمه یه نائل اولدقلرندن شو حالده
عقد اولنان معاهده فالبانه ونیدیک قطعه سنک اوستریا
دن بالافراز ایتالیا دولته الحاقنی تأمین ایشیدی .

روماده پایانک حکومت جسمانیه سنه تابع اولان
یرلره کلنجه : بونلر ۱۸۷۰ سنه میلادیه سنه قدر هب
فرانسه عسکرینک حایه سی سایه سنده اوله رق پاییه
تابع اوله کلش ایسه ده سنه مذکورده فرانسه ایله المانیا
اره سنده عظیم و مدھش بر محاربه باش کوسترنجه مقدهما
پرنس بسمارک ایتالیایی ونیدیک ایله اطماع ایلیه رک
اوستریا علیهنه اتفاقه جلب ایلدیکی کبی بو کره دخی
روما ایله اطماع ایلیه رک فرانسه علیهنه اتفاقه جلب
ایده بیله جکی اکلاشینجه بوتلمکه یه محل قالماق وایتا
لیا دولتم رومایی کندی کندیسنه ضبط ایده بیلک
ایچون رومایی حایه ایتمکده بولنان فرانسه عسکری
چیویتا وکیا اسکله سندن چیقاریلوب فرانسه یه استعا
ده ایلمیشیدی .

ایمدی اوتہ طرفہ فرانسه ایله المانیا بوغاز بوغازه
 جنک ایدر لر ایکن برو طرفہ قرال و یقتور امانوئل
 روما اوزرینه بر فرقه عسکر سوق ایدنبجه پایا بولنان
 طقوزنجی پی جنابلرنده مقاومت قدرتی اولدیغندن
 روماعرض تسلیمیت ایش و واقعا پایا جنابلری و یقتور
 امانوئلک ش و حرکتی بر غاص بلیق اولدیغندن بختله
 پروتستویه مسارعت کوس سترمش ایسه ده بو پروتستو
 ایتالیا عسکرینک رومایی استیلایده بیلرینی منع ایلیه
 مامشدر .

ایمدی رومانک واکا تابع اولان و پاپانک حکومت
 جسمانیه سی اتنده بوانان محاکمک دخی عموم ایتالیا به
 التحاقی ۱۸۷۰ سنه سی تشرین اولنک طقوزی
 تاریخیله نشر اولنان خط قرالی موجنبجه اعلان اولنه
 رق پای تحت قرالیت دخی رومایه نقل ایدلمش و ایشته
 ایتالیا ملتک شومقصدی دخی بوصورتله حصول بو
 لمشدر . شوقدرکه ایتالیا دولتی یالکز پاپانک حکو
 مت جسمانیه سنی فتح ایدرک حکومت روحانیه سنه
 ایسه تعرض ایتمکدن ماعدا انی حایه ایتمکی دخی
 شان حقوق پروریسنه مترتب بر بورج عد ایلدیکنندن

اویله سائر وقتلرده رومانك استیلاسی حالنده وقوعبو-
 لدیغی اوزره بو دفعه پاپانك رومان طردی طریقه
 کیدلمیه رك پاپا جنابلری ینه واتیقان سراینده قالمشدر
 حتی حکومت جسمانیه سی موجود اولدیغی زمان
 بعض دولتله زنده کوندردیکی ایلیچیلری وروماده
 بولدیردیغی خارجیه ناظرینی و بر کوچك مفرزه
 عسکریه بی دخی لغو ایتماش ایسه ده ارتق بونلر محضا
 و یقتور امانوئل علیه نشر ایلدیکی پروتستونك حکمی
 محافظه ایتك یعنی رومانك ایتالیا طرفندن ضبط او-
 لئامش و حکومت جسمانیه سنك لغو ایدلماش اولدیغی
 و بو اختصاصك هر حالده بر اختصاص موقت عد او-
 لئنه جغنی عالمه کوسترمك ایچون لغو ایدلماشدر یوقسه
 پاپالوق مقامی شمدیکی حالده یالکز قاتولیک مذهبنك
 کرسی ریاست عمومیه سندن عبارت اولوب ارتق
 حکومت جسمانیه و پولتیقه و دیپلوماسیجه هیچ بر
 ایلیشیک قالماشدر .

(افاده عمومیه)

ایتالیا تاریخی بر نظر مخصوص عبرت و انتباه ایله
 اوقونور ایسه ترقیات ملل خصوص صنده انسانه کرچکدن

بر طاقم حقایق مفیده عرض ایلر که حقایق مذکوره
بشقہ تاریخلر ده پکده تمامیلہ بولنه من .

اساطیر الاولین ظلمات مجهولیتنه قدر وار ان
روایات تاریخیہ اولسه اولسه تاریخک اصل واساسی
نرہ لرہ قدر واره بیلدیکنی انسانہ کوسترمک ایچون بر
خدمت ایدہ بیلوب بوقسه بر قورت طرفندن امر برلش
اعتقاد اولنان روموس ورومولوسک مثلاً بیولن ناپو
لیون کبی اشخاص جدیہ تاریخیہ دن عد اولنسنه
امکان تصور اولنه من . تاریخ قدیم احوال وانقلا
بات مدنیہ حقنده حکم چیقارمغه چالشان فیلسوفلر دن
زیاده عالم تخیلاتده پویان اولمقدن لذت ارایان شاعرلرہ
یارار برشیدر .

ایمدی اشبو ایتالیا تاریخنک برنجی بابنی برمبدأ
بر مقدمه اولمق اوزره ترک ایلرایسنه ک نظر محاکمه مزه
ایلک اصابت ایدن شی روما تاریخی اولور . روما
تاریخی بر چوق مورخلر طرفندن یازیلوب بودولت
قدیمه نک عقللره حیرت ویرن ترقیات جهانگیرانه لریله
ینه عقللره حیرت ویرن انقراضنه دائر او قدر محاکمات
دقیقه کیریشلمشدر که بزلر ایچون بو کیفیتی یکیدن ویا .

خود تکراراً نظر محاکمه به حکمک لازم کلیوب یالکر
مدققین حکمانک محاکماتی کوزدن پکیرمک کفایت ایلر .
بزیسه اقتدارمزلک یتدیکی قدر موفق اولدیغیز مطا
اعتادن اکلایه بیلمدیکمزه کوره قارئر مره دخی
دیرزکه :

رومالیلرک ترقیات جهانکیرانه سنی تسهیل وتأمین
ایلیان برشی وار ایسه اودخی اول امرده روماده
برقاج قولبه دن عبارت بر جمعیت پیدا اولدیغی زمان
بو جمعیتک اعضاسی اطراف وجوارده بولنان اهالی به
نسبتله پک چوق زیاده جری وجسور اولمرندن عبا
رتدر . سلاح غالبیتک ایلک مظفریاتی روما جمهورینی
برایتالیاحکومت مقدمه سی عد اولنه بیله جک قدر پیو
لتد کدن صکره بو حکومتی جهانکیر بر حکومت اولقی
مساعیسنده تأیید ایلیان شی دخی اسکی رومالیلرک
فضائل اخلاقده ملل قدیمه نک کافه سنی پکمش اولسندن
وبوفضائل اخلاقک املا ایلدیکی اولدیجه درست
وعاقلانه قانونلرینه دخی کافه وکالا تطبیق حرکت
ومعامله ده قصور ایتاملرندن عبارتدر . یعنی اوزمانلر
بر روما جزالی بر قطعه ارضیه یی فتح ایلدکده او یله اهالی

قدیمه سنی اولومی کوزه الهرق یافدای جان ایدنجه یه قدر
مقاومه و یاخود ترك دار و دیار ایتکه مجبور ایلیمه جك
احوال کورلما سی وروما عسکر و مأمور لری او محمله
براز زمان مکت و آرام ایلد کدن صکره ایسه بونلرک
قانون و نظام لری اهالی قدیمه یه دخی خوش کورو -
نمی یکی فتح اولنسان ممالک اطاعت و انقیادندن
روما حکومتی تأمین ایلد کدن فضله ده ایلر و لره ده
سفر لر ایدیلرک حدود جهانگیرانه یی بر قاندها توسیعه
رومالی لری تشویق ایلر ایدی . یوقسه بر طاقم بار
بارلرک بعض ممالکی استیلاری کبی رومالی لری دخی
وارد قری رلری خراب و بیابانیده جك اولسه لر
ایدی و سائط نقلیه نك هنوز مکمل اولمیدیغی بر زمانده
مرکزی ایتالیا ده بولنان بر حکومتک بریتانیا و مجارستان
و قفقاس و بابل و افریقای شمالی و اسپانیا مثللو ممالک
بعیده یه عظیم و جیم اردولر سوق ایدرک جهانگیرانه
محاربه لر ایتکه امکان تصور اولنه من ایدی .

تاریخک انظار حکمت پرستانه عرض ایلدیک
اک مهم حقایقندن بریسی اولمق اوزره قبول ایتلیدرکه
بودای وطن و حیت ملیه هر قوم ایچون خلقی و جبلی

اوله‌له برار اسایش واستراحتی سومک دخی انسانلر ایچون
هیچ اولمز ایسه بر طبیعت ثانیه اولیور حالبوکه بو طبیعت
ثانیه نك انسانلر اوزرنده کی حکمی طبیعت اولادن زیاده
کورینور. زیر طبیعت اولایه غلبه ایتمینجه بر طبیعت
ثانیه حصولی ذاتاً قابل دکلدر. بو حقیقتی استیضاح
ایچون اوته دن بری کندی وطنری داخلنده مستقل
اوله رقیشامقده بولنان ملتلك براره لق ملل اجنبیه
استیلاسی التنه کیردکلی زمان اگر حضور واسایش
کوررلر ایسه او حضور واسایشی اولکی حریت ملیه
واستقلال مخصوصه لرندن زیاده سودکلی قضیه سنه
مراجعت ایتلیدر. هر زرده ملل غالبه و مستولیه بر
مملکتی استیلا ایدوبده اهالی قديمیه عدل و رأفت
کوسترمش و حضور واستراحتلرینی محافظه ایلش
ایسه اهالی قديمیه او ملل مستولیه بی کندی رؤسای
قديمه سندن زیاده سومش و بناء علیه اطاعت و انقیاد.
لرنده دخی قصور ایتامشدر.

ایشته رومالیر بویه اهالی قديمیه بی کندیلرندن
منون ایلین مستولیلردن اولدقلری ایچون دورجه‌ها.
نکیرانه لرنده تحت رعیتلرینه کیرن ملتلك عادتاً کافه.

سندن مقاومت و مخالفت برینه انقیاد و اطاعت و معاف
ونت کور مشل در . واقعا روما قوانین قدیمه سنده
نفس روما لیلک دخی بر طاقم اقسامه انقسامی و بونلر -
دن بر طاقنک رعیده دن بدتر اولمق اوزره اسرادن عد
اولنمی کبی حالار الیوم تحسین اولنور قوانیندن عد
اولنه من ایسه ده اوزمانه کوره ملتک استعدادلی
بوندن عبارت اولوب بر ملت محکومه علی العموم
قتل عام ایدلک درجه لرنده فلاکتله دخی اوغرایه
یلور ایدی که بونی ده تصور ایلک همان محالاتند -
بر چوق یرلرده واز جمله اسپانیا طرفلرنده عن
اصل اهالی قدیمه دن اولان بر چوق مشا هیرک عن
اصل رومالی اولنلردن زیاده رومالیلشمش اولدقلر -
ینه باقیلور ایسه روما استیلاسی التنه کیرن محالار اهال
لیسنک رومالیلقدن قاچقمقده دکل بالعکس رومالیلغه
یا قلاشمقده اولدقلری دخی کوریلور . هله ده اصرکره
لری ولایات بعیده ده ظهور ایلیمان عصیانلک اهالی
قدیمه طرفندن دکل بلکه ینه روما طرفندن منصوبه
اولان والیر ویا خود عسکری قوماندانلری طرفندن
ایقام ایدلک لرنه باقیلور ایسه بودخی دور جهان کیرا

نده اهالی اجنبیه نك روما استیلا سندن متوحش او -
لماش و بالعکس یواش یواش الشمس اولد قلینی اثباته
کیفایت ایئر .

« رومانك عظمت و انقراضی » سر او حده سیله
حکیم مشهور مونته سکیونك یاز دینی بر محاکمه و شکافانده
دخی رومانك عظمت جهانگیرانه سنی تسهیل ایلیان
یا شلیجه بوفضائل اخلاق اولدینی حکم ایلمشدر .
ایمدی بویه زمانه کوره مهوره جهانك همان کافه سنی
حکومت واحده التنه المش اولان بر دولتک اسباب
انقراضنه کنجه : معلومدر که انسانی فعالغه و چالشقا
نلغه سوق ایدن شی محضا احتیاجدن عبارت اولوب
حتی فضائل اخلاقدن بر چوقلری دخی احتیاج سایه
سند بقاء بولمدهدر . هیچ بر شئیئه احتیاجی اولیان
ادمك چالشقان اولمده دخی هیچ بر مجبوریتی اولیه جغی
کبی حسن اخلاق اقتضاسندن اولان تواضع و خو -
شگذرانی و جلب توجه و تأمین ابنای بشر کبی شیرده
مجبوریتی قلمز . شخص واحده کوریلان بوحال
ملتدره دخی کورلمکده اولوب رومالیر ایسه بتون
جهانك زوت و سالیانی کنایه لارینه یکمکه او قدر

مستغنی اولمشلرایدی که جهانند یا لکن صفای نفسلرندن
 شقه هیچ بر شیئه اهمیت ویرما مکه باشلا مشلرایدی .
 بلوم و فنون اکتسابیله حائز شرف اولغده احتیاج
 کورمیه رک بونی کویا کبار ایچون موجب ذلت اوله .
 جق بر مشغولیت عدایله شرف علم و معرفتی اسرایه
 زک ایلد کیری کبی براره لقی کنندی مزیت قدیمه لری
 اولان مزیات عسکریه بی ده اهمیتدن دوشورده رک بناء
 علیه عسکرلک و ترقیات عسکریه شرفی نفرلکدن
 بتممکده اولان بر طاقم آدمیره قالمشیدی . حالبوکه کرک
 قونسل و کرک ایمپراطور عنوانیله روما حکمداری
 اولمق بر انتخاب قازانمغه وابسته اوله رق بوانتخاب
 ایسه قوه جبریله دخی حصوله کله جکی و حتی
 جبراً تمام اقباله کلک دها قولای اوله جغی کوریلنجه
 ایشته درون تاریخده کورلیدیکی وجهله رؤسادن هر
 بری ایمپراطور اولمق داعیه سنه قیام ایتمش و بوداعیه
 ایسه ولایت والیر بنه و درجات متناسبه سیله تاپس پایه
 مأمورلره قدر تعیم ایلمش اولدیغندن بو حال روما
 اختلالات متمادیه داخلیه سنه الک بیوک بریول
 آچمشدر .

رومانك انقراضنه باشليجه سبب اسكى خاندانلر
اولادينك نه عليه نه ملكيه نه عسكريه مسلكلرجه
هيج بر بهره و مزيت استحصالنه كنديلريني مجبور عد
ايتمهرك يالكز كندي صفاليله مشغول اوللرينه مقابل
اسرا و افرادك كسب هنر و معرفت ايدرك مقامات
عاليه يه كوز اتملري و بناءعليه مملكتي محاربات دائمه
داخليه يه دوچار اتملري قضيه سندن عبارت اولديغنه
اصلا شبهه ايديله ميور . زيرا محاربات مذ كوره
رومايه تابع اولان اهالي بي بزديروب بيرار ايلديكي
كي قوه حربه يي دخی داخل اسرافه سبب اولمش
و بناءعليه خارجدن هجوم ايليان اعدايه مقاومت
قدرتي بر اقامشدر .

اكر روما دولتي شرقي و غربی ديه ايكي قسم
عظيمه تقسيم ايدلمش اولسه ایدی احتمالكه رومای
غربی انقراضدن كنديسنی براز دها محافظه ایده
بيلور ایدی . زيرا مهاجرات خارجيه يه اك زياده
كوكس و یرن رومای غربی قسمی اولوب شرق طرفی
ایسه مهاجرات مذ كوره دن مصون قالديغي كي محـاـ
ربات داخلیه دخی اك زياده غرب طرفی هرج و مرج

ایدرك شرق طرفی من جهة بو بلیه دندده ازاده ایدی .
 بناء علیه روما اولکی یکپاره لکنی محافظه ایلسه
 ایدی شرق طرفنك حاصل ایده جکی قوتله غرب
 جهتنی دخی دهها برزمان محافظه ایلرایدی . انجق
 شرق قسمی غرب قسمدن آیریلنجه رومای غربی فترت
 داخلیه حسیله قوتنی ضایع ایتمش بواندیغی حالده
 مهاجرات خارجیه یه مقاومتدن بالکلیه عاجز قاله رق
 منقرض اولمشدر .

رومانك انقراضندن صکره بودولت قدیمه نك مد-
 نیت عمومیه انسانیه یه ایتدیکی خدمت تدقیق اولنه .
 جق اولورسه رومالیر هر حالده مدنیت خدمت ایتمش
 برملت اولق اوزره تلقی و قبول اولنورلر . یونان قد-
 یمك نه قدر معارفی وار ایسه رومالیر اکا وارث او .
 له رق حتی بعض فنونی ترك ایتدیرمکه دخی موفق
 اولمشدر . بوندن ماعدا خرسیتیانلغک ترقیسی دخی
 رومالیر یدنده میسر اوله رق واقعا اختلافات مذهبی-
 نك پك چوق فنا لقره سبب اولدیغی ودیانت نصر-
 ینه نك اصلندن بالکلیه چیقارلدیغی اصلا انکار قبول
 ایده مز ایسه ده قاتوایك مذهبك اوروپاده کشت

وگذار ایلان بر چوق اقوام وحشیه بی تأسیس ایلک
خصوصنده کی خدمتی دخی انکار اولنده مز .

بعض خرسیتیان مؤلفری بو حق تسلیم ایتیه رک
رومادولتمک ترقیات نصرانیه خدمت دکل مخالفت
ایلدیکنی ادعا ایدر لر و بر قاج دفعه خرسیتیانلر علیه
اجرا اولنان مظالمی برهان مقامنده ایراد ایلر لر ایسه .
ده بو محاکمه ده عدالت ایتماش اولور لر . روماده اجرا
اولنان مظالمک دین علیه دکل بلکه دیانت جدیده
نصرانیه بی قبول ایدنلرک اطوار پولتیقه لری حسبیه
پولتیقه علیه بر تهدید اولدیغی عادل اولان مورخین
نزدنده ثابتدر . اگر روما دولتی خرسیتیانلغک انتشا
رینی تجویز ایتماش اولسه بر قاج عصر مدته خر -
ستیانلغک نسبیاً منسیاً حکمنه کیره جکنه هیچ شبهه
یوق ایدی . واقعا بعض متعصب خرسیتیانلر « ایسته
محضارومالیر خرسیتیانلری محو ایتکه چالشدق لری
ایچون خرسیتیانلق قوت بوالدی » دیر لر ایسه ده اوله
معناسر سوزلرک حقایق تاریخیه بی ستر ایده میه جکی
واواسه اواسه یالکز هر ایشته دیکنه اینان بر طاقم
ساده دلار نزدنده بوسوزلرک تأثیری اوله بیه جکی
آشکاردر .

رومانك انقراضندن صكره بر طاقم اقوام وحشيه
شماليه نك بوقطعه ده هجوم واستيلا ايتلري تاريخ
نظرنده اهميته تلى اولنه جق نتيجه لر حاصل ايتامشدر .
زيرا حاصل اولان نتيجه لر اوزمانه قدر عاداتا جنس
واحد صورتى المش اولان روماليره بر طاقم عناصر
اجنبيه نك قارشىمندن عبارت اولوب مؤخرأ شارلمانك
ايتاليانى استيلاسيلاه وقوعه كلان انقلابات اثناسنده
بوعناصر اجنبيه نك بر طاقى تكرار چيقوب كيتش
وبقيه سى دى اهالى قديمه ايله قيناشه رق « ايتاليان »
دينلان مليت بالاخره مليت واحده مشابه بر صورت
المشدر . اكر شارلمانك لومبارد لردن الهرق غرب
ايمپراطور لغنه مخصوص بر تاج اتخاذا ايلديكى تاج
آهني هب روماده ايمپراطور لق تاجى اولق اوزره
بقا بولمش اولسه ايدى ايتاليا قطعه سى مؤخرأ بر چوق
پرنسلر ينده منقسم بر مملكت اولوب قالليه رق فرانسه
كبي جسم واحد صورتده بر حكومت حالنه پك قولاي
كيره بيلور ايدى . ليكن ايمپراطور لغك بالاخره بر
المانيا ايمپراطور لغى صورتى المسى وبو ايمپراطور لغك
دى المانيا تاريخنده تفصيل ايدلمش بولنان بر طاقم رقا .

تبعه لر یله مناسبیت تابعیت و متبوعیتی تصحیح ایلیه رک
کندی لرینی عادتاً برلی حکمدار لر صفتنده بولندیر مشلر
و تحت اداره لرنده بولنان اهالی یه بالنسبه حضور
و راحت دخی ایتدیر مشلر در .

ایتالیانلرک الک مدهش مسئولی لری اوستریا ایله
فرانسه عدا اولنه بیلور . اوستریا لیلر ایتالیایی بر
رعیت جدیه اتنه المغه حریص چیق دقلری کبی بیوک
ناپولیون دخی مملکت مذکوره بی طوغریدن طوغری یه
کندی سنه بر مالکانه اتخاذایدنش ایدی . ناپولیونک
سقوطندن صکره ویانه قوغره سی کویا ایتالیاده احوال
اخیره بی اعاده ایلش ایسه ده بو صورت اوستریانک
قوه تسلطنی ارتدیر مقدن بشقه هیچ برشی دیمک او -
لیوب اگر ایتالیانلر او حالده قالمش اولسه لر ایدی
شم دیکی حالده اوستریا یه تابع بولنان مجارستان قدرده
نعمت استقلاله مظهر اوله مز لر ایدی .

بعض فرانسه ز مورخلری ایتالیانک فرانسه طر -
فندن استیلا سی ایتالیانلر ده سودای حریتی او یاندیرد -
یعنی ایچون مضر دکل بالعکس مفید اولدیغنی ادعا
ایدلر لکه بر درجه یه قدر حق لری دخی واردر .

بتله دوچار اولسی ایتالیا نك برطاقم پرنسار و سنپورلر
 یدنده انقسانمی مستلزم و بونگلده برابر جسامت
 و اهمیتیجه همان المانیایه مساوی اولان قوجه ایتالیا
 مجرد متحد بولنه مدیغی ایچون نو عا المانیا استیلاسی
 التئده فرض اولمشدر .

المانیانك دخی محضایکپاره حالنده بولنمیه رق
 منقسم برحالده بولنمندن نشئت ایلیان منازعات دا .
 خلیه سی و باخصوص کلف و ژیه لنر مجادله سی ایتا .
 لیایه فرصت ویره رك المانیا محکومیتندن قورتلسمنه
 یول اچش ایسه ده ملت متحد اولمقدن صکره اولیه
 اقسام صغیره نك مهاجرات عظیمه یه مقاومت ایده
 بیلسی قابل اوله میه جغی درکاردر . بناء علیه ایتالیا
 سنپورلرینك یکدیگرینه قارشو مکاره لری بالاخره المانیا
 محکومیتندن هنوز قورتلان ایتالیایی برده اسپانیول
 محکومیتی التنه صوقشدر .

نسبت ایدیه جك اولور ایسه اسپانیا محکومیتی
 ایتالیا ایچون من جهة منفعتلی بر محکومیت اولمشدر .
 زیرا اسپانیا خاندان قرالیسندن ایتالیا نك باشلوجه
 اقسامی اوزرنده حکومت سورن پرنسار برارالق

واقعاً فرانسه ده اویانمش اولان فکر حریت واستقلال
 طریق دیگرله دخی ایتالیایه کله بیلور ایدیسه ده
 فرانسز اردولری بو فکری دهها واسع بر مقیاسده
 اوله رق ایتالیانله نقل ایتیش وانلردن صکره ایتالیا
 محررلری یکر می یکر می بش ملیون نفوس اتحاد ایده -
 جک اولور ایسه کندیسنی هر اجنبینک تسلطندن
 قورتاروب اورو پاملل معظمه سی عدادینه ادخال
 ایلیمه بیله جکنی و بوده مملکتی بینلرنده تقسیم ایلان
 پرنسره و سنیرلره اتباع ایله دکل بلکه حریت عمو -
 میه وسیله سنه بالتوسل اتحاد ایله حاصل اوله جغنی
 جله یه اقتاع ایلش بولنملریله اوزر سنه فاصله ایله
 وقوعه کلان ایتالیا قیاملری ایشته بو غیرتله وقوعه بو -
 له رق انجامکار بر ساردنیا دولت صغیره سی بو کونکی
 ایتالیا دولت معظمه سی صورتنه افراغ اولنه بیلشدیر .
 شو حالده ایتالیا ملیتی ایتالیا دولتی کبی پک یکی
 بر ملیت اولمق اوزره تلقی ایدیلور . زیرا یقین زمانه
 قدر موجود اولان تقسیمات سیاسییه ملتک طور
 واستعدادینی دخی متخالف بر حالده بولندیروب عموم
 ایتالیا طور ولسان وافکار سیاسییه جهتیله هنوز تماماً

بر حالدہ دکادر . • لکن ملت مذکورہ پک ذکی
 وسریع الانتقال و وحدانیت ملیہ یہ جداً عاشق اولد .
 یغندن والیوم تابع اولدقلری قانون اساسی حقیقہ
 سربستانہ بر قانون ایدو کندن ایتالیا نلرک یقین و قتلردہ
 دہا زیادہ ترقی ایدرک اورو پا ایچنہ اندہ انکلیز و فرا .
 نسز ملتلرینک حائز اولدقلری موقعی احراز ایدہ .
 جکلرنده شبهہ یوقدر . • بوموازنہ دہ ایتالیایی المانیایہ
 قیاس ایتک ایستہ میر . • زیرا بو کونکی کوندہ ایتالیا
 متحد بر ملت اولدیغی حالده المانیا هنوز ایتالیا
 درجہ سندہ اتحاد ایدہ مامشدر . • حالبوکہ جلہ دن
 زیادہ شو ایتالیا تاریخنک یوقاریدن اشاغی یہ قدر بزه
 اثبات ایتدیکنہ کورہ بر ملت جسم واحد صورتندہ
 متحد اولدقدن صکرہ ہر درلو وحدانیت صوریہ نک
 بقاسی اولہ میوب پریشانلق تہدیدى اوملت اوزرندن
 قالقہ مز . • ایتالیا اینہ کندیسنى بوتہلکہ دن قورتار .
 مش و تمام ترقیات صحیحہ وجدیہ دورینہ کیر مشدر .
 (انتہا)

✽ ایتالیا تاریخك فہرستی ✽

صفحہ	
۲	مقدمہ
۴	ایتالیانك اجمال احوال جغرافیہ سی
۱۱	تقسیمات تاریخیہ سی
	(برنجی باب) ایتالیانك روما استیلاسی التہ کبر۔
	دیکی زمانہ قدر
۱۷	» برنجی فصل « ایتالیانك مبدأ تاریخی
۲۱	» ایکنجی فصل « رومانك تأسیسی و ایتالیا
	احوال عمومیہ سی
۲۹	» اوچنجی فصل « رومانك بتون ایتالیاہ
	استیلاسی
	(ایکنجی باب) روما تاریخی
۳۷	» برنجی فصل « قونسولرک بقیہ خلاصہ
	تاریخیہ لری
۴۶	» ایکنجی فصل « ایمپراطورلغك برنجی دوری
۵۲	» اوچنجی فصل « ایمپراطورلغك ایکنجی دوری
۵۸	» دردنجمی فصل « ایمپراطورلغك اوچنجی دوری

۷۶ « بشنجی فصل » ایمراتورلغک دردنجی دوری

۹۵ « التنجی فصل » ایمراتورلغک بشنجی دوری

(اوچنجی باب) روما انقراضندن شارلمانک
وفاته قدر

۱۰۶ « برنجی فصل » روما انقراضندن لومباردلرک
ورودینه قدر

۱۱۱ « ایکنجی فصل » روماده جمهوریت اعلانه
قدر

۱۱۸ « اوچنجی فصل » شارلمانک ورودینه قدر

۱۲۳ « دردنجی فصل » شارلمانک وفاته قدر

(دردنجی باب) شارلمانک وفاتندن ایتالیا-انک
اسپانیایه محکومیتنه قدر

۱۲۸ « برنجی فصل » ایتالیان پرنسپرینک استقلالنه
قدر

۱۳۴ « ایکنجی فصل » سچلیاتین قرالغنک تأسدسینه
قدر

۱۴۵ « اوچنجی فصل » المانیامستولیرینک طردینه قدر

۱۵۱ « دردنجی فصل » پاپالرک آوینو یوندن عودتینه

قدر

۱۵۹ « بشنجی فصل » اسپانیولرک تحکملرینه قدر

(بشنجی باب) ایتالیانک دور اخیری

۱۶۴ « برنجی فصل » اسپانیادولتیه تصحیح ارتباطه

قدر

۱۶۸ « ایکنجی فصل » فرانسه به محکومیت و خلاصی

۱۷۴ « اوچنجی فصل » شال آلبرک وفاتنه قدر

۱۸۰ « دردنجی فصل » ایتالیانک ایلک اتحادی

۱۸۵ « بشنجی فصل » ایتالیانک احوال اخیره سی

۱۹۰ (افادهء عمومی)

کائنات

کتبخانه تاریخ

برنجی قسم

اوروپا

» برنجی قسمک اون در دنجی جلدی «

* یونانستان *

محرری

احمد مدحت

» ترجمان حقیقنه « تفرقه اوله رق درج و نشر
اولندقدن صکره آیریمه کتاب اوله رق طبع اولتمشدر

استانبول

۱۲۹۸

❦ یونانستان ❦

تاریخ قدیمده « یونانستان » نامیله یاد اولسان
 محلك هماني كافه سی مؤخرأ دولت علیه عثمانیه نك
 حدود استیلاسی التسه كیرمش اولدیغی كبی تاریخ
 جدیدده « یونانستان » اسمنی الان یرلر دخی انجق
 یارم عصر مقدم بونامی تجدید ایتیش اولدقلرندن بو اثرده
 بزم دولتلر و ملتلر تاریخنی دكل بلکه اولكللر تاریخنی
 یازدیغهمزه نظراً یونان تاریخنی مستقل بر تاریخ اولمق اوزره
 قلمه المیه رق بونی عادتاً عثمانلی تاریخنه قاتمقلمغمز لرومی وارد
 خاطر اولور ایسه ده ازمنه قدیمه دن یونانستانك عثمانلیلر
 طرفندن فتح و استیلا سنه قدر مرور ایلان زمانه نسبتله بو
 محلك اداره عثمانیه التسه قالدیغی مدتك از غیله برابر
 یونان قدیمك مدینه الحکما نامنی الهرق مدنیت طامنه
 ایتیش اولدیغی پك بیولخدماتی دخی کوز اوکنه
 الهرق و بو کون اوروپانك تقسیمات جغرافیه سی

اقتضا سنجہ دخی اور اسی بر قطعہ مستقلہ صورتی
 المش بولمنسنہ نظر اولنہ رق ہر حالہ تاریخ یونانستا -
 فی دخی بر جلد مستقل صورتندہ قلمہ المقی جہتی ترجیح
 اولنمشدر .

بونکلہ برابر یونانستان ایچون تاریخک اطلاعی
 یتدیکی بر زماندن بدأ ایلہ شمدی یہ قدر کلمک اوزرہ
 متصل و متسلسل بر تاریخ قلمہ المغہ ینہ امکان یوقدر .
 زیرا ایلرودہ تقسیمات تاریخیہ قسمندہ دخی کوریلہ جکی
 اوزرہ یونانستان قدیم روما طرفندن استیلا اولندقدن
 صکرہ یونان تاریخی روما تاریخیلہ اختلاط ایلیہ رک
 بر چوق زمانلر اوصورتلہ دوام ایلمش و کذلک رومای
 شرقی یعنی بیر انس نامیلہ یاد اولنان و نصلسہ مورخین
 نزدندہ بغیر حق بر دولت یونانیہ عد ایدیلان حکومت
 دخی عثمانیلر طرفندن اخذ و استیلا ایدلدکن صکرہ
 بوجہتک تاریخی دہ بر قایع عصر مدت دولت علیہ
 عثمانیہ تاریخنہ ممزوج قالمش بولندیغندن ایشته شوایکی
 فاصلہ عظیمہ یونان تاریخی ایچون بردوزی یہ اتصال
 و تسلسلی منع ایتکدہ بولمنشد . فقط ایتالیا تاریخنہ
 اصل ایتالیا یہ مخصوص اولسی لازم کلان احوال

تاریخیه نك روما ایمپراطور لغی تاریخنه قارشیدیگی کبی
 بوراده دخی یونانه مخصوص اولان تاریخك اختلا-
 طلری لازم کلان تاریخلر ایله خلطی مثللو مراجعتی
 ضروری اولان برچاره بزم ایچون هر حالده بر مستقل
 یونان تاریخی وجوده کتورمکه طریق امکافی آچه-
 بیلور .

✽ یونانستانك اجمال احوال جغرافیه سی ✽

یونانستانك احوال جغرافیه سی دخی « قدیم »
 و « جدید » دیه ایکی صورتله یازمق ضرور یدر .
 زیرا یونانستان قدیم جغرافیاسنجه بر طاقم اسامی
 مؤخرأ تبدل ایلدیگی کبی تقسیمات ارضیه سی دخی
 بالکلیه تبدل ایتشد . بز بوراده اول بول یونانستان
 جدیدك احوال جغرافیه سی خلاصه و اجمال ایلرایسه ك
 جغرافیای قدیمك دخی بر بیوك قسمی یازمش اوله -
 جغمزدن جدیدی قدیمه ترجیح ایلدك .
 یونانستان جدید اوروپا قطعه سنك جنوب
 شرقیسنده واقع كوچوچك بر دولندر كه شبه جزیره

و بر مقدار قره ایله بر طاقم دخی جزایردن عبارت بولندیغی
ایچون بسبتون قرده بولنان اولکالر مثلاًو حدودینی
برر خط فاصل تقریق ایده من . یالکز شمال طرفندن
دولت علیه عثمانیه ایله هم حدود اولوب روسیه
ودولت علیه ارمننده وقوعه کلان محاربه اخیره
اوزرینه برلینده عقد اولنان برقونغر یونانه عرض
سماحت ایچون دولت عثمانیه ملیکندن بر مقدار دها
اراضی یی یونانستانه علاوه ایتزدن اول حدودی ارتا
کور فزندن غولوص کور فزینه قدر ممتد اولان بر خط
موهوم تقریق ایبر ایدی . بو حالده ایپردینلان یانیه
ولایتی ایله تسالیا دینلان یکی شهر طرفری تمامیه ایالات
عثمانیه دن عد اولنور ایدیسه ده برلین قونغر هی
اوزرینه دولت علیه و یونانستان ارمننده عقد اولنان
مقاوله خصوصیه مقتضاسیجه ایبر جهندن بر مقدار
اراضی ایله تسالیا جهندن برخیلی برلر و نفس یکی شهر
دخی یونانه الحاق اولندیغندن خط حدود اولکی یه
نسبتله برخیلی دها شماله طوغری وسعت بولشدر .
اشبو حدود شمالیه دن ماعدا یونانستان شرق
جهندن اطهر دگری ایله محدوددر که بوکا یونانستان

قدیم زمانده « اژه » دكزی دیرلر ایدی . جنوب طرفندن اق دكز و غرب طرفندن دخی بحر یونان دینلان و وندیک کورفینک اغزی عد اولنان قطعۀ بحر ایله محاطدر . بو حدود ایله تحدید اولنان ممالک جغرافیای قدیمده په لوپوز تسمیه اولنان موره شبه جزیره سیله برده اصل قره عد اولنان یونانستان حای اولوب بونلردن ماعدا کوچک بیوک برطاقم جزایر دخی یونان ممالککندن عدا اولنور که بونلرک دخی باشلیجه لری یونان دكزنده واقع جزایر سبعه وانلر میاننده ده الک مهمی قورقه جزیره سیدر . شرق جنوبی جهته ده واقع شیرا اطه سی دخی یونانستانک الک معمور ابرجزیره سی و الک ایشلک براسکله سی عدا اولنور .

بو اولکانک اوزری اکثر یتله طاغلق اولوب ازجمله پیند نامیله جنوب بدن شماله طوغری اوزانان بر سلسله تابالقان طاغلرینه قدر واررو اولمپ و اوتریس و په لیون و اوسا و اوتا و پارس و هلیقون و سیترون و پنته لیق مثللو برطاقم کوچک سلسله لر و تپه لر دخی اشبو پیند سلسله سندن تشعب ایدر . بو طاغلردن بر طاقم انهار صغیره نبعان ایلر که بونلرک ازمنه قدیمه

اسامیسندن اولوق ارزره بو کره دخی تجدید اولنان اسمیری
 آتوس و آشه لوس دینلان دره لر اولوب غرب جهته و په نه
 و سپر کیوس و سفیس دینلان نهر جکار دخی شرق طرفه
 جریان ایدر لر . اشبو طاغلر و دره لر یالکز قره قسمه
 مائد اولوب موره شبه جزیره سنده دخی تاثیرات جبل
 و بوندن نبعان ایلان لادون و اوروتاس نهر لری وارد
 که بو اسملر دخی یونانستان قدیم اسامیسندن اولدق لری
 حالده استقلال اخیر هنکامنده تجدید اولمشلر در .
 اولکای مذکور هر نه قدر اکثریتله طاعلق ایسه .
 ده طاغلرک دخی اغلی منبت طوپراق و کوزل اور
 مانلر ایله مستور اولدیغندن همان هر طرفنک زراعت
 قابلیت در کار در . شو قدر که یونانک کویلیلری پالیقار
 یالق قهرمانلق دعوالرینی چفتجیلک سعادتنه ترجیح
 ایلد کلرندن زراعتلری پک کیروده در . مع هذا مملکت
 اون سکر درجه ایله یکر می درت درجه یه طوغری
 عرض شمالی اره سنده بولنوب هواسی غایت لطیف او
 لدیغندن و طاغلر ده زیتون اغاچلری پک چوق بولندیغندن
 یونانیلر بونلری آشیلایه رق و تربیه ایدرک کلیتلی زیتون
 دانه و یاغی حاصل ایتک صورتیه استفاده ده بولنور .

بوطاغلارده قورشون و مرمر معدنلى دىخى اېچمه
چوقدر . هله مرمرلى غايت بياض و صافى اولد.
يغندن هيكل طراشلىق صنعتنه پك زياده يارارلر .

اخيراً الحاق اولنان اراضيدن مقدم يونانستانك
عموم نفوسى برميليونى آز تجاوزايدرايدى . اراضى
ملحقه اوزرنده دىخى اوچيوز بيكه قريب نفوس بولند.
يغنى تخمين قلمقده در . آتنه شهر قديمى بودولتك پاى
تختى اولوب قطعەك شرق جهتنده و بجره يقين بر
مسافه ده واقعدر . پيره نام محل آتنهك اسككهسى
عد اولنور . پاى تختدن صكره الك معمور قصبه لى
قورفو و شيرا اولوب اراضى ملحقه مياننده دىخى يكي
شهر واردركه شمدىكى حالده يونانستانك آتنه دن صكره
الك بيولك والك مهم شهرى ديمك اولور .

يونانيه لى پك ذكى آدملىر اولوب اوروپا السنه
و علومنه دىخى رغبت ايلدكارندن انككتره و فرانسه
واوستريا و رومانيا اسككه لرنده زنكىن تاجرلى بو .
انسور . موقعلىك دىخى مواقع بجره دن اولسى
ياردميه بونلر كمچيلكده پك ماھر درلر . برچوق
سفاین جسمه لى اوروپا دكزلىك كافه سنه و بر درجه يه

قدر بحار بعیدہ دخی کیدوب کلورلر • فقط
 کندی مملکتلرینک محصولات زرعیہ وصناعیہ سنی
 نقل ایله تجارت ایتیوب اوروپا امتعہ سنی بر محلدن
 دیگر محله نقل ایله تجارت ایدرلر • زیرا اولجہ دخی
 دیمش اولدیغمز و جھله یونانستانده زراعت پک کیروده
 اولوب صنایع ایسه زراعتدن دهسا کیروده اولغله
 یونانستان زیتون دانه سی ویاغی ایله برازده قورینت
 طرفلرندن اوزوم و شراب و پک جزوی دری و پیاغی
 اخراجیله اکتفا ایدر • حتی چو بانلق دخی بو
 قطعده اول قدر ایلرویه کیتماشدر •

یونان دولتی بر قانون اساسی موجبجه اداره او •
 لنور برقراللق اولوب قرالی دخی دانیمارقه خاندانندن
 انتخاب اولنش بر پرنسدر که کندیسی خاندانک مذهب
 قدیمنه ذاهب اولوب فقط ولی عهدینک روم اورتو •
 دوقس مذهبی اوزره تربیه سی شرط انتخاب اقتضا •
 سندندر • یونانیلرک عادتاً کافه سی دخی اورتو دوقس
 مذهبنه ذاهبدرلر • مقدملری یالکز اغریبوز اطه •
 سنده بر قاج مسلمان فامیلیاسی واریدی • شمعی ایسه
 ممالک ملحقده بر خیلی مسلمان و یهودی اهالی دخی بو •

لندیغندن یونان دولتی مختلف المذاهب اهالی بی اداره
ایده جکدر .

ایمدی خلاصه احوال جغرافیه سی شوندن عبارت
بولان یونان قطعه سی از منة قدیمه ده شمیدی کی
یکپاره بر حکومتدن عبارت اولیوب شمیدی حالد لهوا
وقضا کی تقسیماته مقابل فقط مقدار جه انلردن ده
چوق اولق اوزره بر طاقم حکومتانه منقسم ایدی که
بونلرک هر بری آری آری مستقل ایدیلر . مع هذا
یونانستان قدیم باشلیجه اوچ قطعه جسمیه منقسم عد
اولنور ایدی که قطعه شمالیه اپیر و تسالیان عبارت
اولوب قطعه متوسطه یعنی اپیر و تسالیا ایله موره
اره سنده کی ممالکه « هللاد » تسمیه اولنور و اصل
یونانستان دخی بورامی اعتبار قلنور ایدی . قطعه
جنوبیه ایسه په لو پوز دینلان موره شبه جزیره سندن
عبارت ایدی .

اپیر و تسالیا بر چوق زمانلره قدر پکده یونانستانه
تابع اولدیغندن حکومتات یونانیه یندنه منقسم اولان
یرلر هللاد ایله په لو پوز قطعه لری ایدیلر که بونلردن
هللاد قطعه سی طرفندن شرق طرفنه طوغری

آقار نانی واتولی و دورید و لوقرید و فوسید و بئوتی
و آتیق و مغارید دیه باشلیجه سکر حکومت بولنور
و مورده دخی آشای و قورینت و آرغولید و لاقوتی
و آرقادی و مسه نی وئ لید دیه باشلیجه یدی حکومت
تعداد اولنور ایدی . واقعا بو حکومتلر برچوق
انقلابات تاریخییه اوغرامشلا ايسه ده شو اسملر برر
حکومت اسمی اولمقدن زیاده قطعات مذکوره نك
اسامیسی اولمق اوزره باقی اولوب حتی یونانستان
اخیراً استرداد استقلال ایلدیکی زمان دخی اکثریتله
بو اسامی بی لوار و قضالر اسملری اولمق اوزره تجدید
ایلشدر .

بر طاق مورخلر بعض مناسبات تاریخیه واتنولو-
ژیقیه دن انتقال ایلدرک ایتالیا نك بر قسمی و شمدیکی
سلانیک ولایتی اولمق اوزره ما کدونیا بی و کذلک شمدیکی
ادرنه ولایتی اولمق اوزره تراس و استانبول و شمدیکی
بروسه و آیدین و لایترینی دخی هب یونان قدیم تاریخنك
احاطه ایلدیکی حدود داخلنده عد ایدرلر ايسه ده
اصل یونانستانك شو یوقاروده تعیین ایلدی کمزیرلر دن
عبارت بولمشنده جمهور مورخنك اتفاقلری واردیر .

(یونان تاریخنک تقسیمات اساسیه سی)

« یونانستان » نامنه یازیلہ حق اولان بر تاریخ
 خصوصیی تاریخنک ایلک اطلاعی یتدیکی زماندن
 بوزمانه قدر مطرداً کتورمک ممکن اوله میوب مقدمه -
 ده دخی بیان اولندیغی اوزره یونانستانک روما استیلا -
 سنه دوچار اولسی ارده ده بر انقطاع حاصل ایلر .
 اندن صکره شرق ایمپراطولغنک دولت علیه طرفندن
 استیلاسی دخی دیگر بر انقطاع حاصل ایلکده اولوب
 شوقدرکه اگر شرق ایمپراطورلغی اکثریتله دولت
 علیه یه تابع بولنان محللرده مؤسس اولسنه نظراً
 تاریخن دخی عثمانلی تاریخنه درج و دلج ایده جک
 اولسه ق یونان تاریخنک انقطاعاتی ده ازیاده چوغالوب
 اوزانه جغی واغلب مورخین ایسه شرق ایمپراطور -
 لغی تاریخن یونان تاریخندن عد ایلد کیری مناسبتله
 تاریخ مذکور ی دخی یونان تاریخندن عد ایلکه
 ضرورت کورلمشدر .

بو حالده یونان تاریخن اساساً درت بابہ تقسیم ایلک
 جهتنی ترجیح ایلدک که باب اولده یونانستانک خرافات

اولین زماندن بدأ ایلان تاریخنی تاسکندر کبرک
 ظهورینه قدر خلاصه ایدوب کوره جکز • باب ثانیده
 دخی اسکندر کبردن بدأ ایله یونانستانک روما استیلا-
 سی التنه کیردیکی زمانه قدر اولان وقوعات تاریخیه-
 سنی خلاصه ایدرک اندن صکره اصل یونانستان عد
 اولنان موره شبه جزیره سی وایپر و تسالیایی روما تا-
 ریخنک حدود احکامی داخلنده عد ایلیدرک تاروما-
 نک شرقی و غربی دیه ایکی قسمه انقسامنه قدر تاریخ
 یونانی مسکوت عنه براقه جغز • اوچنجی بابمزی ایسه
 رومانک قسم شرقی و غربی دیه ایکی یه انقسامندن
 بدأ ایله عثمانلیلر طرفندن استانبولک فتحنه قدر کتو-
 ره جکز • بوندن صکره ایکنجی انقطاع اولق اوزره
 دخی تاریخ یونانی تاریخ عثمانینک حدود احکامی
 داخلنده فرض ایدرک دردیجی بابمزی موره اختلالنک
 ظهوریله یونانستان استحصال استقلاله قیام ایلدیکی
 زماندن بدأ ایله بو کونه قدر کتوره جکز •

اولیه ایسه برنجی بابمزی تاریخک اطلاعی تسدیکی
 برزماندن بدأ ایله میلادک ۳۳۶ سنه مقدمه سنه قدر کله-
 جک وایکنجی بابمزد کور ۳۳۶ سنه مقدمه سندن باشلا-

یہ رق ۱۴۶ سنہ مقدمہ قدر طیانہ جقدر . اوچنجی
 باہر دخی ۳۹۵ سنہ میلادیہ سندن باشلایہ رق ۱۴۵۳
 سنہ سنہ قدر کلور . دردنجی باہر دخی ۱۸۲۷
 سنہ سنہ ناوارین وقعہ سندن باشلایہ رق بوکونہ
 قدر متمد اولور .

یونان تاریخنک تقسیمات ثانیہ سنہ کلنجہ : برنجی
 بابی بش بیوک فصلہ تقسیم ایلک لازم کلیور کہ برنجی
 فصلہ اطلاع تاریخنک همان واصل اولہ مدیغی در -
 جہ لردہ قدیم بر زماندن بدأ ایلہ یونانستانک احوال
 ابتدائیہ سنی میلاددن ۱۶۴۳ سنہ مقدم آتہ شہرینک
 تأسسہ قدر اولان احوال ذکر اولنہ جقدر . ایکنجی
 فصلندہ ایسہ ذکر اولنان ۱۶۴۳ سنہ سندن بدأ ایلہ میلاد -
 دن ۱۲۷۰ سنہ مقدم مشہور ترووا مظفریتنہ قدر
 اولان قسم تاریخ خلاصہ اولنہ جقدر . اوچنجی
 فصل دخی ۱۲۷۰ سنہ مقدمہ سندن باشلایہ رق میلاد -
 دن ۵۰۹ سنہ مقدم مدیق محاربہ سنک باشلانجہ قدر
 کلوب دردنجی فصلہ دخی ۵۰۹ سنہ سندن ۴۰۴
 سنہ مقدمہ سنہ آتہ نک اسپارته لیلر طرفندن استیلاسنہ
 قدر دوام ایلیہ جقدر . بشنجی فصلہ ایسہ مذکور

۴۰۴ سنه مقدمه سندن بيوك اسكندر ك تاريخ ظهورى
اولان ۳۳۶ سنه مقدمه سنه قدر دوام اولنه جقدر .
ايكنجى باب اوچ فصله تقسيم اولنه رق برنجى
فصلده ماكدونيائك دور جهان كيرانه سى وقوعاتى
اجال اولنه جقدر كه ميلادك ۳۳۶ سنه مقدمه سندن
باشلايه رق ۲۸۴ سنه سنه قدر كلور . ايكنجى فصل
دخى مذكور ۲۸۴ سنه مقدمه سندن باشلايه رق بونده
۲۱۶ سنه مقدمه سنه قدر يونانستانك استردادواستقلال
مخاربات مائوسانه سى اجال اولنه جقدر . اوچنجى
فصلده دخى ۲۱۶ سنه سندن صكره روماليلك يونا -
نستانه تعرضه باشلاملى حكايه اولنه رق ۱۴۶ سنه -
سنده بتون يونانستانى بر روما ولايتى حكمنه قويدقلى
زمانه قدر كله جقدر .

اوچنجى باب درت فصله تقسيم اولنه رق بونك
فصل اولنده يونانستان قديمك اسلاولر طرفندن استيلا
سنه قدر وقوعات تاريخيه اجال اولنه جقدر كه ۷۴۶
سنه ميلاديه سنه قدر دوام ايلييه جك ديمكدر .
ايكنجى فصلنده شرق امپراطورلغنىك بو اسلاولرى
تحت اطاعت ورعيتنه اله رق تا ۱۲۰۴ سنه ميلاديه سنه

ایمپراطور لغک اهل صلیب طرفندن قحی زمانه قدر
 گذران ایلان وقوعات جسمیه خلاصه ایدیه جکدر .
 اوچنجی فصلده اهل صلیبک تأسیس ایلد کیری لاتین
 حکوماتنک عن ۱۲۰۴ الی ۱۲۶۰ دوامیه اسکی
 ایمپراطور لغک عودتنه قدر اولان وقوعات ذکر
 اولسوب دردنجی فصل دخی بتون شرق ایمپرا -
 طور لغک و یونانستانک دولت علیه عثمانیه تابع
 اولدیفی زمانه قدر کله جکدر که بوتماهی استیلا دخی
 ۱۴۵۳ سنه سننده استانبول شهرینک فتحندن صکره
 ده ا بر یوز سنه ظرفنده میسر اولمشدر .

دردنجی بابہ کلنجہ : درت فصله تقسیم
 اولنهرق برنجی فصلنده یونانستانک ایلاک تشبثات
 استقلا لجویانه سی خلاصه ایدیه جک که ۱۷۷۹ سنه -
 سننده ماینوتلرک مورده مغلوبیتلرینه قدر دوام
 ایلیه جکدر . ایکنجی فصلنده تپه دللی علی پاشا
 دوری حکایه اولنهرق بودخی ۱۸۲۱ سنه سنه قدر
 امتداد ایلیه جکدر . اوچنجی فصلده ایسه مذکور
 ۱۸۲۱ سنه سننده ظهور ایدن عصیان عمومیدن بدأ ایله
 ۱۸۳۰ سنه سننده یونانستانه استقلال و یرلدیکی زمانه

قدر دوام اولسه جقدر . دردنجی فصلنده دخی
ابتدای استقلالدن بوزمانه قدر یونانستانک احوال
اخیره سی یازیله جقدر .

✽ برنجی باب ✽

« یونانستان قدیمک دور اولی »

عن الی ۳۳۶ مقدم میلاد

(برنجی فصل)

ابتدای تاریخ یونانستان

عن الی ۱۶۴۳ مقدم میلاد

تفصیل - مهاجرت اولیندن خبرو یرن اتنوغرافیا

فنی هر ملتک عن اصل نره لردن چیقهرق نره لری طولاشوب
نهایت نره وه ونصل قرار قیلدقلرینی اییجه ایضاحات
وتفصیلات ایله خبرو یردیکی حالده یونانستان اوزرنده
کور یلان ایلاک اهاالینک موردلری حقنده لزومی قدر
ایضاحات ویره میور . واقعا قدیم یونانیلر کندیلرینه
« اوتووقتون » یعنی اوزرنده بولندقلری طو پراق
اوزرنده متحصل یرلی اهاالی نامنی ویره رک بشقه یرلردن
مهاجرتله کلامش اولدقلرینی دعوی ایدرلر ایسه ده
بودعوالری تمامیه مسلم کورایور . یونانستانده الک

۲ سکی اهالی اولمق اوزره طائمش بولنان پلاستر قومی
بر طاق اقسام وشعباته منقسم اولدقلری حالده عن اصل
آسیا اهالیسندن بولندقلرینه ذهاب ایدیلیور ایسه ده
بو قولی تأیید و اثبات دخی مشکل کورونیور .

پلاسترلک آسیادن یونانستانه مهاجرتلری پک قدیم
برشی اولدیغی ایچون نظر اطلاع تاریخ اوزمانلره قدر
یتشماشدر . حالبوکه پک چوق صکره و فقط میلاد
عیسادن ایکی بیك سنه قدر مقدم اولان بر زمان قدیمده
مصر و فنیکه طرفلرندن بر خیلی مهاجرلرک بحر آیونانستانه
کلرک سواحل جنوبیه سنده یرلشمش اولدقلری فنیکه
ومصر تار یخلرنده خرو یرلدیکی کبی اشبو مصر یرلر
وفنیکه لره نسبتله پلاسترلر عادتاً بهایم نوعندن وحشی
قاله رق بناء علیه انلرک دخی ممکن مرتبه تمدنلرینه
خدمتلری اولمشدر . مهاجرین مرقومه نك رئیس
ایناغوس اولوب آرغوس شهرینک اساسنی میلاددن
۱۹۸۶ سنه مقدم قویمش و اوغلی فورونه دخی بوشهری
توسیعده خدمت ایلمشدر .

اشبو فنیکه ومصر مهاجرلرینک پلاستر اقوامی
تحت اطاعته صوقلری حر بدن زیاده ارشاد طریقیله

وقوعه کلمش اولدیغی بو خدمتلرنده پک ز یاده سهولت
وسرعتله موفق اولمندن ا کلاشیلور . زیرا
رؤسادن اوژ یژس میلادک ۱۸۶۹ سنه مقدملرینه
طوغری بئوتیا و آتیق اهاالیسنی تحت اطاعتنه الیدیغی
کبی ۱۸۸۰ سنه مقدمه سنده اسپارتون نام رئیس کندی
نامنه منسوب اولان اسپارته شهرینک اساسنی قویمش
و ۱۷۴۲ سنه سنده دخیله لفس نام رئیس شهر مذکوره
متانت و یرمشدر .

مؤخرأ املرینی بتون یونانستانه تعمیم ایش اولان
« الن » یاخود « النوس » قومی ایشته مصردن
وفنیکه دن کلمش و یونانی یواش یواش معمور ایتکه
باشلامش اولان بومهاجرلردن صکره پیدا اوله رق
ارتق بونلرک آسیا اهاالیسندن اولدق لری حقنده کی ظن
دها قوتلی کورلمش و حتی قفقاسیه طریقیله قره دکز
بویندن طولاشه رق بلغارستانی و شمدیکی ادرنه ولایتی
چکوب کلدکاری دخی جله ظنیاتدن بولمشدر .

اشبو الن اقوامی « دوریه ن » و « ئولیهن »
و « یونیه ن » یعنی یونان و « آشه ن » دیه باشلیجه
درت قومدن متشکل اوله رق اون دردنجی عصر

مقدم میلادہ قدر پلاسٹرلک یرلرینہ همان تمامیلہ
 طاغملشردرکہ اوحالده پلاسٹرلک اکثریسی دخی اوروپا
 نک غرب طرفلرینہ طوغری هجرت ایشلردر .
 ینہ بواقسام ار بعہ یونانیہ دن « غرای » یاخود
 « غراس » اسمندہ برقبیلہ آز وقتده اهمیتنی آرتدیروب
 یونانستان قدیمک الک منتشر اسمی اولان « غرس »
 اسمی بونلردن قالمشدر .

ایمدی اسکی پلاسٹرلر و صکره دن کلان مصرلیلر
 وفنیکه لیلر ایلہ برده النر امستراج ایدرک یونستانک
 مدنیته مستعدایلک اهانیسنی تشکیل ایلدکاری شو هنکامده
 ایدی که رؤسای مصر یه دن سقروب نام ذات دخی
 معیتی خلقیلہ یونانستانه کله رک ۱۶۴۳ سنه سنده
 آتنه شهرینک اساسنی وضع ایشیدی . بناء علیه اکثر
 مورخین عندنده مومی الیه سقروب یونانستانک واضع
 اس الاساسی عداولنور ویونان تاریخی دخی اکثر یا
 بوذاتدن بدأ ایلر .

(ایکنجی فصل)

ترووامظفریت مشهوره سنه قدر

عن ۱۶۴۳ الی ۱۲۷۰ مقدم میلاد

تفصیل - سقروب آتنه شهرینی تأسیس ایلدیکی

صمره ده و میلاددن ۱۶۳۵ سنه مقدمرنده دوقالیون
 اسمنده دیکر بررئیس دخی تسالیا یعنی شمذیکی یانیا
 طرفلرنده تمدین اهالی یه خدمت ایلر ایدی . اساطیر
 الاولینده اشبو دوقالیون حقنده برروایت واردر که
 همان عینله حضرت نوح علیه السلام طوفان حکایه -
 سنه مشابه اولسی شایان دقتدر . مرقوم دوقالیون
 زمانده یونانستانده برطوفان عمومی وقوعبولش که
 سببی اهالی محلیه نك سوء احوالی ایمش . فیرا نام
 زوجه سیله دوقالیون ایسه حسن احوال صاحبی
 اولمریله هاتف غیب وقوع طوفانی بونلره خبر ویرره رک
 بعده صولر یو کسملش و کندیلرندن ماعدا عموم اهالی
 بو طوفانه غرق و محو اولمش . بعد الطوفان ینه هاتف
 غیب « یر یوز نك تکرار ابنای بشر ایله مسکون
 اولسنی ایستر ایسه کز قوجه والده کزک کیکلرینی
 اطرافه صاچکز » دیه ندا ایتسیله انلر فوجه والده نك
 کیکلری دیمکدن مقصد دنیانک کیکلری دیمک اولان
 طاشلر اوله جغنی بالتفرس هر طرفه طاش آتمغه باشلا -
 مشلر . دوقالیونک آتدیغی طاشلر ارکک و زوجه سی
 فیرانک آتدیغی طاشلر قادین اوله رق جانلار نورلر ایمش .

واقعا بوروايتك خرافاتدن اولديغنه شبهه يوق
 ايسه ده يونانستانك ال يوكسك طاغلى اوزرنده دخی
 بعض حيوانات بحريه كيكلى بولمغله حكما بونك
 برطوفان اثرى اولديغنه حكم ويرهرك طوفان نوح ايله
 دو قاليون طوفانك برشيدن عبارت اولوب اولمديغنى
 دوشونورلر . الحاصل جنوب طرفندن سقروبك و شمال
 طرفندن دخی دو قاليونك يونانستانى ايلك تمدينه
 چالشان حكمدارلر اولديغنه شبهه يوقدر .

سقروب دو قاليوندن صكره يته خرافات اوليه
 زمانك رچالندن اولمق اوزره قادموس نام پرنسك
 اسمنى يونانستان قديم تاريخى تشهير ايلر . بو ذات
 فنيكه قرالى عاجنورك اوغلى اولوب قرال مرقومك
 « اوروپا » نامنده كى قزىنى كويا ژوپتر معبودى قاچوب
 كوتورمى اوزرينه اودخى اوغلى تعقيب كوندرمش
 ايسه ده همشيره سنى اله كچيره مديكندن قادموس باباسى
 زدينه كلكه جسارت ايده ميهرك يونانستانه يناشمش
 وبئوتيا قطعه سنده كندى نامنه نسبتله ۱۵۸۰ سنه -
 سنده قادمه شهرينى قورمش كه مؤخرأ بوشهر تبس حكوم-
 تنه مركز اولمشدر . قادموسك ورودينه قدر

یونانیلرده حروف استعمالی معلوم دکل ایکن فیکه .
لیئرک استعمال ایلدکلی حروفی یونستانه نقل ایدن
بوزات اولدیغی مضموندر .

میلاددن ۱۵۷۲ سنه مقدم آرغوس شهرنده
داناؤس و ۱۵۰۰ سنه مقدمه سنده کریدجز بره سنده
مینوس نام عقلای حکمداران ظهوره کلش اولوب
بونلرک قوانین قدیمه سی یونانیلرک ایلک تمدنلرینه
خیلی یاردیم ایش . پلو پس نام حکمدارک آپا طر-
فلرنده ظهوری دخی موره شبه جزیره سنک کندیسینه
نسبتله په لو پوز تعمیه سنه سبب اولمشدرکه بو حال
مومی الیهک شبه جزیره اوزرنده بیاغی تعمیم نفوذ
ایش بولمسنه دلالت ایدر .

اشبو مشاهیر اولینک یونانستانی تمدینه خدمتلی
اوله ترقیات علیه و صناعیه دورینک حلولی قدر
مهم برشی اولق اوزره تلقی اولنه من . بوزمانلر یو-
نانیلر زراعت حقنده معلومات ابتدایه دن بیه محروم
اوله رق یالکز پک جزوی بر درجه ده چو بانلق ایدم
بیلور و نباتاتدن دخی طبیعتیه یتیشن بعض شیلری
ید استفاده لرینه الورلرایکن چو بانلغک توسیعیه

برابر زمینی سوروب زراعت ایتک و سائر بعض قبا
صنایعه هوس ایلک ایشسته ایلک دفعه اولمق اوزره
بوزمانلرده کورلمشدر . بوزمانه قدر یونانیلرک دینجه
دخی همان هیچ بر بهره لری یوق ایکن مصر و فنیکه نك
بر چوق ار باب مخیله یه طایمقدن عبارت اولان دیانت
قدیمه لری بو صرده یونانستانه انتقال ایلش و دیانت
دنیلان شی بر نوع قانون مقامنه قائم اولمغله قوانین
دینیله ایله برابر مصر و فنیکه دن بعض قوانین ملکیه
دخی یونانستانه کلشدر .

تاریخ یونانک بو قسمی هربری خرافات اولیندن عبا -
رت اولمق اوزره بر طاقم وقوعات قهرمانانه نك انضمام
ایلدیکی زماندرکه وقوعات مذ کوره نك واقعا حقایق
تاریخیه دن عد اولنمسنه امکان یوق ایسه ده لطافتلری
دخی انکار اولنه مز .

وقوعات مذ کوره یی ایقاع ایله شهرت بولان
قهرمانلردن بر یسی یونانستاندن افیر دنیلان قطعه
صغیره نك حکمداری غلو کوسک اوغلی بلله روفون
اولوب بر صید و شکار محلنده قضاء قرنداشینی اعدام
ایتمکله پدرندن قورقه رق آرغوس حکمداری پروتوسه

النجا ایلد کده قرالک استه نوبه نامنده کی زوجه سی
کنج بلله روفون حقنده مقاومتی غیر قابل برحس
عاشقانه یه مبتلا اولغله مومی الیه عرض وصال ایش
ایسه ده بلله روفون بوتکلیفه موافقتی حقوق مهما
نوازی یه مغایر بر کفران نعمت عدیله ابا واجتناب
ایلدیکندن مزبوره بالاخره دفع حجابیه مدار اولق
اوزره کویا بلله روفون کندی عصمتنه تعرض ایچون
جهر و تضییقه قیام ایلدیکی قوجه سنه بیلدیرمش
و پروتوس دخی مزقومی لیسیا حکمداری بولنا قاینی
یوباد نزدینه کوندروب بلله روفونک وصولی آنده
اعدامنی دخی محرمانه توصیه ایش ایدی .

یوباد کندبسنه مسافر کبی کلان برآدمک خون
مظلومی ایله یدغدرینی لکه دار ایتک ایستمدیکندن
بو کنج پرنسی برطاقم امور مشکله نک ایفاسنه صا -
لدردی که شاید متاعب و مهالك مذکوره میاننده کندی
کندیمنه محو اولور دیه حساب ایش ایدی . بلله
روفونک صالدرلدیغی ایشل شمال طرفنده واقع برطا -
قم باربار لرل تنکیلی اولوب ازجمله بونلر میاننده «امازون»
دینلور برفرقه وار ایدی که دشت وحشته پویان اولان

بر طاقم قادیلردن عبارت اولوب اره لرنده هیچ ارکات
بولمز ویالکز لوازم تناسلدن طولایی بعضی معموره
کنار لرینه اینوب راست کتوردکاری ارککله ایله موا-
صله دن صکره ینه دشت وحشته چکیلرله رک مدنیلر ایله
مخاربه دن بر آن خالی قالمز ایدیلر .

کویا مینه رو نام معبوده بلله روفونه خارق العاده
یغاس اسمنده برآت ویرمش اولدیغندن بوآته راکب
اولدیغی حالده کنج پرنس علی الدوام مظفر اولمش
وبر مخاربه دن عودتنده کندیسنه سو قصد ایچون
یوصویه قونیلان نفراتدن دخی بوآت سایه سنده قور-
تیلوب جله سنی قتل ایلش ایش . کنج پرنسک بویله
هر تهلکه دن قورتلشی مجرد معبودلرک کندی حقنده
بر توجهری اثر مخصوصی اولدیغنی یو باد حس ایدنبجه
بوندن بلله روفونک عصمت و برائت ذمتنی حکم ایلیرله رک
قرلرندن بریسنی بالترویح کندیسنه ولی عهد اتخاذ
ایلش .

بلله روفونک اجر ایلدیکی اساطیر الاولینده روایت
اولنان مخاربات و مصادمات ایرانیلرک قهرمان قاتل حکا-
یاتندن دهها مبالغه لی فقط یک لطیف شیر ایه ده بو

اثرده الترام اولنان غایت اختصاره منافی اولدیغی
ایچون ترك اولندی . ینه بویولده کی اساطیر الاولین
قهرمانلرندن بریسی دخی پرسه در که کویا ژوپیتر معبود
اعظمک بر باران زرین صورتی الهرق بزمگاه وصالنه
دخول ایلدیکی دانائنه نام پرنسیدن طوغش ووالده.
سیله برابر بر صندیغه قونیلوب دکره اتیله رق سر یقه
اطه سنه چیقوب جزیره مذکوره قرالی پولیدقت نزدنده
بیومش ایدی . براره لق قرال مومی الیه پولیدقت کندی
والده سنه تساط ایتکله والده سنی بوتسلطدن مدافعه
ایاش ومدوس نام معبوده نک قفاسنی کسه رک انک
قاندن دخی یوقاروکی فقرده اسمی سبق ایدن بغاس
نام آت وجوده گلش ایمش .

کویا معبوده مدوس صاچلرینک لطافتیله مینه رو
معبوده سنه قارشو رقابته چیقدیغندن معبوده مرقومه
مدوسنک کیسولرینی برر دخراش ییلانه تحویل ايله
برابر هر کیم مزبورنک قفاسنه باقه جق اولور ایسه
طاش کسلسنی دخی تجلی ایلدیکندن پرسه مدوسنک
قفاسنده کی بو خاصیتیه حیران اوله رق و فقط بوقفای
کسمک ایچون اکا نظر ایلدیکی حالد کندیسی طاش

کسیلکدن قورقهرقینه مینهروک نصیحتیه بوایشده
آینه استعمال ایدوب ققایی کسمکه موفق اولمش واندن
صکره بوققایی دشمنلرینه بالارائه جله سنی طاش ایتک
صورتیه غلباته باشلامش ایمش .

الده بویله برققا والتده دخی یغاس کبی برآت
تصور اولنور ایسه پرسه نک نه کبی مظفر یاته مظهر
اوله جغی ارتق وسعت خیاله حواله اولنور . مظفریات
واقعہ سی میانده الک لطیفی اندرومد نام پری چهره یی
برمهلکه عظیمه دن قورقارهرق تزوج ایتسیدرلاریس
یعنی شمذیکی یکی شهر طرفلرنده عمومی مسابقت اویونلرینه
کیدرک خطا قائن یدرینی اعدام ایلدیکندن انکیرینه
ارغوس قرالی انتخاب اولنوب میسه نس شهرینی
تأسیس ایلشدرکه مورخلر بوتأسیسی میلاددن ۱۳۹۷
سنه مقدم اولق اوزره قید ایدرلر . پرسه یی بعد وفاته
کویا ژوینترکوک یوزینه چکهرک کندی نامنه منسوب
اولان جمعیت ثوابته اندن تشکل ایلش ایمش .

الحاصل هربری ایشته بوبالده روفون و پرسه وقایعی
کبی وقایع حارق العاده ایله تاریخ اساطیر الاولینی تزیین
ایلان هرکول و تهزه و ژاسون نام قهرمانلری هب

یونانستان قدیم تاریخک بودورنده کلمش اولدقلى کبی
 وقوعی میلادک ۱۳۳۰ سنه مقدمه سنده اولمق اوزره
 قید ایدیلان آرغونوتر سیاحت بحریه سی بوهنگامده
 وقوعبولمشدر که بوسیاحت یونانستاندن قره دکزه
 طوغری اجرا اولنان برکشف بحریدن عبارت اولوب
 حکایه مد کوره یه قارشدر یلان خیالات و خرافات
 برطرف ایدیلور ایسه اوزمانه قدر مرمره وبوسفور
 وباخصوص قره دکز یونانیلرک معلومی دکل ایکن
 بوصره ده کشف ایدلمش اولدیغی اکلاشیلور .

کذلک اسکی یونانیلرک درت سنه ده بر کره
 یونانستانک شمال طرفلرنده واقع اولمق طاغی جوارنده
 بالاجتماع باریش یوللو عمومی اویونلر اویناملری دخی
 تاریخ یونانینک بودورنده ایجاد اولمش ودرت سنه
 بردور اعتباریله یونانیلر سنه لرک کذرانی اشبو اولمق
 اویونلری ایله صایمغه باشلامشدر .

ینه بودورک وقوعات مهمه سندن اولمق اوزره
 مقدمه قادموس طرفندن قادمه نامیله تأسیس اولانه رق
 توسع واهمیتی تزايد ایلدیکی زمان تبس تسمیه اولنان
 وبونانستانک اک مهم حکومتلرندن بریسنه مرکز اولمق

شرفنی دخی آلان شهر اوزرینه یدی حکومتک اتفایله
ایکی دفعه شدید و مدید محاربه و قوعی توار یخده مقید
ایسه ده بو محاربه لرك وقوعلری زماننی تعیینده کلی
اختلاف کورلمکده در . نهایت تروا محاربه مشهوره سی
تاریخ یونانستان قدیمک بودورینه خاتمه چکمشدر
شویله که :

تروا دنیلان شهر کلیولی بوغازینک خارچنده
آسیا ساحلنده بر شهر جیم و قدیم اولوب الیوم خرابه-
سی بیله تمامیه میدانده دکلدر . بو شهرک حکمداری
بولنان پریامک بر طرفدن بحر سفیده و دیگر جهتدن
مرمریه طوغری توسیع حدود ایتسی ذاتاً متجاوز لر-
ینک حسدینی غنچقلا مقده ایکن برده مر قومک پاریس
نامنده کی اوغلی یونانستان پرنسدرندن هلنی قاجیر مغله
شهنشاه یونان ایا نمونک ریاستی التنده بتون یونانستان
بالاتفاق تروا اوزرینه یوریمشدر و اون سنه محاصره
و محاربه دن صکره میلاددن ۱۲۷۰ سنه مقدم بر زمانده
شهر مذکور ی بالاستیلا خاک ایله یکسان عد اولنه جق
مرتبه لرده تخریب ایشلدر . اشبو تروا مظفریتی
یونانستان قدیم تاریخنک اک مهم وقوعاتندن معدود

اولوب تاریخ مذکور ک دور خرافات قهرمانانہ سنہ
یومظفریتلہ ختام و یریلہ رک اندن صکرہ وقوعات یونانیہ
صحتہ ایچہ قریب اولوق اوزرہ قید اولنمغہ باشلامشدر .
(اونچنجی فصل)

مدیق محاربہ سنک ظہورینہ قدر

عن ۱۲۷۰ الی ۵۰۹ مقدم میلاد

تفصیل - تروا محاربہ سنک وقوعی اثنالزندہ
ہراقلید دینیلان و ہرکول نام قهرمانک اخلاف و توابعی
عد اولنان مستولیلر موردہ شبہ جزیرہ سنہ یاییلہ رق
اورادہ کی ممالکی پیدرپی یداستیلارینہ المش واصل الن
قومی ایسہ شمال طرفلرینہ طوغری ایلرولیلہ رک یونانستان
وسطیدن ماعداتسالیاجہتترینی دخی فتح و استیلایش
ایدیلر . اورالردہ کندیلرینہ قوت و متانت و یردکدن
صکرہ رئیسری اولان پلوبک اوغلاری قوماندہ سیلہ
تکرار جنوب طرفلرینہ تحویل سلاح غالبیت ایدوک
ہراقلیدلر دخی مقاومتدہ قصور ایتماکہ چالشمشدر
ایسہدہ موفق اولہ مدقلرندن تمامیلہ دوچار مغلوبیت
اولہ رق حتی شبہ جزیرہ یی ترک و فرارہ دخی مجبور
اولمشدر ایدی .

تروا مظفریتندن سکسان سنه صکره یعنی میلادک
 ۱۱۹۰ سنه مقدمه سنه طوغری هراقلیدلر الن
 اقوامندن دوریه نلرایله اتفاق ایدرک تکرار مور مشبه
 جزیره سنه هجوم ایلدکری زمان پلوب اولادومنسو-
 باتی اولان وکندیسنه نسبتله پلو پید تسمیه قلنسان
 اولکی غالبلر دخی یونیهن وئولیهن قوملری ایله
 بالاتفاق مقاومتیه قیام ایشلر ایدی . فقط بودفعه دخی
 غالبیت هراقلیدلر طرفنده قاهره رق شبه جزیره مالک
 اولمشلردر . شو محاربه لر بر زمان ایچون یونانستان
 ترقیات مدنیه دن منع ایشلر ایهده اندن صکره وقو-
 عبولان دور صلح واسایش ایچنده ترقیات مدنیه
 سرعتنی آرتدیره رق یونانیلر برطاقم ممالکه مهاجرلر
 دخی سوقیله توسیع دائره عمرانیه همت ایشلردر که
 اناطولی ساحلنده یونیا وئولیا و دوریا دینیلان و شمیدیکی
 آیدین ولایتیه منسوب محللردن عبارت اولان یرلر
 بواثنالرده معمور ایدلدیکی کبی تراس یعنی شمیدیکی
 ادرنه ولایتی طرفلرینه دخی برهیئت مهاجره کلش
 وعظیم برهیئت دخی ایتالیا نلک جنوب طرفلرینه کیدرک
 بوندن اولکی ایتالیا تاریخنده ایضاح اولندیغی اوزره

ذکر اولنان شبه جزیره نك اكثر طرفلرینه مهاجرین
یونانیه بالانتشار اورایه « یونانستان کبیر » نامی دخی
ویرلشدر . حالبوکه دیگر بر فرقه مهاجره فرانسه نك
جنوب واسپانیانك شرق ساحلرینه قدر کیدرک
فرانسه واسپانیا تاریخلرنده بیان اولندیغی اوزره
اورالرینی مهمور ایتکه باشلامشرایدی که شمیدیکی
مارسلیا شهرینك اهالیسی عن اصل جنس یونانییه
منسوب اولمسی دخی ایشته بومهاجرت قدیمه دن
قاله برشیدر .

شاعر مشهور یونانی هومر بودور ترقینك رجالندن
اولوب نشر ایلدیکی اشعار لطیفه یونانلیلرک نزاکت
اخلاقنی آرتدیرمش و اوزمانلر دینجه دخی برترقی
حصوله کلدرك شهر وقصبات جسمه دن هر بریسی
کندیلرینه مخصوص برر معبود اتخاذیه اکا طایمغی
اعتیاد ایلشدر .

ینه بودورک ترقیاتندن اولق اوزره ۸۹۸ سنه
مقدمه سنه طوغری اسپارته ده لیکورخ توره یوب
اسپارترلک انتظامات قدیمه سنی بعض قوانین جدیده
ایله تأیید ایلشدر . یونانستانك هر طرفنده اوزمانه قدر

قراللق صورتیله اداره اولنان حکومت صغیره بر
 بر حکمدارلرینی خلع و تبعید و حتی آتیه قralی دخی
 خلع اولنه رق هر طرفده جمهوریت اعلان اولمش
 ایکن اسپارته لیلر کندی حکومت قralیه لرینی محافظه یه
 موفق اولمشلردر . اشبو جاهیر یونانیه دن اک باشلیجه .
 لری آتیه و آرغوس و الیدوقورنت و آرقادی و مه سینی
 جمهوریتلری اولوب ۶۲۴ سنهء مقدمه سنه طوغری
 ظهوره کلان دراقون و ۵۹۰ سنهء مقدمه سنه
 طوغری اشتهار ایدن حکیم صولون آتیه قوانینی
 اصلاحه موفق اولمشلردر . برآره لق پیسیسترات
 اولادینک تحت ریاستنده بولنان واونامه منسوبیتله
 پیسیستراتید دینیلان فرقه آتیه یی تکرار بر حکومت
 قralیه صورتیه افراغ ایتمکله قالفشمشله واورته لغی
 ایچجه هرج و مرجه موفق اولمشلر ایسه ده بونلرک
 مخالفی بولنان فرقه ۵۰۹ سنهء مقدمه سنه غالب
 کلهرک جله سنی آتیه دن اخراج و طرد ایتمشلردر .
 ایشته پیسیستراتیدلرک بو صورتله آتیه دن طرد
 و اخراجلری دخی یونان تاریخنک بودورینه خاتمه اتخاز
 اولنه رق بوندن صکره کی دورک اقدام اعظم و قوعاتی

ایسه مدیق محاربه سی عد اولنور که بروجه آتی دردنجی
فصلزده ایضا حاتنه کیریشیلور .

(دردنجی فصل)

مدیق محاربه سندن اسپار تلوک آتیه یی استیلا سنه قدر

عن ۵۰۹ الی ۴۰۴ مقدم میلاد

تفصیل - فرس قدیم دولتی میدیا دینلان قطعه
قدیمه ممالکی استیلا ایلد کدن صکره بونامه نسبتله
میدیا حکومتی تسمیه اولمش و بو سببه مبنی فرس قدیم
ایله یونان ارمه سنده وقوعه کلان اوج محاربه یه یونان
تاریخنده مدیق محاربه سی تسمیه قلمشد .

محاربه نک سبب وقوعی داریوس یعنی دارا نام
فرس قدیم حکمدارینک بتون اناطولی یی استیلا یه
چیقدیغی زمان اق دکزک اناطولی ساحلی اوزرنده
واقع یونان ممالککنه آتیه طرفندن کوندریلان معاونتدن
طولایی فرس قوماندانلرینک آتیه یی دخی ضبطه قیام
ایتملندن نشئت ایلش ایدی . بناء علیه فرس یونیا
حکومت یونانیه سنی تحت اطاعته الدقندن صکره بحرأ
عظیم بردونما سوق ایلد کیری کبی برأ تراس یعنی
ادرنه ولایتی طریقله برده عظیم اردو سوق ایلشلم

ایدی . انجق ذکر اولنان دونما مدهش بر فورتنه
تصادفله آینه روز طاغی پیشگاهنده پراکنده و پریشان
محو و نابود اولدیغی کبی اردو دخی تراس قطعه سنده
کیردکده بر کجه اهالی ولایت بغته اردویی باصوب
پریشان ویغما ایشلردر . بو وقعه ۴۹۲ سنه مقدمه .
سنه وقعه کلوب اندن ایکی سنه صکره یعنی ۴۹۰
سنه سنده داتیس و آرتاقزن نام فرس سردارلری اوج
یوز بیک آدمدن مرکب بر اردویی تایوانستان ایچنه
قدر سوق ایدرک آتیق قطعه سنی استیلایه قدر موفق
اولشلر ایسه ده میلتیاد نام اتنه سرداری مراتون
صحرای مشهورنده بو اردویی بالنسبه از بر عسکر ایله
قارشولیه رق بر مغلوبیت رذیلانه ده دوچار ایشلدر .
محاربه نک قسم اولی بو صورتله ختامه رسیدیه او-
لدقندن اون سنه صکره یعنی ۴۸۰ سنه مقدمه سنده
دارانک اوغلی قسرقس دها بیوک بر اردویی تراس
وماکدونیا واپیر و تسالیا اوزرندن یونانستانه سوق
ایدرک ممالک مذکوریه یی کاهلا تحت استیلایه
الیدیغی کبی لئونیداس نام یونان سرداری تسالیا
ایله یونانستان ارسنده کی یکیدلری قوه عظیمه ایله

مدافعه‌یه کیمش ایسه ده قرسس لر لئونیداسک مدافعه
 قهرمانانه سنی دخی دفع ایدوب درون یونانستانه کیر -
 مشر واک مشهور شهرلری ونهایت اتنه یی یغما و احراق
 ایشلردر . انجق مستوقلس نام دیکر بر سردار ساللا -
 مین صحراسنده عجمله قارشو بر مظفریت عظیمه یه
 نائل اولدیخی کی لئوتیشید و قسانیب نام سردار لر
 دخی میقال نام محمله عجم دوتناسنی محوایدرك
 و پوسانیاس و سیمون نام سردار لر دخی عجمله کوز
 اچدیرمیه رق بناء علیه فرس سردارلری همان بر مصلا -
 له نامه عقدیله علی جناح الاستعجال فراره مجبور
 اولشلردر .

مدیق محاربه سنک اوچنجی قسمی ۴۵۰ سنه مقد -
 مه سنده وقوعه کلوب بود دفعه سردار یونان سیمون
 عجمله قارشو تعرضه باشلا یه رق قبریس اطه سنی
 فتح ایله حرکات مظفرانه سنده دوام ایدر ایکن وفاتی وقو -
 عبولش ایسه ده هر حالده یونانستان ایچون غالبانه بر
 معاهده عقدینه موفق اوله رق بو معاهده اقتضاسیجه
 اوروپا و آسیا قطعده لرنده بولنان یونان ممالکی تسلط
 اعجابندن قورتلشدر .

مدیق محاربه سنک اندفاعندن صکره یونانستانده
 فنون و صنایع ترقیه باشلایه رق اسیل و صوفوقل
 و اورپیید تیاترونک تراژددی قسمنده پک زیاده ترقیات
 ایله نام و شان قزائمشلر و اریستوفان و سائر دخی قومدیا
 قسمنده بونلره پیرواومشلر ایسه ده بوذاتلراویله اراذل
 ناسدن اورته او یونجیلری اولیوب هربری یونانستانک
 اعظم کبارندن ایدیلر . ابوالسار یخ عنوانی الان
 هرودوت و توسیدید فن تاریخی مجدداً تأسیس ایتدکلی
 کبی حکمدان تالس و ده موقریت و فیثاغور و پارمنیت
 و هراقلیت و اناقساغور دخی فیلسوفینک مسالک
 متنوعه سنی وضع و تأسیس ایلیه رک یونانستانه مدینه
 الحکما نامنی قزاندرمشلردر . هـ سقراط وانک
 شاگردانی اولان فلاطون و ارسطو فیلسوفیدن ماعدا
 دیگر برچوق فنونک دخی تأسیس و توسیعنده بر بهره
 عظیمه اثری کوسترمشلردر که مؤخرأ عادتا بالجمله ملل
 ایچون اساس فنونک بوذوات عظام طرفندن تأسیسنه
 کمال حس منتداری ایله تشکر ایدلمسی ضرورت تحتنه
 کیرمشدلر . ینه بودور ترقی ایچنده بقراط حکیم فن
 طبی تأسیس ایدوب هیکل تراش فیدیاس دخی بتون

یونانستان معبد لرینی اثار نفیسه سیله تزین المشدركه
 اثار مذ كوره دن بعضیلری شمیدی عنقیقه خانه لرده
 تماشا ایدلد كچه طبیعیاته صورت تقلیدی ولطافت
 اعمال و تراشی عقلاره حیرت ویرمكده بولمشدركه . ینه
 بومشاهیر میانده پریقلس سیاستكارلق ایله خطابتده
 معلم اول عد اولمغه سزا كور یله جك قدر مهارت
 كوستروب آتنده او توز سنه مدت سوردیكى حكومت
 حسن سیاست امرنده بر نمونه اتخاذه شایاندر .

ایمدی یونانستان ترقیات مادیه و معنویه سنی شو
 درجه کماله ایصال ایله برابر دركات زوالی دخی تعقیب
 ایلیه رك آتته ایله اسپارته اره سنده ظهوره كلان بر رقابت
 فاجعه بوا یکی حكومتی یكدیكر یله محاربه یه دوشور مش
 وعن ۴۳۱ الى ۴۰۴ یكرهی یدی سنه مدت دوام
 ایلیان محاربات شدیدده او قدر مصادمات فاجعه
 وقوعه كلمشدركه ازمنه اخیرده بیله الك بیوك محرر لر
 الك شهرتلی اثار ایچون سرمایه زمین اولمشدركه محاربات
 مذ كوره ده آلسیبیاد ونیسیاس و قلقون و براسیداس
 ولیساندر نام سردار لر پك بیوك یرارلقلر كوستررك
 اسپارته لیلك نام وشانی اعلا المشر ایدی . نهایت

آئنه شهری ۴۰۴ سنه مقدمه سنده اسپارته لیلر آیدینه
چشمش و بو حالدیه یونانستانک هر طرفی اسپارته قو ایندینه
تبعیه بر نوع خرج کذار اولمش قالمشدر .

(بشنجی فصل)

اسکندر کبیرک ظهورینه قدر

عن ۴۰۴ الی ۳۳۶ مقدم

تفصیل - یوقاروکی فصلاک نهایتنده بیان
اولندیغی اوزره آئنه اسپارته لیلرک تحت تحکم و تغلبورینه
کیردیک زمان مستولیلر کندیلری طرفندن آئنه یه
« اوتوز ظالم » عنوانیه اوتوز نفر حاکم نصب
ایتمشرایدی که بتون امور حکومت بونلرک رأی وامری
ایله کوریلورایدی . ذکر اولنان اوتوز نفر حکام
اغلبی لاسه ده مون اهالیسندن اولوب ایچلرندن
یالکز برقچ دانه سی آئنه لیلر دن النمش و فقط بونلرک
حکملری هیچ بر مرتبه سنده بولنمش ایدی .

آئنه لیلر هنوز استقلال تاملرینه نائل ایکن
مقاومت آیدمه دکاری بر دشمن غالبک بویله اوتوز نفر
ظالمرو واسطه سیله کندیلرینی تحت رعیته الملرینی
پردرلو چکه مدکری کبی فی الواقع انلرک دخی سوء

استعمالاتی آرتدیرملری اوزرینه برسنه صکره هرچه
 بادابادی کوزه الدیره رق عموماً قیام وعصیان ایتشلر
 وظلمه مرقومه بی آنه دن طرد وتبعید ایتشلر ایدی .
 مع هذا یونانیر اسپارته علیه نه اقامه ایدیلان بو
 قیامده ثبات ومتانت کوسترلیه جک اولورسه بالاخره
 اسپارته لیلرک شدت انتقامرینه دوچار اوله جقلرینی
 کوزه الدیره رق عمومی حبل اتفاق واتحاد ایله
 باغلاندیلر . بووقعه ده قونور وایفیرات قابریاس
 آنه لیلره ریاست ایله بونلرک اولکی تفوقلرینی اعاده یه
 همت ایتشلر ایدی . حالبوکه دیگر جهتدن پلو پیداس
 نام رئیس دخی اسپارته لیلرک تبس شهرنده کی
 عساکر مستحفظه سنی اورادن طرد و دفع ایتکه
 موفق اولدیغی کی ایامینونداس نامنده دیگر بر سردار
 دخی ۳۷۱ سنه مقدمه سنده اسپارته بی تضییقه
 باشلامش ونهایت اوراسنی استیلا و بئوتیا حکومتنه
 ربط والحاق ایله بئوتیا نامنک شان وشرفنی عیوقه
 چیقارمشدر . شوقدرکه وطنی ایچون قازانمش
 اولدیغی بوشان وشرف انجق کندیسيله قائم اوله رق
 ۳۶۳ سنه مقدمه مرقوم مانتینه نام محله اوله بر مغلوبیتنه

دوچار اولمشیدی که اوزمانه قدر قازاندیغی شان و شرف
دخی کندیسيله برابر محو اولوب کیتش ایدی .

بوندن صکره یونانستان برده محاربات مقدسه
دینلان مشاغل حربیه ايله اشتغاله باشلادی . محاربه
مذکوره نك سببی ۳۵۵ سنه مقدمه سنده فوسه
اهالیسنك مشهور دلف عبادتخاسنی یغما ایتسی
قضیه سی اولوب شو تعرض اوزمان ما کدونیا حکمداری
بولنان و مشهور اسکندر کبیرك باباسی اولان فلیسه
یونانستانه تحکم ایچون برفرست آچدی . مؤخرأ
یونان مورخلری ما کدونیا یی دخی یونانستاندن عد
ایلمشیر ایسه ده بونلرک عن اصل یونانی اولدقلری
ایشته بو عصره کأنجه یه قدر یونان تار یخنده داخل
بولمقدقلری و بو عصرده ایسه یونانستانك اعداسی
و مستولیلری صفتیه میدانه چیقمش بولملری ايله
مستدلدر . ما کدونیا لیلرک عن اصل ارناود اولدقلری
دعواسنده بولنان بعض مؤرخین جدیده نك ا دعاری
طوغری یه ده از یاده قریبدر .

هرنه ایسه فلیب یونانستانك کوچك بیوک هر بر
امورینه مداخله ایتکه باشلا یوب اگر یونانیلر اسپارته

عایهنه اولدیغی کبی فلیب علیهنه دخی بالاتفاق
و بالاتحاد مقاومت کوسترمش اولسه لرایدی کندیلرینی
قورتاره جقلرینه هیچ شبهه یوق ایدی . فقط بونلر
اتفاقه بدل شقاق و نفاقه دوچار اوله رق فلیبه دهسا
زیاده میدان آچش اولدقلرندن فلیب دخی بوفرستی
غنیمت بیلهرک عظیم براردو ایله یونانستان اوزرینه
یوکلنش ودموستن نام بلیغک خلقی تشویق و تشجیعی
ثمره سیله آتنه لیلر ایچمه مقاومت انیشلرایسه ده ما کدونیا
عساکرینک قوتی غالب کله رک بودفعه دخی عموم
یونانستان ما کدونیا نیک مغلوب و محکومی اولمشدر .

یونانستانک فلیبه مغلوبیتی ۳۳۸ سنه مقدمه .

سنده که رونه نام محله غیب ایلدکاری محاربه اوزرینه
وقوعه کلوب اندن صکره فلیبک وفاتیه یرینه اوغلی
اسکندر کبیرک هنوز کنج ایکن حکمدار اولسی
برارهلق یونانلرک امیدلرینی قوتلندیردیکندن بونلر
اسکندر کبیره قارشو شدتلی بر عصیان چیقارمشلرایسه ده
حکمدار مومی الیهک کنجلیکی یالکز قوت وجلادتنی
ارتدیرمق کبی بر اثر کوستروب یوقسه تدابیر عسکریه
وملکیه ده پک چوق پیرلره درس مهارت ویره جک

قدر مکمل بر حکمدار اولدیغندن یونانیلرک عصیانلری
 برطرف ایدلد کدن ماعدا اسکندر کبیر ما کدونیا
 و یونانستانی برلشدیروب ایکیسنک قوهء مجتمعه سیله
 اشاغیکی بابده کوریه جک فتوحات جهانگیرانه میدانه
 دخی کیرمشدر . یونانستانک ابتدای احوالندن
 بو صورتله ما کدونیا استیلاسی الشه کیردیکی زمانه
 قدر اولان احوال تار یخیده سی همان مستقلاً کندی
 تاریخی دیمک اولوب بوندن صکره ایسه ما کدونیا
 ایله مشترک بر تاریخ دیمک اوله جغندن اوقسمی قسم
 اولدن بالتفریق بر باب مستقل صورتده یازمغی ترجیح
 ایلدک .

✽ ایکنجی باب ✽

یونانستان قدیم تار یخنک قسم ثانیه سی

عن ۳۳۶ الی ۱۴۶ مقدم

(برنجی فصل)

اسکندر کبیر

عن ۳۳۶ الی ۲۸۴

تفصیل - اسکندر کبیر بعض شرقیون نزدنده

یونانستانک اساطیر و خرافات اولین ار باندن کبی

بر صورت له تلقی اولنور ایسه ده حکمدار مومی الیه
یونانستانک ارتق دور تاریخه کرکی کبی کیرمش اولان
برزمانی رجالندن اولوب باخصوص هر طرفه ظهور
ایدن اثار عتیقه سی تاریخ اسکندر کبیرک فقراتی ایچون
عرض شهادت ایلد کارندن تاریخک حکمدار مومی الیه
حقنده و یردیکی معلومات عادتاً معلومات صحیحه دن
اولق اوزره تلقی اولنور .

مومی الیه ما کدونیا قرالی فلیبک صلبندن و اولیمپاس
نام زوجه سنک رجندن پللا شهرنده ۳۵۶ سنه مقدمه -
سنده دنیا به کله وک ارسطو نام حکیم کنج پر نسک تعلیم
و تربیه سنه مأمور اولمشیدی . بر زمان نصل بر حکمدار
جهانگیر اوله جفی دها چو جخلق زماننده کی خصو -
صیت احوالندن اکلا شیلور ایدی . زیرا شاعر قدیم
یونانی هو مرک اثار نفیسه سنه مراق ایدرک شاعرک تصور
و تجسیم ایلدیکی خرافات اولین قهرمانلرینک حال و طور لر -
ینی بکنوب از جمله آشیل نام قهرمانی هر حالده تقلیده
چالشور ایدی . مع هذا کوچی قوتی دخی بو تقلیده یاردم
ایلر ایدی . زیرا علوم و فنون موجوده الیه قوه
ذکاسنی تقویه ایلدیکی کبی انواع ریاضت بدنیه الیه

دخی وجودینی تقویه ایدرک او قدر قوت بدنه نائل
اولمشیدی که « پوسه فال » دیه همان رجال تاریخیه
درجه سنده شهرت الان آته هیچ برکسه بنمکه مقتدر
اوله مدیغی حالده اسکندر کبیر قوت بازوسی ايله
بوآتی ضبط ایدرک بنمکه موفق اولمشد .

اوزمان اسکندر هنوز ارکاک عد اولنه میه جق
برچو جوق ایدی . زیرالندن صکره پدیری بیرانس
و یونانستان اوزرینه محاربه یه کیدوبده کندیسینی
قرال قائممقامی براقدیغی زمان اسکندر هنوز اون
التی یاشنده بولنه رق بونکله برابر قبائل متجاورهدن
برقاچنی اوروب تحت اطاعته المق و پدیرینک تریبال
اهالیسنه قارشو آچدیغی برمحاربه ده حیاتی بيله
تهلکه یه دوچار اولمش ایکن باباسنک جانی قورتارمق
و یوقاروکی فصلک نهایتنده خرویریلان کهرونه
غالبیت قطعیه سنی پدیرینه کندیسینی قازانیرمق کبی
موفقیات عظیمه ايله جمله نک انظار تحسیننی قازانمش
ایدی .

۳۳۶ سنه میلادیه سنده پدیرینک صندالی
حکومتنه جلوس ایلدیکی زمان هنوز یکرمی یاشنده

بر جوان اولوب یونانیلر بویله یکر می یاشنده کی
 بر چوجغاك قومانده سنه تابع اولان اردو بی پك
 قولایلقله پریشان ایده جکری امیدیه عصیان
 قالمش ایسه لوده اسکندر ییلدیرم کبی بر شدله اعدا
 اوزرینه صالدیره رق هجوم ایله ضبط ایلدیکی تبس
 شهرینی احراق بالنار ایدنجیه آتله یلرک عقلاری
 باشلندن کیدوب دها طوغریسی عقلاری باشلرینه
 کلوب امانه دوشمشلر ایدی • بناء علیه اسکندر
 آتله بی تخریب ایتدی •

تاریخك بو عصرلرنده فرس قدیمك حکمی بتون
 اناطولی و سوریه و مصره طوغری تعمم ایلش و اسکندر
 کبیر ایسه عجملردن زیاده یونانیلرک استیلای عالمه
 مستعد اولدقلری دعواسنه قیام ایتش اولدیغندن بتون
 یونانستان و ماکدونیاك مجموع قوای حربیه سنی جمع
 ایلدی که مقداری اوتوز بیك پیاده ایله بشییک دخی
 بارکیره بالغ اولدی • بو عسکره کنیدیسی باش
 قوماندان اوله رق ۳۳۴ سنه مقدمه سنده اناطولی یه
 چکوب فرس قدیم شاهی دارانك عسکرینی اناطولی
 اوزرنده زبون و پریشان ایتکله اناطولینك قسم
 اعظم شمالیسی امکندرک ید ضبطنه کیردی •

اسکندر هر نرہیہ او غرار ایسہ بر مقدار عسکر
 براقہ رق و براقہ دیغی قدر آدمی دخی او محلدن الہرق
 چکوب ایلرولر ایش . بو صورتکہ سورہیہ طوغری
 ایلرولہ مکدن کندیسنی شیج بر قوت منع ایده میوب
 برارالق تری تری نرہ کیرمش یقائمش اولسی حبیبیلہ
 شدتلی برخستہ لکہ دوچار اولہرق پک آز بر زمان
 ایچون حرکت عسکر یہ سنی تعطیل ایش ایسہ دہ برؤ
 تام کسب ایدر ایتز تکرار حرکتہ کلہ رک ۳۳۳ سنہ
 میلادیہ سندہ میلہسیا نام محلمدہ عجم اردوسنی بر دہا
 بوزمش ایدی . بو محار بہ دہ دارا بتون فامیلیاسی
 خلقملہ اسکندرہ اسیر اولمش ایسہ دہ اسکندر دارانک
 سبیلنی تخلیہ ایدرک حقندہ معاملہ دنوازی وجوانمر
 دی بی دخی دریغ ایتامشدر . اندن صکرہ اسکندر
 سورہیہ ایچنہ طالب سواحل اوزرنده بولنان مملکتلری
 بر بر محاصرہ ایلہ فتح ایدرک مصرہ وارمش واورادہ
 اسکندر یہ شہر ینک اساسنی وضع ایدرک بعدہ حبش
 ایچلر ینہ طوغری دخی عزیمتلہ کندیسنی ژوپتر
 نام معبود اعظمک اوغلی اولق اوزرہ اعلان
 ایتدیرمشدر .

ایران اوزرینه باشلامش اولان بر حرکت عسکریه ده
 بویه یولنی مصره صایتمقدن مقصد نه اولدیغی تاریخیجه
 دوشونیه جک بر قضیه اولوب بومقصد ایسه اوارهلق
 مصره دخی فرسه تابع اولمسندن واوراده بر عجم اردو-
 سی بولمسندن ناشی اسکندر شاید شرقه طوغری
 حرکته دوام ایده جک اولورسه مصره و سوریه
 طرفلرنده بولنان عجم اردولرینک کندی خط رجعتنه
 دوشه رک بالاخره عظیم بر بوزغونلق و یردیره جکی
 درکار اولمسندن طولانی ایشته مجرد بوتهلکه یی بر طرف
 ایتک ایچون اولمیدر . حتی اورایه امان و یرمی دخی
 کندیمی سوریه و مصر طرفلرنده مشغول ایکن
 دارانک ارقه طرفدن یوکه نوب تضییق ایتامسی ایچون
 برجیله مجبوره اولدیغی وارد خاطر اولور . زیرا
 سوریه و مصر فتوحاتی اکیال ایلد کدن صکره
 اسکندر کبیر دارا ایله اریل نام محمله برده اچارپشه رق
 بودفعه کی بوزغونلقده دارا کرک خطاء و کرک عمد اقل
 دخی اولمش و بناء علیه بتون فرس و مدیا ممالکی
 اسکندر انتقال المشر .

شو مظفریت عظیمه اوزرینه اسکندر کبیر برالای والا

ترتیب ایلپه راک بابلون شهرینه کیرمش واندن دخی
 پرسه پولیس نام دیگر اصطخر شهر قدیم و جسمینه توجیه
 عنان عزیمت ایلپه راک شهر مذ کورده فرس قدیم
 شاهلرینک مرای عالیسنی بر سر خوشلق نقشه سیاه
 احراق بالنار ایشدر . فتوحاتک بودرجه سی دخی
 اسکندرک هوس جهانگیرانه سنی مطمئن ایده دنیکندن
 شمذیکی افغانستان ایل بلوچستانی کچوب هند اوزرینه
 دخی وارمش وائشای راهده سیت دینلان اقوام
 وحشیه یی کاملاً پریشان ایلدیکی کی ۳۲۷ سنه
 مقدمه سنده بتون هندستانی ده فتح ایلک عزمنه قوت
 ویرمش ایسه ده معیتنده بولنان اردو ده ایلرویه
 وارمقدن اباء و امتناع ایلدیکی جهتمله اسکندر بابلونه
 قدر عودت ایشدر .

اردونک بوا امتناعنه یالکز یوللرک اوزاقلغی سبب
 اولدیغی تسلیم اولنه من . اوزمانه قدر اسکندر کبیر
 معیتنده بولنان سردار ورؤساو اغراده هب ارقداش
 معامله سی ایدر وکسه یه عنقله معامله کوسترمز ایکن
 بس بلای جهانگیر لکک ویردیکی کبر و غرور اوزرینه
 برقاق کسه یی قتل و اعدام ایلدیکندن وشو حال

اردو وجه کندی حقنده کی توجهی ازالتدیغندن قریباً
ظن اولنور که سردار لر کندی حیاتلرندن امین اوله مد-
قلری ایچون دهایلرویه وارمغه جسامت ایله مامشلردر •
حتی اسیا حکمدارلرنده کوریلان افعال زوق و صفایه
اسکندر کبر دخی تمامیه قایله رق قادیلر ایله عیش
ونوشه اوقدر قویولش ایدی که ۳۲۳ سنه مقدمه سنده
هنوز اوتوز اوچ یاشنده برابا یکیت ایکن وقوع
وفاتی بعض مورخلر ایچکی وجاعده افراطنه حل
ایدر لر • بعضلری ایسه اثر تسمیم اولق اوزره وفات
ایلدیکی ظنده بولنور لر •

بونا ذات حرکت جهانگیرانه یه مجرد تخریب عالم
واسترقاق ام ایچون چیمیموب بلکه مدنیت یونانیه بی
بتون ابنای بشر میانسه بالتعمیم جهانی معمور ایتکه
چیممش ایدی • بوسبیه مبنی ایدی که هیچ بر طرفه
کرک کندیسنک و کرک جنراللرینک معامله غدر و ظلی
ایله اهالی مغلو به میاننده عصیانلر ظهوره کلیوب مجدداً
بنا ایلدیکی ممالک ایسه یتش عددی یکممش ایدی •
معینده بولنان اوتوز یک یونان عسکرندن یالکز بود
نقری فتح ایلدیکی شهر و قراوقصباته بکجی براقسه ینه

کفایت ایده میه جکی در کار در ، حالو که هر نر هیه و اردی
ایسه تکثیر قوت ایلیدرک عسکر ینک مقدار ینی کیتد بجه
آرتدیرر ایدی . همله حکمدار مشار الیهک بو حرکت
جهانگیرانه سندن فنون موجوده جده حصوله کنان
رقی پک همدرد . مصیتنده بر چوق علماو حکماء وجود
اوله رقی بوناز جنرافیا و تاریخ فسلرندن ماعددا علم
حیوانات و نباتات و وقتیه کادانیر یدنده بولنان علوم
فدکیه و سائر هجه معنوماتر ینی آرتدیر مشر و یونانستانه
عودت ایلدکاری زمان یکی کتابلر تألیفیه معارفی
توسیع ایشلردر .

اسکندر وفات ایلدیکی زمان دارانک قری اولوب
مستفر شه سی اولان رخسان کبه اولمسیله اندن براوغلی
تولد ایدرک امنه اسکندر اکو تسمیه قلنش ایسه ده
اسکندرک جنرالرندن قساندر بوصبی بی در حال اعداد
انیشیدی . زیر اسکندر حین وفاتنده کسی بی کندیسنه
ولی عهد اولمق اوزره تعیین ایتدیکنندن و بلکه جنرالاری
میاند هانکیسی الیق ایسه انک حکمدار اولمسی کبی
اوکی آچیق بروصیتده بولنوب جنرالر ینک هر بری دخی
انک یکیت والیق کندیسی اولدیغی دعواسنه قیام

ایلدیکنندن بونلر ممالک موجوده یی کندی اره لرده
 تقسیمه قویمش ایدیلر . بو تقسیمدن آسیا اوزرته
 برطاق حکومت جدیده ظهوره ککشد که آسیایه
 مخصوص بولنان و انشااه کائنات مرکز قسم اولیسنی تشکیل
 ایدن شو اورو پا قسیمدن صکره قسم ثانیه سی تشکیل
 ایلیه حاک اولان آسیا تاریخیلری میاننده ایضاحات
 لازمه سی و یر یله جکدر . اسکندرک وفاتندن صکره
 اصل یونانستان احوالنه ککجه :

جهانگیرک وفاتندن صکره یونانستان ارتق اسکندر
 تسلیم ایش اولدیغی زمام استقلال و اختیار یی تکرار
 اله کچیره جکی امیدینه دوشدرک دموستنک تشو یقیله
 تدارکات لازمه سی بالا کمال هر ظهوراته مقاومت انتظار
 نده ایکن برده اسکندرک آسیا سفرینه حین عزیمتده
 ماکدونیا و یونانستانه والی اولمق اوزره ترک ایش
 و براره لک اسکندرک والده سی طرفندن عزلنه یورو نلش
 اولان آنتیپاتر سائر جزائر میاننده تقسیم اولنان ممالک
 اسکندر یه دن یونانستان کندی حصه سنه اصابت
 ایلدیکی بیانیله میدان ادعایه حقیقه ککشیدی . یونانلیلر
 ولانجه قوتلر یله مرقومک اوزرینه صالدر مرق

برابر هلق ۳۲۳ سنه ميلاديه سنده لام بانام محملده انتيپاتري
 بوز مشلر و تحت محاصره يه المشلر ايديسه ده بر سنه صكره
 قرانون نام محملده انتيپاتر آتته ليلري مغلوب يت شنيعه يه
 دوچار ايتسييله بتون يونانستانى تحت رعيتته المشدر .
 ۳۲۰ سنهء مقدمه سنده انتيپاترك وقوع وفاتى
 اوزرينه اسكندر ك جنرال لردن قساندر يونانستانه
 صالديروب بودفعه دخى يونانليلر انك بار رعيتنى
 چكمشلر ونهايت آتتيغونه مغلوب اولمشلر ايدي .
 يونانيلرك بودرجه لره قدر ضعف ومغلوبيته دوچار
 اولملىنه سبب كندى اختلافات داخليله لرى اولمسييله
 شو اختلافى اورته دن قالديرمق ايچون « آشه نه
 هيئت اتحاديه سى » ناميله برهيئت اتحاديه تشكيلنه
 موفق اولديلر كه بروجده آتى ايكنجى فصلزده ايصاح
 اولنور .

(ايكنجى فصل)

آشه نه هيئت اتحاديه سى

عن ۲۸۴ الى ۲۱۶ مقدم ميلاد

تفصيل - يونانيلرك خارجى مسئوليلر ينده كى

مغلوبيتلىرى محضاً كنديلرى ارسنده اتفاق بولناماقدن

نشأت ایلدیکنی ان اول آشه نهن دینلان اهاالی تحظر
ایلمش ایسه ده اتفاق مزله سبب دخی کویا دشمنه بالمقابله
غالبیت حصوله کلدیکی زمان بونک شان و شرفی کجه
عائد اوله جغی دعواسندن عبارت بولمغله بو حالده
بر اتفاق حصولی ایچون اول باول لازم کلان شی
بر حواله انتخابندن عبارت قالدیغی در پیش قلمش
ایدی . بونک اوزرینه عموم آشه نهنلر بر جمعیت عقد
ایدرک ایچلرندن بر رئیس انتخاب ایتکه و ارتق اورئیسک
شان و شرفه هیچ بر کسه طرفندن غبطه ایدلیه رک
هر نه امر و اشارت ایلر ایسه عموماً اطاعت ایدلمکه
قرار و یر یلوب بوصورتله وجوده کتور یلان هیئته
« آشه نهن هیئت اتحادیه سی » نامی و یرلمش و بر قاج
سنه خفياً اتمام تهیات ایلدکدن صکره ۲۸۰ سنه
مقدمه سنده هپسی بردن ما کدونیا حکومت مستولیه سی
علیهنه قیام ایتش ایدی .

فی الحقیقه متفقاً ایدیلان حرکت کندی متشبثلرینی
نائل غلبه و مظفریت ایتکه هیئت مذکورده ما کدونیا
لیلرک تسلط و تحکمندن قورتلری اوزرینه اطراف
و جواردن دها بر چوق بمالک دخی اشبو اتفاقه داخل

اولشتر و بوصورتله قوت جمعیتی آر تدر مشلر ایدی .
 بو حالده هیئت اتحادیه بر نوع حکومت متحده صورتی
 و یر یله رک « مغالو بولیس » یعنی بیوک شهر نامیده
 مجدداتأسیس اولنان بر شهری کندیلرینه مرکز حکومت
 اتخاذ ایشلر ایدی . الحاصل هیئت اتحادیه بتون
 موره شبهه جزیره سی اوزرنده کی مملکتلری دائرة
 اتفاقه المق صورتیله کیمدیکجه قوت و نفوذینی ارتدیرمغه
 باشلامش ايسه ده بو حالده دخی دیگر بر هیئت اتحادیه
 بوکامخالق چیمه رق همت متحده مدافعه کاری بی
 نهایت نتیجه سز بر افعه سبب اولشدر . شویله که :
 اتولیا اهالیسی اسکندر کبیرک وفاتندن صکره
 یونانستانی تحت محکومیه المده چالیشان قراتروانتیپاتر
 کی مسئولیره قارشو کندی حقوق واستقلاللرینی
 مدافعه یه چالشمش ايسه ده مؤخرأ انتیغونه کلنجه انکله
 اتفاق ایدرک یونانستان غربی بی کندی استیلاری التنه
 آلمق طمعنه دو شمشلر ایدی . بو حالده تشکیل ایلدکاری هیئت
 اتحادیه مسه نیا و اقرا نیا والید طرفلرینی دخی ادخال
 ایلیرک آشه نه هیئت متحده سیله محاربه یه قالفشملر
 ایدی . انتیغونک وفاتندن صکره بونلر متفقلرینی غائب

ایلدیلر ایسه ده بتون یونانستانی کندی استیلاری التنه
المق حر صندن واز یکمیوب ارتق آشه نه نر ایله محاربه
متمماده یه قو یولدیله .

بو محاربه میلادک ۲۲۰ سنه مقدمه سندن ۲۱۷ سنه
مقدمه سنه قدر دوام ایدرک براره لق آشه نه نر ما کدونیا
قرانی طرفندن دخی مظهر مظاهرت اولغله اتولیه نره
غلبه ایلدیله . حالو که اتولیه نر دخی کرک آشه نه نردن
و کرک ما کدونیا لیردن انتقام المق ایچون رومالیردن
استمداده قالشیدیله . بوزمانلر رومالیر تمام دور جهها -
نکیرانه لرینک ابدالرنده بولندقلری ایچون وقوع بولان
استمدادی جانلرینه منت بیلرک اتولیه نرک امدادلرینه
قوشمشلر ایدی که شو حال رومالیر ایچون یونانستان
فتح عمومیسنک ایلک وسیله سی اولمشیدی . انجق
اتولیه نر رومالیره کلی معاوضتله برخیلی مظفریتلر
قازاندرقدن صکره بونلرک کندیلرینه مددرس دکل
عادتا یونانستانی استیلایه کلش برنوع دشمن اولدقلرینی
کورهرک استمدادلرندن نادم و پشمان اولدیله . بناء
علیه بو کره دخی انطاکیه ده حکومت سورن آنتیو -
کوسین استمداده قالشیدیله ایسه ده ارتق رومالیر

بر کره یونانستانک استیلاسی عزم ایدنمش اولدقنندن
 متفقرینک کندیلرندن یوز چو یرملری اوزرینه انلر
 یونانستان استیلاسی ایچون حرکات عسکرینه دن یوز
 چو یرمدیلر . ایشته مجرد تفرقه و نفاق یونانستانک
 بالاخره روما دولتی طرفندن بالاستیلا روما رعیتی
 اتنه کیرمسی انتاج ایتدی که تاریخ یونانک بوقسمی
 دخی بروجده اتی اوچنجی فصلزده ایضاح اولنور .

(اوچنجی فصل)

یونانک روما استیلاسی اتنه کیرمسی

عن ۲۱۶ الی ۱۴۶ مقدم میلاد

تفصیل - اتولیه نلرک روما لیری ایلک دعوتنری
 اوزرینه روما لیرک ایلک کیردکاری و همان تحت
 اداره لرینه الهرق بردها یونانستان اجزاسندن عد
 ایتدکاری رایلیری یعنی شمذیکی ارنادولق طرفلری
 اولوب بورالری میلادک ۲۲۹ سنهء مقدمه سنده روما
 ممالکنه ربط والحاق اولمشیدی . اندن صکره
 اتولیه نلر آنتیوکوس ایله بالاتفق روما لیر علیهنه مقاومت
 ایتکه قیام ایلدکاری زمان روما لیر دخی سلاح فتح
 واستیلا بی یونلر علیهنه حصر ایدرک ۱۹۰ سنهء

مقدمه سنه قدر بتون اتولیا ممالکنی ممالک متفقہ
و ملحقہ سیلہ برابر ضبط و کندی ملکارتنه الحاق و ربط
ایلدیلر .

بو حالده ما کدونیا واپیر حکومتلری بو کیدیشله
بتون یونانستانک رومارعیتی التنه کیره جکنی اکلایه .
رق بالاتفاق رومالیرہ مقاومتہ ابتدار ایلشیر و فی الواقع
برخیلی سنه لر غلبات متابعیه دخی مظهر اولمشیر
ایسده اتفاقلری اویله متین و متمادی برشی اولمديغندن
۱۶۱۸ سنه میلادیه سنه طوغری مدافعه اعداده
ارتق عاجز قاله رق کندی مملکتلری دخی رومارملکنه
منضم اولمشیر .

رومالیر یونانلیلری بالکلیه کندیلرندن توحیش
ایتمامک و باخصوص فتح اولسان ممالک ایله هنوز
دردست فتح و استیلا بولنان ممالکک بالاتفاق برعصیان
چیقارملرینی منع ایلک ایچون اولاکیر دکاری یرلرک
اهالیسنه اصلا تعرض ایتزلر واستقلال قدیملرینه
ایلشمزلر ایدی که بو حالده یالکز مواقع عسکریه نک
رومالیر طرفندن ضبط ایدلسنه دخی اهالی محلیه
سمس چیقارمزلر ایدی . بوتدیر فلامینیوس نام

روما جنرالنک تدبیری اولوب حتی آشه نهن هیئت
متحدہ سنک ما کدونیا ایله اتفاقنی بوزمق ایچون هیئت
مذکورہ ایله کنندیسی اتفاق ایتش و او هیئتہ داخل
بولنان مملکتلرہ اصلا تعرض ایدلیہ جکنی ده تأمین
ایلمش ایدی . انجق ما کدونیا یی فلانی تحت استیلاسنہ
الدقن وار تق بتون یونانستانک روما اشغال عسکریسی
التندہ بولندیرلمسنہ امکان حصولہ کلد کدن صکرہ آشه نهن
اتحادینہ داخل بولنان ممالکہ دخی عسکر صوقوب
شوقدرکہ کویا اولکی تعہدینی اخلا ایتماش اولمق
ایچون یونانستانک کافی السابق بر مملکت مسقلہ اولدیغنی
وادارہ ملکیتہ و مذہبیہ یہ رومالیلرک اصلا قارشیمہ -
جتلرینی تکرار تأمین ایلمش ایدی .

یونانستانک ہر طرفی بوسورتلہ روما استیلاسی
التندہ کیردیکی زمان ہر طرفک غیرتلی و حیتلی اولان
اعاظمی قورنت شہرینہ رجعت ایلہرک بناء علیہ اورا -
سی مجمع اکابر اولمش و رومالیلر دخی شہر مذکورک
استیلاسنی تأخیر ایلمش ایدیلر . یونانلیلرہ اولجہ ویرلمش
اولان تأمیناتک حکمی قلامق ایچون یونانستان سردار -
لغی مومیوس نامندہ بشقہ بر روما جنرالنہ افراغ اولندقدہ

بوزات کلوب فلامینیوسک معاهد د سنی هیچ طایفه
 قدن بشقه قورنت اوزرینه دخی حرکتله میلادک
 ۱۴۶ سنه مقدمه سنده اوراسنی ده ضبط واستیلا اید بجه
 ارتق یونانستاندن رومایه مربوط اولدق هیچ بر قطعه
 قالماش و عموم یونانستان «اشای ولایتا» نامیله رومانک
 بزولایتی حکمنه کیرمشدر.

ایشته بو استیلای عمومیدن صکره یونانستان قدیم
 تاریخنه ارتق خاتمه چکامش اولدی . تاریخ یونانک
 بوندن صکره سی روما تاریخنه اندراج ایلیره ک حتی
 برارهلق میتریدات نامیله اناطولی ساحلنده توره یه رک
 روما استیلا سنه مقاومت قالقشان یونانی الاصل بر حکمدار
 رومالیره بیاغی مقاومتده بولمسیله بتون یونانستانی ده
 بالتشویق عظیم بر عصیان چیقاردی ایسه ده بو عصیان
 یونان تاریخ قدیمه متعلق برقره اولقدن زیاده روما
 دولتنک بر قسم رعایاسنک عصیانی اولق اوزره ینه
 روما تاریخنه متعلق کورلدی . باخصوص که روما
 سرداری سیلا همان آتیه اوزرینه عسکر چکهرک
 ودره لر کبی قانلر دو که رک بو عصیانی بر طرف ایشدر .
 مع هذا یونانلر روما استیلا سی التیه کیرمکه

بر ذلت و حقارت ایچنه دوشمش اولدی لر . رومالیرلرک
ابتدای دورجه مانگیریلری دیمک اولان شو اوانده
ترقیات مدینه لری هنوز هیچ نسبتنده اوله رق یونانیلر
ایسه فنون و صنایعه د یطولی اصحابی آدم لر اولمسیله
بوبره علمیه و صنایعه لر یله رومالیرلر زنده ممتاز اوله رق
انلره دخی تعلیم فنون و ارائه صنایع ایدرک ممدوح
و معتبر اولمشلر ایدی . حنی دینه یلور که روماکندی
سلاح غالبیتله کلوب یونانیلره مغلوب اولمشدر . زیرا
اصل غالبیت بر مملکته جبراً کیرمکدن عبارت اولیوب
بلکه او مملکت اهالیسنی کندی مدنیت قدیمه لرندن
چویرمک فرقه غالبه نک قانون و اصول مدیتنه ادخال
ایلمکدن عبارت صایله جغنه کوره رومالیرلر بالعکس
یونانیلرک شا کردی اوله رق علوم و معارف یونانیه
بعیتله انلره مغلوب اولمشلر در .

یونان قدیم تاریخنک دور ثانیسنه دخی بوراده
ختم و یردکدن صکره روما دولتنک قسم شرقی
و غربی دیه ایکی یه انقسامی زمانه قدر تاریخ یونانی
روما تاریخندن عبارت عد ایدرک او چنجی بامزی دخی
رومانک انقسامندن بدأ ایله بروجه آتی کشادایلیورز .

* اوچنجی باب *

شرق ایمپراطورلغی

عن ۳۹۵ الی ۱۴۵۳

(برنجی فصل)

اسلاولرک استیلا سنه قدر

عن ۳۹۵ الی ۷۴۶

تفصیل - سرلوحه مزده «شرق ایمپراطورلغی»
 تعبیر ایلدیکمز دولته «باز آمیر» و «یونان دولت
 شرقیه سی» و «بیرانس ایمپراطورلغی» و «استانبول
 ایمپراطورلغی» ناملری دخی و یریلور . رومادولتی
 ربع مسکون و معمورک شمان کافه سنی اداره و احده سی
 التمه الهرق عصرلرجه مدت دوام دخی ایلدیکی
 جهته جهانده بو وسعت و بودوام عادتاً هیچ بردولته
 میسر اوله مامش ایسه ده اندن صکره شرق ایمپراطور-
 لغنک برارهلق حائز اولدیغی وسعت حدود دخی بشته
 بردولته نصیب اوله مامش دینلسه مستبعد اوله من .
 زیرا رومای غربی رومای شرقیدن آیرلدیغی زمانلر
 شمدیکی یونانستان و بلغارستان و ادرنه ولایتی و شرقی
 روم ایلی و بتون اناطولی قطعه لری شرق ایمپراطور -

لغناك حصه سنه اصابت ايلديكي كې روماي غر ييناك
 بار بار لر ينده انقراض كليسنندن صكره ايتاليانك جنوب
 طرفي وافر يقا قطعه سنده واقع كافه روماستملاكاتي
 واسپانيادن هنوز نائل استقلال اوليهرق رومايه تابع
 بولنان يرلر وسوريه طرفلري دخی هپ شرق ايمپراطور-
 لغنه تابع اولهرق استانبولدن كوندر يلان والي-
 ايمپراطور نامنه اجرائي حكومت ايدرلر ایدی .
 واقعا بو دولت شمال جهتندن هونلرك و جنوب
 و شرق طرفلرندن دخی عجملرك تعرضاتنه اوغرايهرق
 دها بدايت تشكلمده راحت و حضور يوزي كوردهما-
 مش ايديسه ده ممالككنك وسعتنه ونفوسنك كثرته
 نظراً اكر برده منتظم اداره سي اولسه ایدی اشبو شمال
 و جنوب مستوليرينه غلبه ايدرلر رومادولت جهانكيرانه .
 سنه حسن خلف اوله ييلور ایدی . فقط روماليلرك اكيوك
 سفاهتلى استانبول اعظم كبار ينى دخی تغير اخلاق
 مصيبت مدهشه سنه اوغراتمش اولديغندن استانبولده
 كرك ايمپراطور خاندانلري و كرك سائر كبارك سوء اخلاق
 واحوالى شرق ايمپراطور لغناك بليات كونا كوندن
 قورتيله مامسنى موجب اولمشدر . سائر جلدلر مزده

یاد یغمز کی اگر بوجلدك شو فصلنده دخی مقام حكو.
 مته كلان و یا خود كلك سوداسيله تشبثات حریصانه یه
 قالقشان ذواتك وقوعاتنی یازه جق اولسه ق مقصداری
 یوزلری یکن بو آدمرك كافه سنده دكل ایسه ده اغلیت
 عظیمه سنده سودای حكومت و حب ریاست سائقه سیله
 الترام اولمش بر طاقم جنایات فاجعه دن بشقه هیچ برشی
 كوره مامش اولورزكه بو حالده نه قدر اختصاری الترام
 ایش اولسه ق شرق ایمپراطورلغنه مخصوص اوله جق
 اولان شو بایمز كائناتك شمیدی یه قدر چیقار یلان
 جلدلرینك كافه سندن دها بیوك بر جلد تشکیل ایش
 اولغله برابر او جلدی دخی انقلابات احوال مللی مبین
 بر تار یخ دكل بلکه یالکز جنایات مدهشه مجموعه سی
 حالنه افراغ ایش اوله جغمزدن بوراده او جهتدن
 صرف نظر قلمغه مجبوریت جدیه حاصل اولمشدر .
 اهمیت و منافع تار یخیه یه موافق اولان انقلاباته
 كلنجه : اك اول شرق ایمپراطورلغنه تعرضه باشلایانلر
 عجملر اولدی كه یونانستان قدیم تار یخندنبری بونلرك
 غرب طرفنه طوغری توجه ایش اولان نظر اهمیتری
 رومالیرك آسیا سفرلر یله تأید ایلیرك دولت مذكوره .

نک دوچار ضعف اولدیغی زمانلرده ایسه فرس دولتی
 ارمنی و کرچی مثللو اهالی بی تشویق و کندی اردولر یله
 دخی تأیید ایللرک بتون ارمنستان شرق ایمپراطور -
 لغندن آیرلش ایدی . شمالا دخی هون اقوامی
 اوروپانک هرجهتنی هرج و مرج ایلدکاری صره ده
 طونه نهرینی کجهرک تا استانبول جوارلرینه قدر
 بتون روم ایلی و یونانستان پامال خیول ایلشدر .
 انجیق اوآرهلق شرق دولتنک قوتی هنوز اسراف
 ایدلماش اولدیغندن اناطولیک بقیه سنی قورتاردقن
 وهونلردن دخی طبیعتیه قورتیلدقن صکره رومای غر -
 بی انقراض کالی به اوغرادییغی ائاده ایتالیا طرفلرینه
 اردولر سوق ایدرک ایتالیا ی جنوبی بی تحت اداره سنه
 المنه واسپانیا و افریقا و سوریه بی دخی التحاقه موفق
 اولشدر .

اندن صکره ایسه استانبولک کوشکلکی وولایات
 بعیده نک دخی استانبوله باقهرق عادتا کندی باشلرینه
 اداره اولمق هوساتنه دو شمیری اتنجی عصر میلادی
 ایچنده شرق ایمپراطورلغی ایچون بکیدن یکی به ظهوره
 کلان مستولیر حسمن مقاومتی منع ایلشدر . بویکی

مستوليلك بر قسمی لومبارد لر در که بوندن اولکی ایتالیا
 تارخنده ایضاح اولندیغی اوزره بونلر ایتالیا نك شمال
 طرفلر نده يرلشمش بولند قسری حالدہ رومانك ضعفی
 و یا خصوص انقراضی اوزرینه بتون ایتالیایی ضبط
 واستیلا ایچون جنوبه طوغری یورو مکه باشلامش لر
 ایدی . ایدی سائر متفق لریله برابر لومبارد لر شرق ایمپرا-
 طور لغنه تابع^۱ اولان محارک اوچده ایکیسینی ضبط
 واستیلا ایلد کیری حالدہ ایمپراطورلق انجق سواحل
 یحرده واقع بعض ممالکی دوتما قوتیله مدافعه ایده
 یسوب ایتالیا نك ایچرولر نده بولنان ممالکدن دست کش
 یئرلر غت اولمغه مجبوریت کور مشدر .

حالبو که دیگر جهتدن بلغار و صرب و خروات
 مثللو اسلاو اقوامی دخی طونه نهرینی کچدرک استانبو-
 لده ایمپراطور بولنان ذوات اولانجه قوتلرینی بونلر
 اوزرلرینه کوندرمکده قصور ایتزلو ایدیسه ده ذاتاً
 اولانجه قوتلری بودشمنه مقاومتہ کافی اولمیدیغی کبی
 ارتوسر دارلرندن دخی^۲ هربری برانتریکه یه تابع اولد-
 قلرندن اسلاو اقوامی کیندکجه ایلرولمکده دوام ایلر
 ایدی . شمال طرفلرندن اسلاورک اشپو مهاجمات دائمه

و مستر سنده مقابل برده بوسنده لرده (عن ۶۲۲ الی ۶۵۰) سمت جنوبیده ملت معظمه اسلامیة تاریخ عمو-
می عالم ایچون یکی بر باب عظیم کشاد ایشیدی .
خلفای راشدین افندیلر من زماننده اردوی مسلمان سوریه
و مصر طرفلرینه یورویهرک اورالرینی کاملاً شرق
ایمپراطور لغندن نزعده موفق اولدقلری کبی بنی امیه
زماننده دخی بحرأ قبریس جزیره سنده هجوم وضبط
اولنمش و برأ ممالک افریقیه طوغری خطوه انداز
غالبیت و مظفریت اولق میسر اولمش ایدو کندن ایشته
قوجه شرق ایمپراطور لغنی شمال طرفندن اسلاولرک
و جنوب جهتندن عربلرک تضییقی اره سنده شاشرمش
قالشیدی .

بوایکی قوه تضییقیه نک هانکیسی هانکیسندن
مهم و مدهش اولدیغنی تعیین اده بیلک ارباب موازنه بی
خیلیجه اشغال ایلر . زیرا اسلامک ابتدای دورجهها -
نکیرانه سنده شرقاً و غرباً خطوات استیلاسی منع
ایلیه جک هیچ بر قوت بولنه میوب براز اوللری نفس
استانبول شهرینی محاصره یه قدر کلش اولان عجم دولتی
خریطه مالیدن کلیأ حک ایش اولدیغنی کبی شمالا بیر انیس

ایمپراطور لغنک دخی مقاومتہ اقتداری اولیہ رق ۶۷۱ و ۶۷۸ سنہ میلادیہ لرنده اردوی اسلام ایکی دفعہ استانبولہ قدر کله رک وضع محاصرہ یہ موفق اولش و بو حرکت غالبانہ نك اثری اولق اوزرہ عرب جامع شریفی بریادکار ابدی قالمشدر . حالبوکہ شمال جہتندہ اسلاولر ک حرکات استیلا کارانہ سی دخی بوندن آز مدہش دکل ایدی . طونہ نہرینی تجاوز ایدن اسلاو فرقہ لری تا ادرنہ حوالیسنہ قدر روم ایلینک ہر طرفنہ یاییلہ رق یرلشوب قالدق لری کبی بر جہتندن ما کدونیا یعنی سلا نیک طرف لرینی دخی کندیلرینہ مسکن ایلد کدن ماعداتسالیابی دہ مرور ایلہ نفس یونانستانہ تامورہ شبہ جزیرہ سنہ قدر ایلرولہ مشلر و بو محللر ک کافہ سنہ یرلشوب قالمشدر .

ا کراوزمانلر بین الملل طرق مخابرہ کشادہ بولنسدہ عربلر اسلاولر ایلہ خبرلشہ یلسہ لرایدی ایکی مستولیلر شرق ایمپراطور لغنی پک قولای حذف ایدر ک قرہ دکز بوسفور مرمرہ دکزی داردانل بوغازی حد فاصل اولق اوزرہ شرق ایمپراطور لغی ممالکنی پای ایدہ ییلورلر ایدی . انجق بر طرفدہ اولان ایشلردن دیگر طرفک

خبری اوله مامسی بویله بر حرکت عظیمه متفقہ بی واقع
اولدیغندن شرق ایمپراطورلغنک دها یک چوق زمانلر
جان سورومسینه میدان آچلمشدر .

(ایکنجی فصل)

استانبولک اهل صلیب طرفندن فتحنه قدر

عن ۷۱۴ الی ۱۲۰۴

تفصیل - فصل سابقک نهایتنده شرق ایمپرا -
طورلغنک دها بر چوق سنه لردوامنه « جان سورومک »
دیه تعبیر ایدیشمز بیهوده بر تعبیردن عبارت دکلدن -
بیوک بنارک حال خرابیلری دخی برخیلی زمانلر دوام
ایتمسی قبیلندن اولان دوامه بر دولت معظمه ایچونه
انجق جان سورومک تعبیرندن بشقه سی بولنه مز . جنوبه
طرفندن عربلر بتون سوریه ومصر وسائر ممالک
افریقیه بی وحتی اسپانیادن وسجلیادن روملره تابع اولان
یرلرله برابر یرلی حکومتلرینه ده تابع اولان محملری
استیلا ایلدکلری وشمال طرفندن اسلاولرک استانبول
قدر بالتهدید هر طرفده یرلشوب قالدقلمی حالده شرق
ایمپراطورلغی کندی النده قالان یرلرجه انتظامات
ملکیه وعسکریه سنی اکاله بذل ما حاصل اقتدار اینه -

چکنه اورته یره بر مذهب منازعه سی چقه رق
 بر طرفدن روماده پایلارک حکومت جسمانیه سی دخی
 طانمق صورتیه ایتالیا جهتهنده شرق ایمپراطور لغنه
 تابع نه قدر یرلر وار ایسه جله سی آیرل دیغی کبی
 استانبولده دخی کلیسارده بر طاقم تصاویره عرض
 پرستش جائز میدرد کلیدر دعواسیله بین الخلق عظیم
 باختلال حصوله کلمش و بومجادله سنه لرحه اوزانوب
 کیدرک اق دکر اطه لری اهالیسی شرق ایمپراطور لغدن
 آیرلقه برابر اسلاور اوزرینه کوندریلان اردولرک
 دخی غیرت لرینه فتور کلوب عظیم و مدھش مغلوبیتلره
 دوچار اولمشیدی .

بوحال ۸۶۷ سنه میلادی سنه قدر کیتد کجه
 دهشتنی آرتدیره رق دوام ایدوب تاریخ مذکورده جالس
 صندالی ایمپراطوری اولان ماکدونیا خاندانی بر قاق
 مقدم و غیور حکمدار لرک اقدام و اهتمامی سایه سنده
 احواله ایجه انتظام و یرمکه طور انمشلر ایدیه ده مقام
 ایمپراطوریه خواهشکر اولان سائر خاندانلر ایله
 بر چوق دخی اصحاب خروج او غیرتلی پرنس لری ده
 بحق ایش کور مکدن منع ایدر لر ایدی . حالبوکه بلغار

وروس و پچه نك كې اسلاو و تاتار اقوامی دائماً فرصت
 كوزتمكده اولدقلرندن ایمپراطور لقبه داخل بر قاریشقلق
 كورلدیکی آنده بعضلری اوفاق قایقلری ایله قره د كردن
 و بعضلری آتلی و عربهلری ایله قره دن استانبول
 اوزرینه بالهجوم انواع تحقیرات و ترذیلاته قدر متجاسس
 اولورلر ایدی . نهایت ماكدونیا خاندانندن اولان
 پرنسلك همت و غیرتلی نه روم سردارلرینك براز
 ترك نفاق ایتملری دخی یاردم ایلیهرك بلغار و سائر
 اقوام اسلاویه طرف طرف غلبه ایدلمكده بونلر
 امانه دوشورلش و بعد ما قوشیلرینك دخی محوی ضمننده
 كنیدیلرندن قزانوب و یرلكه باشلانهرق بوصورتله
 عن اصل یونان و رومان قدیم مخلوطی اولان شرق
 روم ملتیه برده اسلاو عناصری قاریشه رق جمله سی
 برنوع یکپاره لك پیدا ایدلمكده اهلرنده اولکی خصو-
 مت محو اولغه یوز طوتمشدر .

شمال جهتنجه كوریلان شو موقتیت موقته نك
 برعینی دخی جنوب جهتنجه كورلمشیدی . زیرا اق
 دكزه چیقاریلان دونما قبریس و كرید و سچلیا اطه لر-
 ینی موقته تکرار شرق ایمپراطورلغنه ربط ایلدكلی

کبی حلب طرفلرینه کوندریلان براردو دخی اورالرك
استرداداً استیلاسنه موفق اولمشیدی . انجق
نوموفیتلر دخی چوق زمان دوام ایده مدی . میلادك
اون برنجی عصری ابتدالرنده سلجوقیه دنیلان ترك
اقوامی شرق طرفندن ظهورایدرك ایضاحات لازمه سی
ایلروده عثمانلی تار یخنده اعطا اولنه جغی اوزرینه عقلره
حیرت ویره جك بر سرعت ایله اناطولینك اوچده
ایکیسنی شرق ایمپراطورلغندن نزع ایتمش وعظیم
برحکومت ترکیه قورمش اولدقنری کبی اورویا
جهتنده بلغارلر دخی تکرار داعیه استقلاله قیام ایله
کندیلرینی ایمپراطورلغك رعیتندن قور تارمشلر
ایدی .

بواشالرده مقام حکومت کلان علکسی وژان
ومانوئل قومی اگرچه عزم عظیم صاحبی ادملر
ایدیسه ده هر طرفی دشمن احاطه ایلش اولدیغی برزمانده
یارارقلرندن پك از استفاده اولنه یلیدی . یعنی بالکزقره
دکرسواحللی اوزرنده واقع سینوب وطر بزون کبی بعض
ولایات شرقیه نك ایمپراطورلغه رابطه التحاقی محافظه
اولنمقله اکتفا ایدلیدی . انجق دیگر جهتدن ایتالیایی

استیلا بخش بولان نورماندره قارشو مقاومت ممکن
اوله میه رق سچلیا وسائر اق دکر مستملکاتی کاملاً بونلرک
یدضبطنه کچمش اولدقلری کبی بحار لیلرک دخی ایالات
شمالیه اوزرینه مهاجراته باشلاملری شرق ایمپراطورلغنک
اولانجه قوتنی صرف ایتدیرمکه لزوم کوسستردیکی
حالدینه هیچ بر نتیجه مفیده حصوله کتوره مامشدر .
ایمدی شرق ایمپراطورلغی ایچون بو قدر متاعب
وفلاکت یتشم ماش کبی برده اوروپا طرفلرندن الای
الای طویلانوب کویا ملت معظمه اسلامیه یی دنیا
یوزندن محو ایتمکه کلمش اولان اهل صلیب قهرمانان
مسلمین پنجه سنده خریالمنسی اوزرینه سلاح استیلاجو-
یانه یی شرق ایمپراطورلغی اوزرینه چویر مسونلرمی ؟
ذاتاً النده اناطولینک بعض قطعاتی ایله برده یونانستان
قالمش اولان وانلرک قوتی دخی شمال و جنوب محاربه-
لرنده صرف ایدیلوب بتورلمش بولان شرق ایمپرا-
طورلغنک بتون اوروپا قوای مجتمعیه سی دیمک اولان
اهل صلیبه قارشو طور مقدن بالکلیه عاجز قاله رق
۱۲۰۴ سنه میلادیه سنده ایمپراطورلغک پایتختی اولان
استانبول شهری بولره عرض تسلیمته مجبور اولمشدر

و بوضورتله شرق ایمپراطورلغنه ایلاک دفعه اولوق
اوزره خاتمه چکمشدر .

(اوچنجی فصل)

لاتین ایمپراطورلغی

عن ۱۲۰۴ الی ۱۲۶۰

تفصیل - اهل صلیبک شرق ایمپراطورلغنه
سهولتله غلبه سنی تأمین ایدن شی وهله استانبولک انلر
یدینه دو شمسيله برابر برده و ندیکلیلرک دونما ایله بونلره
معاونت ایتلری قضیه سی اولمشیدی . یوقسه استانبول
شهری کندیسینی اهل صلیبه قارشو مدافعه ایتش
و وندیک دونماسی دخی امداده کلامش اولسه ایدی
شرق ایمپراطورلغی بوورطه یی دخی کچیره بیلورایدی
زیرا بعض ممالک قتحدن صکره دخی حکومت قدیمه -
لرینه صادق قالدقلری کبی اهل صلیبک دونماسی
اولدیغندن شرق ایمپراطورلغی بونلره هر حالده مقاومت
ایده بیلورایدی .

اهل صلیب فلاندر دوقه سی اولان بودوین قو-
قوماندا سيله استانبوله کیردکاری زمان روملرک حکو-
متلری کلیاً محو و نابید اولیه رق استانبولده کی خاندان

ایمپراطوری مرمره دکزی طریقله ایزنیک طرفه نقل
ایدرك اوراده «ایزنیک ایمپراطورلغی» دیه همان شمیدی
پروسه والیلکندن دها کوچک بر حکومتجک قور -
دقلی کبی طربزون ولایتی دخی ینه بر روم ایمپراطور -
لغی اولق اوزره باقی قالمش و برده یانیه طرفری بر
روم امارتی صورتیله تشکل ایلش ایدی .

بونکله برابر اهل صلیب دخی شرق ایمپراطورلغی
یکپاره بر صورتله یکی بر ایمپراطورلغه تحویل ایده ما -
مشدر . ذاتاً هیئت صلیبیه یکوجود اولیوب بر
چوق پرنسرك سنورلرك سوقنه تابع پراکنده پریشان
بر هیئت اولدقنندن اهل اسلامی محو و ممالکنی فتحه
بدل شرق ایمپراطورلغی محو و ممالکنی فتح ایلدکاری
زمان بونی بر چوق سنورلر میاننده تقسیمه قویمشدر
ایدی که باشلیجه لری اون ایکی حکومت مستقله ایدیلر .
بونلرك دخی الهمملری استانبول ایمپراطورلغی سلانیک
قرالغی و یونانستانده واقع آشای امارتی و آتته دوقه -
لغی و ناقسی دوقه لغی و کریده و ندیک حکومتی ایدیلر .
زیرا اهل صلیب و ندیکلرک معاونت واقعه لرینه
مکافه کریددن ماعدا تجارتیه الویرشلی سائر بعض

سواحلی دخی انلره اهدا وتسلیم ایلشیر ایدی .
 شرق ایمپراطورلغی هیئت عمومیه سیله متحد بو .
 لندیغی حالده بیله بر طرفدن شمالا بلغار و سائر اسلاو
 پرنسیرینک و دیگر جهتدن دخی جنوباً اترک سلجوقیه
 قیه نك تهدیدات دائمه سندن کندیسنی قورو یه میوب
 طورر ایکن بودفعه لاتین ایمپراطورلغنک شو متفرق
 ویراکنده حالیه کندیسنی هیچ محافظه ایدمیه جکی
 و بناء علیه حکومتک چوق وقت دوام ایلیمیه جکی
 اکلاشیلوب طور مقده ایدی . مع هذا حکومت مذ .
 کوره یاریم عصر قدر دوام ایده بیلدی که ینه شاشیله .
 جق بردوام عد اولنور . بومدت ظرفنده لاتینلردن
 بش ایمپراطور مقام حکومته کلهرک حالبوکه بونلر
 اسلاو ولاتینلردن ماعدا برده نیسه یعنی ازنیق ایمپرا .
 طورلغنک تضییقات متمادیه سنه کوکس ویرمکه مجبور
 اولمشیر ایدی . نهایت بشنجی ایمپراطور بولنان ایکنجی
 بودوین هنوزاون بر یاشنده بولندیغی حالده مقام حکو .
 مته کلهرک حالبوکه باز آمپرک سفاهتی شهوت پرستلیکی
 انتریغانلغی کبی سوء اخلاقی دخی تمامیه اشبو لاتین
 ایمپراطورلغنه انتقال ایدرک داخل و خار جاسیات ایچنده

قالمغله شو حال شمال طرفلرنده بلغارلره و جنوب طرفندن
دخی ایزنیک ایمپراطور لغنه میدان فرصتی آچش و ایزنیکده
ایمپراطور بولنان میشل پالئولوغ بیوک برفرقه عسکر
و بحرأ دخی براینجه دونما ایله استانبول اوزرینه
یوروشدر .

ایکنجی بودوین بو هجومه مقاومت ممکن اوله میه -
جغنی اکلاینجه اوروپادن استمداد ایچون فریادلره
باشلامش ایسه ده ذاتاً اهل صلیب حرکاتی بیهلله جدی
برشی اولمیه رق عادتاً بر حرکت مجنونانه قبیلمندن اولسیله
اوروپادن هیچ برکسه بیچاره نك امدادینه یتشمینجه
اودخی تخت و تاجی میشله ترك ایلیه رك ایتالیا طرفلرینه
صاوشمشدر . ایشته میشل پالئولوغك بر صورتله
تکرار استانبوله کیره رك اسکی شرق ایمپراطور لغنی
تجدید انطیسی میلادك ۱۲۶۰ سنه سنده وقوعه بو -
مشدر .

(دردنجی فصل)

استیلای عثمانییه قدر

عن ۱۲۶۰ الی ۱۴۵۳

تفصیل - نیهه یعنی ایزنیک شهرنده کی ایمپراطور -

لق بتکرار استانبوله نقل کرسی حکومت ایتکه موفق
اولدیغی زمان شرق ایمپراطورلغک عادتابلجمله ولایاتی
کرک لاتینلرووندیکیلر طرفندن استیلا اولنق و کرک اهای
محلله سی طرفندن باشلی باشلرینه اداره ایدلک صورتیله
نائل استقلال اولمش بولندقلرندن ایمپراطورلغک حدودی
عادتانفس استانبول شهرینک سوری ایله محدود
ومحاط کبی برشی قالمشیدی .

بونک اوزرینه استانبول ایمپراطورلری قوه جبریّه
حر بیه دن زیاده روملرک حسیات ملیله لرینی تحریک
صورتیله اهایلیسی روم اولان ولایتدن برخیلی لرلی
تکرار دائره اطاعت وانقیاده الدیغی کبی اهایلیسی روم
اولیه رق فقط اورتودوقس مذهبیه سالک اولان ارناو تلق
و بلغارستاندن بعض محالردخی در سعادته بولنان روم
پتر یقنک نفوذ روحانیسی ثمره سیله اولدجه اطاعت
وانقیاده کلش ونهایت شرق ایمپراطورلغی بیاغی بر قوت
پیداسندن صکره براز دونما تدارکیله اق دکزدن
وندیکیلرک ضبط ایلدک لری سواحدن بعضلرینی دخی
استرداد موفق اولمشیدی . مع هذا شواسترداد
ممالک قضیه سنه اولکی حدودوشو کتک استعاده سی

کبی بر معنا و یریله من . بلغارستانده صر بستانده
ارناو تلقدہ فلانده هب برر حکومت مستقلہ بولندہ رق
باخصوص کہ بولنر شرق ایمپراطور لغندہ تابع قالان محملر
اوزرینہ چشم حرص و طمعی دائما آچیق بولندیر مقده
ایدیلر .

ایشته میلادک ۱۲۹۴ سنہ سندنہ قونیہ دولت
سلجوقیہ سنک انقراضیلہ میدان شوکت و شان خاندان
جلیل العنوان عثمانیہ آچیق قالدیغی زمانلر شرق ایمپرا
طور لغنک حالی شوندن عبارت اولوب غازی سلطان عثمان
و سلطان اورخان زمانلرنده مرمره و بوسفورک جنوب
جهتلیری یعنی اناطولی طرفنده بولنان شرق ایمپراطوز -
لغی ممالکی کاملاً زیر ضبط عثمانیانه یکدیگی کبی سلطان
مراد اول و بایزید اول زمانلرنده مرمره و بوسفورک
شمال جهتنده یعنی روم ایلی طرفلرنده واقع ممالک دخی
اغلیت اوزره فتح اولمش و عثمانلی اردولری قوصوده
صحرا رنده و طونه و ادیلرنده پارلاتدقلری قلیچلرایله یالکز
شرق ایمپراطور لغنک دکل اوروپانک دخی یورکنی
تترتمش ایدیلر .

قوصوده سلطان مرادک اوغرا دیغی فلاکت

فاجعه عثمانیلری تشبثات استیلا کار یلرندن اصلامع
ایتماش ایسه ده بایزید اولک یدغدر جنکیر ده دوچار
اولدیغی فلاکت بوتشبتات جهانگیرانه یی عظیم بر
سکته یه اوغراتمشدردر ۰ اگر جنکیر غالبه سی چیقماش
اولسه ایدی استانبولک ده اول ید عثمانیانه کجه چکی
شبهه دن وارسته اولوب کرک جنکیرک قنده سی و کرک
مؤخرأ بایزید خانک شهزاده لری میسانده ظهور ایدن
رقابت محاربه لری فتح استانبولی سلطان محمد ثانی فاتح
حضرتلرینه نصیب ایشدردر ۰ مع هذا فاتح زمانه
کلنجیه قدر استانبول اوزرینه ایدیلان برقاچ هجومک
ثمره سی اوله رق سورخارجی تمامیه خیول عثمانیه نک
جولانکاهی اوله رق ایمپراطورلرک حکملری خارجه
چیقه مامقده ایدی ۰

یدغالبه حضرت فاتح ایله استانبولک فتحی میلادک
۱۴۵۳ سنه سنده میسر اوله رق عموم مورخلر بوتاریخی
یالکز شرق ایمپراطورلغنک تاریخ انقراضی اولمق اوزره
قبول ایتکله قالمیه رق حتی تاریخک ازمئه متوسطه ایله
ازمئه جدیده ارسنده حدفاصل اوله رق دخی بفتح
قسطنطنیه تاریخ قبول ایدرلر ایسه ده اوتنه دنبری

یونانستان داخلی عد اولنان وشرق ایمپراطورلغنه
دخی تابع اولمش بولنان یرلرک عثمانیلر طرفندن
تمامی استیلاسی بوتار یخده وقوعه کلش اولیوب
ولایات سائرہ نک دولت علیہ یہ تمامی انقیادی انجق
یوز سنہ صکرہ میسر اولہ بیلشدر .

واقعا ایشک بوجھتی صرف تاریخ عثمانیہ عائد
بر مسئلہ ایسہ دہ بورادہ دخی شو قدر حق بر خبر ویرہ۔
لم کہ استانبول شہری فتح واستیلا اولندقدن صکرہ
روملر بو استیلایی دخی اولکی لاتین استیلاسی کبی مو۔
قت برشی صانہرق برارہلق طربزونندہ تشکل ایدن
ایمپراطورلقدن بیوک بیوک امیدلر حاصل ایشلر ایسہ دہ
طونہ سواحلنہ قدر محالر ادارہ عثمانیہ السنہ یکمیش
اولدقدن صکرہ ارتق بو امیدہ محل قالمیہ جنجی کبی اصل
مورہ و ملحقاتندن عبارت بولنان یونانستانک محافظہ
استقلالی خصوصندہ کی امیدلری دخی حضرت فاتحک
عمر پاشا نام سرداری ہمتیلہ محوایدیلہرک اورالری دہ
اوج سنہ ظرفندہ ضبط اولمش ودرکاه عثمانیاندن
فرار ایندرک ارناودلقدہ اعلان عصیان ایلان اسکندر
بکات مدت العمر استیلای عثمانیہ یہ مقاومتی دہ بر نتیجہ

حاصل ایده میه را ۱۴۶۷ سنه سنده انک ده وقوع وفاتی
اوزرینه بتون ارناوتلق دولت علیه یه اطاعت کو -
سترمشدر .

براً وقوعه کلان اشبواسفارده عسا کر عثمانیه نك
حرکات غالبانه سی پك مکمل ایدیسده ده بحرأ هنوز
اسباب تعرض ومدافعه مکمل اولدیغندن ونديکلیلر
الرنده قالان محللرک استردادی دها زیاده صعوبت کو -
سترمشیدی . زیرا بونلر دها استانبولده لاتین ایمپرا -
طور لغنك تأسیسی اثاسنده استیلا ایلدکلیری یرلردن
ماعد اشرق ایمپراطور لغنك ید عثمانیه ایله انقراض
ومحوندن صکره دخی خرسیتیانلقده اولان جهت جامعہ
حسبیه روملر ایله بالاتفاق ایله برطاقم یرلریده ونديک
حکومتی بایراغی التنه صوقشما ایدی . نهایت سوا -
حل مذکورہ دن بعضلری اوزرینه برأ وبعضیلرینه دخی
بحرأ واریلہ رق نیجه محاربات شدیده ومدیده اوزرینه
بونلر برر برراله چکورلمش و ۱۵۷۳ سنه سنده ونديکلیلر
دخی ارتق سواحل عثمانیه تسمیه می لازم کلان یرلردن
ید استیلا لایینی قطعاً چکمه که مجبور اولمشدر .

* در دنجی باب *

یونانستان جدید

عن ۱۷۶۶ الی ۰۰۰۰

(برنجی فصل)

یونانستانك ايلك تشبثات استقلالجو يانه سي

عن ۱۷۶۶ الی ۱۷۷۹

تفصيل - يالکز يونانس-تانه دکلی اوروپای
عثمانينک هر طرفنده بولنان اقوام نصرانيه ده استقلال
سودالرينی او يانديران روسيه دولتنک آمال جهما -
نکيرانه سي قضيه سي اولمشیدی . دولت عليه عثمانیه
روسيه نك اشبو آمال جهما نکيرانه سنه قارشو اک متين بر
سد اولقله برابر دولت مذکور نك اک زياده اوزانوب
توسع ايدہ چکی ملک دخی ملک عثمانی اولقله فقط
قوت وشوکت عثمانیه اویله قولایقله غلبه ایدیلہ بیلور
شیلردن اولماقله اکر دولت عليه بی عناصر مترکبه -
سنه فساد ویردرک ضعیف دوشورر ايسه هم انک
ملکندن يرلر الهرق توسع ايلک و هم ده اوروپا نك
سائر طرفلرينه هجوم ایدہ چک اولور ايسه دولت
عليه نك تعرضندن مصون قالمق کبی ایکی باشلی بر منفعتی
حساب ایلشیدی .

ایمدی روسیه دولتی بویله بر حساب اوزرینه
اقوام عثمانیه یی افساد ایچون اوللا بر طاقلرینک اسلاو
جنسندن اولسی و ثانیاً همان کافه سنک روم اورتودو-
قس مذهبنه تابع بولنسی جهتلرندن استفاده آره یه رق
یونانستان حقنده کی تشویقاتی ایسه روملردن اول
قره طاغلیلری او یاندرمش و بناء علیه ۱۷۶۶ سنه سنده
بونلر حکومت عثمانیه یه قارشو عصیان ایلش ایدی .
روسیه نك قره طاغده و حتی یونانستانده بیله تشویقات
واقعه سندن چار چابق ثمره کورمسی و حالبوکه بلغار-
ستان جهتلرنجه بو ثمره یی دها پک چوق صدکره اقتطاف
ایده بیلیمسی امرنده بر بیوک سبب و حکمت واردرکه
اوده یونانستان و بالخاصه قره طاغ طرفلری طوغریدن
طوغری یه حدود عثمانیه داخلنه کیرمش اولقله برابر
دولت علیه نك بوتبعه یی یالکزامور مذهبیله لرنده
دکل حتی برچوق جهتلرجه انور قومیه لرنده دخی
سربست براقمش اولسی قضیه سندن عبارتدر . هله
قره طاغده یرلی ولادیقه لر ابتدای فتحدنبری حکمدن
دوشمیه رک بونلر حکم زمانه کوره کاه دولت علیه یه
عرض مسکنت ایدرلر و کاه کندیلرینی بالکلیه مستقل

حکمدار شکننده کوستر لر ایدی • یونانستانه کلنجه:
 بومملکتته یالکز یوجک شهر وقصیه لرنده یاری ترک
 ویاری روم اولق اوزره پیدا اولان بر مقدار اهالی
 اسلامیه دن ماعدا مسلمان کیرمیوب مواقع عسکریه ده
 اقامه ایدیلان مستحفظلر مأمورین حکومتی تأییدلر لر
 و بونلر دن ماعدا ضبطیه و قسرداری کبی افراد هب
 روملر دن استخدام اولنور لر ایدی • بعض صرب
 و صعب المرور محللر ده ایسه روم اهالی بالکلیه مستقل
 و مختار اوله رق جانلری ایستر ایسه حکومت عثمانیه
 هیچ ده مراجعت ایتزلر ایدی • ایشته بو سببلره مبنی
 روسیه مأمورلر ینک بونلر اورزنده کی تشویقاتی
 در حال تأثیر اتنی کوستره رک قره طاغیلر بالاده بیان
 اولندیغی اوزره بر عصیان علنی یه جسارت ایدنجه
 اکر چه بونلر بر درجه یه قدر تأدیب و تنکیل قلمش لر
 ایسه ده شو عصیان یونانستانده بونلر روملر دخی
 کوزلر ینی آچش و جرأتلر ینی آرتدیر مشدر •
 قره طاغیلر دن النان جرأت اوزرینه یونانستان
 طرفنده اک اول ایاقلانمش اولان اهالی مانیا سنجاغی
 اهالی سیدر • بونلر سنجاق موره شبه جزیره سنک جنوب

شرقیسی جهتنده واقع قرق الی بیک نفوسلی بر سنجاق
ایدی طاغلری غایت صرب و بونگا بر ابر سوا حلی
دخی یر لیلرندن بشقه کسچیلرک پک ده تقرب ایده میه -
جکری بر چوق لیمانلری حاوی اولدیغندن اهالی
مر قومه اوتده دبری حکومت عثمانیه تمامیه اطاعت
ایتماش و طر بزونده قوریلان روم ایمپراطورلغنا
صوک حکمداری اوله رق بورایه التجا ایلان داوید
قومه نک احفادی عد اولسان قومن فاملیاسندن بر
اختیارک ریاستی التنده بر نوع استقلال اوزره یشایه
کلش ایدیلر . بور یسه « پروتوژه روست » دینیلور
ایدی که « برنجی اختیار » دیمک اولوب بوندن ماعدا
سائر ژهرونتلر یعنی اختیارلر دخی امور قومیه ده رأی
اعطا ایدرلر ایدی . ایشته بواهالی حد ذاتلرنده دخی
پک جسور خرسز و حیدود اولدقلرندن قره طاغلیرده
کوردکلری نمونه اوزرینه ۱۷۶۹ سنه سنده بالکلیه
رفع لوای عصیان ایلشلا ایشه ده اوزمان حکومت
عثمانیه شو عصیان اویله توحش نوعندن برشی اولیوب
بلکه بر بیوک فسادک نتیجه ثمره سی اولدیغنی اکلایه -
رق بونلر اوزرینه در حال عسکر سوقیله تأدیب

و تنکيلئرینه مسارعت کوسترمشیدی . لکن یرلرک
مناعتی و اهالی مذکورہنک شجاعتی سببیلہ عصیان
و محاربه اون سمنہ قدر دوام ایدرک نہایت ۱۷۷۹
سنہ سندنہ عصیان بر طرف ایدیلہ بیلش ایسده اهالی
مذکورہ بردها قیامہ جرأت بولہ میہ جق صورتہ
تنکیل ایدیلہ میوب نوعاً متارکہ و مصالحہ کبی بر
صورتلہ تسویہ مصلحت ایدلمشدر .

(ایکنجی فصل)

تپہ دہلی علی پاشا

عن ۱۷۷۹ الی ۱۸۲۱

تفصیل - مانیو تارک اشو ایلک عصیانی اگرچہ
حد ذاتندہ بر عصیان عمومی عد اولنہ جق شیلردن
دکل ایدیسده یونانستانجہ حسیات وطن پروری
او یاندر ارق سودای استقلالہ کرکی کبی قوت ویر مکہ
پک زیاده یاردیم ایشدر . عصاة مرقومہ یہ معاونت
ایچون یالکز ممالک شاہانہ دن اہالیسی روم اولان
ولایتلری دکل اوروپانک بلاد مشہورہ سنی دخی
سیاحتہ چیقان مأمورلر « بار بار ترکر اندہ اسیر
قالہرق ارتق طاقت کتورہ مدکلری ربقة اسارتی

یونانلارن اتمق ایچون سلاحه صار یلان روم ملتک
 پیشدارترینه معاونت لازمه حیث نصرانیتدر «
 دیه عصاتک لهنده و حکومت عثمانیه نك علیهنده
 اوقدر سوزلر نشر ایشلر در که دولت علیه یه تابع
 اولان بتون روم اهلینک کوزلری حکومت عثمانیه یه
 خصومت و عاصیلرینه شفقت نظر یله باقغه باشلاد -
 قلمری کبی ممالک اجنبیه جه دخی بو حکم تمامیه حاصل
 اولمشیدی .

روسیه دولته کلنجه : برچوق کایسار هدیله لر
 و برچوق مکتبلره کتابلر ارسالیله توجه عامه یی جلبه
 چاشمقدن ماعدا ارباب عصیان و محرک فساد اولنره
 کلی معاونت نقدیه ده بولنور و نفس استابولده فنار
 روملری دخی حسیات استقلالجویانه نك اویاندر لسنه
 یار دیم ایلیه جک نشریات و معاوناتده اصلا قصور
 ایتمزلر ایدی .

بویولده کی تشویقاتک ال بیوک تأثیری یرلرنده کی
 مضاعفه اسناداً ذاتاً نیم مستقل و مختار بولنان مانیوتلر
 کبی اهالی اوزرنده واقع اوله جغی در کاردر . حالبوکه
 یانیه طرفلرنده صولی دینلان ناحیه نك اهالیسی بولنان

صولیوتلر اولکی مانیوتلردن زیاده جسسور و اوتهدن
بری کندی قوملرینک محافظه استقلالنه غیرتکیش بر
قوم اوله رق مانیوتلردن صکره بونلر اوزرینه اجرا
ایدلمکه باشلانان تشویقات دخی تأثیرات سریعه سنی
کوسترمکه مانیوتلری متعاقباً بونلر دخی رفع لوای
عصیان ایشلر ایدی .

بودفعه صولیوتلرک عصیانی مانیوتلرک عصیانه
دخی شبیه اولیوب اوزمانه قدر دوام ایلیان نشریات
یونانیه ثمره سیله بتون یونانستان و سائر اهاالیسی روم
اولان ولایتلر و بکیش و مارسلیا کبی روملغه ازچوق
مناسبتی اولان بیوک شهرلر ایله بالخاصه روسیه دولتی
هردرلو معاونت تدارکنده مسارعت کوسترمیلرله
و صولیوتلر دخی عن اصل ارناود جنسندن اوله رق
حقیقه جنکاور آدملر بولنمسیله بونلر کندی اوزرلرینه
کلان عساکر عثمانیه یه طرف طرف مقاومت ایلیه رک
ایشی کیتدیکجه مشکلاته صاردریدیلر .

اوزمانلر تپه دنلی علی پاشا هنوز ایلك مقدمه
اجتهادنده اوله رق ترحاله والیسی بولنوب روملرک شو
عصیانی منع ایده جک اقتدار ایسه انجق کندیسنده

کورلمش اولدیغندن یانیه والیلکی مشارالیهک عهده -
 سنه توجیه اولمش و بناء علیه علی پاشا دخی کلیتلی
 ارناوت عسکریه صولیوتلری تضییقه باشلامش ایدی
 انجق صولیوتلر یونانستانک استرداد استقلاللی غیرتدن
 زیاده کندی غیرت قومیه لری جهتیه علی پاشانک
 تضییقات واقعه سندن بالتوحش صوک درجه یه قدر
 مقاومتی کوزه الیدر دیر . بناء علیه ۱۷۹۰ سنه سنده
 علی پاشانک بونلر اوزرینه کوندرمش اولدیغی قوه
 عسکریه یی بر مناسب محله قارشولیه رق حقیقه خو-
 نریزانه بر محاربه ایله رجعته مجبور ایلدیر .

صولیوتلرک اشبو غلبه لری بیاغی بر تأمین
 استقلال مقامنه قائم اولوب یونانستان ایه بو غلبه یی
 القشیر ایله عیوقه چیقارمش و طرف طرف تشکل ایلان
 اختلال قومیه لری عادتاً بر عصیان عمومی تهیاتنی اکاله
 باشلامش اولدیغندن علی پاشا مغلوبیت واقعه سی حجا-
 بدن زیاده بالاخره ایشک صرپه صارم سندن اورکه
 رک ارناوتلقجه قوتنی تزیددن ماعدا سردار لرینی یونا-
 نستان ایچنه دخی صالدره رق کافه نقاط مهمه یی
 اشغاله باشلامشیدی . بو صورتله صولیوتلرک سائر

طرفلر ايله التصاق و طريق مخبره سنی کسد کدن صکره
 ۱۷۹۲ سنه سنده بونلرک اوزرینه بر هجوم دها ایلدی
 بودفعه صولیو تلرک ارناوت عسکرینه کوستر دکلری
 مقاومت حقیقه عقلا ره حیرت ویره جک برشی ایدی .
 اولومی کوزلرینه الان وارتق اولوم دخی قیدلرنده
 بولنیمان سباع وحشیه کبی دیشیسی ارکیکی سلاح
 بدست مقاومت اوله رق فدای جان ایدنجیه قدر دو-
 کشورلر ایدی . نهایت غلبه علی پاشا عسکرنده قالدی
 ایسه ده صولیو تلرک مغلوبیتلری دخی علی پاشا نظرنده
 برغالبیت قدر حکم کوستر مرک بونلر علیه نه اصل
 غلبه صایله جق برشی وار ایسه اودخی کندیلرینک
 صولی طاغلرندن چیقارلملری قضیه سی اولدیغنی نظر
 دفته الدی . لیکن بومقصد دخی حصولی انواع مح-
 ذیری موجب اوله جق برشی ایدی . مع هذا اوزمانلر
 علی پاشا یانیه والیلکی صفتنی برنوع ارتاوتلق و یونا-
 نستان قرالغی صورتنه تحویل ایتیمکی دماغنه قویمش
 بولندیغندن برجهتجه بتون یونانستانکی کندی حکم
 ونفوذی التنه المغه غیرت ایلدیکی کبی دیگر جهتمدن
 دخی شو صولیو تلری محو ایدرک عالمه قارشو بر اثر

جلادت کوسترمک ایچون ۱۸۰۰ سنه سنده صولی
اوزرینه بر هجوم دها ترتیب ایلدی . بودفعه کی محاربه
اولکی مقاتلاتدن دها شدتلی اولوب تمام اوچ سنه
امتداد ایشدر . هربری برقانی درام تشکیلی ایچون
مدهش بر زمین تشکیل ایلیه جک اولان مصداقماندن
صکره نهایت صولیوتلر محو درجه سنه کله رک بقیه
السیوفی عرض تسلیمت کوسترمکه علی پاشا بونلرک
استیمانی انجق تبدیل مکان ایتک صورتیه قبول ایلدی
وعقد اولنان مقاوله موجبجه صولیوتلر دخی پارغه
طرفلینه هجرت ایتدیلر . آرشه فر اسمنده بر ماهر
رسام ارناوتلر ایله صولیوتلر اره سنده کی شوقانی وقو
عات اوزرینه بر لوحه رسم ایدرک بونده مقاتله واقعه
بی او قدر مدهش کوسترمشدر که لوحه مذکوره کند
یسنک مدار اشتہاری اولدقدن فضله یونانستان استقلال
لی تشویقه چالشانلر ایچون دخی بر مدار افساد اوله رق
بونک یوزلرجه نسخ مطبوعه سی اوروپانک هر طرفه
نشر ایدیلوب یونان عصیانی لهنده شفقت عمومیه بی
تخریکه مدار اتحاد قلمشدر .

علی پاشایه کلنجه : ارناوتلق و یونانستان طرفلر -

ینی کندی ادارهٔ مستقلمسی التمه المق عزمی بولند.
 بکه بولتهرك اوزمانلر ناپولیون یونپارتک ارناوتلق
 و خرواستان طرفلرینه سوق عسکر ایتسندن استفاده
 تحریسیله فرانسلره عرض خدمت وجیلهیه مسار.
 عت کوستردی ایسه ده بوصورتله باب عالینک خصو.
 متنی قازانه جغنی اکلا دیغی کبی فرانسلرک پولتیقه سی
 دخی عادتاً بر حرکت مجنونانه دن عبارت اولوب بالا.
 خره دولت علیه نك یدتأدیب وتنکیلنده یالکزقاله جغنی
 دوشونهرك و بریاندن دخی انگیرلرک تشویقات متقا.
 بله سندن بشقه امیدلره دوشهرك فرانسلردن دفعهٔ یوز
 چویرمش و باب عالییه کوندردیکی عریضه لر ایله مأ.
 مور ایلدیکی ادملر اوآنده بتون ارناوتلق و یونانستان
 علی پاشانک النده بولمغله بونلری دولت علیه عثمانیه.
 نك یداختیارینه تسلیم ایلدیکنی وشوقدرکه بوصره ده
 بریاندن فرانسلر و انگیرلر اوحوالیده حرکات عسکر.
 یه اجرا و اعمال نفوذ ایلدکلری کبی روسلر دخی روملری
 بر عصیان عمومییه تشویق اللمکده بولندقلرندن اکر
 النده بولنان ولایتلر کندیسنده ابقا ایدیله جک اولور.
 سه بوتلمکله لرك جله سنی بر طرف ایده ییله جکنی باب

عالی به تأمین ایلدی • بناء علی ذلک همان برخدیو یته
مخصوص اولان استقلال ایله حوالی مذکور هی کاملاً
علی پاشانک تحت اداره سنده بر اقدیلر •

حکم اولنه بیلور که یونانستانک نائل استقلال او-
لسنه جله دن زیاده سببیت کوستر مش اولان تپه دلنلی
علی پاشا اولشدر • زیراقوه قاهره سیله بتون یونانستان-
نی زیر ضبط واستیلا سنه الدیغنی زمان بتون بتون
اعلان استقلال ایتسی ایچون روملری تحت مقهور یتده
بولندیر میوب بالعکس توجهلرینی قازانمق لازم اولدیغنی
دریش ایلیرک پیدا ایلدیکی وسائط ایله روملرک دما-
غنده کی سودای استقلال برقات دها قوتلندیر مش وشو
قدر که بونلرک ارزو ایلد کیری استقلال انحق ارناوتلرله
اتحاد صورتنده حصوله کله جکنی وذاتاً صولیوتلر
مثلو یونانستانک استقلالنه ال زیاده غیرت ایلش اولان
اهالی دخی هب ارناود بولندیغنی واکر کنیدیسی
حکمدار انتخاب ایدیلر جک اولور ایسه مقصود اولان
استقلال همان الده بولندیغنی تأمین باشلامش ایدی •
دیگر جهتن ایسه کرک ظماً کرک جبراً اهالیدن
تحصیل ایلدیکی اموال ایله او قدر خزینهلر جمع ایلش

ایدی که هر نه زمان مراد ایلر ایسه عظیم براردو ایله
سند لرجه محاربه ایده بیه جک اقتداری حاصل ایتش
ایدی .

علی پاشانک بو حالی استانبولی عظیم براندیشه یه
دوچار ایلدیکی کبی پاشو بک نامنده برارناود نصلمسه
علی پاشانک مظلومی اوله رق همان اعدام ایدنک
اوزره ایکن در سعادته جان آتمش اولدیفندن اودخی
تپه دلنلینک تپه سی دلنه جک برعاصی بر تمحکم اولدیغنی
رجال دولته کوزجه اکلاته رق هله علی پاشا مرقوم
پاشو بکی اولدورتمک ایچون استانبوله ایکی نفر سوء
قصدجی کوندر می و بونلر یاقه یی اله ویردکلری زمان
هرشیئی اعتراف ایتش بولنمی اوزرینه ارتق علی
پاشانک یشامسی مضر کورلمش و بناء علیه قتلنه فرمان
صادر اولمش ایدی .

علی پاشا بو حالی حس ایدر ایتز یونانستانجه پیما
ایلدیکی طرفدارلری واسطه سیمه عموم روملره سلاح
طاغتمق وانلردن دخی عظیم براردو تشکیل ایتک
تشبثاته قیام ایلدیه ده اعدامی فرمانی حامل اولان
خورشید پاشا بک عاقل طوزانه رق کویا علی پاشا

ایله بر ملاقات و مذاکره ایده جکی وسیله سیله مرقومی
بر قایق دلاورک دانه مهارتنه هدف ایتدیرمش و ۱۸۲۲
سنه سنه سیله پاشا مقتولاً وفات ایدنجه تصمیمات استقلال
جویانه سی دخی نتیجه سز قالمشدر *

(اوچنجی فصل)

موره عصیان عمومی

عن ۱۸۲۱ الی ۱۸۳۰

تفصیل - بر یاندن تپه دلیلی علی پاشا کندیسی
دولتک حشمتدن قور تارمغه چالشمق ومع هذا خورشید
پاشانک تدبیری ایله مقتول دوشمک اوزره اولسون دیگر
جهتده بتون موره روملی تپه دلیلی علی پاشا طرفندن
وقوعبولان تشویق ایله عمومی بر عصیان قیام ایلشدر
ایسه ده بو عصیان علی پاشانک اولجه ظن ایتیش اولد
یفی اوزره ارناودلق و یونانستانی کندی اداره مستقله
سی التنده برقراللق صورتده افراغ ایچون اولیوب
بلکه یونانستانک استقلالی مقصدینه مبتنی ایدی * مع
هذا کرک روملر و کرک اوروپا جهه بونلرک دعواسنی
الترام ایدن انکلتزه و فرانسه و روسیه کی دولتر مجرد
یونانستانک برقراللق اونسنی ایستیمورنر ایدی * بلکه

ذاتاً دولت علیه نك ادارهٔ عمومیه سینه مقابل بر نوع
مختاریت اداره یه مالك ديمك اولان روملر ایچون او-
تونومی یعنی ادارهٔ مختاره اعطاسندن وکندی اوزر-
لرینه بر خرستیان والی تعیینندن عبارت برادما ایله شو
عصیان میداننه چیقمش ایدی . انجق باب عالی بر تپه
دللی علی پاشانك تحت اطاعتنه المغه موفق اولدیغی
موره یی قوجه بر دولت علیه نك بهمه حال تسکین ایده -
بیله جکی حسابیله بودعوالری تسلیم ایتیوب موره او-
زیرینه عسکر کوندر مکه باشلادی .

اگر دولت علیه اوزمانلر شدید و مدیدروسیه محار
باتی بقیهٔ تعبی ایله غایت یورغون بولمسه ایدی واقعا
بر موره عصیاننی بر طرف ایلک ایشدن بیله عد او انمز
ایدی . انجق محاربات خارجییه یورغلغنه برده داخلا
بر چوق ولایتلرده بر چوق تورودیلر ظهوری و بوکا
مقابل یونانستانك هر طرفدن همده علناً حمایت و معاونت
کورمی عصیانك اوزاد قجه اوزامسینه سبب اولمشدر
موره عصیاننی تمام طقوزسینه دوام ایدرك قولو -
ترونیس و مارقو بوچاریس و میولیس و ماورو قورداتو
و ماورو میخالی و قوسطنطنین قناریس کبی رؤساگاه

تکلیل اولمق وکاهینه باش قالدیرمق اوزره عصیانی
ادامه ایدر لر ایدی . واقعا یونانیلرک بعض مصادات
واقعه ده کوستردکری غیرت لر اصلا قابل انکار
اوله میوب از جمله میسولونکی نام قصبه نکه مدافعه سنده
اولانجه قوتلرینی صوک درجه لره قدر صرف ایلد کدن
صکره جبخانه یه آتش ویره رک بر هوا ایتش بولملری
دخی مایوسانه قهرمانلقلرینک باشلیجه لرندن در . انجق
بونلر عصیانده نه قدر ثبات و متانت کوستردیلر ایسه
حکومت سینه دخی اسباب تکلیله ده او قدر اقتدار
کوستردرک بر آره لق اولمشیدی که یونانستان کاملا اطاع
عت التنه کیرمش ایدی . انجق میسولونکی وقعه سی
اوروپاچه بتون غیرت خرسیتیانه اربابی هیچانه کتو-
ره رک شو بیچاره روملرک همه حال ایدی عثمانیاندن
قوتارلمسی بتون افکار عمومیه طرفندن رأی ایدلمکه
باشلاندیغندن ۱۸۲۸ سنه سنده فرانسه وانگلتره ورو-
سیه نکه مختلط دونماسی یونانیلرک مطالبنی عینا و صرا-
حه التزام صورتیله ناوارین لیمانه کله رک بر نمایش
اجرا ایلد کارندن مذکور لیمانده بولنان دونمای همایون
دخی عثمانلی صولرینه کیرمکه هیچ بر حق اولیمان

بواجبی ہونا اور نہ دانہ مدافعی ایصالہ باشلا۔
 مش وایش بر صورت بد اولنان محار بہ دہ دونمای
 ہمایون یانوب محو اولمشر ۔

ایش و درجہ دین بولسد قدن یعنی بر مورہ عصیان
 مسئلہ برستہ عومیہ دولہ رنگنی الدقدن صکرہ
 دخی دولت علیہ ثانیہ مورہ اوزرندہ کی حقوق
 حکمرانیسی محافظہ و عصائی تنکیل غیر تنہ فتور
 کتور ماش ابمدہ دول معظمہ و بانخاصہ فرانہ
 دولتی حق زلف صوٹ درجہ سنہ قدر وار مق صور ۔
 تیلہ « اورو پا افکار عومیہ سی مورہ دہ بولنان خرسٹیا ۔
 نلرک محویندرضا کوسترہ میور ۔ بز دخی افکار عومیہ نک
 حسیاتہ تطبیق معاملہ یہ مجبورز « دیہ مورہ یہ عسکر
 سوقنہ قدر وار مغلہ دولت علیہ بویلہ بتون اورو پایہ
 قارشو مخالفتہ مقدر اولہ میہرق اورو پانک الی نہایہ
 بر نمونہ حق شکنانہ سی اولان یونان استقلالنہ رضا
 کوستر مکہ مجبور اولمشر ۔

ایمانی یونان یارک کندی غلبہ مخصوصہ لری ثمرہ سی
 اولہرق دکل مجرد اورو پانک آپیقنہ آچیفہ مداخلہ
 مسلحہ سی ثمرہ سی اولق اوزرد یونانستان جدیدک

قبول و اعلان استقلال ۱۸۳۰ سندسی شہادتک او چنجی
کونی وقوعہ کلمشدر کہ اوزماندیری یونانستان اورو یا
حکومات قرالیہ سی عدادینہ داخل اولمشدر .

(دردنجی فصل)

احوال اخیرہ

عن ۱۸۳۰ الی ۰۰۰۰

تفصیل - یونانستانک اعلان استقلالیہ اورایہ
برقرال نصب اولنجه یہ قدر کذران ایلیان ایکی سہنہ
ظرفندہ یونان مسئلہ سی بتون عقلایی کولدی رہجک
برمسئلہ اولمق صورتیلہ اورو پایی علی العموم اکندیر -
مشیدی . یونان استقلالی مجرد دول معظمہ نک مداخلہ -
سی سایہ سندہ حصولہ کلمش بولندیغی حالہ پالیقاریہ لر
بومتدارلقدن اوتانہ رق عادتا اورو یا مداخلہ سی قبول
ایلمش اولدقلرینہ ندامت کوستر مکہ قالشمسونلرمی ؟
بوندامت مجرد یونانستانہ براحنی پرنسک قرال
اولمامسی دعواسی صورتندہ کندیسنی میدانہ قویمش
ایدی . اورو پا ایسہ یونانیلرک کندیلری میانندہ
قبولہ شایان بر پرنس بولنہ میہ چغندن بہمہ حال
اورو پالی بر پرنسک یونانستانہ قرال اولمسی رأیندہ

بالا صرار مؤخرأً بلچیقراقالی اولان ساقس قو بورغ
پرنسینه یونانستان قراللغنی تکلیف ایلیش ایسه ده پرنس
موحی الیه بویله بتون اورو پا خاندان حکمرانیلری
میاننده اکنجه اولان بر صندالیء حکومتی قبول ایتماش
ایدی .

نهایت باو یراقرالنک هنوز صبی بولنان ایکنجی
اوغلی اوتون ۱۸۳۲ سنه سی مارتک یدنجی کونی قرال
انتخاب اولمش ایسه ده بواتنخابه دخی یونانیلرک قسم
کلیسی اعتراض و مخالفت ایدرک مطلبقاراجنبی پرنسی
قبول ایتماک دعواسنده اصرار کوستر مشلر ایدی .
۱۸۳۵ سنه سنده بلوغی اعلان اولنان بیچاره اوتون
۱۸۶۲ سنه سنه قدر حکومت سوره بیلیش ایسه ده ارتق
بو حکومت دخی بر نوع او یونجاقدن بشقه برشی دکل
ایدی . یونانیلر هر نه دیرلر ایسه قبوله مجبور اولوب
حتی کنسیدی معیتنده باو یرادن کلش اولان باو یرالی
مأمورلری فلانلری کافه طرده مجبوریت کورمش
واتنده عادتاً مسافرکی بر صورتله اوتور مقده بولنمش
ایدی .

یونانیلر ایسه بیچاره نك شو یله مسافرت صورتیله

اقامتند دخی بر درلو راضی اوله مدیلر . ذکر اولنان
 ۱۸۶۲ سنه سنده اتنه ده اجتماع ایلان بر جمعیت عصیانیه
 بیچاره اوتونی مملکتدن قاچرتمش ایدی . انجق اوروپا
 ینه اریه کیره رک یونانیلر میاننده حکومت جمهوریه
 و یا خود کندیلرندن بر پرنس انتخابی کبی آمال مشوشه
 ار بابنی تکدیر ایله بو کره دخی دانیمارقه پرنسلرندن
 جورجی انتخاب اولندی و برنجی عنوانیه یونانستانه
 کتورلدی . بو پرنسک اوغلی وولی عهدی روم
 اورتودوکس مذهبنده و یونان ملیتی داخلنده تربیه
 ایدلک شرائط انتخابیه سی جله سندن در .

یونانیلر ابتدا استقلاللرینی استرداد ایچون ایدیلان
 تشویقات قلیه اوزرینه کندیلرینی حقیقه هر کونلرک
 آشیلرک اخفادی برالای قهرمان عد ایدرک اسکندر
 کبرک تأسیس ایلش اولدیغی حکومت جهانگیرانه مثالو
 بر حکومتی دخی کندیلری تجدیداً احیا ایده بیلکی بر مقصد
 مخصوص ملی اتحاد ایلشدر . بناء علیه ایلک استقلال
 لرندنبیری ممالک شاهانه دن اهالیسی روم اولان ولایتلرده
 انواع افساد اتدن خالی قالدق لری جهتله قرالری بولنان
 اوتونک خلعی و شمدیکی قرالری بولنان جورجینک

جلبی کبی آنار موقتیتلرندن بر قاتدها جرأتلری آرتمش
و بناء علیه کرید جزیرمی اهانسی عصبیانه تشویق
ایلیه رک بر یاندن دخی کنسیدیلری معاوتله ایشی ایچمه
علولند یروب حتی بر قاچ اورو یا دولتنک معاوت ماده
ومعنویه لرینه ده نائل اولمق درجدرینه کیش ایکن
عثمانلی دونمسی یونان سواحلنه سوق اولنور اولمز
عقللری باشلرندن کیش و کریدار باب عصبیانه معاوت
سوقنه مأمور اولان ارقادی اسمنده برواپورلری دخی
بر عثمانلی واپوری طرفندن هجومه دوچار اوله رق اخذ
و گرفت قلمش اولنمی اوزرینه کرید حقه دی املاری
حصوله کله مامش ایدی . اندن صکره یانیه ویکی شهر
طرفلرینه بر چوق حیدود فرقه لری سوقیله برایش
چیقارمغه چالشدقلری صره ده عثمانلی و روسیه محاربه
سی ظهور ایدرک کویا یونانلیلر دخی دولت علیه یه
اعلان حربه حاضر لشمش ایه ده حدود یونانیه اوزرنده
یونان اردونک هیبتی یونلری یولرندن قلده انه مامغه
مجبور ایشیدی . حالبوکه روسیه و عثمانلی محاربه سندن
صکره برلینده تشکل ایدن برقونغر کویا یونانیلرک
دولت علیه یه اعلان حرب ایتامش اولمسی دول
معظمه دن بعضیلری طرفندن ویریلان نصیحت ثمره سی

اوله رق بو حالده دولت علیه نك يونانه بر مقدار ير
ویرمسی لازم کله جکني رأى ایتسیله یونانیلر سونجیلر -
ندن چلدیرمق درجه سنی بولش و فقط دولت علیه نك
مجرد اوروپا خاطرینه رعایه و یرمك ایستدیگی یرلره
اكتفایه یاناشمیوب کندی ملكرینك ایکی بچق مثلنه
مساوی محالری ضبط داعیه سنه قیام ایلشردر.

بونك اوزرینه برچوق مخابره و منازعه دوام
ایلد کدن صکره برلینده برده قونفرانس تشکل ایدرك
واقعا یونانستانك بر مثلدن متجاوز محالری ترك ایتك
لازم کله جکني جفوالقلم حکم ایلش ایسه ده دولت
علیه عثمانیه اول مقدار اراضی بی ویرمامك امرنده
اصرار ایلده رك نهایت یونان ابله برائتلاف حصوله
کمش و یکی شهر و یانیه طرفلرندن بر مقدار اراضینك
یونانه ترکیله ایشرتوریلوب بو صورتله حدود یونانیه
برازدها توسع ایلشدر.

(افاده عمومی)

یونان قدیم ملتك علوم شتایی عادتایکیدن و یاخود
مصر و فنیکه و کلدانیه دن کلان بعض اساس فنونی
تجدید و توسیعاً میدانه قویه رق بنی بشرک ترقیات
مدنیه سنی استحصال خصوص مننده کی خدمتی اصلا انکار

اولنه من • مدنیت دائره سینه کیرمش اولان ملتک
کافه سی یونانیلری استاد اول اولق اوزره قبوله مجبور
اولوب حتی لاتین ملیتنه منسوب اولان رومالیلر
ومؤخرأ عربلر والک صکره اوروپالیلر کندیلرینی بوملت
قدیمه نك شا کردی عد ایتکه افتخار ایلشیر وانلردن
الدقیری درجه علمی توسیعه همت بیورمشلردر •

انجق شمدیکی یونانیلری انلرک اخفادی عد ایتک
محال اندر محال اولوب یونانیلر هر نه قدر بودعواده
بولنه جق اولسه لودعوالرنده نه قدر اصرار ایلسه لر
اوقدر عناد وجهالتلری آثارینی میدانه قویمش
اولورلر • بر کره آثار قدیمه ده کوریلان یونان قدیم
چهره سی شمدیکی یونانیلر ده یوقدر • چهره لره نظراً
تعین ملیت مسئله سی الیوم اوقدر مهم برشیدر که
هانکی ملتک هانکیلرینه منسوب اولدیغنی تعیننده
اکثر یا بومسئلهیه مراجعت ایلرلر • حالبوکه اسکی
یونانیلر برارهلق ما کدونیا لیلره مغلوب اوله رق بونلر
ایسه پکده رد اولنه میه جق اقواله کوره ارنات
اولدقیری کبی برارهلق دخی رومالیلره محکوم اوله رق
شو حالده عرقلرینه ایکی دفعه اجنبی قانی قارشمش ایدی •
اوچنبی درجه ده اوله رق اسلاولر بونلرله اختلاط

ایمش بولندیغی کبی الک صکره دخی اوروپا اهل صلیبی
ایله عثمانیلر بولمه آز چوق قارشمشدرلر . بناء علیه
یکی یونانیلر اسکی یونانیلردن بالکلیه بشقه و ملز بر ملتدرلر .
حتی لسانجه دخی اسکی یونانیلرک یکیلردن او قدر
فرقی واردر که الیوم « اله نیقا » دینلان یونان قدیم
لسانی اولور اولمز ادبای روم بیله اکلایه مزلر .
بولسان قدیمک بعض بقیه سنه بر چوق الفاظ جدیده نك
الحاقیله حصوله کلان یکی روجه ایسه روملرک یونان
قدیم اولادی اولدقلرینه دلالت ایده مز . ذاتاً یونان
قدیم لسانی کبی اساسلی اولان والسنة جدیده نك بیله
مادری عد اولنه بیلان برلسانک بالکلیه محو اولسی
همان قابل اوله میوب اولسانک حکم سور دیکی محالره
صکره دن کلان اهلینک دخی آز چوق لسان مذکوره
مغلوب وانکله متکلم اولسی ضروریدر .
ایمدی رومالیره محکوم اولدقدن صکره ارتق
یونانستان تاریخنه خاتمه چکمک الک مناسب یول اولدی
ایسه ده مورخلر شرق ایمپراطورلغی نسبت ایده جمک
دها مناسب بر طرف بوله مدقلری ایچون مذکور
ایمپراطورلغی دولت یونانیه نك بقیه متمادیه سی کبی
بر صورتده تلقی ایتشدر . یوقسه اصل یونانستان

قدیم عد اولنان ممالک شرق ایمپراطورلغناک انجق
برخس غریبسنی تشکیل ایدہ بیلوروسا اقسامی ایسه
ارناود بلغار لازوسا بعض آسیا اقوامندن عبارت
بولنور ایدی .

دولت علیہ عثمانیہ ده اکر محو ملیت و قومیت
پولتیقه سی اولسه ایدی روملغناک بالکلیه محو اوله رق
اسملری بیلہ قالمیہ جغنه شبهه ایدلز ایدی . زیر اعثمانیلر
بومحلا ره کلدکاری زمان ذاتا روملق محو اولق اوزره
بولنوب اسلاولق ایله لاتینلاک بونلرک یرلرینی طوتمقده
ایدیلر . فقط دولت علیہ عثمانیہ شرق کلیساسی دیمک
اولان روم پطریقہ کنی محافظه ایله روم قومنه امتیا
زات واسعه احسان پیورمش وحتی فنار محله سی
عادتا باز آمپیرک برمحله سی حکمنی الهرق بقا بولشدر .
بوندن ماعدا دولت علیہ عثمانیہ یونانستانی ترکشدر
مکه هیچ غیرت ایتیه رک بالعکس روملرک محافظه قو
میتلرینه مدار اولان جمعیتلرینی مختار بر اقدیغی کبی فنارلی
روملری دخی کندی خدمت سیاسیه سنده قوللانده
یغندن ایشته بوصورتله روملر محو اولدقدن بشقه
بالعکس بلغارلرک اسلاولغی همان اونوتلق درجه لرینه
کله رک بیاغی روم عداولتمغه تقرب ایشلردر .

ایمدی قومیتلری بوسورتله محافظه ایدیلان
برخلقك حكومت غالبه لرنده قوت ضعفه یوز طوته -
یعنی متعاقب برارده تشویقات خارجیه کورمسی اوزر -
ینه استرداد استقلال دعوالر ینه قیام ایتلمی طبیعی
اولور .

شمدیکی روملره کلنجه بونلر غایت ذکی و چالشقان
آدملر اولوب جیت ملیه غیرت و وطنیه لری دخی پك
زیاده ایسه ده هر خصوصجه افراط و تقریطك کولنج
اوله جغی کبی یونانیلرک دخی دائماً یا افراطه و یا خود
تقریطه قدر وارملری کندیلرینی جدی و اغر باشلی
آدملر اولمق اوزره تلقیسنی منع ایلر .

بعض عقلا شرقده عثمانیلرک زوانده مقابل شر -
قك روملر النده اداره اولنه بیله جکنی تخیل ایدرلر
ایسه ده موازنه مللده روملرک عثمانیلره قائم مقام
اوله بیللر ینه عادتاً هیچ امکان یوقدر . بر کره بوملت
مزیت عسکریه سنی بالکلیه غیب ایتمش اولوب واقعا
صولیوتلر و مانیوتلر کبی بعض طائفه لرینک منا -
عت محلیه لرندن نشأت ایلیان قهرمانلقلری منکر دکل
ایسه ده او قهرمانلق ینه کندی محللارنده ممکن اوله -
بیلوب یالکز حیدودلغه یارار . یوقسه ترک و روس

و فرانسز ملتري کي يونانيلرک بر ملت عسکريه اوله بيللري
 حقيقه مستبعد اولوب بونلر اولسه اولسه که چيلکده
 و تجارتده يولک بهرلر پيدا ايده بيلورلر . ذاتاً مقدارلري .
 ده اقوام سائرۀ شرقيه يه نظراً جله سندن دخی آذر .
 يونانيلر مياننده علوم و فنون جديده ايجده منتشر
 اولمش ايسه ده دهها زياده انتشار يني تعصب مليلري
 منع ايتکده در . بونلر کندی لسانلرندن ماعدا السنه
 تحصيلني عادتاکبر و غرورلرينه منافي کوره رک
 دنيا ده بر لسان وار ايسه او دخی روم لسانی اولديغنه
 و روم لسانی بيلن بر آدم ايچون السنه سائرۀ او کر نمک
 عيب صاييله جغنه قانع اولورلر . علوم و فنون لسا .
 نلرنده بر چوق تعبيراتک اسکی يونانجه دن اخذ و اقتبا .
 س ايدلمکده اولمسی بونلرک تزايد کبرلرينه يارديم
 ايدلمکده در . واقعاً تعصبک بودرجه سنه بر شی
 دينليه بيلور ايسه ده اوروپا لسانلرينک اليوم حاوی
 اولدقلري کتب فنيه يه نظراً شمديکي يکي يونانيلرک
 کتبخانهلري عادتاً بوم بوش عد اولنه جغندن يونانيلر
 بو تعصبلرينه نهايت و یرميه جک اولورلر ايسه حقيقه
 شمديکي درجه لرندن زياده ترقی ايده منزل .

❀ فهرست ❀


صحیفہ ،


مقدمہ	۲
اجال احوال جغرافیہ	۴
تقسیمات تاریخیہ	۱۲
(برنجی باب) یونانستان قدیمک دوراولی	
برنجی فصل - ابتدای تاریخ یونانستان	۱۷
ایکنجی فصل - تروامظفریت مشہورہ سنہ قدر	۲۰
اوچنجی فصل - مدیق محاربہ سنک ظہورینہ قدر	۳۱
دردنجی فصل - مدیق محاربہ سندن اسبا - رتلك اتہ بی استیلاسنہ قدر	۳۵
(بشنجی فصل) اسکندر کبرک ظہورینہ قدر	۴۰
(ایکنجی باب) یونانستان قدیم تاریخنک قسم ثانیسی	
برنجی فصل - اسکندر کبر	۴۴
ایکنجی فصل - آشہ نھن ہیئت اتحادیہ سی	۵۴
اوچنجی فصل - یونانک روما استیلاسی	۵۸
السنہ کیرمی	
(اوچنجی باب) شرق ایمپراطورلغی	
برنجی فصل - اسلاولرك استیلاسنہ قدر	۶۳


ایکنجی فصل - استانبولک اهل صلیب	
طرفدن فتحنه قدر	۷۰
اوچنجی فصل - لاتین ایپراطورلغی	۷۵
دردنجی فصل - استیلای عثمانی به قدر	۷۸
(دردنجی باب) یونانستان جدید	
برنجی فصل - یونانستانک ایلک تشبثات	۱۰۰
استقلالجویانه سی	
ایکنجی فصل - تپه دئللی علی پاشا	۱۰۴
اوچنجی فصل - موره عصیان عومیس	۱۱۳
دردنجی فصل - احوال اخیره	۱۱۷
افاده عومیه	۱۲۱

✽ اخطار ✽

اشبو یونانستان تاریخنک صحیفه نومرولی
 ۸۰ دن صکره ۹۷ به آتلامش ایسه ده سهو یالکز
 نومرولدن عبارت اولوب ۸۰ نومرولی صحیفه نک
 مصوک کله سی اولان « فلاکت » لفظ نک صفتی ۹۷
 نومرولی صحیفه نک ایلک سطر نده کی « فاجعه » لفظی
 اولغله مواد مندرجه ده اصلا یا کلاشلق اولدیغی
 اخطار قلنور *







3 1761 06981389 7

